




which

CONSTITVTI-
ONES SYNODO-
RVM, METROPOLITA-
NÆ ECCLESIAE GNESNEN-
sis, Prouincialium, tam vetustorum quàm
recentiorum, vsq; ad Annum Domini,
M. D. LXX VIII.

STVDIO ET OPERA
REVERENDISSIMI IN CHRISTO PA-
tris, Domini STANISLAI KARNKOVSKI, DEI
gratia Episcopi Wladislauiens & Pomeraniæ, colle-
ctæ, & ad præscriptum sacrosancti Concilii Tri-
dentini, & S. Sedis Apostolicæ, correctæ, &
in vnum volumen redactæ.



CRACOVIAE,
Andreas Petricouius impressit. Anno Do-
mini, 1579.



SERENISSIMO
PRINCIPI ET DOMINO,
DOMINO STEPHANO, DEI
GRATIA REGI POLONIAE.

Magno Duci Lituaniæ, Rursiæ, Prussiæ,
Masouiæ, Samogitiæ, Liuoniæ, Prin-
cipi Transyluaniæ, &c. Domino suo
clementissimo.

STANISLAUS KARNKOVSKI Episco-
pus Wladislauiensis: perpetuam exoptat felicitatem.



CHRISTVS IESVS DEI FILI-
us, Deus & ipse, cum Patre &
Spiritu Sancto vnus, genus hu-
manum morte sua de potestate
Diaboli, & à sempiterno interi-
tu vindicatum, in vnã contracturus Rempu-
blicam (quam Ecclesiam appellauit) relinquens
mundum & ad Patrem rediens, dedit ei (Eccle-
siæ inquam) moderatores: quosdam quidem A-
postolos, vt Diui Pauli verbis vtat, quosdam au-
tem Prophetas, alios verò Euangelistas, alios
autem Pastores & Doctores, ad consummati-
onem Sanctorum. &c. Non qui simul omnes tan-
tæ, ac tam longè lateq; per totum orbem terra-
rum diffundendæ multitudinis curam gererent,
(ij sed qui

E P I S T O L A

sed qui suis quisque præessent cœtibus. Vnum tamen omnibus iis præfecit PETRUM, cui non solum oues, verumetiam agnos commendauit: Per agnos, ductores & Præsides, per oues verò, cæteram hominum multitudinem significans. Cum enim etiam ipsos ductores in toto mundo permultos esse oporteret, & ii verò homines futuri essent, à quibus nihil humani, ut ait Pòeta quidam, alienum esset, vnius autoritate illam quoque ductorum & præsidum multitudinem gubernari, & in vnitatem, concordiam, & officio, sapientissimus legislator, ipsaque adeò DEI virtus & DEI sapientia contineri voluit, à quo cæteri omnes in suo quisque ordine dependerent. Quod quidem magis etiam necessarium futurum erat deinceps, post prima illa & puriora Sanctorum Apostolorum, euidentius & luculentius Spiritus sancti gratia & illustratione gubernatorum, tempora. Proinde etiamnum vniuersæ Ecclesiæ præsunt per loca Pastores, Doctores, Episcopi, Archiepiscopi, Primates, & Patriarchæ, in suam quisque partem sollicitudinis vocati. Iis verò omnibus vnus præest successor Petri summus Romanus Pontifex, per tot secula, quibus stetit statque Ecclesia, quasi clauum naui tenens, & remigibus aliisque sociis moderans, nec quicquam frementibus & aduersantibus portis inferorum.

Nec ta-

DEDICATORIA.

Nec tamen is dedignatur eorum, quibus præest, consiliis in tam ampla ac difficili administratione uti. Hinc sane extiterunt iam inde ab Apostolorum temporibus Concilia: quæ Græci vocant Synodos, à conuentu. Ad eas enim conuenire supramemorati Pastores & Doctores, & de quibuslibet rebus difficilioribus, ad summam rerū & ordinem publicum pertinentibus, in medium consulere solent. Eæ verò sunt duplices: Vniuersales quidem, quæ vniuersos complectuntur nominis Christiani Episcopos, & iis superiores Antistites. In iis de ratione fidei & religionis, & grauissimis quibusq; negociis, ad vniuersam Ecclesiam pertinentibus, tractatur & statuitur, ipso Pontifice Max: eas conuocante, & per seipsum vel per Legatos suos iis moderante. Aliæ verò sunt particulares: Quoniam enim valde operosum est, nec prorsus caret periculo, cunctos ex toto orbe terrarum Episcopos in vnum locum cogi, & offerunt sese negocia leuiora, non ad vniuersam Ecclesiam, sed ad partem vel partes eius aliquas pertinentia, ad ea pertractanda ac definienda nonnulla Ecclesiasticorum pars conuocari & conuenire solet. Eæ verò particulares, nimirum Synodi, & ipsæ duplices sunt: nempe Prouinciales ac Diocesane. Atq; has quilibet Episcopus in sua Diocesi, cum subiectis sibi ordi-

E P I S T O L A

bus Ecclesiasticis, illas verò Archiepiscopus, siue Metropolitanus, siue Primas, siue Patriarcha, cum suæ Prouinciæ Episcopis, & aliis ordinibus instituit & peragit. Habet enim quilibet Archiepiscopus ex Apostolicis institutis suam Prouinciam, cui præest, aliquot Episcopis constantem, certisq; limitibus definitam. Primas verò & Patriarcha ampliorem, Archiepiscopos etiã complectentem. Solet tamen particularibus hisce Synodis adhiberi Legatus seu Nuncius Pontificis Maximi, & sedis Apostolicæ vt vocant, si quis est in Prouincia, maioris authoritatis gratia. Cum autem ad has cuiusq; modi Synodos cuncti Sacerdotes (Sacerdotum verò nomine completor vniuersum sacrum & Ecclesiasticum ordinem) commodè conuenire nequeant, & infirma sit hominum memoria, conscribuntur earum decreta & constitutiones, & in publicum eduntur, quò cum ad absentium tum ad posterorum notitiam perueniant, & ab iis perpetuò pro cuiusq; conditione & modulo obseruentur. Tales igitur Constitutiones cum essent non paucæ in nostra Polonia, à superiorum temporum Archiepiscopis Gnesneñ, accedentibus etiam Leopoliensium calculis, in Prouincialibus Synodis, ad vsum, ingenium, mores, & rationes vniuersi Regni, accommodatè conditæ & conscriptæ, & propter iniuri-

DEDICATORIA.

iniuriam temporum, aut Episcoporum fortasse negligentiam vix iam vsquam extarent, ediautem eas, quæ ante duos annos Petricouiæ conditæ sunt, operæ precium esset: desumpsi mihi pietatis ergò cum laborem, vt priores quoq; & vetustas vndiq; conquererem, simulq; cum recentioribus edi curarem, ad præscriptum S. S. generalis Tridentini Concilii, & iudicio S. Sedis Apostolicæ modificatas & castigatas. Tuæ verò M^{ajestati}, laudatissime Rex, potissimum opus hoc dedicare nobis visum est: qui non modò in corruptis fortissimorū Vngarorum reliquiis solus ferè integer Ecclesiæ Catholicæ & orthodoxæ genuinus filius permanes, Transylvaniamq; tuam ad gremium eiusdem Ecclesiæ reducere etiamnum satagis: verum etiam ad hoc Regnum, non tam nostra electione & humanis consiliis, quàm diuina prouidentia salutariter his terris atq; populis prospiciente, euocatus, cum Rempub: sapienter, magna animi moderatione & sceleriter administras, tum religionis eiusdem & Ecclesiæ vindicem te profiteris, & quoad fieri commodè potest re ipsa præstas. Quod cum facere studes, has tibi Constitutiones, quoad per alias occupationes Regias licet, notas esse conuenit, quò earum executionem pro virili parte tua prouehas, Clerumq; huius Regni, & sociarum eius Prouinciarum

EPISTOLÆ DEDIC.

rum omnem, vnā cum templis & Ecclesiis, sub
 vmbra alarum tuarum (vt sacrae scripturae ver-
 bis vtar) protegas, & ab hæreticorum & impo-
 tentium aliorum hominum iniuriis, vi, dolisq̃
 tuearis. Quodquidem vel inprimis ad officium
 Regis pertinet, Dei namq̃ ministri sunt Reges,
 Ecclesiæq̃ eius nutricii: non tam vt ipsi de reli-
 gione quicquam statuant, sed vt constitutorum
 ab iis, quorum id munus est, executionem præ-
 stent. Quo diligenter curando, sit diuina ope,
 vt cæteræ eorum actiones publicæ & priuatæ
 prosperentur, neglecto verò vt in præceps ruāt.
 Quod equidem plurimis exemplis ē sacra scri-
 ptura, & e Christianorum atq̃ adeò Ethnicorum
 quoq̃ Regnorum historiis petitis comprobare,
 si opus esset, & si pateretur præsens negotiorum
 Maiestatis tuæ status, possem. Cæterum, finem
 præfationis faciens, opus hoc & obsequium me-
 um additissimum Maiestati tuæ Regiæ re-
 uerenter etiam atq̃ etiam commendo.

Datum VVladislauix Calendis Iunii.

Anno Domini, 1579.

Literæ

LITERAE PONTIFICIS
MAX: AD SERENISSIMUM
POLONIAE REGEM.

CHARISSIMO in Christo filio nostro STEPHANO
Poloniae Regi illustri.

GREGORIUS PAPA XIII.

CHARISSIME IN CHRISTO FILI
noster : Salutem & Apostolicam benedictionem.
Reddidit nobis literas Matris tuae dilectus filius Iacobus
Canonicus Posnaniensis : cumque his Acta Synodi Prouincia,
lis. Incredibiliter laetati sumus : sic enim cognouimus fuisse
sanctissimo iurciurando admissa Decreta & Canones SS.
Concilii Tridentini. Considerauimus etiam diligentissime
caetera eiusdem Synodi Acta, vidimusque omnia fuisse pie sa-
pienterque decreta. Est igitur quod vniuersè gratulemur isti
Regno : his enim duobus quasi fundamentis, fidei nimirum
sinceritate, & Ecclesiasticæ disciplinæ integritate, nititur Re-
gnorum omnium & Rerumpub. salus : quibus sublati, nullæ
planè sunt humani ingenii & consilii vires. Gratulamur etiã
Matrī tuæ : habes enim in literis Episcoporum, & Cleri v-
niuersi, eidem Iacobo ad nos datis, præclarum testimoniū
pietatis, studii, diligentiae, in tam præstanti tamque Deo acce-
pto negotio conficiendo. Quod igitur restat, Deo primū
gratias agamus, tum nitamur omni studio, vt tam salutaria
Decreta inuiolatè seruentur. Quod nos quidem curabimus
quantū poterimus : tuum quoque erit quicquid poteris auxi-
lii atque opis conferre : ac meminisse præclaræ illius Augusti-
ni sententiæ : Felices Principes esse dicimus, si suam pote-
statem ad Dei cultū maximè dilatandū Matrī eius famulam
faciunt. Posse te plurimū omnes intelligunt, velle dubi-
tat nemo : optima igitur omnia expectanda sunt. Postula-
tionibus Cleri, quantum quidem in nobis erit, satisfac-
cimus,

ciemus, intelligetq; Mtās tua commendationem tuam plurimum apud nos valuisse. Cetera ex Nuncio nostro cognoscer, eiq; fidem tribuet. Datum Romæ apud S. Petrum, sub annulo Piscatoris, die xxix Decembris. M. D. LXX viij. Pontificatus nostri, anno sexto.

EXECVTORES HO-
RVM STATVTORVM
A S. SEDE APOSTOLICA
DELEGATI.

Dilecto filio nostro & Apostolicæ Sedis in Regno Polonia Nuncio, ac Venerabilibus fratribus, Archiepiscopo Gnesnē, & Episcopo Cracouiē, nunc & pro tempore existentibus, & eorum cuilibet.

GREGORIUS PAPA XIII.

DILECTE FILI, ET VENERABILES fratres: Salutem & Apostolicam benedictionem. Cum anno superiore Synodus Prouincialis Gnesnē, adiuuante Domino, celebrata fuerit, cuius Decreta ad nos missa legimus, & in congregatione Cardinalium S. S. Concilii Tridentini interpretum videri iussimus: quæ quidem ab eis diligenter considerata, nonnullisq; in locis aprata, postea Nuncio nostro in Regno Polonia remissa fuerunt: Et dilectus filius Iacobus Brzeznicus Canonicus Posnamē ab eadem Synodo, & à toto ipsius Regni Polonia Clero Internuncius ad nos missus, nobis humiliter supplicari fecit, vt exequutores Decretorum eiusdem Synodi, ne tam pius & salutaris labor depereat, constituere dignaremur. Nos petitionem hanc æquam & honestam esse censentes, huiusmodi supplicatiōibus inclinati, vos & vestram quemlibet executores Decretorum Synodi Prouincialis huiusmodi, autoritate Apostolica, tenore præsentium, facimus, con-

mus, constitulmus, & deputamus: Mandantes vobis, & vestrum cuilibet in virtute sanctæ obedientiæ, vt vos, vel duo, aut vnus vestrum, vbi, quando, & quoties opus fuerit, vel eritis requisiti, Decreta prædicta ab omnibus, ad quos spectat & spectare poterit quomodolibet in futurum, auctoritate nostra firmiter & inuiolabiliter obseruari curetis, & faciatis. Contradiçtores quoslibet & rebelles, ac parere recusantes, per pœnas vobis benè visas & etiam pecuniarias, arbitrio vestro declarandas & applicandas, ac demum per sententias & censuras Ecclesiasticas, aliaq; oportuna iuris & facti remedia, quacunq; appellatione remota, compescendo, legitimisq; super his habendis, seruatis processibus, sententias, censuras, & pœnas ipsas, etiam iteratis vicibus aggrauati, inuocato etiam ad hoc, si opus fuerit, auxilio brachii secularis. Non obstaui constitutionibus & ordinationibus Apostolicis, & quibuscunq; statutis & consuetudinibus, etiam iuramento, confirmatione Apostolica, vel quauis firmitate alia roboratis, Priuilegiis quoq; indultis, & literis Apostolicis, in contrarium forsan quomodolibet concessis & confirmatis. Quibus omnibus, coram tenores, ac si de verbo ad verbum infererentur, præsentibus pro sufficienter expressis habentes, illis alias in suo robore permanfuris, hac vice duntaxat, ad effectum præsentium specialiter & expressè derogamus, contrariis quibuscunq; seu si aliquibus communiter vel diuissim ab eadem sit Sede indultum, quòd interdicti, suspendi, vel excommunicari non possint, per literas Apostolicas, non facientes plenam & expressam, ac de verbo ad verbum de indulto huiusmodi mentionem. Datum Romæ apud S. Petrum sub annulo Piscatoris, die viii. Aprilis. Anno Domini, M. D. LXXVIII. Pontificatus nostri, Anno Sexto.

AD CLERVM DE CONSTITUTIONIBUS Synodalibus Parænesis.

Limosos primùm riuos purgare laborant
Agricolæ, fonti dein sociare suo.
Cum paulùm se fortè videt deerrasse viator,
Ad caput, vnde abiit, si sapit, vsq; redit.
Et nos in vita, vitam ducimus inertem?
Cœlestis nec nos seria cura subit?
Semper erit mundi nequam prudentia maior?
Et lucis nati, tam tenebrosa petent?
Ergo age, tempus adest nos iam consurgere tandem.
Et certa mundo dicere mente, Vale.
Hactenus in limo multorum vita iacebat,
Ac legum fontes muscus habebat iners.
Erratum longè à patribus, patriæq; decore,
Moribus antiquis nullus eratq; locus.
En redeunt fontes, riuos recreare parati,
Ecce caput veteris præcipuæq; viæ.
Leges, vitæ oculi: mundi lux maxima, leges:
Mens operum: sanctæ regula duxq; viæ.
His res dignata est sapiens vigilantia Patrum,
Ne nostra, vt cœpit, vita relapsa ruat.
Accendêre faces, noctis ne lubricus error
Occupet, in barathrum seminecesq; trahat.
Præstitit hanc operam CARNOVIVS inclitus heros,
Et sumptum, in populo quo volitare queant.
Magnanimus Præsul, cui publica commoda tantùm
Sunt curæ: & sancti vita salusq; gregis.
Illius æternum tanto pro munere nomen
Viuet: mercedem percipietq; Dei.
At nos iam grati digno amplectamur amore
Tam sanctas leges, quæ bona cuncta ferunt.
Iudicium Patrum, nati fratresq; sequamur,
Sit labor hic, & opus, scandere celsa Poli.

INDEX PRÆCIPVORUM Capitum, in Constitutionibus Synodalibus contentorum.

Liber Primus.

De summa Trinitate	fol : 1.
De Constitutionibus	1.
De Consuetudine	2.
De Electione	3.
De electione Archidiaconorum	10.
Bulla Apostolica super electione Archidiaconorum perpetua	11.
De Abbatum electione	13.
De Renunciatione	14.
De supplenda negligentia Prælatorum	ibidem.
De tempore Ordinandorum	16.
De ætate & qualitate ad Ordines promouendorum	16.
De filiis Presbyterorum	17.
De Clericis peregrinis	ibidem.
De officio Archidiaconi	18.
De officio Vicarii	19.
De officio Ordinarii & Metropolitanani	20.
Bulla Apostolica Legationis natiæ	22.
Pœna ad Synodum non venientium	31.
Hospitalia diligenter quidcantur	33.
Episcoporum officium	34.
De officio Decani Ruralis	36.
De officio Capituli	36.
De Maioritate & obedientia	37.
De Procuratoribus	38.
Quod metus causa	38.
De alienatione, mutandi iudicii causa facta	38.

Liber Secundus.

De Iudiciis	39.
De Foro	

De Foro competenti	fol : 40.
Cause ad forum & ad iudicium Ecclesiasticum pertinentes	42.
De Dolo & Contumelia	43.
De Feriis	44.
De sequestratione fructuum	45.
De Iureiurando	45.
De fide Instrumentorum	47.
De Appellationibus	47.

Liber Tertius.

De Vita & honestate Clericorum	49.
Statutorum librum quilibet habeat	52.
De cohabitatione Clericorum & Mulierum	54.
De Clericis non residentibus	55.
De Institutionibus	56.
Ad beneficia Ecclesiastica, qui & quales instituendi	58.
Bulla Apostolica, de non recipiendis plebeis ad Ecclesias Cathedralis ultra numerum quatuor	58.
De Sede vacante	61.
Ordinatio, quomodo Sede vacante procedendum sit ad electionem Administratores	61.
De iis, qui rapiunt bona beneficiati post mortem relictæ	67.
De rebus Ecclesiæ non alienandis	68.
De Emptione & Venditione	69.
De Locato & Conducto	70.
De rerum permutatione	71.
De Pignoribus	ibidem.
De Testamentis & ultimis voluntatibus	71.

))((in De Anno

I N D E X.

De Anno gratiæ	fol: 73.	Bulla Apostolica contra errores	
De successioneibus ab intestato	74.	Martini Lutheri & sequacium	117
De Sepulturis	ibidem.	Edictum Sigismundi Regis contra	
De Paræciis	76.	Hæreticos	126.
De Decimis	76.	Disputationes de negocio religio-	
Bulla Apostolica de Noualibus	81.	nis virandæ	128.
Bulla Exequutorialis super Nouali-		De confessione fidei faciendâ	128.
buis	83.	Bona Ecclesiastica hæresi infectis non	
De statu Monachorum & Canonico-		committantur	129.
rum regularium	85.	De recedentibus ab vnione & obedi-	
De Capellis Monachorum	90.	entiâ superiorum	131.
De Iurepatronatus	90.	De Apostatis ad Ecclesias regendas	
De Censibus & Exactionibus	91.	non admittendis	131.
Taxa Processuum Iuris Consistorii		De Adulteris	131.
Spiritualis	92.	De Raptoribus, Incendiariis &	
De modo soluendæ Cōtributionis	93	Furtis	132.
De Suffraganeis	95.	De Raptu Virginum & Mulierū	133.
De consecratione Ecclesiæ vel Ab-		De Abigels & Pascuis sterilibus	133.
batis	95.	De Vsuris & Vsurariorum pœnis	134.
De celebratione Missarum & officio-		De Soritegiis	136.
rum Diuinorum	96.	De Crimine falsi	ibidem,
Decretum Concilii Constantiensis de		De his qui tolerant Censuras Ecclesi-	
communione sub vna specie	96.	asticas	137.
De Baptismo	100.	De Priuilegiis & Priuilegiatorum ex-	
De custodia Eucharistiæ	101.	celsibus	137.
De obseruatione Ieiuniorum	101.	Bulla Apostolica Prouincialis	138.
De Ecclesiis ædificandis	102.	De Iniuriis	142.
De immunitate Ecclesiarum	104.	De Pœnis	143.
Ne Clerici & Monachi secularibus		De Pœnitentiis & Remissionib.	145.
negociis se immisceant	107.	Medicorum corporis officium	145.
		Abusum, per fratres Religiosos in-	
		duci solitorum, correctio	146.
		De Pœnitentiariis per Episcopos in-	
		stituendis	147.
		De remittendis ad Pœnitentiarios	147.
		De Indulgentiarum concessione	148.
		De eligendo Confessore idoneo	148.
		De Dispensationibus moderandis	149.
		De Sententia excommunicationis	149.
			Forma

Liber Quartus.

De Simonia	108.
De reformatione Academiæ Craco-	
uiensis	110.
De Scholis, Magistris & Scholari-	
buis.	110.
De Iudæis	113.
De Hæreticis	115.
Bulla	

I N D E X.

Forma literarum significatoriarum
Dñi Archiepiscopi ad Capitancos,
contra nobiles Censuras Ecclesiasti-
cas contumaciter sustinentes 151.
De verborum significatione 157.
De regulis Iuris 157.
De libertate Clericorum contra iniu-
riantes 158.
Doctrina de Sacramento Matrimonij
ex Decretis sacri Concilij Triden-
tini 158.

Liber Quintus.

Complectens Acta & Constitutiones
Synodi Prouincialis Gnesnensis Prou-
inciæ. Anno Dñi, M. D. LXX vii.
Die xix. Mensis Maij, Petricouæ
habite & celebratæ.
Professio fidei 165.
De unitate eiusdem fidei tuenda 166.
Canones & Decreta sacrosancti Con-
cilij Tridentini recepta, & debite
exequutioni demandari iussa 167.
Capita certa Concilij Tridentini ex
parte huius Prouinciæ moderatio-
ne indigent 167.
Statuta Prouincialia antiqua & recet-
tiora, in pristino suo robore con-
seruentur, & in vnum volumen re-
digantur. 168.
Supplicationes cum Litanjs & Pro-
cessionibus, certis temporibus per-
agantur 168.
Synodi Prouinciales & Diocesane,
ac etiam visitationes, suis tempo-
ribus peragantur 168.
Reuerend. D. Ordinarii, Vicarios &
Officiales, & Cancellarios, viros
doctos, & in Iure versatos ac The-
ologos habeoant 168.
Iurisdic-

Iurisdicção Spirituális suscitetur, &
delinquentes coërcantur 169.
Crapula & ebrietas vitanda 169.
Clerici habitum Clericalum & toniu-
ram deferant 169.
In penis infligendis ordo à SS. Con-
cilio Trid: pscriptus obseruet 169.
Subditi Ecclesiæ non grauandi, Oeco-
nomi deputandi, Arces à Præfectis
quibus tradendæ 169.
Iura, Priuilegia & immunitates Eccle-
sasticæ ab Episcopis defendendæ 170.
Archiepiscopi & Episcopi Comitibus
Regni, & Conuentibus particulari-
bus interesse debent 170.
Episcopatus Pomesaniens & Sambien
in pristinum statum restituatur 170.
Electio Abbatum, Præpositorum regu-
larium tam virorum quàm monia-
lium, iuxta Canones Conc: Trid.
& Statuta, pvincialia obseruet 170.
Monasteria tam virorum quàm mu-
lierum reformanda 171.
Bona & possessiones Monasteriorum
alienata recuperanda 171.
Regulares extra sua Monasteria ab
administratione sacramentorum &
predicatione verbi Dei abstin-
ant 171.
Regulares vagantes coërcendi, & ad
Monasteria sua remittendi 171.
Decimæ ex bonis Spirituallium ad q̃s
pertinent omnino dandæ 172.
Agendorum liber nuper editus in om-
nibus Ecclesijs habeatur 172.
Missalia, Breuiaria &c. ad instar Ro-
manorū Missaliū & Breuiariorum
ordinanda & reformanda 172.
Post mortem quorumcunq; Spiritua-
lium bona Ecclesiastica non diri-
pienda 172.

I N D E X.

Suppletex sacra ad Missæ sacrificium pertinens, mûdissimè seruetur 172	tione & promotiõne Doctõrum, & aliorum cuiuscunq; artis & faculta- tis professorum, de cætero obser- uanda 152.
Confessorij seu Pœnitentiarij, circa Ecclesijs Cathedrales & Collegia- tas sint docti & discreti 173.	Judices ad cognoscendas causas Com- missariales Sedis Apostolicæ per Dioceses deputati 156.
Hæreticorum libri in Scholis non le- gantur 173.	In Episcopatu VVladislauiens alienato- res bonorum Ecclesiæ ad ea recu- peranda, ad contributionemq; solu- endam compellendi 157.
Bibliothecæ reuideantur 173	Nunciij ad S. Sedem Apostolicam & S. Regiam Maiestati mittendi 157.
Examinatores depurandi ex præscri- pto Concilij 173.	Constitutiones Synodales quando pu- blicandæ 157.
Bulla Cœnæ Domini sæpius promul- ganda Ibidem.	Breue Apostolicum Constitutiones Sy- nodales confirmans 157.
Bulla S. D. N. Gregorij Papæ xiiij. lecta die Cœnæ Domini, Anno, M. D. LXXVIII. 174	Statuta Prouincialia debite exequuti- oni demandanda 158.
De clandestinis Matrimonijs 150.	Reductio Literarum & Constitutio- num Pij Papæ v. pro Mendican- tibus, &c. 159.
Sacerdotib. Matrimonia prohibita 150	Literæ Nunciij Apostolici ad Abbates & Præpositos ordinis Cisterciens in eadem Cõgregatione productæ 191.
Seminaria apud Cathedrales Ecclesi- as instituatur 151.	
Academix Cracouiens stipendium solu- uent Episcopi 151.	
De Doctõribus Bullatis, & ordinariè in Vniuersitatibus promouendis 152	
Bulla S. D. N. D. Pij. Diuina prou- dentia Papæ quartj, super ordina- tione	

F I N I S.

Celestinus Papa.

D. 35. Cap: Nulli Sacerdotum liceat Canones ignorare, nec quic-
Nulli. quam facere, quod Patrum possit regulis obuiare. Quæ
enim à nobis res dignè seruabitur, si Decretalium norma
constitutorum pro aliorum libitu, licentia permessa popu-
lis, frangatur?

CONSTI-

9

CONSTITVTIO
NVM SYNODALI
VM PROVINCIAE
G N E S N E N S I S
LIBER PRIMVS.



DE SVMMATRINITATE,
ET FIDE CATHOLICA.

Ex antiquis Nicolai Archiepi-
scopi Statutis.



IN PRIMIS statuimus, quòd in fide
sanctæ Trinitatis, & Incarnationis, Sa-
cerdotes populum, tam maiorem quàm
minorem, debeant instruere diligenter.

De TRinitate autem ad minus docere
tenentur expresse: quòd Pater, & Filius,
& Spiritus sanctus, tres personæ, & vnus Deus: Et vna
persona, non est alia.

Et cum fides non subiaceat rationi, non est quærendum,
nec per laicos disputandum de his, quæ ad fidem pertinent,
quomodo, vel quare: sed simpliciter credendum in articu-
lis fidei, Diuinitatem & Humanitatem Domini nostri Iesu
Christi concernentibus, quod credit, tenet, & docet sancta
Romana Ecclesia mater nostra. Et quòd omnes Presbyteri,

A

ri, &

CONSTITV: SYNOD.

ri, & signanter curati, articulos fidei principales sciant, & doceant explicitè & distinctè, prout in Symbolo Apostolorum continentur.

DE CONSTITVTIONIBVS.

Ex antiquis Nicolai Archiepiscopi.

Statuimus, vt præsens libellus nostrarum Constitutionum Prouincialium, in singulis Ecclesiis Cathedralibus sub sigillo nostro, ac deinde in aliis Ecclesiis Collegiatis, infra tempus sex mensium, à publicatione præsentium computando: sub sigillo Ordinariorum, sine excusatione qualibet, habeatur conscriptus, in choro vel alio loco competenti iaceat, sic, vt possit patere cuilibet, legere seu videre volenti, accessus. Quicumq; autem Constitutiones nostras præsentis de locis prædictis auferre vel asportare, seu aliquid in eis delere, addere, radere, vel mutare præsumpserint propria temeritate, & de hoc constare poterit, vltra diuinam indignationem, quam incurrant, tanquam falsarii per locorum Dicecesanos puniantur.

Ex nouis Ioannis de Lasko. De Constitutionibus & Consuetudine simul. In Synodo Petricouienſi prima.

In primis statuimus, vt Statuta Prouincialia, dudum per nostros prædecesores, vigore certarum literarum Apostolicarum edita, & consuetudines bonæ & rationabiles, ab omnibus teneantur & obseruentur, viuendo secundum ea. Hoc adiicientes, vt Bullam Cœnæ Domini sæpè, præcipuè verò feria quinta magna: Et iura Statutaq; quæ mandantur nuncianda populo, in suis Ecclesiis, quorum interest, sæpius publicent, & quid in eis continetur declarent.

In Sy+

In Synodo Lancicien̄ secunda. Eiusdem.

STatuimus, vt Ordinarij eorumq; officiales, & cæteri Ecclesiastici iudices, in iudicijs & causis Ecclesiasticis, Statuta Diocesana primùm, deinde Prouincialia noua & vetera, postea Canones sacrosanctos, vbi textus expressi reperiri possunt, & vltimò glossarum & doctorū Decisiones communes, in iudicijs & causarū processibus, obseruare teneantur. Cōtrafacientes, pœna ad arbitriū superioris puniendi.

In Synodo Lanciciensi prima.

VT consuetudo madidandi homines promiscui sexus, in celebritate Paschali, qua Diabolus multas animas mortalium lucrifacere solet, propter submersiones, aliaq; scandala, vel ob id euenientia, penitùs aboleatur: decreuit Synodus, vt domini ordinarij locorum, quisq; in Diocesi sua, mandet Concionatoribus, vt in concionibus hortentur plebem, ne ista faciat. A Regia verò Mtate petendum erit, vt aliqua pœna constituatur contra tales.

DE CONSVETVDINE.

Ex antiquis Nicolai Archiepiscopi.

Ecclēsia Gnesnensis ex antiqua, & rationabili consuetudine, obtinuisse dinoscitur, quòd causas, ad eam per appellationem deuolutas, subditis Suffraganeorum suorum committere valeat, & compellere, iurisdictionem huiusmodi suscipere detrectantes, quæ ex his causis noscitur introducta. Primò vt vitetur circuitus, cū per Diocesim Metropolitanus eos ad id possit compellere. Secundò, vt propter locorum distantiam, parcatur partium laboribus & expensis, quia si non reciperentur delegationes huiusmodi, cogerentur partes cum dispendio, apud Sedem Metropolitanam litigare. Huius sacri approbatione Concilij, statuimus, antiquam consuetudinem declarantes, vt Sedes

CONSTITV: SYNOD.

Gnesuensis, causas huiusmodi subditis Suffraganeorum suorum valeat delegare, & animaduertere in rebelles.

Idem.

HVic Statuto adiicimus, & obseruatum de consuetudine declaramus, ex causis præmissis, idem in Citationibus & aliis Processibus, causarum huiusmodi, apud Scdem ipsam in antea ventilandarum, ac omnia decernimus, & præcipimus obseruanda.

Idem.

CONsuetudines, quæ grauamen Ecclesiis inducere dignoscuntur, inualidas decernimus: locorum Ordinariis, vt in omnem euentum eis resistent, firmiter iniungentes.

Idem.

ILLam autem consuetudinem, in qua ille, qui in foro publico, vel alibi coram multis aliquod perpetraverit delictum, & tamen admittitur ad iurandum contra publicam veritatem, quia delictum illud non fecit, penitus reprobamus. Sed testes idonei admittantur potius contra ipsum, per quos possit affirmata veritas legitimè comprobari.

Matthias Dreucius, Petricouæ,

Anno Domini, 1530.

QVoniam non modò frustra, sed etiam inutile, ac planè ridiculum esset, leges coudere salutare, si eadem nullam accipiant exequutionem. Proinde auctoritate præsentis Prouincialis Concilij, omnibus dominis Locordinariis, eorumq; vicariis, ac officialibus iniungimus, eosq; in Domino obsecramus, vt eadem præsentia, necnon anteriora omnia, singula Statuta Prouinciæ nostræ, diligentius vigilantiusq; quàm vnquam antea, obseruent, obseruariq; faciant, ab eisq; ne lato quidem digito, vt dicitur, discedant.

scendant: efficiant quoq; , vt quod ab omni Clero , auctoritate Synodali sancitum est , id ad omnium & disciplinam & vtilitatem perueniat.

DE ELECTIONE.

ex antiquis. Eiusdem.

CVM in Ecclesiis Prælatorum seu Canonicorum , electio , vel bonorum alienatio , seu obligatio , aut alia ardua negotia Ecclesiæ imminent facienda , ad talia absentes Canonici sunt vocandi. Alioquin ipsis instantibus per superiorem cassabitur , quod in eorum absentia per præsentem fuerit attentatum , nisi consuetudo habeat eos ad talia non vocari , vel absentes sint extra Prouinciā constituti.

Excommunicamus omnes , in quacunq; dignitate , personatu , vel officio constitutos , necnon seculares & regulares Canonicos & Monachos , qui in electionibus , aut alijs suarum Ecclesiarum , seu Monasteriorum negotijs prosequendis , conspirationes , coniurationes , seu alias colligationes illicitas quascunq; fecerint , eis districtius iniungentes , vt ipsi vtilitatem , & profectum Ecclesiarum & Monasteriorum suorum , solum Deum habentes præ oculis , recta conscientia , & mente libera satagant procurare.

I T E M . Statuimus , quod practica & forma gentilis electionis infra scripta , in omnibus & per omnia obseruetur , quam auctoritate huius sacri Concilij innouamus.

Sciendum est , quod volentibus Ecclesias vacantes ordinare , altero de tribus modis , ipsis vacantibus prouidetur. Aut enim ordinatur vacans Ecclesia per prouisionem , aut per electionem , aut per postulationem solennem. Prouisio pertinet ad superiorem , in qua non est necessaria forma Concilij. Electio autem & postulatio ad inferiores , in quibus forma Concilij generalis , necessariò est seruanda.

Forma autem Concilij triplex est , scilicet : Forma scruti-

tinij, compromissi, & inspirationis: vel quasi secundum alteram istarum, quicumq; vult eligere, vel solemniter postulare, in Ecclesijs Cathedralibus, Regularibus & Collegiatis, debet de necessitate procedere, secundum vnam ex formis prædictis. Per formam autem Scrutiniij proceditur hoc modo. Ecclesia enim Pastoris regimine destituta, Capitulum siue Canonici præsentés, statuent terminum ad Electionem celebrandam, de quo fiat publicum instrumentum, in quo narrabitur: Quòd die tali, decedente vel translato, vel defuncto tali Præfato, talis Ecclesiæ, eiusq; corpore Ecclesiasticæ tradito sepulturæ. Capitulum siue Canonici, qui tunc præsentés erant, conuenientes, talem terminum, cum continuatione dierum sequentium, ad electionem celebrandam vnanimiter statuerunt: qui terminus erit competens, quòd infra illum absentes, qui vocandi sunt, citati commodè venire possunt, consideratis locorum distantis, & personarum & temporis qualitate, non tamen nimis longum. Quia in electione mora est periculosa: & si vocandus scitur vbi personaliter resideat, personaliter est vocandus. Si verò nesciatur, vocetur in loco vbi morari consuevit, per edictũ publicũ. Vocatio autem fiet sub hac forma.

B. Præpositus & Capitulum Strigoniens Ecclesiæ, N. tali Canonico Strigoniens. Colonix moranti, Salutẽ in Dño. &c. Discretionis vestre significamus, quòd bonæ memoriæ C. quondam Archiepiscopus noster, die tali fuit viam vniuersæ carnis ingressus, & corpus eius cum reuerentia debita Ecclesiasticæ traditum sepulturæ. Ne igitur Ecclesia nostra, propter diuturnam vacationem, grauem patiatur in spiritualibus & temporalibus læsionem, diem talem, cum continuatione dierum sequentium, ad tractandum de electiõne futuri Pontificis, & ad electionem celebrandam duximus statuendum. Quocirca vos requirimus, & peremptoriè citamus, quatenus die ipsa nobiscum conuenire curetis.

Alioquin

Alioquin nos extunc ad eam procedere curabimus, vestri absentia non obstante. Quodsi fortè iusto impedimento de-
renti venire nequiveritis, & velitis alicui de Canonicis com-
mittere vices vestras, tunc ad nos vestras speciales literas,
& idoneum nuncium transmittatis, qui iuxta statutum
Concilij generalis, de ipso impedimento faciet plenam fi-
dem. Datum. &c.

Hæ autem literæ erunt apertæ, & de præsentatione ipsa-
rum fiat publicum instrumentum, ne possit maliciosè nega-
ri citatio, prout aliqui iam fecerunt.

Debent autem convenire in Ecclesia, vel in Capitulo si
possunt, vel in alio loco idoneo, si ibi commodè convenire
non possunt: Sed ubi ex causa solitus locus mutatur, &
locus & causa in citatione inferantur.

Omnibus autem in loco statuto simul convenientibus,
diligenter deliberent, an per viam Scrutiniij, aut per viam
Compromissi procedere velint. Si ergo viam eligant Scr-
utiniij, de electione huiusmodi fiat publicum instrumentum,
in quo contineatur, qualiter diligenti deliberatione habita,
placuit omnibus & singulis, & concorditer omnes consen-
serunt per viam Scrutiniij procedere. Quo facto sic procedent.

Eligantur ex ipso Collegio, & non aliunde, tres fide di-
gni, vel plures vel pauciores: licet sit melius, quod tres tan-
tum iuxta Concilium generale. De qua etiam electione fiat
publicum instrumentum, quibus detur potestas per idem
publicum instrumentum, vel scripturam authenticam, exa-
minandi vota sua & aliorum, nullo obmisso, secretò & sigil-
latim in scriptis ea redigendi, & redacta mox in communi
publicandi, ut sciatur, qui in quem consenserunt, & meriti
ad meritum, & zeli ad zelum, & numeri ad numerum colla-
tionem faciendi, & collatione per eos habita diligenti, ele-
ctionem faciendi, & eum eligendi, in quem inuenerint om-
nes, vel maiorem, vel saniozem partem Capituli consen-
sisse.

CONSTITV: SYNOD.

fiſſe, ita quòd vnus ſcrutatorum, de conſenſu & voluntate aliorum duorum vice ſua, & collegarum, & aliorum omnium, qui in eius conſenſerint electionem, pronunciet in ſcriptis, & ſolenniter celebret, & alia faciet, prout compromittentibus placuerit. Huic autem instrumento, ſuper poteſtate tradita, conſecto, omnes ſe ſic ſubſcribant. Ego talis, prædictis interfui & conſenſi, & prædictam poteſtatem eis contuli. Et poſtea ſigilla omnium & etiam Capituli apponantur. Hoc facto illi tres trahent ſe ad partem, & primò ſcrutabuntur voces eorum, ita quòd duo ſcrutentur tertii. Poſt hoc ſeriatim & ſingulariter vocabunt quemlibet de Capitulo ſolum per ſe. Et primò illum, qui habet in electione primam vocem de conſuetudine. Et dicent ei ſecretò, exemplo Dauidelis: Frater, in electione præſenti, habeas Deum præ oculis, cuius nunc cauſa tractatur. Non te decipiat odium, fauor, vel amor, non pecunia, quæ humanos ſolent peruertere ſenſus. Non lucro tuo proſpicias, ſed vtilitati communi. Ideò adiuramus te per Deum viuum, & in virtute Spiritus ſancti, & ſub periculo animæ tuæ, quòd conſentias in eum, & eum nomines, quem ex voto credis vtiliorem & meliorem Eccleſiæ, & per quem iura Eccleſiæ poſſunt melius deſenſari. Et tunc ille dicat. Ego credo P. meliorem & vtiliorem, & in eum conſentio, & eum nomino eligendū in Episcopum & Paſtorem. Et tam interrogatio & adiuratio, quàm reſponſio redigantur in ſcriptis: & hæc per tabellionem Clericum: vel ſi non poſſit haberi tabellio, duo ex eis hoc ſcribant.

Completo Scrutinio ipſi Scrutatores, mox, id eſt nullo actu contrario intermedio, redibunt ad Capitulum, & ipſi vel vnus eorum, de aliorum mandato, vota ſingulorum in communi publicabunt, & præſente Capitulo dicent. Nos examinauimus vota veſtra & ſingulorum ſecretò & ſigillatim, placet vobis quòd ea publicemus? Et illi dicent: Placet.

Placet. Et sic publicabunt, id est publicè legent, vt quod secretò actum est, ab omnibus sciatur. Publicatione autem facta, collatio numeri ad numerum, zeli ad zelum, & meriti ad meritum, fiet per ipsos Scrutatores sic. Si vota Canonico-
rum diuisa fuerint in plures, surgent in medio Capituli, & publicatis votis, incipient à capite, & legent sic. B. & C. consenserunt in P. Item ex alia parte legent. D. E. & F. consenserunt in M. & sic publicabunt, dicentes. Nos inuenimus maiorem numerum consensisse in P. Nam cum sint in vniuerso quadraginta Canonici, vigintiquinq; consenserunt in ipsum P. & quindecim in M. Item inuenimus meliorem zelum ex parte eligentium P. quàm ex parte eligentium M. Nam illi elegerunt bonum & utilem virum: istis autem caro & sanguis reuelauit suum consanguineum eligendum. Item inuenimus P. maioris esse meriti, quia literatior, prouidentior, honestior, sanctior, melior, & potentior ad lura Ecclesiastica conseruanda, quàm M. Vbi autem vnus solus est in Scrutinio nominatus, non habet locum collatio numeri ad numerum, vel meriti ad meritum, vel zeli ad zelum. Fiat tamen tunc collatio talis, per eum qui maior est, vel per Scrutatores, vtrum scilicet nominatus sit de legitimo matrimonio natus, competentis scientiæ, sufficientis ætatis, & in sacris Ordinibus constitutus. Et si ista concurrant, procedatur ad electionem, & duo ex Scrutatoribus, quibus data est à Capitulo potestas eligendi, tribuant potestatem tertio electionem pronunciandi, & publicandi nomine suo, & omnium consentientium, quia vnus debet eligere. Et in continenti electio & pronunciatio fiet, primò in Capitulo in hac forma.

In nomine Patris, & Filii, & Spiritus sancti. Amen.

Anno, Mense, & die talibus. Ego talis, vnus de Scrutatoribus, à tali nostro Capitulo nominatus & electus, ad faciendum scrutinium, & electionem futuri Pontificis, secundum

C O N S T I T U T I O N E S S Y N O D I.

formam superius prætaxatam, ipsa seruata in omnibus de voluntate, consensu, & mandato collegarum meorum, & ex potestate mihi & ipsis tradita: inuocata Spiritus sancti gratia, ad honorem Dei, & gloriosissimæ matris eius, & talis Sancti nostri Patroni, & omnium Sanctorum. P. in quem collatio facta est, reperimus omnes, vel maiorem & sanio rem partem nostri Capituli, in Scrutinio consensisse, in nostrum & Ecclesiæ nostræ Episcopum eligo & Pastorem, eandemq; electionem in his scriptis pronuncio. Post hoc pulsantur Campanæ, & populus congregetur, & populo congregato, per alterum ex Electoribus, ad hoc per Capitulum deputatum, publicetur electio in communi, id est coram Clero & populo, & cantetur, Te Deum laudamus, sollemniter. &c. Et Electus, si præsens est, deportetur ante altare, & intronisetur.

Forma autem publicationis huiusmodi erit. Recitetur totus processus, sicut iam in forma pronunciationis dictum est, & vltimò sic adijciet. Quam electionem vobis denuncio, & in præsentia omnium dico sollemniter publicando. Igitur celebrata & publicata electione, Decretum electionis fiat sic.

Sanctissimo ac beatissimo Patri & Dño nostro, Dño G. Diuina prouidentia sacrosanctæ Romanæ, ac vniuersalis Ecclesiæ summo Pontifici, P. Præpositus & Capitulum Ecclesiæ Strigoniens. eius humiles, fideles, & deuoti filii, pedum oscula beatorum. Sacris Canonibus nouimus esse cæutum, quòd vltra tres menses vacare non debeant Ecclesiæ Cathedralès, ne propter defectum Pastoris, Dominicum gregem lupus rapax inuadat, ac viduata Ecclesia, in suis facultatibus, graue dispendium patiatur. Eapropter bonæ memoriæ B. Archiepiscopo nostro, Anno, Mense, & die talibus, sicut Deo placuit, viam vniuersæ carnis ingresso, ipsius corpore, vt moris est, cum reuerentia Ecclesiasticæ tradito sepulturæ: nos tales, qui tunc præsentés eramus, conuenientes in vnum, ad ele-

ad electionem futuri Pontificis nostri canonicè celebrandam;
 talem terminum, cum continuatìone dierum sequentium, du-
 ximus statuendum. Citatis igitur in terminum & tunc præ-
 sentibus omnibus, qui electioni celebrandæ debuerunt, volu-
 erunt & potuerunt commodè interesse, in Ecclesiam nos re-
 cepimus, de electione futuri Pontificis tractaturi. Sanè post
 diuersos tractatus inter nos habitos & nominatos, diuersarū
 personarum, & simplices discussiones & inquisitiones multi-
 plices, tandem placuit nobis & vniuersis & singulis per viam
 Scrutiniij, nostræ Ecclesiæ providere. Et eligentes tres, scili-
 cet B. C. & D. de nostro Collegio fide dignos, dedimus eis
 plenariam potestatem, vt secretè & sigillatim vota cunctorū.
 primò tamen sua & postea nostra, diligenter inquirerent, &
 ea in scriptis redigerent, & in scriptis redacta, mox in com-
 muni eadem publicarent, & tam numeri ad numerum & zeli
 ad zelum, quàm meriti ad meritum, per eos collatione habi-
 ta diligenti, illum eligerent, in quem inuenirent omnes, vel
 maiorem & sanio rem partem nostri Collegij, consensisse, ita
 quòd vnus de consensu & voluntate, aliorum duorum Scru-
 tatorum, vice sua, & collegarum, & aliorum omnium, electi-
 onem eandem pronunciaret in scriptis & solenniter celebra-
 ret. Qui secedentes in partem, primò vota sua, ita duo scru-
 tabantur tertium. Secundò tres simul vota omnium aliorum,
 sicut nobis postea retulerunt secretè & sigillatim, diligenter
 inquisiuerunt, & in scriptis redacta, mox in communi publi-
 cauerunt, & in nostra per eosdem præsentia, secundum for-
 mam eis datam, tam numeri ad numerum, & zeli ad zelum,
 quàm meriti ad meritum, collatione habita diligenti, talis
 vnus ex Scrutatoribus antedictis, de voluntate & consensu,
 & mandato aliorum, talem, in quem repertum fuit omnes
 vel maiorem partem & sanio rem nostri Collegij, seu Capitu-
 li in Scrutinio consensisse, vice sua, & collegarum omnium
 aliorum, in his consentientium, inuocata Spiritus sancti gra-

tia, in nostrum & Ecclesię nostrę elegit Episcopum & Pastorem, virum utiq; plenę & maturę ætatis, vt potè, qui tricesimum annum suę ætatis exegit, de legitimo matrimonio procreatum, & in sacris Ordinibus constitutum, vita & moribus, & literarum scientia commendatum, & in spiritualibus & temporalibus circumspectum, & electionem pronunciauit in scriptis & publicauit, hoc modo.

In nomine Patris, & Filij, & Spiritus sancti. Amen. Anno, Mense, & die talibus. Ego talis, vnus de Scrutatoribus à dicto nostro Capitulo nominatus & electus, ad faciendum Scrutinium de electione futuri Pontificis, secundum formam superius prætaxatam, ipsa seruata in omnibus, de voluntate & consensu, & mandato collegarum meorum, & omnium in his consentientium, ex potestate mihi & ipsis tradita, inuocata Spiritus sancti gratia, ad honorem Dei, & gloriosissimę virginis matris eius, & talis Sancti, in cuius honore Ecclesia nostra est consecrata. D. P. in quem collatione facta reperimus omnes, vel maiorem & sanio rem partem Capituli nostri, seu Collegij, quorum subscriptiones inferius continentur, in Scrutinio consensisse, in nostrum & Ecclesię nostrę Episcopum & Pastorem eligo, eandemq; electionem in scriptis pronuncio. Dictam verò electionem, sic canonicè & solenniter celebraram & publicatam, in communi omnes recepimus & approbauimus. Te Deum laudamus, more solito, cum cordis iubilo, decantando. Idem verò Electus, sibi tali die electione huiusmodi præsentata, licèt ex humilitate se insufficientem & indignum asserens, se multipliciter excusaret: nobis tamen vehementer instantibus, timens diuinis dispositionibus contraire, inuocato diuinę pietatis auxilio, tali die dicta electioni consensit, non tam timidè, quàm deuotè electionem ipsam, onusq; impositum, vt prodesse valeat, suscipiens & acceptans. Vestrę igitur beatitudini duximus vnani-

unanimiter supplicandum, vt electionem prædictam, sic canonicè & solemniter celebratam, dignemini confirmare, & electo nostro consecrationis munus fauorabiliter impartiri: Quatenus nobis, velut pastor idoneus, & toti Prouinciæ præesse valeat vtiliter, & prodesse: nosq; & alii sibi commissi, subius sacro regimine, possimus coram Deo salubriter militare. Ad huiusmodi autem confirmationem à vestra Sanctitate petendam, talem & talem nostros Canonicos & còelectores, instructores, & procuratores ordinauimus & constituimus, & propter hoc eos ad vestræ Sanctitatis pedes duximus deuiandos, dantes eis plenam, & liberam potestatem petendi confirmationem, & si necesse fuerit prouisionem & iurandi animas nostras, si visum fuerit expedire, promittentes nos ratum & gratum, & firmum perpetuò habituros, quicquid per eos in prædictis, vel in aliquo prædictorum extiterit procuratum. Vt autem omnium nostrum vota in prædictis omnibus & singulis in hac electione & petitione concordasse notatis, Sanctitati vestræ hoc Canonicum decretum mittimus, roboratum propriis manibus, & subscriptum. Ego. N. Præfatus Strigoniens Ecclesiæ, supradictis omnibus & singulis consensi, & consentio, & manu propria signo & subscribo. Ego talis, vice talis, scribere nescientis, de mandato suo subscribo. Notarius autem in fine dicet. Acta sunt hæc, Anno, Mense, die & loco talibus &c.

Per viam autem Compromissi proceditur modo infra scripto. Canonici vacantis Ecclesiæ, statuunt terminum, ad electionem celebrandam, interim vocatis omnibus absentibus, & in termino conuenientibus, qui debent, volunt & possunt, commodè interesse, maior de Capitulo, vel alius cui capitulum hoc committit, quærat à singulis, si placet eis per viam procedere Compromissi. Singulorū autem consensu requisito, & habito, tractetur de persona cui committatur. Deinde singulorum votis, super hoc requisitis, & in vnam

C O N S T I T V: S Y N O D.

personam cui committatur conuenientibus, vnus de mandato Capituli dicet. Ego vice Capituli & mandato, committo seu do A. si est vnus, vel A. B. C. si in plures compromittant, potestatem prouidendi nostræ Ecclesiæ de Pastore. Illi in quos compromittetur, si plures sunt, quia possunt esse duo, tres, quinq; vel septem, trahant se ad partem, & simul deliberent, potestate recepta, & conferant de persona eligenda, & si concordauerint, recedant ad Capitulum, & forma eis à Capitulo tradita in omnibus obseruata, vnus eorum electionem pronunciet & publicet in hac forma.

In nomine Patris, & Filij, & Spiritus sancti. Amen. Anno, mense, & die talibus. &c. Ego talis, de voluntate & consensu collegarum meorum, in quos vnanimiter compromissum fuit à Capitulo nostro, & in quos potestatem prouidendi Ecclesiæ de pastore transtulerunt: vice mea & ipsorum omnium aliorum in electione ius habentium, & hic presentium, & ex potestate & autoritate, supradictis, mihi & aliis meis collegis concessis, inuocata Spiritus sancti gratia, in quem nos A. B. C. compromissimus, supradicti simul conuenimus, in nostrum & Ecclesiæ nostræ Episcopum eligo & Pastorem. Et de ipso prouideo dictæ Ecclesiæ in Pastorem, & ipsam electionem & prouisionem in scriptis & solenniter publico in communi.

Hæc forma seruanda est, quando Compromissarij sunt de Collegio, prout dicit Concilium. Si verò erunt extra Collegium, tunc sufficit dicere. Ego talis, vnus de Compromissariis supradictis, de voluntate & consensu ipsorum, vice totius Capituli B. in quem omnes conuenimus, eligo, siue prouideo in talis Ecclesiæ Episcopum, & Pastorem. Et hoc quando totum Capitulum concordat: Nam vno contradicente, non potest per viam Compromissi procedi. Postmodum verò coram Clero & populo publicet electionem, siue prouisionem: & postea fiat Decretum ipsius electionis siue prouisionis hoc modo,

Sanctis.

Sanctissimo & beatissimo Patri & Dño suo, Dño
 Diuina prouidentia sacrosanctæ Romanæ, ac vniuersalis
 Ecclesiæ summo Pontifici, P. Præpositus & Capitulum Stri-
 goniens. eius humiles filij deuoti, pedum oscula beatorum.
 Cum propter vacationem diuturnam Ecclesiæ, Pastoris so-
 cio destitutæ, in spiritualibus & temporalibus dispendia pa-
 untur, conditores Canonum deliberatione prouida statue-
 runt, vt ultra tres menses vacare non debeant Ecclesiæ Ca-
 thedrales. Defuncto igitur bonæ memoriæ N. Archiepisco-
 nostro, Anno, mense, die, talibus, sicut Deo placuit, ipsi-
 corpore, cum reuerentia tradito Ecclesiasticæ sepulturæ
 os tales Canonici Strigoniens. Ecclesiæ, qui tunc præsentem
 amamus, conuenientes in vnum, pro electione futuri Pontifi-
 celebranda, talem terminum cum continuatione dierum
 quentium duximus statuendum. Citatis igitur in termi-
 m, & tunc præsentibus omnibus, qui electioni celebrandæ
 buerunt, voluerunt, & potuerunt cōmodè interesse, in Ca-
 tulum nos recipimus, de electione futuri Pontificis tracta-
 i, & post diuersos tractatus inter nos habitos, tandem pla-
 t omnibus & singulis, per viam Cōpromissi, nostræ Ecclesiæ
 uatæ prouidere: Considerantes, in vnum difficulter mul-
 tudinem conuenire, & sæpè in paucis spiritum sanioris
 filij residere, dedimus plenam & liberam omnes & singuli
 unimitem potestatem A. B. C. de nostro Collegio, vt idem
 maior pars ipsorum, vice sua & nostra, per electionem
 monicam, vel postulationem concordem, Ecclesiæ nostræ
 radictæ vacanti, Deum & bonum statum ipsius Ecclesiæ
 gentes præ oculis, de persona idonea prouiderent: omnem
 testatem & vicem nostram eis super hoc committentes, ita
 d. vnus ipsorum, de consensu aliorum Compromissario-
 n vel maioris partis ipsorum, vice sua & collegarum & no-
 r, illum, in quem omnes ipsi, vel maior pars ipsorum con-
 irer, eligerent, & electionem in præsentia nostra solen-
 niter

niter publicarent. Qui secedentes in partem, & Spiritus sancti gratiam inuocantes, deuotè, post tractatus varios & diuerfos, de diuersis personis inter se habitis, vt nobis postmodum retulerunt: tandem in Magistrum P. Strigoniën Præpositum in Sacerdotali ordine constitutum, iidem vnanimiter conuenerunt, virum utiq; plenæ & maturæ ætatis, vt potè, qui tricesimum annum ætatis suæ exegit, & de legitimo matrimonio procreatum, vita & moribus, & literarum scientia meritò commendandum, in Spiritualibus & temporalibus plurimùm circumspectum, quem talis, secundum formam in Compromisso appositam, in hunc modum elegit.

In nomine Patris, & Filij, & Spiritus sancti. Amen.

Anno, Mense, & die talibus. Ego talis vnus de Compromissarijs supradictis, de voluntate & consensu collegarum meorum, iuxta formam Compromissi mihi & eis traditam, vice mea & prædictorum meorum collegarum, ac omnium de Capitulo ex potestate mihi, & prædictis collegis, ab vniuersis & singulis, de ipso Capitulo tradita, & inuocata Spiritus Sancti gratia, ad honorem Dei & gloriosissimæ virginis matris eius, & talis Sancti, nostri Patroni, & omnium Sanctorum, Magistrum P. Strigoniën Præpositum, in quem vos Compromissarij supradicti vnanimiter conuenimus, in nostrum & Ecclesiæ nostræ eligo Episcopum & Pastorem, & de ipso prouideo dictæ Ecclesiæ in pastorem, eandem electionem, seu prouisionem, in his scriptis pronuncio, & publico in communi: dictam quoq; electionem sic canonicè solenniter celebratam, & in communi publicatam, omnes vnanimiter recepimus & approbauimus, more solito, pulsatis Campanis, cum cordis iubilo, Te Deum laudamus, solenniter decantâdo. Consequenter autem conueniente populo ad pulsationem Campanarum, R. de mandato nostro, dictam Electionem ipsi populo publicauit. Idem verò Electus, sibi die tali, electione huiusmodi præsentata, licèt se multipliciter excusaret, tamen
nobis

nobis diligenter instantibus, inuocato diuinæ pietatis auxilio, die tali, dictæ electioni consensit. Sanctitati igitur vestræ duximus vnanimiter supplicandum, vt electionem supradictam sic canonicè celebratam dignemini confirmare, & Electro nostro prædicto, munus consecrationis misericorditer impartiri, quatenus auctore Deo, nobis & tali Prouinciæ, velut pastor idoneus, valeat præesse vtiliter & prodesse. Nosq; & alij sibi commissi sub sacro regimine, possimus coram Deo salubriter militare. Ad huiusmodi autem confirmationem, nomine nostro à vestra Sanctitate petendam, D. & B. de nostro Capitulo, nostros procuratores & etiam instructores, ordinauimus & constituimus, & propter hoc eos ad vestræ Sanctitatis pedes duximus destinandos, dantes eis plenam & liberam potestatem petendi confirmationem, consecrationem, & si necesse fuerit, dispensationem & prouisionem, & iurandi in animas nostras, si visum fuerit expedire. Promittentes nos ratum, gratū, & firmum perpetuò habituros, quicquid per eos in præmissis aut aliquo præmissorum fuerit procuratum. Vt autem omnium nostrum vota in prædictis omnibus & singulis concordasse noueritis, & in hanc electionem & petitionem venire, hoc Canonicum decretum Sanctitati vestræ mittimus, roboratum proprijs manibus & subscriptum, & ad maiorem cautelam sigillo nostri Capituli, & etiam proprijs sigillatum. Ego talis, Archidiaconus Strigoniens, prædictis omnibus & singulis consensu, consentio, & propria manu subscribo.

Per Inspirationem fit electio hoc modo. Si, dum Canonici primum intrant Capitulum pro electione celebranda, nullo speciali tractatu præcedente, quasi diuina reuelatione & inspiratione, omnes, nullo contradicente, consenserint in aliquem repente, & simul eum eligant, & veniant dicentes vna voce: eligo P. eligo P. Talis electio dicitur facta per inspirationem, ex qua omnes Canonici vno ore, & vno spiritu eligunt.

C O N S T I T V : S Y N O D.

eligunt. Non est vis, siue dicant eligo, siue eligimus: quia una est censenda electio propter vnanimes voluntates. Et tunc formabitur sic Decretum.

Sanctissimo Patri & Domino, dño suo, dño G. Diuina prouidentia sacrosanctæ Romanæ ac vniuersalis Ecclesiæ summo Pontifici. P. Præpositus, & Capitulum Strigoniens Ecclesiæ, eius humiles filij & deuoti, pedum oscula beatorum. Ne, præ defectu pastoris, gregem Dominici lupo rapax inuadat, aut in spiritualibus vel temporalibus Ecclesia viduata graue dispendium patiatur: conditores Canonum deliberatione prouida statuerunt, vt ultra tres menses vacare non debeant Ecclesiæ Cathedrales. Ea propter bonæ memoriæ R. Archiepiscopo nostro, Anno, Mense, & die talibus, sicut Deo placuit, viam vniuersæ carnis ingresso, ipse corpore, vt moris est, cum reuerentia Ecclesiasticæ tradito sepulturæ, nos Canonici Strigoniens Ecclesiæ, qui tunc præsentibus eramus, conuenientes in vnum, ad electionem futuri Pontificis nostri canonicè celebraudam, talem terminum cum continuatione dierum sequentium, duximus statuendum. Citatis igitur in terminum & tunc præsentibus omnibus, qui debuerunt, voluerunt, & potuerunt commodè interesse, in Ecclesiam nos recepimus, de electione futuri Pontificis tractaturi: & nobis in vnum locum & proposituri congregatis, vnusquisq; Diuina inspiratione repente, nulla nominatione, nulloq; alio tractatu præcedente, in P. virum utiq; plenæ & perfectæ ætatis, vt potè, qui tricesimum suæ ætatis annum exegit, de legitimo matrimonio natus, vita & moribus, & literarum scientia meritò commendandum, consensu vnanimi & vna voce simul, ac vnanimiter omnes & singuli, in Episcopum elegimus & pastorem. Et pulsatis campanis, Te Deum laudamus, soleuniter decantauimus. Consequenter autem conueniente populo. &c. vt suprà forma proxima est publicatum. Datum &c.

Cum per

Cum per mutuum consensum eligentium, & electi, quasi sacerdos spiritualis Matrimonij contrahatur, decet quod in electionibus Pontificalium, & quarumlibet Ecclesiarum secularium & regularium dignitatum, arbitrium liberum electoribus conseruetur, vt secundum Deum & rectam conscientiam vacanti Ecclesiae valeant de pastore idoneo providere. Sed quia nonnullorum detestanda cupiditas, culmen dignitatum ambiens, Pontificalibus, aut alijs dignitatibus Ecclesiasticis, per mortem, aut alio modo vacantibus, contra electores huiusmodi secularem concitant potestatem, per quam plerumque dictis electoribus, per impressionem laicalem, aut minas, vel alium abusum, à sanctis Canonibus reprobatum, eligi, non verius intrudi se procurant. Talium igitur temerarijs visibus viam praecludere cupientes, praesentis approbatione Concilij, Iuri communi, & nostrorum praedecessorum vestigijs inhaerentes, statuimus & sancimus, quod si deinceps aliqua Pontificali, aut alia Sede vel dignitate Ecclesiastica vacante, quispiam directe, vel indirecte, publice vel occulte, contra electores huiusmodi seculari potestati concitauerit, aut minas vel impressiones ordinauerit, seu comminatorias epistolas de se eligendo, ad dictos electores scribi procurauerit, aut aliquot impedimentum in bonis vacantis dignitatis praestiterit, siue ipsa bona in toto vel in parte occupauerit, vel occupari subordinauerit, tanquam ambitiosus & publicus turbator excommunicationis sententiam ipso facto incurret. Et nihilominus si in electionem per huiusmodi impressionum minas, vel alium secularis potestatis abusum forsitan de se factam contra Canonicam libertatem consentire praesumpserit, & electionis commodo careat, & ineligibilis & beneficijs Ecclesiasticis, si qua obtinet, per superiorem priuandus, nec absque dispensatione Sedis Apostolicae deinceps ad aliquam valeat eligi dignitatem. Qui vero electionem huiusmodi, quam ipso iure irritam esse censemus, praesumpse-

sumpserint celebrare, nisi eos talis metus, aut violenta impressio, quæ possunt cadere in constantes viros, excuset, ab officijs, & beneficijs. quibuscumq; penitus suspendantur per tricinium, & eligendi tunc potestate sint priuati. Adijcientes, quòd si quis electus ante aut post confirmationem electionis de ipso factæ, priusquàm literas suæ confirmationis extraxerit, ad ministracionem bonorum Ecclesiæ, ad quam electus fuerit, quouis quæsito colore se intromiserit, extunc omne ius, si quod sibi per electionem & confirmationem competit, ipso facto amittat. Nisi talis electus fuerit, cui de iuris permissi-
one aut priuilegio hoc competat, aut per superiorem ad hoc facultatem habentem, Ecclesia, ad quam electus fuerat, sibi sit commendata.

Archiepiscopus & Episcopi, ad Archidiaconatū
vacantem, proponere debent Capitulo duos
qualificatos, ex quibus eligat digniorem.

Ex nouis Ioannis de Lasko.

QVia Archidiaconorum officium consistit in releuandis Episcopis, in his quæ ipsi per se facere deberent, maxi-
maq; solertia, doctrina, vitæ & morum honestas, virtus de-
niq; & probitas in eis requiritur, vt non immerito à sacris Ca-
nonibus oculi Episcoporum appellentur: Decreuit hæc sa-
cra Synodus, vt a modò, iuxta dispositionem Bullæ à sede A-
postolica concessæ, occurrentibus Archidiaconatuum vaca-
tionibus, tam in Metropolitanis, quàm Cathedralibus & Col-
legiatis Ecclesijs, Archiepiscopi & Episcopi proponant du-
os viros doctos, & ad hoc idoneos, ac iuxta Bullam prædi-
ctam qualificatos, ex quibus alterum digniorem cum suis Ca-
pitulis ad eisdem Archidiaconatus eligant, ipsosq; ad eos in-
stituant: Nisi tales Archidiaconatus essent, ad quos laici ex
aliquo Priuilegio ius habeant, quorū ius saluum esse debet.

Ex cis-

Ex eisdem in Synodo Petricouien. Eiusdem.

ITEM circa Ecclesias Collegiatas aliquæ Præbendæ deputentur, ad quas non, nisi Iurisperiti & Magistri in Theologia, per ordinarios eligantur. Tenor autem Bullæ Apostolicæ, de qua supra fit mentio, sequitur & est talis.

Bulla Apostolica super electione Archidiaconorum perpetua, continens & alias non minùs vtilis, quàm necessarias Constitutiones.

Anno, 1513.

LEO Episcopus, seruus seruorum Dei, ad perpetuam rei memoriam. Etsi ex debito pastoralis officij, tenemur circa indemnitate[m] & decorem cunctarum orbis Ecclesiarum providere, ac illa statuere, per quæ Ecclesiæ ipsæ viris doctri-
na præditis illustrentur, animarumq[ue] cura non negligatur, ac diuinus cultus augeatur, & quæ ad benè viuendum providè facta noscuntur, confirmare & approbare. In Ecclesiis verò Regni Poloniæ ad id eò fortius astringi videmur, quò Ecclesiæ dicti Regni tanquam arces solidæ, cum schismaticis, hæreticis, ac perhids Turcis, & aliis Catholicæ fidei hostibus, continuè pugnare noscuntur. Sanè cum venerabilis frater Ioannes de Lasko Archiepiscopus Gnesuensis, vir præclarus, & Primas dicti Regni, per charissimum in Christo filium nostrum Sigismundum, Poloniæ Regem illustrem, pro obedientia præstanda ad nos & sanctam Synodum Lateranensem, Orator destinatus, tam dicti Regis, quàm suo & aliorum Prælatorum dicti Regni nominibus exposuerit, nonnulla in Ecclesiis dicti Regni statuenda & ordinanda, quæ non solum ad propagationem virorum doctrina prædicatorum, sed etiam ad diuini cultus augmentum, & animarum curam, & normam benè viuendi, cum magna ipsarum Ecclesiarum, tam in spiritualibus quàm in temporalibus, conseruatione, tendere dinoscuntur.

scuntur. Quare præfatus Ioannes Archiepiscopus Gnesnensis, dictis nominibus nobis humiliter supplicauit, vt dicti Regni Ecclesiarum necessitatibus & decori in præmissis de benignitate Apostolica providere dignaremur. Nos igitur qui in præmissis non solum partes officij nostri libenter impartimur, sed illas summis desideramus affectibus exequi, & adimplere exoptamus, prædictis necessitatibus satisfacere volentes, huiusmodi supplicationibus inclinati. Quod de cætero perpetuis futuris temporibus, in qualibet Collegiata Ecclesia, Gnesnensis Diocesis duo Canonicatus, & duæ Præbendæ, quas ipse aut pro tempore existens Archiepiscopus Gnesnensis etiam exnunc duxerit ad id designandas, dum vacabunt, tam etiam hac prima vice, quàm perpetuò, nisi duobus viris peritis conferri possint, vnus videlicet Canonicatus, & altera Præbenda, perito in Iure: alter verò Canonicatus & altera Præbenda perito in Theologia: & qui saltem in aliqua Vniuersitate insigni per quinque annos studuerint, de quo patentes literas dictæ Vniuersitatis, vel diuersarum, vbi in diuersis studuerint, exhibere: quiq; etiam publicè legere, & alios instruere teneantur, iuxta ordinationem, per eundem Archiepiscopum faciendam. Quodq; Archidiaconi omnes quarumcunq; Gnesnensium, Cracouiensium, Vladislauicensium, Posnaniensium, ac Plocensis, Ecclesiarum & Diocesum, quibus cura animarum, seu fortè Iurisdictionis imminet, non nisi per electionem ipsius Archiepiscopi & Episcoporum, ac suorum Capitulorum, respectiue, vnusquisq; ad suos Archidiaconatus prædictos, dum pro tempore vacabunt, assumi valeant, & ad eos Doctores, ac licentiati in Iure, aut Theologia, tantùm eligi & assumi possint, qui similiter in aliqua Vniuersitate, ad Doctoratus siue Licentiæ gradus promoti fuerint. Ac quod in absentia obtinentium dictos Archidiaconatus & Canonicatus, ac Præbendas, quando vltra medium annum eos abesse contigerit, seu sicut ipse Archiepiscopus in Synodo generali ab-

ali absentia eorum tempus & terminum designauerit, fructus illius anni & aliorum, ubi similiter non residerint, minime percipere valeant: sed illi in utilitatem residentium conuertantur. Necnon, quod vnus Canonatus, & vna alia Præbenda Ecclesiæ Gnesnensis, quos idem Archiepiscopus ad idem similiter designauerit, non nisi Vicario aut Officiali Gnesnensi conferri possint, & de illis prouideri valeat, auctoritate Apostolica perpetuo statuimus & ordinauimus. Et insuper ordinamus, vnā Præbendam Ecclesiæ Gnesnensis prædictæ, etiam similiter de Suffraganeo per eundem Archiepiscopum eligendam: necnon Rectoriam Parochialis Ecclesiæ Plebania occupata in Znina eiusdem Gnesnensis Diocesis, cum prius vacauerit, exnunc eiusdem auctoritate & tenore, suppressimus & extinguimus, liceatque extunc Suffraganeo Gnesnensi illorum fructus, etiam quotidianas distributiones, eidem Suffraganeo, ratione eiusdem residentia debendos, propria auctoritate, prout alij Canonici & Prælati eiusdem Ecclesiæ residentes seu præsentis, ex Statuto & consuetudine eiusdem Ecclesiæ Gnesnensis, percipere consueuerunt & leuare, ac iuxta designationem per eundem Archiepiscopum fiendam, in Capitulo dictæ Ecclesiæ Gnesnensis, necnon in Ecclesia Gnesnensi etiam in Ecclesia circa diuina, & in omnibus aliis locis & locis, etiam Capitularibus, vnā cum Capitulo dictæ Ecclesiæ Gnesnensis interesse, ac etiam vocem habere, ac dictæ Ecclesiæ Parochiali per vicarium ad nutum dicti Suffraganei amicum deferuire. Quodque Archidiaconatus, Canonatus & Præbendæ prædictæ, vigore gratiarum expectatiuarum, non de illis alicui quauis auctoritate prouidere non possit. etiam quod de fructibus & Canonatu, Præbendarum, dignitatum, personatum & officiorum Collegiarum Ecclesiarum, totius Regni & dominiorum prædictorum, eo qui non resident in huiusmodi beneficijs, seu in diuinis deseruierint, aut in futurum non residebunt, seu non deseruiunt,

CONSTITV: SYNOD.

seruiant, etiam si ex indulto Apostolico, aut alijs quouis modo, ex consuetudine seu statuto de iure non tenerentur, possit liberè in Synodo Prouinciali certam partem prouentuum beneficiorum illorum designare, illamq; in vtilitatem seruientium Ecclesiæ aut residentiũ, put ei meliùs videbitur, erogare. Et vt ad quædam beneficia, quæ non nisi Lectoribus, Doctoribus, Magistris seu Baccalaureis Scholæ Cracouiẽ per Vniuersitatem Cracouiẽ concedi consueuerunt, idoneiores assumantur, quod de cætero concessiones, seu quæuis aliæ dispositiones, etiam auctoritate Apostolica dictorum beneficiorum non valeant, nisi ad id saltem doctorum mediocritatis, & aliorum legentium dictæ Scholæ expressus accedat assensus. Necnõ vt importuni motus & ambitiosi exquirentium fictas lites reprimantur, quod derogationes regularum de annali possessore, ac alterius, quod nulla commissio causæ valeat, nisi literis expeditis in quibusuis gratiis, seu commissionibus causarum beneficiorum prædictorum dicti Regni & dominiorum. Etiam in gratiis si neutri simul, si alteri, vel perinde valere, etiam motu & scientia ac potestate similibus, ac derogationes Iurispatronatus laicorum, quouis modo vacantium, etiam apud sedem Apostolicam, præterquam per obitum, nullo modo valeant, nec de cætero alicui suffragentur, etiam statuimus & ordinamus. Et vt nonnulla Statuta & ordinationes dicti Regni, & Ecclesiarum etiam Cathedralium & Metropolitanarum eius eò firmiter persistant, quo fuerint nostro munimine confirmata, Statutum seu consuetudinem Ecclesiarum prædictarum, quibus cauetur, quod illi, qui recipiuntur in Canonicos, seu ad aliquam dignitatem, vel ad aliud quoduis beneficium in aliqua prædictarum Ecclesiarum, soluere teneantur iucundum ingressum, commutantes in vtilitatem & honorem dictarum Ecclesiarum respectiue. Ac aliud Prouinciale Statutum, quo cauetur, quod notarij inuestiturarum de beneficiis Ecclesiasticis non possint pro eorum mercede recipere
vltra du-

ultra duos florenos auri Vngaricalis, quod incipit. Cùm ex
 o etiam Prouincialia, in quibus circa imperitiam notario-
 um & diuerforum, qui pro notariis se gerunt & non sunt, de
 ignis & protoculis eorum, & deponendo eos in Metrica, &
 e eorum examine, antequàm officia exerceant, & multis aliis
 citis & honestis prouideatur. Necnon de Pontificalibus &
 aliis sacris exercendis, iuxta ritum Romanæ Ecclesiæ. Nec
 on quæcunq; alia Statuta Prouincialia nuncupata, & facta
 a Prouinciali ac principali Synodo Gnesneñ, dum modo ali-
 legitima & honesta sint: Necnon, quia idem venerabilis
 ater noster Ioannes Archiepiscopus Gnesnenſis considerās,
 uod tam Sede vacante Ecclesię Gnesneñ, quàm non vacante,
 gligentia Prælatorum qui sæpè bona & possessiones dictæ
 Ecclesiæ visitare non curant, multa sæpè occupantur & dissi-
 untur, volens opportunè prouidere, quoddam officium
 economi seu visitatoris possessionum & bonorum dictæ Ec-
 cliæ Gnesneñ erexit, ac desuper quasdam ordinationes, Sta-
 ta & applicationes vtilis & proficuas dictæ Ecclesiæ fecit
 ordinauit, tam omnia & singula præmissa Statuta, consue-
 lines & ordinationes, quàm etiam erectionem dicti Oeco-
 mi, cum suis ordinationibus, & applicationibus, vt præ-
 titur factum, tenore præsentium confirmamus & appro-
 nus., illaq; perpetuò & inuiolabiliter obseruari volumus,
 plentes omnes & singulos defectus, tam Iuris, quàm facti,
 ui interuenissent in eisdem, non obstantibus constitutioni-
 & ordinationibus Apostolicis, ac Statutis, Consuetudi-
 us, Priuilegiis & indultis Regni & dominiorum dicti Re-
 & Ecclesiarum prædictarum, etiam iuramento, confir-
 matione Apostolica, vel alia quauis firmitate roboratis. Eri-
 i de illis eorumq; totis tenoribus, seu alia quauis speciali
 na, specialis mentio foret habenda: Decernentes Statu-
 ordinationibus, voluntati & confirmationi, nostris præ-
 sis, & eorum singulis, derogari non posse, nec derogatum
 D
 censeri.

cenſeri. Ac quoties forſan in aliquo derogari, vel contra præmiſſa, ſeu aliquod præmiſſorum indulgeri per nos aut Sedem prædictam contigerit, toties eo ipſo præmiſſa omnia & ſingula iterum Statuta & ordinata ac decreta irrita cenſeantur. Necnon quicquid ſecus à quoquam quauis authoritate contra præmiſſa, ſeu aliquod præmiſſorum, contigerit attemptari, irritum fore & inane decernimus. Nulli ergo hominum liceat hanc paginam noſtri Statuti, ordinationis, ſuppreſſionis, extinctionis, confirmationis, voluntatis, ſuppletionis, approbationis & decreti infringere, vel ei auſu temerario contrahere. Si quis autem hoc attemptare præſumpſerit, indignationem omnipotentis Dei, & beatorum Petri & Pauli Apoſtolorum eius ſe nouerit incurſurum. Datū Sanctæ ſeu eſſe Portuenſis Diceceſis, Anno incarnationis Dñicæ, 1513. xvij. Calend. Decemb. Pontificatus noſtri, Anno primo.

ABBATVM ELECTIO.

Petri Gamrati, Petricouiæ Anno 1542.

Admoniti diligenter per Clerum & mi Dñi, Dominus Archiepiſcopus & Epifcopi, promiſerunt ſe deinceps in Comitibus publicis, in noua Statuta, libertatem Eccleſiaſticam tollentia, abſq; conſenſu Synodi Prouincialis non conſenſuros, prout prædeceſſores eorum aliquando faciebant: maxime verò in Statutum nouum, contra liberam Canonicamq; electionem Abbatum in Monaſteriis (vt ſcilicet ſoli Nobiles Monachi Abbatiis præficerentur) factum. Quod quidem Statutum nouum, vt potè regulas, & modum viuendi omnium ordinum & religionum eneruans, eſt ipſo iure nullum, & ſtatutum Monachalem obligans minimè, conditòresq; eius. Necnon illi conſentientes, à ſacris Canonibus & Statutis Prouincialibus ſunt excommunicati ipſo facto, & licèt hoc ipſum Statutum abrogatione non indigeat, cum ſit ipſo iure nullum
ex defectu

ex defectu potestatis & iurisdictionis, nihilominus ~~mi~~ Domini, Archiepiscopus & Episcopi, in Regni Comitibus futuris, vt illud Statutum, in quantū aliquod sit, penitus abrogetur. Decreuit etiam sacra Synodus, ne de cætero seculares, & alii in Abbates eligantur, præterquàm Monachi probati & professi, secundum singulorum ordinum regulares sanctiones, & antiquam consuetudinem.

Ex Synodo Louiciensī, Aloisii Lipomani Episcopi Veronensis, & Sedis Apostolicæ Nuncii: ac Nicolai Dziergovvski Archiepiscopi Gnesnē. Anno Dñi, 1556. xi. Decembris.

AD Abbantias & Præposituras regulares, ad quas execrabilis quorundam secularium Clericorum ambitio irrumperere, timore Dei abiecto, non veretur, decreuit sacra Synodus, vt non nisi regulares & professi, iuxta dispositionem iuris communis, deinceps liberè, cessante quouis suorum Commissariorum vel aliarum quarumcunq; personarum metu aut coactione, eligantur, & per ordinarios taliter electi, & non alij benedicantur. Locorum autem ordinarij in ipsos Abbates & Præpositos diligenter, prout de iure, superintendant, vt scilicet regulariter & sine scandalo viuant, & suis exemplariter Monasteriis præsent, habitumq; & tonsuram, præsertim Abbates, sui ordinis deferre nō erubescant, vestes sericeas non deferant. Fratres sui ordinis studere volentes, in studiis generalibus seruent, & in Monasteriis certum numerum Scholarium, atq; Magistros qui eos ac nouitios ordinis doceant, iuxta dispositionem Statutorum Prouincialium, dudū super hoc editorum, teneant & habeant. Capellas etiam suorum Monasteriorum, maximè Parochiales Ecclesias, seu Præposituras, pensionibus indebitis & sibi reseruatis, non onerent, easq; vestigales sibi quoquo modo non faciant, nec illis onera aliqua

CONSTITV: SYNOD.

in earum præsentatione sub depositionis pœna imponere præsumant, si notam labis Simoniacæ euitare cupiunt, quandoquidem sine aliqua diminutione illas conferre oporteat. De quo &mi dñi locorum ordinarii diligenter in suis Diœcesibus pro officio suo inquirent.

DE RENVNCIATIONE.

NVllus Ecclesiam vel beneficium Ecclesiasticum dimittere, vel permutare, vel recipere præsumat, sine superioris sui autoritate, quod sub pœna suspensionis firmiter iuhibemus. Cùm autem beneficio suo aliquis in manibus sui superioris renunciare voluerit, superior ipse de renunciationis causa, an sit rationabilis vel iusta, & per consequens admittenda, an verò Simoniaca, seu per vim & metum extorta, & sic non admittenda, inquisitionem faciet diligentem: & tunc à tali iuramentũ, quòd in huiusmodi renunciatione nulla fraus, dolus, seu pactio Simoniaca interuenit, exigatur.

De supplenda negligentia Prælatorum.

Ex antiquis.

CONtingit nonnunquam, sicut experientia rerum magistra didicimus, aliquos nostræ Metropolis Episcopos, se à suis Ecclesiis extra vel intra Prouinciam, in locis remotis vel abstractis, ex causis quibuscunq; absentari: qui loco sui in Spiritualibus constituunt vicarios, qui quidem sæpè talia impedimenta, propter quæ non potuerunt, patiuntur aliquando etiam ipsi vicarij, dimittentes commissum sibi officium & regimen totius Diœcesis, diuertunt se ad alia nullo loco sui dimisso, vel aliquando in suorum Episcoporum absentia moriuntur: vnde graua animarum & rerum Ecclesiæ emergunt pericula & errores. Nos igitur paterna prouisione, huius sacri Concilii approbatione, his casibus succurrere cupientes, statuimus.

statuimus, vt si quem talium vicariorum Episcopaliū Canonico impedimento (propter quod administrare non posset) prohibito, seu desertorem officij, aut mortuum (vt præmittitur) in sui Episcopi absentia fieri contigerit, extunc Capitulum huius Ecclesiæ, vel maior vel sanior pars eiusdem, facta protestatione de huiusmodi defectibus, succedat in onere, & de alio idoneo & utili de gremio eiusdem Ecclesiæ, vicario in Spiritualibus seu officiali, omnem potestatem sibi de re competentem habente, prout ipsi expedire videbitur, providendi habeat facultatem. Qui huius sacræ Synodi auctoritate, spiritualia simul & temporalia, hoc modo vel consimili desertitæ Ecclesiæ & Diocesis sciat, valeat, & possit, prudenter & fideliter, cū consilio & consensu sui Capituli gubernare, regere & tueri, tanto tempore, quousq; Episcopus ipsorum ad eum vnde exiuit reuertatur, vel alius ab eo surrogetur. Omnia tamen emolumenta, exinde tempore medio prouenientia, Episcopo redeunti restituere tenebuntur, & de ipsis sibi reddere rationem. Nihilominus Capitulum huiusmodi siue maior pars ipsius de absentia Episcopi, & de impedimentis & defectibus, tam Episcopi, quàm sui vicarii tenebuntur, quamvis commodè poterint per literas suas vel nuncios Metropolitanum, qui pro tempore fuerit, vel si maluerint Romanum Pontificem consulere, qui circa præmissa & alia, si opus fuerint supplenda, in huiusmodi negligentia, vel absentia Episcopi, habebit consulere & facere, secundum quod personis & rebus videbitur expedire, & ex præmissis omnibus non minus iuri & iurisdictioni Episcopali, casibus cessantibus, in quo derogare.

Joannis Prerembii Archiepiscopi. Varssouiæ

Anno Dñi, 1561. Die 4. Martii.

VM ad conseruandam disciplinam Ecclesiasticam magis conuenienter sit necessarium, vt omnes, qui in hac militanti

C O N S T I T V: S Y N O D.

Ecclesia cæteris præfunt, officiis suis diligenter incumbant. Propterea sacra Synodus inhærendo prioribus decretis Synodalibus, & mos dñs locorum ordinarios, ad exequutionem Statutorum Prouincialium veterum & nouorum faciendam, extunc monet & hortatur, Capitulisq; Metropolitanarum & Cathedralium Ecclesiarum seriò iniungit, vt deinceps toties quoties opus fuerit eosdem & mos dñs Archiepiscopos & Episcopos suos, si quos viderint in hoc esse remissos & negligentes, officij eorum admoneant. Qui si huiusmodi admonitionem minimè curauerint, secundo & tertio idem facere nõ negligent, & hoc vbi copiam sui circa sponsam suam Episcopi exhibuerint: Alioqui absentes per literas vel nuncios suos iterum atq; iterum diligenter admoneant. Qui si adhuc in negligentia eiusmodi temerè perstiterint, extunc sic negligentem & mos domino Archiepiscopo per suas literas fraternè admonendum deferant: qui si etiam & mosl domini Archiepiscopi admonitionem (quod absit) contempserit, extunc deinceps dominus ipse Archiepiscopus ad exactiõem pœnæ in Synodo Lancieñs laudatæ contra sic officij sui negligentes, vigore præsentis Constitutionis Synodalis, iure mediante, ex officio suo procedat, communicato tamen in hoc duorum vel vnus, si commodè illi videbitur, suæ Prouinciæ Episcoporu seniorum consilio. Quodsi verò & mos dominus Archiepiscopus etiam simili vitio negligentia, in Dicecesi vel Prouincia suis laborare à Capitulo suo notaretur, idem facient in admonendo eo officij sui duo seniores huius Prouinciæ Episcopi. Vbi verò aliquis dñorum Episcoporum censuras & pœnas iuris, à domino Archiepiscopo eo nomine promulgatas, animo (quod absit) indurato sustinendo contempserit: aut etiam dominus Archiepiscopus modo præmisso admonitus in officio exequendo remissus fuerit, extunc talis per Capitula maiorum Ecclesiarum Sedi Apostolicæ deferatur. Capitula verò, si etiam in præmissis aliquam admiserint negligentiam, similibus

nilibus pœnis à x^{mo} domino Archiepiscopo vigore præsentis decreti Synodalis afficiantur. Quarum quidem pœnarum medietas fabricis suarum Cathedralium Ecclesiarum, altera erò Vniuersitati studiù Cracouiens applicetur.

De tempore Ordinandorum. Ex antiquis.

CVM Clericorum ordinatio, vel beneficiorum prouisio, imminebit faciendâ, Prælati ex officii sui debito, diligenter inquirent, an promouendus ad Sacros ordines vel ad curatum beneficium, sit grauis in moribus, ætatis legitimæ & scientiæ competentis: & vtrum sit de thoro legitimo natus, & quod non sit aliqua hæresi infectus, & vtrum habeat perpetuum beneficium Ecclesiasticum, vel sufficiens patrimonium, aut sufficientem prouisionem, volens ad Sacros ordines promoueri: & si est de alia Diœcesi, vtrum habeat commendatitias literas superioris. Quem autem criminofum & defectuosum inuenerint in præmissis, aut aliquo præmissorum, tunc omnino repellant. Præcipimus insuper, quòd Episcopi excommunicationis sententiam proferant in illos, qui furuè ad receptionem ordinum accesserint, priusquàm ordinationem inchoent Clericorum.

Præterea statuimus, quòd ordinarii locorum, ad examen Clericorum ordinandorum, ponant viros doctos, idoneos & peritos, in eo ipsorum examinatorum conscientias onerantes, vt siue acceptione personarum ex quacunq; causa indotos, & alios immeritos non admittant.

Statuimus, quòd nullus ad Sacros ordines aliquatenus admittatur, nisi recenter confessus fuerit omnia delicta sua idoneo Sacerdoti, per loci Diœcesanum ad hoc deputato, cui etiam in casibus referuatis, vigore præsentis Statuti, concedimus facultatem absoluendi & dispensandi, cum pauci sint, qui delicta sua vel sequelas intelligunt delictorum, quodq; per
secretum

cretum confessorem valeat instrui ordinandus, an sibi expediat ordinari, vel ob irregularitatis alicuius vitium ei sit potius abstinendum.

De ætate & qualitate ad Ordines promouendorum, & de literis dimissoriis. In Synodo Petricouienſi prima, & Lancicienſi prima & ſecunda.

Quoniam in Synodo Petricouienſi ſtatutum erat, vt nulus ad aliquos ordines, etiam minores recipiendos, admitteretur, niſi per literas testimoniales Decani ruralis, & vnius aut duorum Plebanorum vicinorum eiufdem Decanatus, vbi degit, de vita & moribus, & conuerſationibus bonis, & honeſtis doceret. Quod Statutum, neceſſitate & vtilitate ſuadente, corrigere in melius & emendare cupientes, ſtatui-
mus vt Acoliti omnino deinceps non ordinentur, niſi tunc, cum ad ſacros Ordines ſtatim promoueri, vel eis beneficia Eccleſiaſtica conferri deberent. Ordinandi verò ad ſacros Ordines non alii admittantur, niſi in Metropolitana, Cathedrali, vel Collegiata Eccleſia, ſtent per vnum annum integrum, cantui & officiis diuinis diligentius incumbendo, de quo literas testimoniales ab Officiali loci ad Ordinarium afferre debent: adiungentes, quòd literæ dimiſſoriæ paſſim per Ordinarios, & abſq; legitimo examine non concedantur.

De eodem. In Synodo Petricouienſi prima.

Statuimus præterea, quòd ad Eccleſias, quibus cura imminet animarum, iuxta iurium diſpoſitionem, non inſtituantur, niſi ætate legitima conſtituti, & in morum grauitate, literarumq; ſcientia imbuti, de quo per Ordinarios inquiratur mediante examine, prout circa Ordinandos ad aliquos ordines

ordines cautum est fieri. Circa quod examen, nulla penitus munera exigantur, aut etiam ab vltro portantibus recipiantur, prohibemus. Accipientes autem, duplum danti restituent, & pœnam Synodalem ordinario soluent. In quo conscientiae eorum sint oneratae.

Ex Statutis Drevice, Anno Domini,

1532. Petricouiae editis.

Facilitate factum est, quòd multi Clerici, nec literati, neque bonis moribus imbuti, ordinari se à Suffraganeis Cathedralium Ecclesiarum procurant, indulto seu diuissoria ab Ordinariis quomodolibet & aliquando per importunas intercessionis obtenta, in maximum scādalum status Ecclesiastici. Synodus itaq; sancta, pro euitandis periculis & scandalis maioribus, statuit, eam licentiam ordinandi restringendo, vt non nisi sacerdotio aptos, & diligenter examinatos, testimoniūq; bonum suae conuersationis habentes, & qui circa Cathedralles Ecclesias, vel Collegiatas, iuxta dispositionem veterum Prouinciæ Statutorum, annum integrum morantes in scholis expleuerint, & à Magistris Scholarum suae conuersationis, necnon certum titulum, vel sufficiens patrimonium, seu prouisionem sufficientem habuerint, ordinentur. Cæterum quænam prouisio sufficiens sit, aut existimari debeat, Synodus Diœcesana vel Prouincialis decernere debet. Suffraganei autem si labem Simoniacæ euitare cupiunt, nihil præterquam Statuto Prouinciali est permissum, pro ordinatione ab ordinatis exigant.

De eodem. Ex Nicolai Dziergovski Lancienfibus Statutis. 1547.

NON potest tolerari sine magno status Ecclesiastici dedecore, quòd passim docti & indocti, probi & reprobi, ad
E Ordines

C O N S T I T V : S Y N O D.

Ordines sacros maiores & minores, ac sine discrimine promouentur, multiq; iam Sacris initiati, munia eorum ordini conuenientia, obire præ ignorantia non valent: atq; per hoc statui Clericali contemptum & secularibus graue scandalum pariunt: idq; contigit examinerum ad id deputatorum conuiuentia & negligentia, vel quauis potiùs supina indulgentia. Sacra itaq; Synodus, hanc periculosam indulgentiam & negligentiam præcludere volens, statuit & decreuit, vt deinceps Archidiaconis, ad quos de iure & consuetudine ordinandorum examen pertinet, vel ab eis deputatis, adiungat quilibet Lociordinarius Officialem suum, & Ecclesiæ suæ Pœnitentiarium, & Magistrum scholæ, ac vnum ex Vicariis Cathedralium Ecclesiarum, qui tales ad Ordines aspirantes, diligenter & fideliter de vita antea, moribus & scientia, ætate, & natalibus, examinare sint astricti, in quo eorū cōscientiæ onerentur. Et nullum, qui in locis hæresi infectis studuerit, suscipere, neq; ad prouisionem seu ad certū titulū, vel sufficiens patrimonium, de cætero admittere audeant. Domini quoq; Suffraganei nō alios, quàm eo pacto examinatos, ordinare præsumant.

De filiis Presbyterorum. Ex antiquis.

CV M illegitimè natis, dispensant Episcopi in minoribus Ordinibus & beneficio sine cura, dummodò tale sit, in quo aliàs dispensare possint: in aliis dispensatio Papæ requiratur. Si verò dispensatum fuerit cum aliquo, quòd nō obstante illo defectu possit ad curatum beneficium promoueri, prætextu illius dispensationis, non poterit duo beneficia simul obtinere.

De Clericis peregrinis. Ex antiquis.

NVLLUS Clericus curatus Prouinciæ, in quouis ordine constitutus, peregrinari extra suā Diocesium præsumat, absq; Diocessani sui licentia speciali, vel sui Vicarii generalis, qua petita & obtenta, idoneum Presbyterum loco sui relinquat.

quat, quem Diœcesanus approbet, & interim sibi committat curam animarum. Quod si quis vltra sex menses se à suo beneficio absentare præsumperit, curam animarum habente, à beneficio Ecclesiæ vel Ecclesiarum, in qua vel in quibus beneficiatus existit, per lapsum sex mensium sit suspensus: aliàs terminatus si vago modo, vel cessante legitima causa, ad Ecclesiam suam non redierit, ipso facto eadem sit priuatus.

DE OFFICIO ARCHIDI- aconi. Ex antiquis.

Item statuimus, quòd Archidiaconi suos Archidiaconatus de triennio in triennium visitent per se, vel per alios idoneos, fideliter, & non perfunctoriè, in quo ipsorum conscientias oneramus. Et dum officium visitationis exercent, ab omnibus Presbyteris subiectis audire Canonem teneantur, & eos, si id quod legunt intelligant, examinare in officio Missæ toto ordine, in verbis, gestis, atq; signis. Non solum iure Canonico, sed etiam Constitutionibus & Statutis prohibitum fore noscitur, sed pœnis grauib; Archidiaconis & aliis iurisdictionem habentibus, de consuetudine, vel de iure, ac eorundem vices gerentium, ne à subditis seu Ecclesiarum rectoribus, ipsis non visitatis, procurationes & expensas in pecunia audeant extorquere, quia tum his non obstantibus suæ cupiditatis laxantes habenas, in his culpabiles & remissi manifestè noscuntur. Ordinamus & statuimus, vt de cætero ipsi Archidiaconi, & alii iurisdictionem habentes, vel eorum vices gerentes, videlicet Decani rurales, à locis non visitatis, & præsertim pro concubinis tenendis, publicè in statu damnabili, in suarum animarum periculum, non audeant à rectoribus Ecclesiarum, vel aliis Presbyteris pecunias exigere. Alioquin contra facientes virtute Statuti præsentis excommunicationis sententiam incurrere volumus ipso facto. Et nihilominus, si quos processus in præmissis promulgauerint, decernimus irritos & inanes,

Ioannis de Lasko, Ex nouis, videlicet Petri-
couieñ prima, & Lanciciensi secunda.

DEcernimus, quòd Archidiaconi, & illi quibus onus vi-
sitandi imminet, de triennio in triennium visitent, & si
contra iuris & Statutorum dispositionem, rectores & alios
Presbyteros aggrauādo, in suo officio excederent, vltra pro-
curationem aliquid extorquerent, negligentesq; essent, per
Diœcesanos etiam ex officio extorta restituere compellan-
tur, & pœna viginti ducatorum puniantur. In quo si Ordina-
rius inuentus fuerit negligens, pœna viginti marcarum pro
fabrica Ecclesiæ Cathedralis, vel Metropolitanæ, vbi hæc ne-
gligentia euenerit, conuertenda per Archiepiscopum: & Ar-
chiepiscopus per Synodum Prouincialem puniendus. Vt au-
tem huius rei inquisitio meliori exequutioni demandetur, sta-
tuimus, vt Ordinarii in qualibet Sede Archipresbyteratus,
seu in Decanatu rurali, eligant duos testes Synodales, ad nu-
tum Ordinarii remouibiles, videlicet, Archipresbyterum seu
Decanum ruralem, & vnum Plebanum ei vicinum, qui esset
inter alios vita & moribus commendatus, qui Archidiacono-
rum visitantium vestigia inquirerent, eorumq; errata, negle-
cta, & extorta, Ordinario & ad Synodum Diœcesanam de-
ferent, à quibus Ordinarii iuramentum in Canonibus expres-
sum recipiant, eosq; in quantum in eorum officiis viderentur
negligentes canonicè puniant. Si autem Decanus ruralis ad
præmissa minùs videbitur sufficiens, poterit Ordinarius in
eodem Decanatu, alium Plebanum, magis idoneum ad præ-
missa ordinare.

Latalicii & Gamrati. .

COgant etiam & mi Dñi Archiepiscopi & Episcopi autho-
ritate huius Synodi & iuris communis, vt Archidiaco-
ni per se (nisi legitima causa excusentur) in quo casu per Do-
ctores.

ctores aut Magistros artium, in sacris ordinibus constitutos, probatæ virtutis, & de consensu Ordinariorum suorum diligenter visitent Parochias suas, statutis à iure temporibus: quorum visitationes soli Ordinarii per se vel delegatos exequantur, quiq; Archidiaconi, ad residentiam circa Ecclesias suas, iuxta Bullę Leonis x. dispositionem, compellantur. Alioquin pœna in Bulla expressa puniantur. Qui verò Archidiaconatus electiuos sine electione legitima occuparunt, illos ad sex menses resignare, & Capitula Ecclesiarum illarum, alios eligibiles, ad ipsos lapsis sex mensibus, eligere teneantur. Qui autem Archidiaconatus legitime assequutos, tamen non promoti in Doctores contra dictæ Bullę tenorem obtinent, hinc ad vnius anni cum dimidio decursum, se promoueri in Doctores curent, sub priuatione eorundem Archidiaconatum suorum. Vbi autem Ordinarii vel Capitula in præmissis exequendis remissiores fuerint aut negligentes, ~~emus~~ Dñs Archiepiscopus, velut Primas, illorum negligentiam supplere, & præmissis oportunè providere, ac de huiusmodi Archidiaconatibus disponere debebit.

Ioannis Przerembski. Varlsouix. 1561.

ET quoniam Archidiaconorum officium adeò est in Ecclesia Dei necessarium, vt rectè à Patribus Archidiaconi oculi Episcoporum vocentur, veterem constitutionem Synodalem super electione Archidiaconorum declarando, decreuit sancta Synodus, vt eorum electio, iuxta Statuta Provincialia, & dispositionem Bullę Leonis decimi, per omnia obseruetur, neq; vlla collusio, in nominandis duobus Doctoribus, per ~~emus~~ Dños Ordinarios committatur: sed vterq; æquè qualificatus & idoneus, ab eisdem, iuxta præscriptum Statutorum, liberæ electioni Capitulorum proponatur.

E. iij

De of-

CONSTITV: SYNO D.
DE OFFICIO VICARII.
Ex antiquis.

ET ne fortè contingat, stulto labore, sicut dictum fuit Moysi, vos consumi, si soli velitis omnia negocia vestrarum Diocesum supportare, vel ne videamini iustitiæ neglectores, si per vos ipsos vel per alium non curatis subditis vestris iustitiam exhibere. Mandamus vt quilibet vestrum, Officiale suum in ciuitate sua iuxta Cathedralem Ecclesiam constituat & relinquat, causis rationalibus dūtaxat exceptis, virum vtiq; literatum, prouidum & discretum, cui vices suas committat plenariè in causis audiendis, & censura Ecclesiastica exercenda, vos autem in his, quæ ad Dominum pertinent specialiter intendatis, & maiora ad nos cum opus fuerit referantur. Et habeat quilibet Officialis sigillum curiæ domini sui pro Citationibus, & aliis actis coram ipso habitis sigillandis. Et ad istum accedant pauperes & oppressi, & suis decimis spoliati, necnon alii totius Diocesis, qui habent causas ad forum Ecclesiasticum pertinentes. Et ipse se exhibeat sapientibus & insipientibus iustitiæ debitorem. Quod si infra mensem Episcopus negligens fuerit: extunc Metropolitanus negligentiam approbatione huius Concilii supplebit in hoc casu, cum à multis in dubium solet reuocari, an rector Parochialis Ecclesiæ, vigore potestatis sibi in sua institutione commissæ, circa curam & regimen animarum, vicario suo, vel socio, quem sibi in coadiutorem recepit, similem authoritatem absoluendi Parochianos suos, in casibus eidem concessis, concedere possit, absq; Ordinarii loci licentia speciali. Nos attendentes, quod plerunq; ex huius ambiguitatis dubio multa incommoda animabus proueniunt, ad huiusmodi dubium declarandum, quod omnibus & singulis Ecclesiarum Parochialium rectoribus secularibus vel Conuentualibus, liceat ex vi ipsorum institutionis, ad Ecclesias Parochiales canonicè factæ

factæ vicariis suis, & fociis suis notis, & viris approbatis, & non vagis, nec peregrinis, sed de quorum constat ordinibus, Plebanis præsentibus, vel infra breue tempus se absentantibus pro eodem receptis, similem & non maiorem auctoritatem circa absolutiones confitentium concedere, hoc sacro Cōcilio approbante, plenam in Dño concedimus facultatem.

DE OFFICIO ORDINARII, & Metropolitanī, & Legati nati. Ex antiquis.

STatuimus, quòd deinceps futuris temporibus, quilibet Archiepiscopus Gnesnē, qui pro tempore fuerit, de triennio in triennium Prouincialem teneatur Synodum, per se vel alium conuocare: ipse quoq; & quiuīs Episcopus præfatæ Gnesnensis Prouinciæ, in antea quolibet anno, semel in sua propria Diœcesi, Diœcesanam teneatur similiter per se, vel per alium Synodum congregare, eo anno excepto, quo Prouincialis Synodus celebratur.

Suas quoq; Diœceses præfati Archiepiscopus & Episcopi visitare procurent, subditorum excessus corrigant, mores reforment, statuunt, ordinent, & videant quæ animarum salutē crediderint profutura.

Quodsi quoq; (quod absit) præfati Archiepiscopus & Episcopi (antedictas Synodos, vt præmittitur absq; causa rationabili, quam in Prouinciali Synodo tunc proximè secutura teneantur exponere) contempserint, neglexerint, aut distulerint conuocare, Archiepiscopus pro neglecta Prouinciali centum, pro Diœcesana verò obmissa, ipse & quiuīs Episcopus negligens quinquaginta Marcas grossorum Pragensium numeri Polonici & consueti, sine contradictione seu difficultate qualibet, pro fabrica Metropolitanæ vel Cathedralis Ecclesiæ, persolvere teneatur. Quas pœnas, si Archiepiscopus centum Marcas elapso triennio, ipse verò, vel quicūq; alius Episcopus quinquaginta Marcas anno elapso solvere

(vt præ-

C O N S T I T U T I O N E S S Y N O D I.

(vt præfertur) non curauerit infra mensem, extunc Archiepiscopus Episcopum comprouincialem negligentem, præmissa monitione, censura Ecclesiastica compellat ad soluendum. Metropolitanus verò per Synodum Prouincialem, auctoritate præsentis Concilii, similiter compellatur.

Item statuendo ordinamus, hoc sacro Cõcilio approbante, vt per omnia tollantur dubia, quòd de cætero Episcopi, & Capitula Ecclesiarum Cathedralium, necnon Abbates Metropolitanæ Prouinciæ, ad Synodum Prouincialem vocari, & eorum Nuncii admitti debent. Et si aliqui taliter impediti fuerint, quòd ad Synodum venire non possent, legitimam excusationem cum pleno mandato, ad acceptandum & recipiendum ea, quæ in Synodo sancita fuerint, mittant. In qua Synodo in eundo & redeundo honestè ambulent, & honesta acquirant hospitia, & in eis circumspèctè se habeant & modestè, ne mores & gestus in vita Clericorum, populo fiant in scandalum & contemptum.

Statuimus etiam & præcipimus obseruari, quòd in Synodis Prouincialibus & Diocesanis Missa debet publicè decantari, & in eadem Episcopi & Abbates, & alii qui de iure vel priuilegio infulis vtuntur seu mitris, mitrati: Præpositi verò, Canonici, & inferiores Prælati, cum superpiliciis, dalmiciis & paruis mitris, & Cappis seu pluuiialibus: Rectores verò Ecclesiarum, & simplices Sacerdotes, cum superpiliciis & stolis tantum Synodum intrent, & in ea deuotè, & cum reuerentia vsq; ad finem, nisi casus necessitatis emerferit, perseuerent. Religiosis nullam Prælaturam vel administrationem habentibus, perpetuò permittimus, in habitu suo cum stolis in Synodis posse stare: etiam si administrationem habeant, prouiso quòd inferiores Prælati, quibus per priuilegium conceditur vsus mitræ, si sunt exempti, in Prouincialibus & Episcopalibus Conciliis vt possunt aurifrigiatis, id est, aureis filis confutis, non habentibus laminas auri vel argenti, aut gemmas.

gemmas. Si verò non sunt exempti, albis & planis vtantur.
In alijs verò locis vtentur, vt indulta permittunt.

Omnibus insuper vtriusq; sexus hominibus, qui Missæ prædictæ intererunt, quadraginta dies indulgentiarum, de iniunctis eis pœnitentiis, misericorditer relaxamus.

Sacerdos quilibet plebem suam doceat diligenter, vt cùm in celebratione Missarum leuatur hostia salutaris, quilibet deuotè flectat genua sua, vel saltem se reuerenter inclinet. Idem facient cùm eam portat Presbyter ad iufirmum, quam in decenti habitu, superposito mundo velamine, ferat manifestè ac honorificè, ante pectus cum omni reuerentia & timore, cum nola parua & lumine, nisi locorum repugnet distantia, vel temporis qualitas præcedentis. Et vt ad faciendam tam venerabili Sacramento debitam reuerentiam & honorem hominum fidelium deuotio incitetur, omnibus Christi fidelibus, qui in eleuatione & delatione corporis Christi, genua flectent, vel saltem deuotè sese iuclinauerint, & vnum Pater noster cum salutatione Angelica dixerint, aut ipsum venerabile Sacramentum ad infirmos concomitati fuerint, de omnipotentis Dei clementia quadraginta dies indulgentiarum, de iniunctis pœnitentiis, misericorditer relaxamus.

Antiquum Statutum Gnesnè Prouinciæ renouantes præcipimus, vt Episcopi summis festiuitatibus Missas celebrent, & verbum Dei populo per se, vel alios ad hoc idoneos, proponant, nisi magna necessitate fuerint impediti.

Item statuimus, vt omnes Cœpiscopi nostri in omnibus Diœcesibus Prouinciæ nostræ, ad quas eos deuenire contingat, populum benedicant, Ecclesiarum rectoribus, & eorum prædicatoribus, vt Parochianos suos in sermonibus & exhortationibus suis informant, & ad benedictiones Episcoporum se humilient, genua flectant, vel saltem capita reuerenter inclinent, firmiter iniungentes.

Adhæc statuimus, vt singuli Episcoporum suos carceres habeanť

CONSTITVT: SYNOD.

Habeant circa Ecclesiam Cathedralē, in quibus falsarii incorrigibiles, & Apostatæ, vel alii qui hoc meruerunt, recludantur.

In Synodo Lancienſi ſecunda. Ex nouis
Ioannis de Lasko.

VT Domini Archiepiſcopi ſuas, & Prouinciales Diœceſes, Epifcopi verò Diœceſes eorum, iuxta diſpoſitionem ſacrorum Canonum, viſitent per ſe, vel per alium, & primò Curiſ ſuas emendantes & corrigentes, quæ videbuntur emendanda. Prædicatores verbi Diuini, & confeſſores idoneos, ac viros in iure peritos in eorum Curiis ſeruiant & foueant, in partem ſollicitudinis, & regimen curæ paſtoralis.

Archiepiſcopus, Synodum Prouincialem celebraturus, Epifcopos & Capitula auſet. In prima eadem & ſecunda.

Conſideratis locorum & temporum incommoditatibus, in quibus ab antiquo conſueuerunt Synodi inſtitui. Deceuit & conſtituit ſacra Synodus, vt *ſæpius* Dñs Archiepiſcopus Gneſnenſis, communicato conſilio cum aliis *ſæpius* Dñis Cœpifcopis ſibi vicinioribus, Synodos Prouinciales non alibi, quàm in Petriconia, Lancicia, vel Lovicz, inſtituat, per ſuasq; literas priuatas, Ordinarios & Capitula, de loco Synodi auſatos faciat, & iuxta vota maioris partis Epifcoporum & Capitulorum, locum Synodi, in altero ex tribus prædictis locis inſtituat. Nec in alio tempore anni, quàm in principio Autumni, vel in Hyeme, hoc eſt in aliquo conuenienti tempore, inter feſtum diui Bartholomæi & quinquageſimam: niſi aliud euident & inuitabilis neceſſitas, aliquo alio loco & tempore, conſtituendam ſuaderet. Quoties verò ſua celſitudo Synodos inſtituet, totiens cauſam præcipuam, propter quam
eam in-

cam instituit, in literis clausis ad Dñs Episcopos & Capitula exprimere teneatur, vt super ea deliberare, & demum parati ad Synodos venire valeant. Non negamus tamen, quòd etiam vltra causam propositam, & alia in Synodo tractari possunt negocia maiora & minora, & maximè ad morum reformationem pertinentia, prout necessitas & vtilitas Ecclesiæ, Reipub. vel singulariũ personarum, exposcere videbuntur.

Archiepiscopus fungatur officio Legationis.

In eadem prima.

Placuit etiam Synodo, vt ~~emus~~ Dñs Archiepiscopus Gnesensis, Legatus natus & Primas, vtatur officio Legationis in Prouincia, secundum Bullam ad hoc celsitudini suæ concessam, & in præfata Synodo publicatam. Causas tamen extra Dioceses partium rearum non committat, nisi quando actor probaret perhorrescentiam, aut sibi imminere mortis periculum, tunc in proximiori Diocesi partis reæ committere possit. Liberum tamen erit Dñationi suæ, trahere ad se partes reas, de quacunq; Diocesi Prouinciæ suæ, quando voluerit aliquam causam audire per se. Et quia hæc Legatio data est ad instar Legationis ~~æmi~~ Dñi Episcopi Cantuarien in Angliã, cuius facultas adhuc hic ignoratur: placuit Synodo, vt hac sua secundum illam vtatur, postquam de illius facultatibus certior efficietur. Placuit etiam vt hæc Legatio, in facultatibus amplioribus, vltra ius commune augeatur per summum Pontificem, quatenus id impetrari possit, saltem vt percussores Clericorum, qualicunq; percussione, etiam post declarationem, autoritate ipsius Legationis absolui possint, Episcopis exceptis. Tenor verò Bullæ prædictæ sequitur, & est talis,

Bulla Apostolica Legationis natæ. 1515.

LEO Episcopus, seruus seruorum Dei, ad perpetuam
 rei memoriam. Pro excellenti præminencia Sedis
 Apostolicæ, in qua post beatum Petrum Apostolorum prin-
 cipem, quamuis imparibus meritis, pari tamen autoritate
 constituti sumus, in agro irriguo militantes, Ecclesiæ nouas
 Legationes plantare, & instituere, Pontifici dignum arbitra-
 mur per nouas plantationes, præsertim in locis Christi fide-
 um, infidelibus vicinis, ac in parte schysmata sustinentibus,
 non solum populorum deuotio, verumetiam hæc ipsa noua
 nominis & fidei Domini nostri Iesu Christi plantatio, schy-
 smatumq; eradicatio, vt augeatur commodiusq; succedat, &
 animarum salus subsequatur, ac Prouinciæ & Regna illustren-
 tur. Idq; nos eò libentius agimus in locis prædictis, in quibus
 tum ex variis inter mortales occasionebus, tamen in primis in-
 teritus schysmatis ratione necessitatis, plerumq; subesse
 conspicitur, & ad hoc Catholicorum Regum vota tendere
 noscuntur, vt assistentia & auctoritate Legati noui, & alma
 mater Ecclesia propagationis plantationis nouæ, & genus
 humanum, propositum felicitatis æternæ præmium felicius
 valeat adipisci. Attendentes igitur, quòd in toto Regno Po-
 loniæ, vna Metropolitana Gnesnè videlicet principalis Ec-
 clesia existit, cui omnes aliæ Ecclesiæ dicti Regni Metropoli-
 tico iure, ac etiam Metropolitana Leopoliensis in terris Ru-
 ssiæ, ad Regnum ipsum pertinentibus sit, Primatiali iure sunt
 subiectæ. Et quod si venerabilis frater noster Ioannes de La-
 sko modernus, & pro tempore existens Archiepiscopus Gne-
 snensis, suæ Archiepiscopali Prouinciæ & Ecclesiis, sibi Me-
 tropolitico ac prædicto Primatiali iure subiectis, non solum
 Metropolitico ac Primatiali, sed etiam Legationis iure præ-
 esset, & ratione dignitatis eiusdem Primatialis, huiusmodi
 Legationis officium haberet, ex hoc profecto salubriori & di-
 ligentiori exercitio, Metropolitice Primatialisq; iurisdictionis,
 & commoditati Ecclesiarum, quæ sibi Metropolitico &

Prima-

Primatiali iure subiciuntur, ac illis nunc & pro tempore præfidentium Prælatorum, necnon Cleri & populi, Ciuitatum & Diœcesum earundem, quæ in eorum oportunitatibus, ad eundem Archiepiscopum & Legatum ratione eorum, quæ vigore Legationis huiusmodi exercere poterit, facilius & commodius recurrere possent, & eiusdem Ecclesiæ Gnesnensis, & præfati Regni, cuius Reges & incolæ Apostolicæ Sedi, deuoti & fideles semper esse consueuerunt, deuotioni ac venustati plurimum consuleretur. Considerantesq; in Regno Angliæ, olim & in Germania, Archiepiscopos aliquot, Legatos natos, per prædecessores nostros erectos fuisse: Eorundem prædecessorum vestigiis inhærentes, & ad magnam instantiam, quam super hoc fecit, & facit charissimus in Christo filius noster, Sigismundus dicti Regni Poloniae Rex illustris, debitum habendo respectum, ad Dei laudem & honorem, ac fidei Catholicæ exaltationem, prædictum Ioannem de Lasko, modernum; ad nos & sacrum Lateranense Concilium, pro dicto Rege, Oratorem destinatum, & pro tempore existentem Archiepiscopum Gnesnensem, Legatum natum, cum omnibus honoribus & oneribus consuetis, ita quod de cætero suo Archiepiscopali, & prædictæ Leopoliens Prouinciis, & Ecclesiis sibi Metropolitico & Primatiali iure subiectis, non solum Metropolitico & Primatiali, sed etiam Legationis iure præsit. Et ratione dignitatis suæ Primatialis & Legationis officium, in ipsis Prouinciis habeat, autoritate Apostolica, & ex certa scientia nostra facimus, & constituimus, & etiam ordinamus: sibi nihilominus concedentes, vt omnibus & singulis, priuilegiis, libertatibus, præeminentiis, exemptionibus, immunitatibus, honoribus & gratiis, vti & gaudere. Ac quod omnia & singula facere, & exercere, ac mandare, ordinare & exequi, quæ ad Legatos natos, & huiusmodi Legationis officium habentes, quomodolibet pertinent, & qua alij Legati nati, præsertim verò Legatus Cantuariensis, qui in Prouinciis suis, de

iure, priuilegio & consuetudine, mandare, facere, & exequi possint, liberè & licitè valeat. Mandantes per præsentēs vniuersis & singulis Suffraganeis, Leopoliensiq; terrarum Russiæ Archiepiscopo, & aliis in dictis Prouinciis existentibus, quatenus eidem Archiepiscopo, & Legato nato, pro tempore existenti, in his quæ sibi ratione officii Legationis, sic vt præfertur competunt, pareant & intendant, non obstantibus Constitutionibus & ordinationibus Apostolicis, ac literis & Priuilegiis quibuscumq; concessis, illorum tenores, ac si de verbo ad verbum exprimerentur, præsentibus pro expressis habentes, quibus quo ad præmissa, specialiter & expresse derogamus, cæterisq; contrariis quibuscumq;. Nulli ergo hominum liceat hanc paginam nostrę creationis, constitutionis, ordinationis, concessionis, mandati & derogationis infringere, vel ei ausu temerario contraire. Si quis autem hoc attemptare præsumperit, indignationem omnipotentis Dei, ac beatorum Petri & Pauli Apostolorum eius, se nouerit incursurum. Datum Romæ apud S. Petrum. Anno Dñi 1515. v Idus Iulii. Pontificatus nostri, Anno tertio.

Archiepiscopus & Episcopi, inquisitores hæreticę prauitatis instituant. Ioannis Laski Lanciciæ, Anno Dominini, 1527.

Item: Decreuit eadem Synodus prioribus Statutis innitendo, & eadem innouando, vt Dñi Archiepiscopi & Episcopi, præsertim verò VVratislauicę & Cuiauię, in suis Diœcesibus seruent inquisitores & visitatores hæreticę prauitatis, qui per singulas Diœceses visitent & inquirent diligenter de suspectis & notoriis in secta Luterana, quos Dñs Ordinarius deferant puniendos. Qui visitatores seu inquisitores, vnus ad minus esse debet in qualibet Diœcesi Presbyter secularis vel regularis, prout Dñs Archiepiscopis & Episcopis melius & vtilius, ac commodius videbitur faciend. Sed quoniam

quoniam visitatio & inquisitio, quantumuis diligentissima, ad extirpationem eiusdem sectæ parum prodesset, nisi adhiberetur fidele pabulum verbi Dei per viros verè Catholicos, valentes verbo, opere & exemplo, quorum sana doctrina scirent homines reprobare malum & eligere bonum: Ideo decreuit hæc sacra Synodus, prioribus Statutis inhærendo, vt Dñi Archiepiscopi & Episcopi, præsertim verò VVratislauieñ & Cuiaviae in Curiis, Ecclesiis, Metropolitanis, Cathedralibus & Collegiatis, & illis potissimum vbi secta Luterana adhuc pullulare videtur, seruent Theologos doctos, verbi Diuini Concionatores, qui Euangelium Christi, & sacram paginam, per solidam scripturam, verum & approbatum intellectum, Christifidelibus tradant, & interpretentur: omittentes in concionibus quæstiones scholasticas, & exempla somniata, quæ corda fidelium distrahere potius, quàm ædificare, videntur.

Libri cui libet Parocho necessariò habendi.
Eiusdem. ex Eadem.

Item. Quia rectores Ecclesiarum Parochialium, tenentur de iure prædicare populo verbum Dei, quod absq; sana Sacrae scripturae intelligentia ad effectum deducere nō possunt, vnde quia valdè periculose existunt minæ Euangelicæ, quibus dicitur: Si cæcus cæco ducatum præstet, ambo in foueam cadunt. Statuit hæc sacra Synodus, antiquos Canones inno-uando: Quod Dñi Archiepiscopi & Episcopi, eorumq; in Spiritualibus Vicarii, mandent per Processus generales, omnibus & singulis Ecclesiarum Parochialium Rectoribus, eorumq; Vicariis, & aliis verbi Diuini Concionatoribus tam secularibus quàm regularibus, vt post nouum & vetus Testamentum, opera beatorum Cypriani, Athanasii, Gregorii Nazianzeni, Basilii, Chrysostomi, Hilarii, Augustini, Ambrosii, Hieronymi, Gregorii, & Leonis, qui ea habere possunt: Alioquin

C O N S T I T U T I O : S Y N O D.

Alioquin Homilias per anni circulum, Dominicis diebus & festis aptas, Sacramentorum libros, Lectionarium, Antiphonarium, Baptisterium, Computum, Canones poenitentiales, Psalterium cum interpretatione D. Hieronymi, Rationale Diuinorum officiorum, Statuta Prouincialia noua & vetera habeant, & interpretentur: Ne ex diuersis & variis concionandi formulis, scholasticisque disputationibus, quæ hucusque præ manibus habentur, & seipsos in solido Sacrae scripturæ intellectu confundant, & auditoribus verbi Dei erroris confusionisque occasionem præbeant.

Eiusdem. ex eadem.

Item, Decreuit Synodus, vt æmi Dñi Archiepiscopi & Episcopi Sacre Regiam Mätē per se, vel nuncios Synodales deprecantur, vt eius Mätē in Curia Regali Prædicatorem doctum seruare dignaretur, qui singulis diebus Dominicis & festis coram eius Mätē prædicet, præsertim cum alibi quàm Cracouiæ moram agere Mätē suam contigerit. Et quòd deinceps in Conuentionibus generalibus, consultationes publicas Senatorum, & Nunciorum Terrestrium, ipsis diebus Dominicis & festis, ante prandia eius Mätē fieri prohibeat, cum ea res in scandalum plurimorum vergat. Verum mandet sua Mätē, vt Senatores & Nuncii Terrestris, Diuina officia diebus prædictis & Concionem audiant reuerenter & deuotè. Alioquin quilibet ex Dñis Archiepiscopis & Episcopis, eiusmodi Prædicatorem ordinare teneatur, in cuius Diocesi Conuentio generalis indicetur, aut Regia Mätē ibidem constitueretur.

Ex eadem. Eiusdem.

Item. Quia vita & mores Clericorum, plùs interiore quàm exteriore reformatione egent, & Pastor animarum, instar boni medici, interiora primùm hominis curare tenetur, quibus per-

bus perfectè sanatis, morbi exteriores per se non facilè coalescunt. Ideò requirit hæc Synodus in Spiritu sancto congregata, vt Dñi Archiepiscopi & Episcopi, visitent primùm Ecclesias omnes, Metropolitanas, Cathedrales, Collegiatasq; per se, & alias inferiores Ecclesias per Archidiaconos, iuxta modum & formam sacrorum Canonum, Statutorumq; Prouincialium. Et vt iudicium & iustitia incipiat à domo Domini, reforment primò seipsos, curiasq; suas. Deinde gradatim Clerum Diœcesis suæ vniuersum: ambitionem, auariciam, cupiditatem, Ecclesiasticæ substantiæ abusum, & malam dispensationem patrimonii Christi, curaq; animarum negligentiam, & his similia in eis corrigant. In Prælatos quoq; & Canonicos, & Presbyteros, horas Canonicas, & cætera officia Diuina, rarò aut nunquam peragentes, animaduertant.

Innouat etiam hæc sacra Synodus, & pro innouato habere decreuit, Decretalem Ordinarii, de Off: Ordinarii libro sexto, volens vt quilibet Dñorum Archiepiscoporum & Episcoporum, Clericos sibi subiectos plures dignitates vel Ecclesias, quibus animarum cura imminet obtineat, seu personatum, aut dignitatem cum alio beneficio cui cura simul annexa est, obtinere non permittant, nisi de dispensatione Apostolica quis teneretur. Alioquin si dispensatio sufficiens producat, exhibens nequaquam in beneficiis huiusmodi molestetur. Prouideant tamen Ordinarii, ne cura animarum in eisdem beneficiis, propter non residentiam eorum negligatur, iuxta formam ac tenorem eiusdem Decretalis.

Synodus Prouincialis Lanciciæ non celebratur. Eiusdem ex eadem.

Reuereatissimi Dñi Episcopi, Nuncii Capitulorum, & Abbates, petierunt æquum Dominum Prælatum, vt suæ celsitudo deinceps Synodum Prouincialem Lanciciæ non indicret,

diceret, propter loci incommoditatem, & inopiam rerum. Sed Petricouia, vel in Lovicz, vbi hospitiorū & victualium habetur abundantia. Ad quod *¶*mus Dominus Archiepiscopus Primas se spontē & liberē summisit.

Dreucii Petricouia, 1 5 3 2.

Vigilantia pastorum grex omnis integer conseruatur. Sacra igitur Synodus sacris Canonibus & institutionibus inhærendo, admoſſitos eſſe voluit *¶*mos Dñs Archiepiscopum & Episcopos huius Prouinciæ, vt Diceceſes ſuas, non modò per Archidiaconos, ſed etiam per ſeiſſos frequentius viſitent, ac errores populi & Cleri, ſine perſonarum acceptione, diſcreta correptione emendent, domibus & curiis ſuis ante omnia priùs emendatis. Ne trabs oculum obumbrans feſtucam oculum habentem prætereat: hoc enim modo ſacrę religionis integritati ſufficienter prouidebitur. Cleri vita, & morum honeſtas, diſciplina congruenti adhibita, conſeruabitur, & à populo omne ſcandalum, quo ſanctę religioni detraberetur, & in animarum piarum diſcrimen tenderet, ope Dei faciliùs prouidebitur. Tunc & libri Apocriſi vel Hæretici faciliùs explodi poſſint, & vt explodantur, nec inuehi permittantur, imò veriùs vt neq; legantur alicubi, & legi prohibeantur, Synodus *¶*mis Dñis Ordinariis, curam hanc vt prouideant maturē ingerit, maximē ſi fieri poteſt, vt ſeueritati, quæ in Regno Hiſpaniæ ſanctiſſimē aduerſus præuaricantes, vel ſuſpectos in religione obſeruat, inhæreatur.

Eiuſdem ex eadem.

Prælatorum officium & Abbatum debitum eſſe, magna ratione ſacra Synodus cenſens & exiſtimans, ſuaſit omnium ſententia, vt in Republica Eccleſiaſtica viros eruditos, maximē in Sacra pagina & Canonibus verſatos habeant: vt Pri-
mores.

mores & Prælati, pauperes studere volentes in studiis foueant, vel ex pietate expensis iuuent. Abbates verò pro debito officio suo Monachos aptos ad studia in Gymnasiis studere faciant, vt sanctæ religioni, & statui Ecclesiastico, nunquam desint operarii, & protectores præstantissimi.

Bibliothecæ visitentur, & libri venales reuideantur. Petri Gamrati Petricouix 1542.

DEcreuit etiam hæc sacrosancta Synodus, vt in singulis Diœcesibus, ad minus semel in anno, per Dños Lociordnarios, aut eorum delegatos, Bibliothecæ ac libri venales in eis contenti visitentur, & diligentius reuideantur: quod si qui libri suspecti aut Hæretici in eis reperientur, cremari debent, & Bibliopola puniri pœna arbitraria, per locorum ordinarios imponenda, aliàs iuxta Statuta Regni, & Constitutiones Regiæ Mtætis, atq; edicta iam dudum super hæc facta, quorum exemplum est in Statutis nouis Laski de Hæreticis insertum: & simile nouissimum hic placuit inseri.

Sigismundus Augustus Dei gratia Rex Polo. &c. Vniuersis & singulis, Palatinis, Castellanis, Capitaneis, arcium, & aliorum locorum nostrorum Tenuariis, eorumq; vicegerentium, Vicecapitaneis, & Burgrabiis, Proconsulibus & Consulibus, & aliis Magistratibus vrbium & oppidorum Regni nostri, ad quos hæc nostræ literæ præsentem peruenierint. Significamus & mandamus earum tenore. Quòd cùm antiquitus Bibliopola omnes, & Impressores, sint & esse debeant sub potestate & iurisdictione ~~pæ~~ morum & ~~pæ~~ idorum dñorum Archiepiscoporum & Episcoporum, eorumq; Ordinariorum officialium, ne & F. vestræ eos à potestate & iurisdictione Ecclesiastica in iis quæ ad impressionem, inuentionem, & venditionem librorum pertinent eximere & vindicare audeant: Imò verò F. vestræ Episcopis, eorumq; Officialibus, quotiens o-

C O N S T I T V: S Y N O D.

pus fuerit, fauorem & auxilium contra eos præbeant, ad perquireñ & auferendos Hæreticos, si quos ii impresserint, importauerint, vel vendere & habere comperti fuerint, cum nõ modò edicto diui parentis nostri, verumetiam omnium Christianorum Principum atq; populorum legibus & constitutionibus olim cautum sit, ne eiusmodi libri Hæretici, vel de Hæresi suspecti vsquam edantur, vel yllo modo euulgentur. Ne quis igitur aliter faciat, pro officio suo & gratia nostra. Si quis autem huic mandato, siue edicto nostro non obtemperauerit, condignas pœnas à nobis expectabit. Datum Vilnæ, prima die mensis Martii. Anno Domini, M. D. LVI. Regni verò nostri XXVII.

Ad mandatũ S. R. M. proprium.

Eiusdem ex eisdem.

Impressores autem librorum, nouos libros, neq; alia quæcunq; etiam minima exemplaria, imprimere non audeant, nisi primùm reuideantur per Lociordinarios, vel eorum delegatos, sub pœna grauiori arbitraria, etiam per Ordinarios imponenda.

Ex eisdem Eiusdem.

Promisit etiam ~~æ~~mus Dñs Archiepiscopus Gnesneñ, iurisdictione Legationis natæ, in Commissionibus & Citationibus decerneñ vti, put cõmunia iura disponunt, ne quod datum est in suffragiũ, vergere possit in oppressiõnem multorũ.

I T E M, vt reformatio aliqua commodiùs fieri valeat, decreuit sancta Synodus, vt Dñi Locorum ordinarii in curiis & officiis suis seruent viros doctos, Deum timentes, & præsertim in officiis Cancellariæ vnum ex Prælatiis, vel Canonicis Ecclesiarum suarum Cathedralium, qui vice illorum alioquin negociis publicis occupatorum, & extirpationibus Hæresum & exequutionibus decretorum Synodaliũ superintendant.

Cæterum.

Cæterum vt quoq; ^{æmi} Dñi Archiepiscopi & Episcopi specimen & exemplum boni odoris, virtutumq; , & bonæ famæ Clero sibi subiecto de se præbeant, lectiones ex sacra scriptura in mensa sua, post solennem orationem, benedicite, adhibeant, cantilenas profanas & seculares non admittant, familiaresq; Ecclesiasticos & seculares in curiis suis reformat diligenter, ne cæteris offendiculo existant. Ad quod eorum celsitudines consenserunt.

Idem eiusdem.

CVM non liceat alicui, nisi vocato de speciali consensu ^{æmi} Dñi Archiepiscopi, Episcoporum & Rectorum Parochialium, ac illorum quorum interest ad prædicandum verbum Dei accedere, pleriq; tamen his turbulentis temporibus ad concionandum sese temerè ingerunt, & quod deterius est, suggesta noua sibi erigunt extra Parochias in locis, vbi ante nunquam existerunt. Decreuit hæc sancta Synodus, vt de cætero tales ab huiusmodi Concionibus arceantur, & non nisi vocati per haberi potestatem, iuxta doctrinā Pauli, accedant. Suggesta verò, ad quos ea res pertinet, fieri non patiantur, & facta demoliantur.

Eiusdem Petricouix 15 4 4.

DEcreuit etiam hæc Synodus, vt ^{æmi} Domini Archiepiscopus & Episcopi circa suas Ecclesias resideant, excepta causa Ecclesiæ & Reipub. aut saltim illas frequentius visitent, atq; Cleri sui vitam & mores deprauatos, tum etiam gregis dominici sibi commissi, corrigere studeant, eundemq; ab iniuriis & oppressiõibus secularium tueantur, qui absente Prælato maiora audent, & deteriora quotidie moliantur.

Eiusdem.

DEcreuit similiter, vt ^{æmi} Dñi Synodis Prouincialibus intersint, absentes verò pœna Statuti percellantur, &

G ii

Statutum.

Statutum dudum contra absentes exequatur, & signanter cōtra Episcopos Varmieſi & Culmeſi. Et vltra hæc, ædificia curiarum & caſtrorum ſuorum, & prædiorum ſarta teſta ſeruent, & manu teneant, & quantum fieri poteſt, meliorem in eis conditionem faciant: cuius rei reuiſionem ſacra Synodus perſonis Capitularibus committet.

Eiuſdem.

ET quòd illi, qui in ſtudio Vittembergenſi, vel Montis Regii, aut aliis partibus Germaniæ de Hæreſi ſuſpectis, cōmorantur, beneficiis Eccleſiaſticis omniſibus, niſi à die præſentis Conſtitutionis infra ſex meſes redierint, puniantur, & ad alia obrinenda, ac etiam ad ſuſcipiend ſacros ordines reddantur inabiles autoritate præſentis Synodi.

Eiuſdem.

ET cūm pleriq; Sacerdotes, ſue illi ſint Parochi, eo paupertatis deuenerunt, quòd iniurati per Nobiles, & poſiſſimum in raptu decimarum, & aliorum bonorum Eccleſiaſticorum, vel propter defectum, vel propter perhorreſcentiam, iure cum iniuriatoribus experiri non poſſunt. Conſtituit ſancta Synodus, vt æmi Dñi Archiepiſcopus & Episcopi teneantur, & debent diligentius tales vnà cum eorum Eccleſiis tueri. Et quod ad delationem Clerici iniurati ex illorum officio per inſtigatorem procedatur: prouiſo tamen, vt ſi qui (cum poſſunt iniurias perſequi ſuas) illas tamen diſſimulant, & pro illis non agunt, tales pœna ordinaria per Ordinarios puniantur.

Eiuſdem.

CVrare debent æmi Dñi Archiepiſcopus & Episcopi, vt eorum tribunalia, & officialium ſuorum in dignitate debita & reuerentia retineant. Turbatores iudiciorum, & cum armis ſeu ſtrepitu armorum venientes in iudicium, mulctis ordinariis

ordinariis & aliis pœnis debitis percellant, efficiantq; in Comitibus Regni proximis, vt contra tales (vltra pœnas sacrorũ Canonum & Constitutiones Synodales) aliæ securitatis pœnæ instar Iudiciorum terrestrium, & alias arbitrio Dñorum Ordinariorum, iuxta qualitatem & conditionem personarũ & delicti statuatur: vtq; tam iudicibus quàm personis ad iudicia, etiam ad Synodos venientibus & redeuntibus de securitate debita prouideant.

Nicolaus Dzierzgovvski, Lanciciæ

1547.

CAETERUM sacra Synodus considerans, quòd vbi maius periculum metuitur, ibi vigilantius est intendendum. Cùm itaq; pabulum verbi Dei populo Christiano sit pernecessarium, expedit vt hoc idem verbum Dei per viros idoneos, probos, & in moribus ac doctrina non deprauatos administretur. Propterea innitendo iuri communi, & vetustis Statutis Prouincialibus decreuit, vt singuli Ordinarii in suis Cathedralibus & Collegiatis Ecclesiis viros doctos, & non suspectos, verbi Dei prædicatores prouideant, nec aliquem sine eorum speciali licentia Cathedram Concionis conscendere permittant. Ad Parochiales quoq; non nisi ritè de ætate, moribus & scientia, priùs examinatos instituunt, ac similiter Parochos, ad seruandum idoneos Concionatores, vbi ipsi ad prædicandum non sufficerent, in Parochiis suis astringant. Vbi autem aliquis Ordinariorum in præmissis negligens fuerit, pœna centum Marcarum mulsetur per R^{em} Dominum Archiepiscopum, & ab ipso irremissibiliter exigẽ.

Idem Petricouiæ 1551.

TAmetsi nihil dubitat sacra Synodus infrascripta, per Reuerendiss. Dños Archiepiscopos & Episcopos, semper fuisse inuiolabiliter obseruata, ad maiorem tamen cautelam decreuit,

CONSTITV: SYNOD.

decreuit, vt ipsi x^{mi} Domini Archiepiscopi & Episcopi, cæteriꝫ beneficiati homines cuiuscunq; status, præminentia, & conditionis existant, Hæreticos siue de Hæresi suspectos, vel excommunicatos, suis in curiis nō teneant, neq; tolerant, quinimo illos à familiaritate sua & colloquiis arceant, & ipsi à librorum Hæreticorum lectura abstineant. Sed neq; disputationes de fide, aut fidei articulis (qui in dubium per Hæreticos vocantur) præsertim verò cum secularibus hominibus, circa mensas suas fieri permittant. Pro vacillantibus autem & ignaris in fide, viros doctos Catholicos, & in sacris literis versatos, sub pœna quingentorum aureorum Vngaricalium per Synodum exigenda, suis in curiis foueant, qui eiusmodi ex sacra scriptura ignaros & dubitantes docere possint & valeant. Inter prandendum autem non iocos turpes aut scurrillia, seu leuia, quæ infirmos scandalizare possent, sed seria, quæ ad ædificationem fuerint, de diuinis tractent, & libros sacrae scripturae ad mensam potiùs more maiorum suorum legi, ac benedictiones & gratiarum actiones fieri faciant. Et præter hoc seruitores suos pro exemplo aliorum in Ecclesiis primū, deinde vbiq; locorum honestè & reuerenter sese gerere præcipiant: præsertim autem ne in templis ad diuinissimum Eucharistiæ Sacramentum terga sua vertant, vel parum decenter sese erga illud gerant.

Rocheta soli Episcopi deferant.

Ex eisdem Eiusdem.

CAETERUM ille abusus vehementer non probatur, quòd Episcopi qui de iure & consuetudine Rokietos, ad denotandam vitæ suæ innocentiam, deferre debent, non semper tamē deferunt. Religiosi autem in Episcopos promoti, quibus iura prohibent deferre Rokietos, relicto suarum regularū habitu, contra dispositionem Canonum eos deferunt. Quare decreuit

re decreuit sancta Synodus, vt deinceps Episcopi seculares, iuxta sacrorum Canonum dispositiones, & laudabilem consuetudinem Rokietati incedant: Religiosi verò Episcopi, vt sunt Episcoporum Suffraganei: & Abbates ab vsu Rokietarum ac sericarum, præsertim variatorum, seu figuratorum vestimentorum, sub pœna centum margarum, deinceps omnino abstineant.

Eiusdem ex eisdem.

Solent nonnulli Domini Episcopi, & cæteri Prælati seculares & regulares, eorumq; Capitanei, Ecclesiasticorū bonorum præfecti, potestate in subditos Ecclesiæ sibi concessa iuter dum abuti, eos iniustis operibus & angariis, consuetisq; euectionibus, & spoliationibus intolerabilibus aggrauando, & dum miseri illi questum ad exponen suas iniurias & grauamina ad Capitula veniunt, eos propterea (afflictis afflictionem addentes) incarcerant, verberant, pœnisq; variis (paternæ pietatis obliti) affligunt. Proinde sancta Synodus Dños Episcopos, & Prælatos prædictos, monet & hortatur, vt ab hoc omnino desistant, ac suos factores & Capitaneos talia facere prohibeant, meminerintq; patres eorum esse & vocari debere, in Apostolorum locis constitutos, non tyrannos: quibus magis conuenit pietas, quàm tyrannis, ita vt sint iuxta doctrinam Apostolicam, non vt dominantes in eis, sed forma gregis facti. Non permittant etiam grauari, & iniuriis affici, in decimisq; illibertari, & quouis modo damnificari suū Clerum, à Procuratoribus & factoribus suis, bonorum suorum Episcopaliū, contra quos frequenter quærelæ ad Capitula perferuntur, quin potiùs eos tueri mandent ab aliis.

Et quia Respub. Ecclesiastica Prouincię Gnesienę, per decretum Comitiorum Regni importunè à secularibus extortū, in suis iuribus, priuilegiis, & libertatibus est plurimū labefacta, non alia forsan de causa, quàm quòd xmi Dñi Archiepi-

C O N S T I T U T I O S Y N O D I.

scopi, & Episcopi, in Senatu loca prima tenentes, pro tuenda libertate Ecclesiarum, iuribusq; earum, minime se opponere consueuerunt, debiti & officii sui, atq; iurisiurandi obli-
ti. Igitur hortatur etiam sacra Synodus ^{reuerendissimi} Dñs Archiepiscopos, & Episcopos, vt pro officio suo iura & immunitates Ecclesiarum, & Monasteriorum attentius, & magis cordatè atq; strenuè quàm antea de cætero custodiant, non patianturq; decreta, siue statuta, iuribus suis & Ecclesiarum, ac Monasteriorum contraria & noxia constitui: memores prædecessorum suorum, in quorum loca suffecti sunt, qui etiam vitæ suæ discrimina potius pro Ecclesiæ libertate subire non dubitarunt, quàm aliquid contra Ecclesiam fieri permittere. Vbi verò intentum suum tenere aliter nō possint, dilationem ad consultandū desuper cum Capitulis fauore & gratia Principis obtinere curent & obtineant.

Episcopi Studiosos literarum suis sumptibus
alant. Eiusdem Dzierzgouii Petricouiz
Anno Domini, 1554.

ITEM. Quia ex defectu personarum idonearum Ecclesia Dei in hac Prouincia multum laborate dignoscitur, ita quod plerumq; Locorum ordinarii non habent quibus munus prædicandi, & confessiones audiendi rectè committi possint. Igitur, decreto Synodali mediante, curabunt ^{reuerendissimi} Dñi Episcopi studiosos, quos nouerint ingenio præstare, in studiis generalibus suis sumptibus fouere, vt tandem inde seminaria habere possint, vnde Ecclesiis suis viros eiusmodi depromant idoneos. Et propterea decreuit Synodus, vt Dñi Episcopi in singulis Ecclesiis Collegiatis suis duos, vnum in Theologia & alterum in Iurisprudencia, Doctores & viros peritos iustituant, pro illisq; duas Præbendas perpetuò assignent, ad hoc, vt circa Ecclesias illas continuè resideant, & munus prædicandi

candi obire, confefsionesq; in casibus fedi ordinariæ referuat-
tis audire possint & valeant.

Item, Domini Episcopi, & cæteri ad quos pertinet Eccle-
sias suas in oueribus, puta fabrica, vino, cæra, & aliis id genus
necessariis, similiter & ministros Ecclesiarum salariis compe-
tentibus, pro veteri consuetudine, prouidere non negligant,
ne inde aliquæ in cultu Diuino (quod absit) negligentia cum
scandalo secularium, & offensa Mtätis Diuinæ, admittantur.

Episcopus vnus semper in curia Regis maneat.

Eiusdem ex eisdem.

Item, vt vnus ad minus Episcopus, si plures non poterint,
in curia Mtätis Regiæ maneat, qui suam Mtätē ad pieta-
tem & obseruantia iusticiæ inducat & dirigat, libertatemq; Ec-
clesiarū & negocia, ac iurisdictionem Ecclesiasticā custodiat.

Item, etiam prouideant diligenter Ecclesias Parochiales,
quæ Pastoribus orbata sunt, quarū fructus & fundi per secu-
lares occupantur, & vsibus profanis applicantur, vt libertati
sua restituantur, idq; fiat autoritate Regia interposita.

Episcopi quomodo se gerere debeant.

Eiusdem ex eisdem.

QVia verò difficile esset disciplinam Canonicam in refor-
mandis moribus, & corrigendis excessibus, ad alios ex-
tendere, iurq; communia & Statuta Prouincialia debita ex-
equutioni mandare, nisi prius per eos qui iurisdictioni præsunt,
& quæ semel legitimè ordiuata sunt, in inexecutionem deducantur.
Proinde innitendo Constitutionibus Synodalibus
sacra Synodus, p^{ri}mos Dños Archiepiscopos & Episcopos di-
ligenter hortatur, vt se & curias suas ante omnia hinc ad sex
menses in toto reforment, domibusq; suis benè & irreprehen-
sibiliter præsent: nemini dantes vllam offensionem, ita vt

H ij

exemplo

exemplo vitæ suæ viam ad virtutes cæteris præstare possint: ocio non torpeant: ludum omnem à iure prohibitum, ac ebrietatem & crapulam omnino fugiant: quin potius lectioni sacrarum literarum intendant: viros doctos & exemplares, tam in sacris literis quàm vtroq; iure peritos (quorum consilio Ecclesiam Dei rectè gubernare possent) secū teneant: in collatione Sacerdotiorum delectum idonearum personarum habeant: non ea pueris & minus idoneis personis, tam in Cathedralibus & Collegiatis, quàm aliis Ecclesiis, conferant: Sed viris doctis & exemplaribus, eisq; diligenter iuxta dispositionem iuris communis & Statutorum Provincialium examinatis conferant. Alioquin Capitula tales ad Ecclesias non admittant, nisi eos qui in aliqua Vniuersitate insigni, Catholica & nō suspecta, bonis literis operam dederint, & testimoniū cōuersationis & studiorū suorū ab Vniuersitate ipsa ostenderint.

Præterea Domini Episcopi Hæreticos seu de hæresi suspectos, & alios scandalosos & criminosos, omnino à consuetudine sua, etiamsi sint consanguinei, remoueant. Et in summā familiam suam disciplinatham, & exemplarem Deumq; timentem seruent, Ecclesias suas Metropolitanas, Cathedrales & Collegiatas frequenter visitent, seu circa eas resideant, ac in eis Prædicatores doctos, literatos & exemplares instituunt: vitam & mores deprauatos Cleri sui, & gregis sibi commissi (de quo in extremo iudicio districtam sunt reddituri rationem) corrigant, arguant, & increpent: hæresibus sese sana doctrina viriliter opponant, & illas explodere è suis Diocesis pro virili studeant: Alter alterum in hoc mutuo iuuent, labori & sumptui non parces.

A locatione præterea &, vt vocant, arendatione bonorum mensarum suarum, per quas subditi Ecclesiarum pleriq; opprimuntur, & bona ipsa desertantur, abstineant. Quinimo Clerum suum & subditos ipsos ab oppressiōibus secularium defendant, & ipsi eos non grauent, sed pauperes & egenos
exemplo

exemplo prædecessorum suorum supportent, gaudeantq; se non præesse hominibus, sed prodesse: Patrimomo Christi (quod vltra suum moderatum victum, in vsu pauperum & Ecclesiarum necessitates expendi debent) non abutantur, minerintq; se esse illius dispensatores, non proprietarios vsufructuarios, non dominos: vt scilicet de illo modestè viuunt, & non luxurientur: dispensent, non sibi coaceruent: pauperes studere volentes in studiis generalibus foueant, vel eos ex pietate expensis iuuent. Gloria enim Episcopi est (vt dicit Hieronymus) pauperum operibus prouidere: ignominia autem Sacerdotis, est propriis studere diuitiis.

Prædicatores diligenter examinandi. Nico-
laus Dzierzgovski Louicii, Anno 1556.
in præsentia Domini Aloisii, Ponti-
ficis Max. Legati.

CVM per licentiam Pseudoprædicatorum, potestatem sibi prædicandi in Ecclesia Dei de facto vsurpantium, innumere penè hæreses in dies magis ac magis in Prouinciam hanc inuehantur. Itaq; innitendo prioribus Constitutionibus Synodalibus, sacra Synodus statuit, ne deinceps per Parochos, & eos ad quos pertinet, quisquam ad prædicandum verbum Dei passim admittatur, nisi priùs admissus fuerit per Lociordinarium, aut eius in Spiritualibus Vicarium, seu Officialem generalem, præmisso illius examine legitimo, & præstito per eum in manibus illius medio corporali iuramento, confessione suæ fidei iuxta dispositionem Constitutionis nouissimæ Petricouien, vel nisi ita fuerit perspecta illius fidei & doctrinæ integritas, quod omni suspitione omnino careat.

Domini quoq; locorum Ordinarii habeant Vicarios & Officiales suos huiusmodi viros idoneos, & Iurisperitos, eisdemq; probatæ vitæ, qui scirent & possent vices eorum dignè

H in

implere,

implere, non quærentes quæ sua sunt, sed quæ Iesu Christi, quorum tribunalia ita benè prouideant, ne habeant necessitatem, quæstum aliunde sibi quærere.

Pœna ad Synodum non venientium.
Eiusdem ex Constitutionibus Petricouienſ. Anno 1557.

CAETERUM quia ex intermissione celebrationis Synodorum Prouincialium, & Dicecesanarum, earumq; à p̄mis Dñis Episcopis huius Prouinciæ rara seu negligentia admodum frequentatione, magnum Ecclesiæ Dei, & statui Ecclesiastico prouenit detrimentum. Paucos enim admodum videre licet, quos præsens ingens Ecclesiæ & religionis Catholicæ periclitantis casus, atq; adeò cultus diuini zelus permoueret, quiq; sponte sua & alacribus animis accurrere vellent ad restinguendum commune hoc hæresis incendium, restaurandamq; vnitatem Ecclesiæ, hoc infelici seculo dispersam: quiq; de fide & pietate, de religione, & ipso cultu diuino retinendo & conseruando, de moribus reformandis, & disciplina Christiana renocanda, ac deniq; de cæteris rebus omnibus ad benè christianeq; viuendum necessariis consulerent & tractarent, vt et salus ipsius Ecclesiæ restitui, terror autem hostibus eius incuti, & fides Catholica stabiliri firmariq; possit.

Videns itaq; sacra Synodus quorsum hac negligentia ordo Ecclesiasticus recidat & labescat, quantumq; mali secum in Ecclesiam Dei inuexerit: nunc tandem expergefacta, & quasi longo quodam postliminio ad se reuersa, vsum sacrorum Canonum, veterumq; Constitutionum Synodaliū, contra negligenti venire ad Synodos esse reassumendum, pœnasq; contra tales augendas, decernendum communi omnium sententia duxit. Constituitq; & decreuit, vt si de cætero Domini Episcopi ad Synodum vocati, quotiescunq; posthac Synodus Pro-

duſ Prouincialis indicetur, ceſſante legali impedimento, aliquis venire contempſerit, pœna dupli, hoc eſt Domini Epifcopi ducentarum marcarum pecuniarum, groſſ. Pragenſ. Cæteri verò, qui de iure & conſuetudine iſſis Synodis intereſſe tenentur vocati non venerint, pœna dupli in Conſtitutionibus prioribus deſcripta, per æmum dominum Archiepiſcopum pro tempore exiſtenti exigen vltra alias pœnas iuris mulctentur, fabricæ Eccleſiæ Metropolitana applicaſ. Si autem contigerit aliquem (vt præmittitur) impediri legitime corporis ſcilicet aduerſa valetudine, & ea quidem, quæ merito excuſare quem poſſet, vel aliquo alio, non tamen leui impedimento, in cuiſmodi quouis caſu poterit abeſſe à Synodo, ita tamen vt ad illa mittat, mittereq; ſub prædicta pœna debeat, nuncium ſuum, cum inſtructione plena, & ſufficienti mandato, qui poſſet ibidem in Synodo per corporale iuramentum, in iſſius mittentis & ſuam animam probare huiusmodi impedimentum. Alioqui in defectu præmiſſorum, pro temerario, & contumace, taliter abſens reputetur, & in pœna memorata irremiſſibiliter per æmum Dominum Archiepiſcopum autoritate præſentis decreti Synodaliter mulctetur. Quas pœnas ſi æmus D. Archiepiſcopus, monitione præmiſſa, infra annum, poſt negligentiam huiusmodi commiſſam, cenſuris Eccleſiaſticis mediantibus exigere neglexerit, ipſe ſimili pœnæ per Synodum extunc immediatè ſequenti, irremiſſibiliter exigenti ſubiaceat. Quodſi ab initio huiusmodi Synodi D. Archiepiſcopus requiſitus, pœnam ibidem non perſoluerit, liberum erit deinceps illis, qui Synodaliter congregabuntur, Synodum iſſum infectis rebus ſoluere, neq; ad aliquos actus Synodales (niſi iuſtam excuſationis cauſam dixerit) procedere, vel aliàs eum Sedi Apoſtolicæ, tanquam officii ſui negligentem deferre. In reliquis autem omnibus, leges & Statuta vetera prædicta, in ſuo robore eadem Synodus conſeruauit, & conſeruat.

Præterea cum ſancta Synodus diligenter ſecum expendet, Sta-

CONSTITVT: SYNOD.

ret, Statuta seu Constitutiones Synodales veteres & nouas (quibus Prouincia Gnesneſi rectè ad omnem Eccleſiaſticū ordinem retinendum, ac vnumquenq; in ſuo iure conſeruandum gubernari poſſit) laudabiliter & vtiliter eſſe ordinatas: quæ etiam per *primum* Patrem & Dominum D. Aloīſium Lippomanum Epīſcopum Veronenſem, & Sedis Apoſtolicę ad Regnum Poloniae tunc nuncium, anno ſuperiori in Synodo Lo- uicienſi, cum diligenti calculo autoritate Apoſtolica extant collaudatæ, atq; approbatæ. Illas igitur tanquam legitimas & Canonicas, in omnibus & ſingulis illarum capitulis, & clauſulis, præſens Synodus acceptandas duxit, præſentiq; decreto Synodali acceptat & approbat, ac ad exequutionem illarum, *primos* Archiepiſcopos, & Epīſcopos arctatos eſſe vult, & arctat, ſub pœna iamdudum in Synodis ſuperioribus deſcripta.

Et ne quiſpiam Conſtitutionis huiuſmodi ignorantiam prætendat, ſeq; illa non poſſe habere dicat, propter earum defectum, ſacra Synodus rogat, vt *primus* Dominus Archiepiſcopus, Statuta ipſa & Conſtitutiones huiuſmodi veteres & nouas, etiam nouiſſimas, tempore ſuæ præſidentię, in Synodis Prouincialibus editas, in vnum volumen pulchrè, per titulos ſingula digerendo, per venerabiles Dominos, Stanīſlaum Dambrovſki Gneſneſi, curię ſuæ Cancellariū, & Franciſcum Kraſiński Calīſieſi, Archidiaconos, Iuris Doctores, ad hoc præſenti Synodali decreto delegatos, colligi, atq; illa in vnum volumen congeri, & in publicum edi procurat & faciat, & ab omnibus ea tam in iudicio quàm extra ſeruari, & manu teneri Conſtitutione præſenti mediante decernat.

Eiuſdem.

DEcreuit etiam eadem Synodus, vt Dñi Ordinarii, innitendo prioribus Conſtitutionibus, prouideant diligentius quàm antea, vt Parochi & Concionatores verbi Dei in concioni-

concionibus suis purè & sincerè verbum Dei prædicent, ineptas & aniles fabulas, ac scommata & conuitia deuitando, scripturas sacras non sensu proprio aut ab hæreticis sumpto, sed iuxta sanctorum Doctorum ab Ecclesia Catholica receptorum expositionem interpretando, vt potè Augustini, Hieronymi, Ambrosii, &c. & aliorum in Statutis Prouincialibus, & memorum olim Lascii, Dreucii, & Gamrati, Archiepiscoporum descriptorum, propter quod dabit operam & mus Domini Archiepiscopus de prouidendo aliquo Homiliario per Doctores conscribendo, & typis excudendo, simul cum Catechismo, seu explicatione Orationis Dominicæ, Symboli, & Decalogi, ex quibus rudis populus doceri poterit à simplicibus Presbyteris. Sic enim Hæreticorum Homiliarii pestiferi facilè excludi poterunt, ac à simplici & rudi plebula refutari.

Eiusdem. ex eisdem.

ET licet Apostolus ad seruandam hospitalitatem, omnes Christi fideles, maximè autem Episcopos & Clericos, qui bonorum Ecclesiasticorum ad hoc de puratorum sunt dispensatores, clarè moncat: Pleriq; tamen Episcopi dignitate præditi reperiuntur, qui non modò exteros hospitio non excipiunt, sed etiam fratres suos Prælatos & Canonicos suarum Ecclesiarum (qui bonorum Episcopaliū sunt custodes, & pro illis tuendis sese opponere, & illa defendere consueuerunt) ad bona & prædia eorum venientes, humanitatis & hospitalitatis officio neglecto, admittere, illisq; domesticis cōmeatus necessarii per suos factores & procuratores dare recusant. Proinde sacra Synodus decreuit, vt ipsi Dñi Archiepiscopi & Episcopi id prouideant, atq; suis procuratoribus bonorum iniungant, vt hospitalitatem huiusmodi in omnes, maximè autem in domesticos & Capitulares suos seruent, & necessariis saltem ad victum, quæ tunc domus ad quos eos diuertere contingit habuerit, prouideant.

Eiusdem.

Item, in curiis suis pauperum Clericorum oppressorum, Procuratores Iuridicos, & officii instigatores foueant, & eos prouideant & salarient, vt ipsis pauperibus Parochis prouentus, decimas, & census occupatos, iuxta olim Gamvati Statutum euincant: quod meritò facere debent, veluti præsides & parroni Ecclesiarum in suis Diœcesibus cōstitutarum, ne piæ fundationes fidelium intereant: ipsi enim sunt, qui redituri sunt districtam coram Deo de omnibus suæ Diœcesis Parochis, atq; adeò negligentiis omnibus rationem.

Eiusdem.

Item, Ecclesias Collegiatis, præsertim desolatas, & in quibus officia diuina rarò à Prælati & Canonicis peraguntur, diligenter visitent, & Prælatos & Canonicos steriles & ociosos, nullumq; exemplum bonum in Ecclesiis illis præstantes, sed scandalosè viuentes, venationibus & comessationibus indulgentes, ad officium reuocent, & non promotos ad suscipiendum sacros ordines, per subtractionem prouentuum, & priuationem beneficiorum, compellant. Dignum namq; est, vt, si volunt de altari viuere, altari seruiant: curentq; vt in eisdem Collegiatis viros doctos in Theologia vel Iure Canonico ponant, iuxta Statutorum Prouincialium dispositionem.

Hospitalia diligenter prouideantur.

Ex eisdem.

Item, Hospitalia (quorum Dñi Lociordinarii inter cetera officia sua curam agere debent) non negligantur, quinimò prouideant diligenter vbiq; vt ab iis, qui in illis ministrant seu illa prouident, rectè & fideliter omnia gerantur, & ne quicquam aliorsum (quod absit) de prouentibus illorum conuertatur, quàm ad destinatum eorum usum, & ipsi ea vtentur.

tenentur quantum possunt ex eo patrimonio Christi, cuius sunt dispensatores, sustentent & adiuuent. Gloria enim Episcopi est, ut dicit Hieronymus, pauperum operibus providere: ignominia vero Sacerdotum propriis studere diuitiis.

EPISCOPORVM OFFICIUM.

Ioannes Prerembius Varssouia, Anno Domini, 1561.

ET cum ex negligentia Pastorum, ac moribus dissolutis Clericorum, magna haeresibus & aliis multis malis praestetur occasio: Statuit sancta Synodus, innouando veteres Constitutiones Synodales, ut ~~mi~~ Dñi Archiepiscopi & Episcopi diligenter officio suo intendant, studeantq; & vitae integritate, & in Deum pietate aliis praelucere, neq; ipsi Sacramenta Ecclesiastica eorum administrationi credita per se erubescant administrare, verbum Dei, quibus gratia sermonis data est, praedicent, & uti in praecipuis locis maxime populosis Diocesum suarum idoneos Concionatores provideant, omniq; ex parte officium suum exequantur: & ipsi luxum & fastum fugiant: frugalitatem in habitu & in victu, iuxta veterum Statutorum praescriptum, seruent. Liberalitatem vero in pauperes studiosos idoneosq; Ecclesiae ministros exercent, in quos rectissime ea, quae ultra sumptus necessarios eis supererunt, conferant. Circa Ecclesias suas frequentius commorentur, atq; cum Capitulis suis de rebus ad Ecclesiae administrationem recte gubernandam pertinentibus paternè provideant, admoneriq; se ab eis officii sui benignè permittant. Studeant deinde ut tota eorū familia ex honestis & Catholicis hominibus constet. Iuuenes qui sunt in eorū obsequiis in disciplina veteri contineant, ut ex eorum moribus, ipsorum quoq; dominorū mores aestimari possint. Curiae enim Episcoporum olim scholae virtutum habitae fuerunt. Praeterea Cancellarios Iurispe-

C O N S T I T U T I O S Y N O D I.

ritos, Concionatores Theologos habeant, & caudicos sagaces tam in iure Ecclesiastico quàm Terrestri seruent, quorum consilio & opera tam oppresso Clero suo, quàm Ecclesiæ suæ succurrere possint.

Visitationes etiam Diœcesum Episcopales, quæ non postremum inter munia Episcopalia obtinent locum, multis annis per negligentiam intermissas. facere, iuxta dispositionem Canonum & Statutorum Prouincialium, & Locordinarii semel in anno in suis Diœcesibus non prætermittant, & præsertim in locis celebrioribus & populosis, quæ hæresibus magis obnoxia ipsi per se si commodè poterint, vel viros doctos & ad prædicandum verbum Dei idoneos, diligenter visent, denunciata prius per vicinas Ecclesias visitatione huiusmodi. Catholicos homines in sancta religione Christiana confirmare, labentes erigere, eosq; qui se à Catholica Ecclesia separauerunt, prædicando, monendo, conferendo, reuocare studeant. Abusus superstitione aliqua priuata inductos tollant, criminosos & publicis delictis notabiles ad pœnitentiam paterna admonitione adducant, vel per censuram Ecclesiasticam compellant.

Item decreuit & constituit sancta Synodus, vt omnes fructus & prouentus beneficiorum & templorum occupatorum, vt potè ex sanctuariis, decimis, censibus redemptionum, & alios quoscunq; prouentus, & Locordinarii quoad fieri poterit suis sacerdotibus recuperent, atq; ex manibus Hæreticorum vindicent. Plebem verò templis & pastoribus spoliata, vicinis Parochis Catholicis commendent, vt ita Sacramenta in eis administrantur, quibus partem reddituum spoliatorum templorum attribuant. Prouentus autem omnes spoliatarum & profanatarum Ecclesiarum diligenter conscriptos in suis Capitulis Cathedralibus asseruari tantisper iubeant, quoad per diuinam misericordiam ad Ecclesiæ Catholicæ vnitatem ipsæ Ecclesiæ occupatæ pristinæ libertati queant aliquando

aliquando restitui. Parochis etiam & aliis Sacerdotibus spoliatis receptum apud se præbeant, ac victu & amictu honesto eos misericorditer prouideant, ne egestate pressi, in desperationem eos incidere contingat.

Et cum ^{æmi} Dñi Episcopi non sua modò, sed etiam eorum quibus præsumt vita inculcata cæteris præstare teneantur, quum nimirum vita Cleri dissoluta aliis præbere solet offendiculum. Decreuit sancta Synodus, vt Dñi Locorum ordinarii reformationem Cleri in suis Diocæsisibus, iuxta præscripta Canonum & Statutorum Prouincialium, in spiritu tamen lenitatis & in charitate paterna, iuxta doctrinam Apostolicam faciant. Ita tamen vt in grauioribus & publicis criminibus disciplinam Ecclesiasticam non remittant, quantoq; deprauati ora nunc sunt tempora, tantò magis in eam monendo, obsecrans, arguens, & corrigens intendant, atq; vt in omni honestate & pietate dignè coram Deo ambulent, sedulo suo studio efficiant. Eos verò qui dignitates in Ecclesijs obtinent, quorum officia ex nominibus apparent, officium suum exequi cogant, Parochos & beneficiatos omnes qui ex foundationibus tenentur residere apud Ecclesias, per subtractionem fructuum, seruatis iuris gradibus, vsq; ad priuationem beneficiorum ad residentiam personalem compellant. Qui verò Sedis Apostolicæ dispensationes de non residendo impetrauerint, visis literis sanctæ Sedis, eorù Ecclesijs & sacerdotiis per idoneos vicarios, assignata eis parte prouentuum, prout de iure, prospiciant.

Item constituit sancta Synodus, vt liber de administratione Sacramentorum, qui vulgò Agenda appellatur, per ^{æmum} Dominum Archiepiscopum edatur, qui exhortationes Polonicas circa administrationem cuiuslibet Sacramenti contineat, per quas Christifideles intelligere possent, quid de virtute & efficacia vniuscuiusq; Sacramenti sentire & credere debeant. Similiter etiam rudioribus Concionatoribus certus aliquis Homiliarum liber in lingua Polonica proponatur, ex

*Agendorum
Ecclesiastico-
rum liber.*

CONSTITVT: SYNOD.

quo populo non solum Euangelia per anni decursum totius prædicare, sed etiam quid illæ ceremoniæ in Baptismo & in aliis Sacramentis significant, ad Catechismi formam explicare, sapiusq; inculcare populo possent. Catechismus similiter Polonicus edatur, prius tamen Romæ examinata versione, vel in partibus, si à Sede Apostolica committatur.

Item sancta Synodus innitendo Constitutioni Petricouicn, tempore felicitis recordationis Nicolai Dzierzgouii Archiepiscopi factæ, decreuit, vt Dñi Locorumordinarii tres vel duas ad minus Præbendas & Canonicatus in singulis Collegiatis Ecclesiis infra spacium vnus anni designent, quæ in eorū vacatione conferri possunt viris ad obeunda munia Ecclesiastica (vt puta Conciones publicas & pœnitentiarias &c) idoneis, qui continuè circa illas Ecclesias residerent, sub pœna priuationis. Qua in re Sedis Apostolicæ gratiam impetrare curabunt, vt huiusmodi Canonicatus & Præbendæ à prouisionibus Apostolicis deinceps sint liberæ. Hac enim ratione solitudinibus Ecclesiarū Collegiatarū facilè obuiari poterit.

Cæterum sacra hæc Synodus, attentis magnis locorum distantis, & pecuniarum dispendiis Dñorum Litvaniæ & Russiæ Episcoporum, indulgit, vt xmi Dñi vnà cum suis Capitulis possint & valeant per vnum nuncium, sua & Ecclesiarū suarum negocia, ex vna quaq; Ecclesia in Synodo Prouinciali expedire & absolvere.

Deinde, vt omnes xmi Dñi Episcopi Ecclesias suas sapius visitent, & in eis commemorantes diuina officia frequentius celebrent, ipsiq; qui possunt concionentur: & Diœceses suas vnà cum suis Archidiaconis sapius visitent: Ordines sacros statutis temporibus celebrent: Sacramentum Confirmationis in solennioribus festis populo suo, ne in Ecclesia Dei videntur stare ociosi, conferant: exemplo quoq; vitæ suæ ceteros ædificent: in vitia subditorum non conuiueant: causas Sacerdotum & subditorum suorum diligentius ipsi audiant, aditumq;

aditumq; liberum omnibus iusticiam petentibus ad se permittant. Capitaneos, factores, & alios bonorum suorum officiales, in officio diligenter contineant, ne Clerum suum in decimis illibitent, imò ab oppressoribus omnibus eum & illius decimas, ac alios prouentus vindicent: subditos Ecclesiæ per tyrannidem factorum exactiōibus pœnarum iniustarum & inconfuetarum, laboribus & aliis angariis opprimi, bonaq; Ecclesiastica desolari, syluas excidi, ac negligenti custodia limitum occupari non permittant.

Item, Prouentus suos Episcopales ita dispensent, vt illud quod eis vltra sumptus annales pro dignitate Episcopali facien superest, Ecclesiis, scholaribus, pauperibus, & in alia pia opera conuertant. Hinc enim est quòd Episcopi patres appellantur pauperum, meminerint itaq; se esse eos qui appellantur, & quòd sunt dispensatores bonorum Ecclesiasticorū, non. Dñi aut proprietarii. Imperatores enim & Reges, & alii pii sacerdotiorum fundatores, propterea tam amplis prædiis Episcopatus, Collegia, & Monasteria dotarunt, vt habeant his qui illis præsunt, vnde alimoniā præstent egentibus. Hinc est quod sacris quoq; Canonibus & Patrum Constitutionibus est laudabiliter prouisum, vt scilicet adminus quarta pars prouentuum huiusmodi in pauperum vsus cederet: ipsi itaq; viderint si boni inueniantur dispensatores, & quòd inde sunt districtam reddituri rationem.

DE OFFICIO DECANI RURALIS. Ioan: Prerembii 1561. Varssouixæ.

CVM non abs re, imò laudabiliter in singulis Diocesibus huius Prouinciæ fuerint olim Decanatus rurales instituti: itaq; sancta Synodus decreuit, vt p^{re}mi Dñi Locorum ordinarii officia Decanatum ruralium vetera, in locum suum iure postliminii reuocent & restituant, ac vbi opus fuerit novos & frequen-

CONSTITV: SYNOD.

& frequentiores instituant atq; ordinent, ad hoc, vt in quolibet Decanatu, bis in anno omnes Parochi, in eum qui eis per Dominum Lociordinarium designatus fuerit in eodem Decanatu locum conueniant, & Synodum suam celebrent Decanalem, in eaq; de scandalis amouendis, & occurrentibus negociis Ecclesiasticis mutuò cum præsidente Decano conferant, & si qui inter eos reperti fuerint scandalosi ac reprehensione digni, à Decano fraternè admoncantur.

Quiquidem Decanus maiora scandala & casus, quibus ipse consulere & obuiare non poterit, & vbi taliter vt præmittitur admonitus non se emendauerit, eum dño suo Lociordinario vel eius Vicario in Spiritualibus deferre, recepta summaria informatione, teneatur, nihil eorum omnino, quod cæteros scandalizare posset sub anathemate occultando.

DE OFFICIO CAPITVLI.

Dzierzgouius Lanciciæ Anno Dñi, 1547.

CVM animaduerneret sacra Synodus multa salubriter ad conseruandam religionis Orthodoxæ integritatem, vitæ ac morum Cleri emendationem, præteritis Synodis laudabiliter constituta fuisse, illa tamen hucusq; nullum in vsum & exequutionem deducta esse, imò ea in omniū ferè ignoratione iacuisse, eò quòd Dñi Locorumordinarii cura aliarum rerum, præsertim Reipub. frequentius impediti, à cursu exequutionis illorum cæpto sæpius auocentur. Propterea ne eorum Statutorū structiones inutiles mancant, eadem Synodus decreuit, vt Capitula Ecclesiarum suos Episcopos sæpius admoncant: ita vt suæ in admonendo eiusmodi diligentia, in proxima quaq; Prouinciali Synodo testimoniū dare possint. Alioquin vbi Capitula in admonitione, vel aliquis æmorum minorum in exequutione negligens officii sui, vel remissus compertus fuerit, pœna centum marcarum puniatur, quam

Reueren-

Reuerendiss. Dominus Archiepiscopus in proxima Synodo exigere teneatur.

Eiusdem de eodem Petricouix, Anno
Domini, 1557.

Quia contra plerosq; D. Episcopos, seu eorū factores, & bonorum Ecclesiasticorū p̄fectos, fiunt sæpè querimonia à subditis bonorum eorundem, quòd eos nouis insolitis, inauditisq; exactiōibus, oneribus, laboribus, & angariis diuexant, non sine scandalo secularium: Cū tamen meritò inter Ecclesiasticos & seculares subditos deberet esse discrimen. Igitur sacra Synodus, innitendo Statutis prioribus, decreuit, vt omnino Capitula bona Episcopalia de triennio in triennium, vel quando opus fuerit, per duos de collegio suo visitent & lustrent. Ac si quid eiusmodi oneris in eis nouiter adinuentum compererint, Dominum Episcopum, vt ab hoc abstineat, modo quo suprà admoneant, ac postea vbi ab oppressiōibus huiusmodi non se continuerit, 2^{mo} Dño Archiepiscopo aut Synodo talem deferant cōdēcendū.

DE MAIORITATE ET OBEDIENTIA. Ex antiquis.

CVM inferior superiori regulariter ad exhibendam reuerentiam & obedientiam teneatur, quorum exhibitio nō nisi per obsequium humilitatis extrinsecus p̄stitum aliorum notitiā innotescat. Quapropter Canonici Cathedralium & Collegiatarum Ecclesiarum Prælati, & inferiores Prælati superioribus, ac vniuersaliter omnes Clerici maioribus suis, in assurgendo, in inclinando, & aliis p̄rogatiuis quibus cōsueuerunt homines reuereri, honorem debitum deferant reuerenter, vt etiam laici à Clero sumentes humilitatis exemplum, eidem exhibeant reuerentiam ampliorem.

K

Quia fre-

CONSTITVSYNO D.

Quia frequenter Rectores Parochiarum non audent contra Nobiles & potentes mandata Superiorum exequi, propter eorum tyrannidem enormem: Statuimus, quod nullus Presbyter assumat Capellam cuiuscumque Nobilis vel potentis, seu in ipsorum Capellis tanquam Capellanus officiet, nisi prius Episcopo Diocesano super eo, quod ad ipsius Synodos veniat, & mandata superioris sibi iniuncta, ad sui Domini & ipsius Castri familiae notitiam perferat, obedientiam faciat manua-lem, & alias de ipsius Diocesani licentia speciali.

De eadem Maioritate & Obedientia. Ex nouis.

Decretum est, ut Abbas Monasterii Trzemesne habeat semper in Synodis superiorem locum Abbate Mogilnensi, ex causa praescripta consuetudinis.

Ioannis Latafski & Gamrati. Petricouiae, Anno Domini, 1539.

Promiserunt etiam Domini Archiepiscopus & Episcopi Prelatis & Canonicis Ecclesiarum Cathedralium deferre debitum honorem, tanquam fratribus & membris suis immediatis, verbis eos non exasperando, neque iurisdictionem illorum Capitularem, iuramentis suis confirmatam, aliquo pacto impediendo.

Petri Gamrati Petricouiae, 1544.

Quemadmodum Domini Archiepiscopi & Episcopi ceteris dignitate praestant, sic sanctitate & odore bonae famae praecellant, & honore sese inuicem praeueniant, Clerumque suum honorifice tractent iuxta sanctiones Canonicas, ac cum loco fratrum habeant, neque illum probri & contumeliis aliquibus afficiant, & praesertim inter personas seculares, a quibus plerumque illorum exemplo Clerus eo magis contemnitur.

minitur. Clerus etiam Prælatos suos reueretur, & suum illis honorem deferat humiliter. Alias pœnis à iure statutis per Ordinarios percellatur.

DE PROCVRATORIBVS.

Ex antiquis.

Quamuis in omnibus peragendis causis & negocijs Procurator legitimè constitutus personam sui domini repræsentet, tamen Potestates & Iudices seculares in causis, quarum cognitio ad ipsos pertinet, Prælatorum Ecclesiæ, & aliarum personarum Ecclesiasticarum, Ecclesiarum, Capitulorum, Collegiorum, Conuentuum, siue Monasteriorum Procuratores, per literas authenticas sufficientissimè constitutos agere coram ipsis, vel defendere non admittunt, iuris beneficium, & defensionis copiâ prædictis omnibus iniuste & indebitè auferentes. Et nihilominus principales personas, talium Procuratorum præsentia, defensione, seu contradictione non obstante, pronunciant contumaces: pro qua contumacia huiusmodi interdum condemnant, vel absoluunt hos, contra quos actio fuerat dirigenda. Nos itaq; talibus abusibus viam præcludere volentes, statuimus, quòd quicunq; Potestates, seu Iudices seculares, Procuratoribus modo superius prætactis constitutis, non admissis, in casibus de quibus cognoscere possunt, in præiudiciũ dictorum Ecclesiæ Prælatorum, Ecclesiarum, personarumq; Ecclesiasticarum, Capitulorum, Collegiorum, Conuentuum seu Monasteriorum, deinceps processerint, ad damna & interesse iuramento eius, cui iniuriam fecerint, declaranda, virtute præsentis Constitutionis teneantur: de quibus nisi infra mensem satisfecerint, ex integro maioris excommunicationis sententiæ subiaceant ipso facto, & sententia si quam protulerint, sit irrita & inanis: cum contumax dici non possit, qui per Procuratorem sufficientem in iudicio comparuit vt debebat. Is autem pro quo lata fuerit

K ij

huiusmo-

CONSTITV: SYNO D.

Huiusmodi sententia (si sententia dici potest) si ea uti voluerit , res sibi sic adiudicatas occupando , excommunicationis sententiæ se nouerit subiacere , donec ab huiusmodi occupatione temeraria resipiscat .

Ioannis Latałski Petricouia , 1. 5 3 9.

DEcreuit etiam ut Clerici in placitis & iudiciis secularibus deinceps non procurent , exceptis causis suis & Ecclesiarum suarum , miserabiliumq; , ac consanguineorum suorum , qui deniq; in officiis prophanis seu factoriis , secularibus personis non seruiat , sub pœnis in iure cõmuni de super expressis .

Quòd metus causa. Ex antiquis.

EOS qui absolutionis vel quacumq; reuocationis vel excommunicationis , suspensionis , vel interdicti , sententias per vim vel metum extorsit , ultra hoc quòd huiusmodi reuocationes , & aliæ sententiæ prædictæ irritæ sunt & inanes , statuimus & declaramus excommunicationis sententiæ subiacere .

De alienatione , mutandi iudicii causa facta.

QVia plerumq; cessiones actionum in fraudem fiunt , aliquando verò purè & simpliciter ex causa legitima , vel ex causis : Statuimus ut cessiones actionum , quæ ex iustis causis vel causa procedunt , nisi in præsentia Notarii publici fide digni , fiant . Sed nec tunc ad actionem admittantur , nisi ipse cedens & cessionarius coram Episcopo vel suo Officiali , aut alio iudice iurisdictionem habente , iurauerit , quòd non simulatè sed verè cedant , & quòd cedens à cessionario nihil de cesis repetat vel in toto vel in parte . Alioquin si secus factum fuerit , decernimus actorem ab instituta actione depellendum .

CONSTITV:

CONSTITVTIO-
NUM SYNODALI-
VM PROVIN CIAE
G N E S N E N S I S
LIBER SECVNDVS.



DE IVDICIIS.

Ex antiquis.



QVONIAM quidam propter potentiam, quidam propter crudelitatem magnam, personaliter accedi nō possunt vt citentur, quidam etiam quia in castris habitant, ita quod nulla potest ad eos citatio peruenire: idcirco prouida & necessaria deliberatione statuimus, vt contra tales citationis edictum apud Parochialem ipsorum Ecclesiam, si securē accedi poterint, aliās in duabus vicinioribus Ecclesiis, duobus diebus Dñicis, & demum semel in Ecclesia Cathedrali publicē proponatur, & extunc contra huiusmodi, ac si personaliter apprehensi & legitimē citati fuerint, procedatur, ne ex malicia commodū valeant reportare.

Præterea quidam crudeles homines & perversi, dum ad forum Ecclesiasticum in causis, etiam de quibus Ecclesia meritō habet cognoscere, ab actoribus euocantur (illius auctoritatis, qua dicitur: Qui honorat missum, mittentem honorat,

CONSTITV: SYNOD.

immemores existentes) nuncios Ecclesiasticorum iudicum, citationis, excommunicationis, vel alias iudiciales & iuris literas deferentes, verbis probrosis, & quodocunq; diris verberibus, quosdam etiam captiuantes, alios interdum suis rebus temerè publicè spoliantes, multipliciter afficiunt, & perturbant, & impediunt citationum & literarum exequutiones, in non modicam Ecclesiasticæ libertatis contumeliam & iacturam. Considerantes igitur maliciis huiusmodi non esse aliquatenus indulgendum, hoc sacro approbante Concilio duimus statuendum, vt quicunq; reus vel actor, per se vel per alium, partem secum in iudicio contendentem, aut nuncios, citationes, actus, vel quoscunq; processus iudiciarios deferentes, per se vel alium verberauerit, spoliauerit, vel captiuauerit, aut aliquod illorū ordinauerit, excomunicationis sententiam incurrat ipso facto, à qua non prius absoluator, donec iudici & parti lesæ satisfecerit cum effectu.

Matthiæ Drzeuicii, Anno Dñi, 1532.

Sacro sanctę Sedis Apostolicę mandata reuerenter & obedienter exequenda semper sunt. Verūenimvero quia nōnunquā accidit, quòd literę seu processus manu incognita, & sigillo ficto ac incognito, ac stylo curię Romanę nō conuenienti, à suspectis & incognitis personis afferantur, sacra Synodus decreuit, vt tales processus seu literę, antequam ad fulminandum seu ad exequendum exhibeantur, prius Ordinariis seu Capitulis & Officialibus ostendantur. Cumq; cogniti fuerint legitimi, nulliq; fraudi obnoxii, liberè exequutioni decernantur, cum subscriptione Notarii.

Petri Gamrati, Anno 1542. Petricouiæ.

Quia in exequendis processibus & morum Dñorum Archiepiscopi & Episcoporum, ac eorum Officialium, Clerus ni-

rus nimium grauatur, & nōnunquam ab insolenti Nobilitate indignis modis tractatur. Decreuit hæc sancta Synodus, vt consilio summarè de non tuto vel difficili accessu, Nobiles tales per publicum edictum die Dūico aut festo, in eorum Parochiis citentur, & huiusmodi processus contra illos exequantur: quod sic illos afficere debet, non minùs ac si personaliter fuissent apprehensi.

Eiusdem.

Statuit etiam sancta Synodus, vt Officiales foranei, iudicandis causis, & cognoscendis negociis diligenter intendant, in locis suis personaliter resideant. Qui verò beneficia, quibus iudicandi, & officialatus officium huiusmodi annexū est, obtinent, si nō resideant, vel minùs idonei ad exercendum officium fuerint, huiusmodi beneficia omnino dimittant: aliās tales Dominus Archiepiscopus & Episcopi amoueat, & in illorum locum idoneos, qui residerent, sufficiant.

DE FORO COMPETENTI.

Ex antiquis.

Quoniam plures Ecclesiastici census & redditus, sub pœna pignoraticia, pro incorporatione beneficiorū comparati, propter defectum administrationis iusticiæ, per secularem iudicem, in solutionum terminis non soluuntur. Idcirco statuimus, cū tales census & redditus sunt Ecclesiastici, quod possint etiam in defectu præmissi per censuram Ecclesiasticam exigi, dum modò iudici Ecclesiastico legitime constiterit de censu huiusmodi, quanquam se debitores censuum non submiserint huic pœnæ.

Irrefragabili constitutione sancimus, vt nullus Clericus Clericum in ciuili vel criminali causa, relicto suo Pontifice, aut etiam quouis laicus Clericos super personalibus actionibus seu

CONSTITV: SYNOD.

bus seu aliis causis ad forum Ecclesiæ spectantibus, relictis Ecclesiasticis iudicibus, ad iudices trahant seculares. Alioquin si Clericus fuerit, ipso iure causam amittat: in negotio civili, & in criminali causa, depositionis sententiam non euadat. Si verò laicus fuerit, siue citans actor sit, siue reus reconueniens, excommunicationis sententiam ipso facto incurrat. Iudex verò laicus, qui scienter ad suam præsentiam Clericum seu Clericos citari præceperit, aut ipsos condemnare super his, quæ ad forum seculare non pertinent, præsumpserit, nisi exceptione declinatoria fori proposita legitimè taliter citatos Clericos ad forum Ecclesiastici iudicis remiserit, cum extunc falcem in messem alienam immittere conuincatur, simili excōmunicationis sententia, eo ipso sit constrictus. Et nihilominus sententiam si quam contra huiusmodi Clericos tulerit, decernimus esse nullam. Ecclesiasticis verò iudicibus distriktius inhibemus, ne laicos ad instantiam quorumcūq; Clericorum, vel laicorum pro causis secularibus, seu merè civilibus ad suum Consistorium citari faciant, aut de cognitione causarum huiusmodi se aliquatenus intromittant, nisi fortè miserabilium personarum, vel in defectu iudicis secularis. Nec e contra iudices seculares, Clericos pro quibuscunq; causis criminalibus, vel civilibus, personalibus, nec etiam laicos quocunq; modo super rebus vel possessionibus Ecclesiarum quocunq; titulo eas possideant, ad suum iudicium faciant euocari, vel eos audeant iudicare. Alioquin tam Ecclesiasticus quàm secularis iudex metas suæ potestatis excedens, excommunicationis sententia innodetur, & actor laicus, qui reum indebitè coram non suo iudice fatigauit, & in expensis condemnatur, & super eadem causa de cætero nullatenus audiatur.

Quia nonnulli seculares iudices, terminos propriæ iurisdictionis transgredientes, nec aduertentes, quòd nemo debet falcem suam mittere in messem alienam, homines degentes in bonis Ecclesiæ, in præiudicium ipsarum Ecclesiarum & perso-

& personarum Ecclesiasticarum, ad sua iudicia pertrahere, & pœnam nisi paruerint infligere non verentur. Ideoq; censuimus statuendum, quòd secularium Principum Iudices, Procuratores, seu Officiales quicumq; habitantes in bonis Ecclesiarum, ad sua iudicia nullatenus protrahant, seu iudicent inuitos, aut pœnas ex causa quacumq; infligant eisdem: sententiam maioris excommunicationis, si secus præsumpserint, ipso facto, nisi ab his cum effectu destiterint, & infra vnius mensis spacium exacta restituerint, incursum. Quod ad eos qui ipsos protrahi seu citari procurauerint, duximus extendendum: sententiæq; eorum si quas protulerint, viribus non subsistant. Quodsi habitatores prædictos captiuauerint, vt eorum parerent iudicio, locus in quo tenebuntur, Ecclesiastico, tam diu donec illos ab ipsa captiuitate dimiserint, subiaceat interdicto.

Ioannis Laski. Lanciciæ, Anno 1523.

ET quia domini Seculares, nitentes enervare iurisdictionem Ecclesiasticam, cui semper agrè fauent, noua quadam arte contra Clerum vti inuenerunt, scilicet, dum eos Clerici seculares vel regulares citant ad iudicium Spirituale, pro aliquibus suis aut Ecclesiarum suarum iniuriis, etiam purè ad iudicium Ecclesiasticum pertinentibus: ipsi contra citant eos ad iudicium seculare, aguntq; contra eos ad pœnas eis inferendas per iudices seculares, pro eo, quòd eos euocant de iure seculari ad ius Spirituale. Quo fit, quòd Clerici in iusticia negliguntur, laicis verò ad inferendas eis maiores iniurias animus crescit. Synodus igitur, volens de hoc prouidere, decreuit, vt Dñi Locorumordinarii inhibeant semper iudicibus secularibus, ne in tali casu contra Clericos procedant, sub pœna excommunicationis & interdicti in eos ferenda. Vbi tunc in continenti data est inhibitiio per primum Dominum Archiepiscopum de consensu & decreto eiusdem Synodi contra

C O N S T I T V: S Y N O D.

Dominos Iudices terræ Rauē, ne contra Dominos Abbates Suleiouieñ & Ploceñ tali via ad iudicium illud tractos procederent, sub pœnis suprascriptis.

In Synodo Petricouienſi quarta.

SI Secularis per Clericum ad ius Spirituale pro re Ecclesiastica citatus, eundem ad forum Seculare malicioſe pro eadem re Ecclesiastica euocauerit, iurisditio Spiritualis censuris Ecclesiasticis contra impediētes eam defendatur, & reus in expensis actori condemnatur.

In eadem.

Obligaciones Secularium personarum actiuas & passiuas in actis Ecclesiasticis sponte factas, validas & legitimas esse decernimus, vigore quarum Secularis persona forum Ecclesiasticum fortiatur.

In eadem.

RES tunc non benè geritur, cū sua iurisditio cuiq; non seruetur. Ideo nullis inhibitionibus fori secularis, etiam Regiæ Mtātis, in foro Ecclesiastico standum esse in causis ad iudicium Ecclesiasticum de iure spectantibus. Neq; enim verisimile est, de mente Principis, qui iura omnia in scrinio pectoris sui continet, & sit alioquin cultor acerrimus iusticiæ, tales inhibitiones procedere.

Matthiæ Drzeuicij. Lanciciæ, 1 5 2 2.

ET quoniam pleriq; Dñi Archiepiscopi & Episcopi, qui Clericos in Priuilegio fori defendere deberent, ipsimet pro decimis & aliis causis Ecclesiasticis coram Officialibus subditos suos ciues & villanos iudicari non permittunt, sed coram factoribus suis secularibus, ne dicam Capitaneis, Presbyteros

sbyteros & Clericos in eisdem causis iuri parere & iusticiam quærere compellunt, contra Canonicas sanctiones, præbentes causam secularibus itidem faciendi, & progressu temporis Clericos suum ad forum protrahendi. Vnde, quia hæc res est exemplo periculosa, statuit sacrosancta Synodus, vt eiusmodi inhibitiones & mandata, D. Archiepiscopi & Episcopi in eorum Diœcesibus penitus relaxent, permittantq; Clerum vti liberè iurisdictione Spirituali coram Vicariis in Spiritualibus, & Officialibus, in causis prædictis, contra subditos eorū, tam ciues quàm villanos. Ad quod Dñs Archiepiscopus Gnefneſi, & reliqui Dñi Episcopi liberè consenserunt.

Causæ ad forum & ad iudicium Ecclesiasticum pertinentes. Petri Gamrati.

Petricouiæ Anno, 1542.

Sacrosancta Synodus satisfaciendo votis & desideriis statutus Secularis, & instantiæ eorum, in Comitibus præteritis desuper factis, causas omnes ad forum & ad iudicium Ecclesiasticum pertinentes, in corpore iuris Canonici clausas, & quæ communiter in iudiciis Ecclesiasticis practicantur, quas causas pro more veteri æmi Dñi Archiepiscopus & Episcopi se defensores strenuè promiserunt, Synodaliter descripsit. Causæ autem merè Spirituales sunt hæ, Fides Catholica, Hæresis, Schisma, Blasphemia in Deum & Sanctos eius, Apostasia, Decimarum, septem Sacramentorum Ecclesiæ, beneficiales, matrimoniales, Simonia, vsurarum, Presbytericidii, Sacrilegii cuiuslibet etiam confugientis ad ædes sacras: Exceptis tamen quinque casibus, videlicet, nocturni depopulatoris agrorum, aggressoris itinerum, publici & proclamati furis, incendiarii, & immunitatis Ecclesiasticæ violatoris, quibus forum & immunitas Ecclesiastica, propter immanitatem criminum non suffragatur: qui de Ecclesiis & locis sacris ex-

L ij

trahantur,

trahantur, & iudicio suo Seculari restituantur. Item. Causæ merè Spirituales, sicut maleficia, incantationes, sortilegia, raptus, & violentiæ Ecclesiasticæ ac quorumcunq; censuum perpetuorum, qui terreni, & conditionalium qui widerkoffy vulgò appellantur, ac dotium siue agrorum Plebanalium, & aliorum sacerdotiorum, qui vulgò Posviatne nominantur, præsertim in quorum possessione Ecclesiæ & Ecclesiasticæ personæ fuerunt, à tempore diuturno & præscripto: necnon miserabilium & destitutarum personarum, quæ labore & usu manuum suarum victum quærere non possunt, & legitimæ redditus seu natalium. Sortitur etiam quis forum seu iudicium Ecclesiasticum ratione contractus, vel obligationis in iudicio Ecclesiastico factæ, & ratione delicti in Ecclesiasticas personas & nec Ecclesiasticas commissi.

Eiusdem.

CAUSÆ autem iudicio Spirituali annexæ sunt: Iurispatronatus, & dotis post diuortium restituendæ, & repetendæ. Causæ autem mixti fori sunt, Testamentorum & ultimarum voluntatum seu ordinationum. Quodq; huiusmodi testamenta facilius exequutioni demandentur, liberum erit unicuiq; pro legatis, & aliis omnibus in testamento contentis, iure experiri coram iudicio quo velit, siue Ecclesiastico siue seculari. Et ubi causam inceperit, ibidem iure præuentionis eandem finire teneatur. Exceptis tamen legatis ad pias causas quæ inter causas merè Spirituales computantur. Spirituales autem, pro bonorum suorum terrestrium, iuri communi Regni subiectorum dominio & proprietate, ac prouinciis supra scriptis in Statuto Regni expressis, iure terrestri Regni experiantur. Iniuriæ autem sunt iuxta Statutum Ioannis Alberti, & Alexandri Regum: super limitibus, colonis fugitiuis, capite occisi, & vulneribus. Si autem persona Ecclesiastica secularem in casu aliquo ex quatuor proxime superscriptis, ad iudicium

dicium Spirituale citauerit, poena quatuordecim marcarum,
per Ordinarium suum irremissibiliter puniatur.

Dzierzgouii Lanciciæ 1547.

PRæterea quia plerunq; contingunt inter hæreditates, ad
dignitates seu quæcunq; Ecclesiastica beneficia pertinen-
tes, & immunitati Ecclesiasticæ adscriptas, occasione limitū
inter personas Ecclesiasticas differentia & controuersia, po-
tentioresq; furore Secularis potestatis freti, opprimere infe-
riores per hanc occasionem consueuerunt: Quo fit, vt ipsi
etiam omnes inter Secularium iudicia cursitare, non sine sta-
tus Ecclesiastici dedecore cogantur. Cū autem sacra Syno-
dus consideraret non expedire Clericos & seruos Dei iudici-
bus Secularibus immisceri, nec licere vni alterum in quacūq;
causa ciuili seu criminali, relicto suo Pontifice, ad Secularia
iudicia pertrahere: Decreuit, vt quotiescunq; inter hæredita-
tes quorūcunq; Ecclesiasticorum beneficiorum Secularium
vel Conuentualium non exemptorum, occasione limitum vel
alterius generis differentia & controuersia exorta fuerint,
tales Ecclesiasticæ personæ huiusmodi bonis præsidentes pro-
sopienda differentia non Secularem iudicem, sed proprium
Locordinarium adire deinceps teneantur. Quiquidem Lo-
cordinarius eo pacto requisitus, ad cognoscendam, compla-
nandam, & decidendam huiusmodi controuersiam aliquos
Prælatos & Canonicos de Capitulo suo deputare erit adstri-
ctus. Qui verò huic statuto contrauenire, & ad iudicia Secu-
laria recurrere ausi fuerint, poenam centum marcarum ipso
facto luant, fabricæ Ecclesiæ Metropolitanæ vel Cathedra-
lis illius Diocesis, irremissibiliter persoluendam.

DE DOLO ET CONTVME-

lia. Ioannes Przeremb. Varssauia.

SEcuritati vitæ, alijsq; dispendiis & grauaminibus variis,
L in vniuerso

C O N S T I T U T I O : S Y N O D.

yniuerſo Clero Prouincię noſtrę, quibus in exequutione proceſſuum tam æmorum Dñorum Archiepiſcoporum & Epiſcoporum, quàm eorum Officialium & iudicum delegatorum, ab his qui citantur cum magno dedecore ordinis Eccleſiaſtici aſſicitur, proſpiciendo ſancta Synodus Statutum Prouinciale Petricouienſe, olim Petri Gamrati Archiepiſcopi, de exequutione proceſſuum huiusmodi in caſu inſecuritatis prædictę faciendæ, edictum innouandum decreuit, & præſenti conſtitutione innouat: vt ſcilicet, conſtituo ſummarie de non tuto, vel difficili ad citandum accēſſu, tales Nobiles per edictum publicum, die Dñico aut celebri feſto in eorum Parochiis citentur, & huiusmodi proceſſus contra illos exequantur. Quodſi Parochialis illa, ſub qua dictus citandus degit, fuerit ab hæreticis aut alijs quomodolibet occupata: ita quòd neq; illic exequutori tutus patuerit ad exequendum ipſum proceſſum adiutus, extunc modo præſcripto in alia Parochiali illi loco vicina, vel aliquo proximo oppido vbi fora exerceri ſolent, & vbi exequutor ipſe ſecurè agere poterit, citandumq; ſæpius verſari contingit, citetur, & copia citationis eidem relinquatur in porta templi illius oppidi, alijs in loco eiufdem oppidi publico. Ita tamen, quòd terminus huiusmodi non abbrevietur nimis, ſed ſit triginta adminus dierum à die exequutionis computandorum, vt veriſimile eſſet citationem peruenire potuiſſe ad notitiam citati. Vbi verò nulla apparuerit ad citandum vel proceſſum exequendum inſecuritas, citandus tamen ne citaretur adeò latitauerit, vt perſonaliter apprehendi non poſſit: extunc in tali caſu, factis bis de apprehendendo perſonaliter abſq; vilo dolo diligentis, eiſq; proceſſui per exequutorem adnotatis, citetur tertio in domo habitationis vel hoſpicii, vbi cõmuniter citandum verſari contingit, per affixionem copię citationis in eadem domo, aut in manibus familiaris vel amicorum illius relicta. Et hoc modo citatum afficere debet eiufmodi citatio, non minùs atq; perſonaliter citatus fu-

tatus fuerit. Exequutor tamen in omni casu huiusmodi faciat fidem de infecuritate & diligentis suis, ac quòd reliquerit copiam citationis. Quodsi à tali processu citationis appellatum fuerit, Iudex cognito de diligentis eiusmodi, processum citationis approbare vigore decreti presentis Synodi sit obligatus.

DE FERIIS.

Ex antiquis

VT circa celebrationem festiuitatum sit Ecclesiarum nostræ Prouinciæ concordia, statuimus, quòd infra scriptis diebus tam Clerici quàm laici debeant à seruilibus operibus abstinere. Primò in festiuitatibus Christi, videlicet, Natiuitatis, Circumcisionis, Epiphaniæ, Ascensionis, Corporis Christi, Resurrectionis & Pentecostes, cum duobus diebus immediatè sequentibus, necnon sanctæ Crucis inuentionis & Exaltationis, cum omnibus diebus Dominicis: in sex festiuitatibus sanctæ Mariæ virginis, Annunciationis, Visitationis, Conceptionis, Purificationis, Natiuitatis, & Assumptionis. Item in die Angelorum, quod dicitur festum sancti Michælis. Item in festo Natiuitatis sancti Ioannis Baptistæ. Item in diebus Apostolorum, videlicet, Matthiæ, Philippi & Iacobi, Petri & Pauli, Iacobi maioris, Bartolomæi, Matthæi, Simonis & Iudæ, Andreæ, Thomæ, & Ioannis Euangelistæ, transitus & diuisionis Apostolorum prædictorum. Item, in diebus Martyrum beatorum, Stephani, Innocentium, Laurentii, Adalberti, Stanislai passionis tantum. Item Confessorum, Martini, Nicolai. Item Mariæ Magdalenæ, Elizabeth, Hedwigis, Catherinæ, Agnetis, Doroteæ, Margarethæ. Item, festum Omnium Sanctorum.

Item, Episcopus, Patronorum festiuitates Ecclesiæ suæ in sua Diocesi

C O N S T I T V: S Y N O D.

Dicæſi poteſt facere celebrari. Item in diebus beatorū, Marci & Lucæ Euangelistarum, & quatuor doctorum Eccleſiæ, Gregorii, Ambroſii, Auguſtini, & Hieronymi, quorum feſtuitates, feliciſ memoria, Bonifaciuſ Papa mandauit vniuerſis Eccleſiis, ſub officio duplici, ſolenniter venerari: ſic tamen vt populuſ in Parochiali ſua Eccleſia diuino officio peraudito ad ſua opera licita conuertatur.

Item quælibet Parochialis Eccleſia feſtum Patroni ſui, in cuiuſ eſt honore principaliter dedicata, & anniuerſarium dedicationis diem in ſua Parochia faciat celebrari, ſaluis Conſtitutionibus & conſuetudinibus rationabilibus, cuiuſlibet Dicæſis, in feſtiuitatibus celebrandis.

Volens Deus omnipotens noſ in ſe cum noſtris operibus quieſcere diebus Dñicis, ipſe ſeptimo die à ſuis operibus noſcitur quieuiſſe, ſub excluſione beatitudinis præcipiens in Decalogo memoriter Sabbata celebrare. Quamobrem diſtributè præcipiendo, ſub pœniſ inſcripſis, vniuerſis Chriſtifiſdelibus noſtræ Prouinciæ Gneſneſ, mandamus hac ſancta Synodo approbante, vt in diebus Dñicis fora hebdomadaria non ponant, & poſita reuocent. Alioquin qui forſationes prædictas deinceps ſeruabunt vel admittent, poſt elapſum ſex menſium à die publicationis Statuti præſentis, ſententiam excommunicationis ipſo facto incurrant. Simili modo præcipientes, quòd fora annalia, quæ nundinæ, vel in vulgari larmârk nuncupantur, dictis diebus Dñicis & feſtiuiſ, & ſpecialiter beatæ Mariæ virginis & Apoſtolorum, non ponant. Poſitaq; infra vniuſ menſis ſpaciũ à tempore publicationis Conſtitutionis præſentis reuocent, & ab huiuſmodi negotiationibus abſtineant. Et ſi ſecũs fecerint, extunc Rectoreſ Eccleſiarum & locorum, in quibus præmiſſa ſeu aliquod ipſorũ perpetratum fuerit, ſine alia requiſitione Superioris, ſub pœniſ Synodalibus & irregularitatis, contra facienteſ, excommunicare tenentur.

De Seque-

DE SEQUESTRATIONE

Fructuum. Ex antiquis.

STatuimus, quòd cùm ordinatio vacantis Ecclesiæ, vel alterius beneficii Ecclesiastici, ex causis differtur, Oeconomus seu Cômendarius in ea per Episcopum vel Prælatum alium, ad quem pertinet institutio, est instituendus, cui cura animarum committatur: qui fructus in vtilitatem Ecclesiæ expendere, aut futuris Rectoribus fideliter teneatur conseruare.

DE IVREIVRANDO.

Ex antiquis.

CONiurationes, conspirationes, colligationesq; illicitas inter personas Ecclesiasticas quocunq; modo, fraude, vel ingenio, omnino de cætero fieri prohibemus, factasq; nec non iuramenta, promissiones, obligationes, & alia supra dictis præstita, vel quæ de cætero super eis fieri contigerit, vel præstari, aut eorum occasione, penitus reprobamus, dissoluimus, atq; cassamus: & eos qui huiusmodi promissiones, obligationes, aut etiam iuramenta, sub aliquibus etiam pecuniariis vel aliis pœnis fecerunt, aut etiam præstiterunt, protinus absoluentes ipsos, decernimus ad obseruationem coniurationum, obligationum & conspiracyonem ipsarum vel solutionem aliquarum pœnarum siue pecuniarum aliquatenus non teneri. Statuentes quòd qui in talibus de cætero inuuenti fuerint excessisse, præter excommunicationem quam ipso facto incurrant, à suis Diocesanis, aut suis superioribus per priuationem perpetuam, aut etiam temporalem beneficiorum, quæ obtinent, & alias pœnas taliter castigentur: quòd pœna eorum, aliis transeat in exemplum & terrorem. Quam constitutionem, quantum ad pœnas imponendas, ad promotores, mediatores, prædictarum coniurationum, colligationum,

M

conspi-

CONSTITV: SYNOD.

conspirationum, iuramentorum, vel promissionum, & obligationum prædictarum, extendi volumus & mandamus.

Audiuimus & miramur, quomodo ad hæc vsq; tempora sit neglectum, & in omnibus Cathedralibus Ecclesiis, vel etiam aliis Guesneñ Ecclesiæ vel Prouinciæ, nullum præstatur à Pontificibus vel Canonicis iuramentum, de iuribus vel consuetudinibus ipsius Ecclesiæ obseruandis, vel de consiliis Ecclesiæ non reuelandis, vel quæ obesse potius possunt quàm pdesse. Vnde contingit, vel contingere fortè posset, quòd aliqui Pontifices, Episcopi, iura Ecclesiarum suarum non solū non obseruant, sed suis parentibus & aliis largiuntur, vel ea modis aliis minùs prouidè alienant, & quòd aliqui in Canonicos iam recepti, in consiliis & curiis Principum, vel aliorū etiam existentes, ipsis Ecclesiis, & ipsorum Episcopis indebitè se opponunt, & consilia eorum reuelant, in Ecclesiarum præiudicium & grauamen. Volentes igitur in huiusmodi Pontificibus & Ecclesiis prouidere, mandamus, vt de cætero postquam Episcopus fuerit consecratus, antequam à Capitulo suo recipiatur, in Ecclesia Cathedrali, cum honore & solennitatibus consuetis, & Canonicis, antequam ei stallum vel locus in Capitulo assignetur, præstent corporaliter iuramentum, quòd ipsa iura & consuetudines, & rationabiles, antiquas, & approbatas ipsius Ecclesiæ, pro posse, & bona fide seruabunt, & quòd consilia Capituli vel Pontificis quæ eis fuerint reuelata, ad eorum damnum vel præiudicium nulli pandent, & quòd iura & possessiones Ecclesiæ, directè vel indirectè non alienabunt in perpetuum, vel ad tempus, sed alienata indebitè, ad ius & proprietatem ipsius Ecclesiæ, omnibus iustis modis, vel rationibus quibus poterint reuocabunt. Quodq; Pontifices, fratres suos, scilicet Prælatos & Canonicos, suarum Ecclesiarum Cathedralium, & iura ipsorum non oppriment, nec aliquod ipsorum sine iudiciali sententia, absq; consensu maioris & sanioris partis sui Capituli, per se, vel submissis

personas

personas captiuabunt, aut molestiam inferent corporalem, & quousq; à prædictis præstita fuerint huiusmodi iuramenta, nec Pontifex ad Ecclesiam cum sollemnitate debita à Capitulo admittatur, nec Canonico stallum in choro, vel locus in Capitulo assignetur, nec aliquid in fructibus Præbendæ suæ percipere permittatur, volentes vt negotia nostrarum Ecclesiarum commodius valeant pertractari, sub excommunicationis pœna, quam in contrascentes proferimus in his scriptis. Præcipimus vniuersis & singulis, cuiuscunq; status & conditionis, aut præminentiae existant, qui ad pertractanda huiusmodi Ecclesiarum negotia nobiscum ordinati dinoscuntur, quatenus secreta tractatum nostrorum, quæ pro secretis indicta fuerint à Pontifice, vel Capitulis ipsorum, inuiolabiliter debeant obseruare, nulli vnquam ea nutu, verbo aut facto aliquatenus propalando. Hanc autem decreti & ordinationis nostræ sententiam, ita in ordinandis sacrae Synodi negotiis volumus obseruari, vt etiam ad particularium Capitulorum tractatus extendatur, vt si qui reperti fuerint, & legitimè conuicti, beneficiis si quæ habent priuentur.

Cum nedum à malo sed ab omni mali specie Apostolus præcipiat abstinere, Sacerdotisq; sit officium, non solum errata, legis diuinæ mensura corrigere, sed etiam occasionem cæteris peccandi subducere, toto posse, non sine temeritatis audacia, & exempli pernicie, nonnulli Sacerdotes (vt rerum magistra docuit nos experientia) dum laicis quibuscunq; testes producendi coram iudicibus imminet necessitas ab eis requisiti iureiurando certis personis, quas iidem laici in testimonium velint producere, fidem faciunt de iusticia producentis, cum tamen nec ipsis congruat, sine priorum Episcoporum licentia, iurare in manibus laicorum, nec ipsi producendi, quibus sic per Sacerdotes huiusmodi facta fides fuerit, possunt esse testes idonei, sed anceps subeunt periurium, si eisdem dubitantibus de iusticia ita in re foret. Quare omnibus tam Sacerdo-

C O N S T I T V: S Y N O D.

tibus, quàm Clericis, & etiam laicis inhibemus, quatenus de cætero, nullus ipſorum talia præſtet iuramenta, cum periuriis viam aperiant ſcandalis & peccatis. Presbyter autem ſi fuerit in hoc factò repertus culpabilis, carceri mancipetur. Laicus verò excommunicationis ſententia percellatur. Cæterum prauam illam conſuetudinem reprobamus, per quam in ſeculari iudicio, ſuper confeſſionibus audiendis Nobilium, qui comparere coram certis iudicibus in terminis ipſis præfixis arctantur, quadam ficta ægritudine, producūt in teſtimonium Sacerdotes, cum figmentum circa pœnitentiæ ſacramentum contineat, reprobamus, inhibentes ne ipſi Sacerdotes, & præſertim curati, vadant ad huiusmodi terminos laicorum, iuramenta præſtare, populum ſibi commiſſum in cura animarum & adminiſtratione Spiritualium negligendo.

Matthiæ Drzeuicii. Petricouiæ 1530.

Placuit ſacrę Synodo Capitulorum Statutum huius Pro-
uinciæ, quo Pontifices in receptione ſua iureiurando promittunt, laicis arces Eccleſiæ non committendas, cum hoc temperamento interpretari debere, ne laici, ab arcium præfectura omnino excludantur, ſine quorum opera, arces, neq; ſtare, neq; deſſendi poſſunt, ſed vt laicus fide dignus, cui arx Eccleſiaſtica credita, & commiſſa per Epiſcopum fuerit, iureiurando ſit obſtriſtus, & obſtringatur in præſentia Capituli, vel eius nunciorum, quòd fideliter arcem diriget, & ſeruabit domino ſuo Epiſcopo, eidemq; obedi-
et. Morte autem Epiſcopi ſequuta, nemini arcem creditam, huius iuramenti vigore tradet, niſi Capitulo, aut cui Capitulum ſede vacante mandauerit.

Nicolai Dzierzgouii. Lanciciæ Anno Domini. 1547.

Decreuit ſacra Synodus, vt ^{mi} Domini Archiepiſcopi, & Epiſcopi, iuramenta à capitaneis arcium ſuarum, iuxta di-

iuxta dispositionem Statutorum Prouincialium, de seruanda per eos fide Ecclesiæ, exigant, & in præsentia aliquorum Prælatorum, vel Canonicorum præstari mandent, ac literas sic præstiti iuramenti in Capitulis Ecclesiarum suarum præsentari, & adseruari faciant, per hocq; suo iuramento satisfaciât.

Eiusdem. Petricouix 1557.

PERuersam quorundam consuetudinem, recens introductam, & iuris communis abusum reprobando, sacra Synodus fanciuit, ne quis Presbyterorum, aut Ecclesiasticarum personarum iusiurandum quodcunq; etiam iudicialiter delatum, in manibus iudicis secularis, audeat præstare, sub pœna suspensionis ab officio: sed cùm illi delatum fuerit iuramentum, ad illud præstandum, iuxta veterem consuetudinem, se remitti ad suum Ordinarium, aut officialem eius petat, vel licentiam illud præstandi, in manibus alicuius Ecclesiasticæ personæ, ab Ordinario sibi impetret.

DE FIDE INSTRVMEN- torum. Ex antiquis.

CVM ex eo, quod pleriq; rudes, & ignari per se, & instrumenta facere nescientes, & alii se notarios publicos mentientes, conficere instrumenta præsumunt, ex quibus plurimâ incommoda & pericula oriuntur, quibus nos obuiare volentes, prohibemus, ne pro notario publico quisquam se gerat, vel quiuis instrumenta conficiat, antequam de creatione sua loci Diocesano, vel eius Officiali aut Capitulo Cathedralis Ecclesiæ fecerit plenam fidem, contrarium faciens excommunicationis sententiam incidat ipso facto, & instrumenta per eum confecta, sint irrita ipso facto. Postquam autem per Ordinariũ vel Officialem loci vel Capitulum fuerit approbatus, & ad officium admissus, literis super huiusmodi admissione sua expeditis, nomen, signum, & manum suam, ad metricam

C O N S T I T U T I O N E S S Y N O D I.

Ecclesiæ inscribat, quæ postea mutari non possunt. Et nihilominus iuramentum super veris & fidelibus instrumentis, per eum conficiendis, & membranis, seu albis cartis duntaxat subscriptis, & signo sua signatis, sub pœna simili non dandis, in manibus dicti Ordinarii vel officialis sui, aut Capituli de nouo faciat atq; præster. Et si aliquis Clericus vel laicus, talem non approbatum, pro notario publico, in domo sua, manu tenere, fouere vel defendere scienter præsumperit, pœna decem marcarum puniatur, fabricæ Ecclesiæ Cathedralis applicanda, & si ipsius instrumentis scienter vsus fuerit, pœnam excommunicationis incurrat ipso facto. Item statuimus, quod si aliquis vel aliqui notarios approbatos, quominus super factis & gestis coram ipsis, super quibus requisiti fuerint, maliciose & in fraudem iusticiæ petentes, instrumenta conficere prohibuerint, tanquam concussores iusticiæ, Archiepiscopus, & Episcopi Prouinciæ in viginti, inferiores verò Clerici vel laici, in decem florenis auri Vngaricalis, pro fabricæ Ecclesiæ Cathedralis applicandis, puniantur: quam pœnam Ordinarii ab inferioribus, Capitula verò à Pontificibus exigere teneantur. Quod si Pontifex ipsam pœnam soluere contradixerit, à tempore monitionis per Capitulum infra mensem, extunc autoritate huius Statuti suspensionis sententiam ab ingressu Ecclesiæ incurrat ipso facto, qui solutione facta sit relaxatus.

INsuper statuimus, quod huiusmodi notarii aliqui salaria non exigant, vltra taxam debitam, & quæ per Ordinarium loci, vel suum Officialem fuerit taxata. Et si secus fecerint, arbitrio iudicis puniantur.

D E A P P E L L A T I O N I B V S.

In Synodo Petricouien quarta.

Decernimus Clericis, in causis criminalibus, vel aliis ad correctionem & morum reformationem pertinentibus, à senten-

à sententia lata appellantis, appellationem ipsam iure communi etiam id disponente, ne crimina remaneant impunita, minimè suffragari, quinimo taliter appellans post latam sententiam, iuxta pœnam ordinariam delicti, appellatione non obstante, legitimè puniatur: nisi fortè pœnam delicti iure comprehensam, iudex exceßerit, & id reus in appellatione deduxerit, quia tunc locus erit appellationi.

In eadem.

PRæterea in Appellationibus causarum Matrimonii quarumcunq; seruetur ius commune, & vt legitimā appellatio iudicatum suspendat, nisi causa in appellatione comprehensa esset manifestè frustratoria, cui vel ob id non esset deferendus, neq; suspendatur iudicatum, prout & alia id genus in iure communi comprehensa. In prolatione autem sententiæ, dos & bona mulieris, sequentur mulierem vt iuris est.

Petri Gamrati. Petricouiæ

Anno 1542.

DEcreuit etiam sacrosancta Synodus, vt Prælati & Canonici Ecclesiarum ~~æ~~ ^æ ~~mi~~ ^{mi} Dominis Archiepiscopis, & Episcopis, obedientiam, reuerentiam, & honorem debitum ubiq; diligenter exhibeant, & impendant. ~~æ~~ ^æ ~~mi~~ ^{mi} quoq; Domini Archiepiscopi, & Episcopi, vicissim Prælati & Canonicis Ecclesiarum suarum etiam debitum honorem deferant, & eos vt fratres & membra sua immediata gratia & fauore prosequantur, neq; eos verbis turpibus & asperis exacerbent, & alioqui iurisdictionem illorum Capitularem in corrigendis membris suis, quam de iure habent, & quam ipsi Domini Episcopi eis seruandam iureiurando firmarunt, quoquo modo non impediant, nisi quantum eis de iure permittitur: verum
postquam

CONSTITV: SYNOD.

postquam contigerit quempiam exorbitasse, eum Capitulo deferant. Vbi verò pro demerito seu excessu cuiuspiam Prælati vel Canonici, aut ex delatione Episcopi in delinquentem per confratres capitulariter animaduersum fuerit, Statutis Capitularibus aut Prouincialibus disponentibus, vel consuetudine approbata suadente, ab huiusmodi còercione Capitulari fraterna, nisi modus excedatur, prouocare non liceat. Si autem sic punitus modum in pœna excessum esse prætenderit, eius rei cognitio ad Dominum Archiepiscopum, vel Episcopum suum deferri debet immediate. Quicquid verò Archiepiscopus & Episcopus decreuerit, huiusmodi decreto stare tenebitur, in quem sic animaduersum fuerit, ad quod obseruandum etiam grauioribus pœnis, iuxta temeritatis exigentiam, adhibitis & multiplicatis, appellatione vltiori cessante, compelli debet.

) () ? () (

CONSTITV:

CONSTITVTIO-
NVM SYNODALI-
VM PROVINCIAE
GNE SNENSIS.
LIBER TERTIVS.



DE VITA ET HONE-
state Clericorum.



VIA sicut Prælati quosq; sibi subditos, di-
gnitate & autoritate præcellunt, ita mori-
bus, vita, habitu, & conuersationis hone-
state præcellere & præcedere debent eosdem,
cùm eorum vita si sit bona, & ampliùs si sit
mala, trahatur à subditis in exemplum.

Statuimus, quod ipsi Prælati coronam & tonsuram, maiorem
tamen quam alii Clerici inferiores, patentibus auribus circ-
larem deferant, ab omni excessu in capillis, & defectu notabili
in corona protinus abstinentes. Sic enim seruantes in prædi-
ctis, subditos credimus reformari. Et pro habitu suo defe-
rant similiter camisas albas, siue Rokietas: & præsertim cùm
in publico extra secreta habitationis eorum ipsos continget
rit ire, aut stare, exceptis casibus in iure expressis, & neces-
sitate imminente, sub pœna decem florenorum auri Vngarici,
totiens quotiens non fecerint præmissa, per Metropolitanum
exigenda, pro fabrica Ecclesiæ applicanda, Capitulum verò
deferat transgressorem.

N

Statuimus,

CONSTITV: SYNOD.

Statuimus, & inuiolabiliter obseruari præcipimus, quòd omnes & singuli de aliquibus religionibus, siue ordinibus, ad Pontificalem dignitatem assumpti, aut in posterum assumendi, illius religionis siue ordinis, de qua vel de quo assumpti fuerint, vel de cætero assumentur, habitum tam in vestibus, quàm in calciamentis, & quibuscunq; aliis, toto tempore vitæ suæ deferre teneantur, aut deferant, in publico & secreto: nec habitum illum tempore vllò dimittant, aut vestes, calciamenta, vel aliqua deferant, in colore, forma, aut materia contraria, vel dissimilia religioni sui ordinis supradicti.

Clerici officia vel commercia secularia non exerceant, maxime inhonesta: tabernas prorsus euitent, nisi fortè causa necessitatis in itinere constituti: choreis & publicis spectaculis non intersint: Coronam & tonsuram habeant congruentem: & calceos rubeos non deferant. Contrarium facientes, ad arbitrium Ordinariorum puniantur. Et vt Clericorum mores & actus in melius reformatur, continenter & castè viuere studeant vniuersi, præsertim in sacris ordinibus constituti, quatenus in conspectu Dei omnipotentis, puro corde & mundo corpore valeant ministrare. Quicunq; autem propter vicium incontinentiæ à suo Prælato suspensus, præsumperit celebrare diuina, non solùm Ecclesiasticis beneficiis spoliatur, verumetiam pro hac duplici culpa perpetuò deponatur: nec credat aliquis posse per alium, cum talibus celebrantibus, nisi per Romanum Pontificem, dispensari.

Inter cæteros Prælatorum & Clericorum excessus, hoc maxime inoleuit, quòd sprete in vestibus forma Ecclesiasticæ honestatis, plurimi delectantur esse deformes, & cupiunt Laicis conformari: quodq; mente gerunt, habitu profitentur. Vnde præter cætera, quæ circa vestes, tonsuram, & habitus Clericorum, tam in formis, quàm in coloribus, atq; comam seu capillos, vitamq; & honestatem Clericorum iura statuunt, atq; nimium collapsa sunt, tam in secularibus quàm in regularibus,

gularibus, sacro approbante Concilio, innouamus, & præcipimus diligentius obseruari. Illum specialiter abusum, eodem approbante Concilio, decreuimus penitus abolendum, quod in quibusdam partibus non vlli Clerici, & personæ Ecclesiasticæ, seculares & regulares, etiam quod magis detestamur, Prælati Ecclesiarum manicas ad cubitum pendentes & longas, cum magna & sumptuosa superfluitate: vestes etiam scissas retro & in lateribus, cum foratinis ultra oram excedentibus, etiam in scissuris deferunt, & cum talibus in Ecclesiis, cum superpiliciis aut aliis vestibus, ad cultum Dei & officium Ecclesiasticum ordinatis, etiam intra Ecclesias ipsas, in quibus beneficiati existunt, non verentur diuinis officiis interesse: hanc vestium deformitatem in quibuscunq; personis Ecclesiasticis reprobamus, ac vsum talium inhibemus. Contrarium autem facientes, vt transgressores Canonum puniantur. Specialiter statuentes, vt quicumque beneficiatus, aut officium in Ecclesia gerens, in habitu huiusmodi diuinis officiis præsumpserit interesse, pro qualibet vice, à perceptione prouentuum Ecclesiasticorum, per mensem nouerit se suspensum: fructusq; illi fabricæ illius Ecclesiæ applicentur.

Claustra Monialium nullus Clericorum, vel etiam Monachorum, sine causa honesta, & bono testimonio introeat. Alioquin Prælatus seipsum debitæ subiciat ultioni. Neq; etiam Moniales de suis egrediantur Monasteriis, nisi Monasteriorum necessitas id exposcat, & velatæ incedant. Illis autem tantum ob hanc causam egredi liceat, quibus administratio est commissa, vel quæ à superiore hoc acceperint. Hoc quidem non de illis Monialibus, quæ clausæ sunt, intelligi volumus, cum illis exire omnino non liceat: Sed de illis, quæ sine clausura vitam ducere consueuerunt laxiorem. Statuimus insuper, vt singulis Monasteriis fenestræ plateariæ duplicata habeant ferramenta. Et vt Moniales suis Præpositis & Prælati in rebus licitis & honestis obediant, nec cuiquam, præter

eorum licentiam, sua confiteantur peccata. Ipsi autem Præpositi seu Prælati, claustra Monialium nullo modo introeant, nisi magna & euident causa necessitatis id exposcat.

Insuper, interdiciamus omnibus Clericis portare annulos, nisi sint Prælati, aut alij, quibus hoc competat ex officio dignitatis, vel priuilegio sedis Apostolicæ speciali: consuetudine in hoc contraria non obstante. Quodsi quispiam taliter annulum portans inuentus fuerit, auferatur ei annulus, per suum Ordinarium, & non reddatur eidem. Imò idem transgressor Clericus, etiam tantundem, ad valorem illius annuli, in rebus alijs cogatur pauperibus erogare. Clericus autem, qui annulum dare Dicecesano, vel prædictam quantitatem soluere contempserit, ab ingressu Ecclesiæ arceatur, donec annulum reddat, & poenam soluat prædictam. Et similiter de cultelis longis præcipimus obseruari, nisi tales sint in itinere constituti, vel inimicitias habuerint manifestas.

Cum domum Domini deceat sanctitudo, iure quoq; Canonico statutum existat, quòd ad Ecclesias ingressus debeat esse humilis & deuotus, statuimus, vt quiuis Prælatus, Canonicus, Altarista, Vicarius Cathedralis Ecclesiæ, nisi superpiliciatus extiterit, in eandem Ecclesiam, ad audiendum diuinum officium non audeat introire, & introeundo chorum sacris solennijs deuotis orationibus insistat, cessent consilia, cessent vana, multò fortius sæda, & prophana colloquia, cessent risus & confabulationes mutue. Postremò, quæcunq; alia, quæ diuinum possunt turbare officium, aut oculos diuinæ Maiestatis offendere, & populum scandalizare, ne ibi detur occasio peccandi, vbi peccatorum venia est postulanda: Contrarium faciens, si sit Prælatus, Canonicus, aut Altarista, per Episcopum aut Vicarium suum: si verò Vicarius vel Altarista per Decanum aut Vicedecanum, poena condigna castigetur. Item ad tollendum scandalum laicorum, statuimus, quòd nemo prædictorum vtatur superpilicijs sericeis, nec capucijs, & mitris.

& mitris magnis, sed duntaxat dalmutiis & biretis paruis, & si placuerit, pro necessitate foderatis. Vicarii verò & Altaristæ, Mansionarii, Psalteristæ, similiter vtantur dalmutiis de asperiolis, & alii intitulati, vel nigris agnellis.

Item quòd Sacerdotes, & Campanarii, & Sanctuarii Cathedralium & Collegiatarum ac Conuentualium Ecclesiarum, qui Sacerdotibus ad altare circa Baptismum, deportationem olei & corporis Domini ad iuifirmos afsistunt, & iuxta quod eorum officium requirit, ministrant, super vestimenta sua superpiliciis vtantur, Sacerdotes videlicet superpiliciis, & Campanarii camifus albis, quod districtè præcipimus obseruari. Quasquidem camifas Campanariorum, & superpilicia Sacerdotum, Plebanus cuiuslibet Parochiæ, vel Vitrici Ecclesiarum, quando & quoties fuerit necesse, de elemosynis, quæ in Parochiis possunt haberi, alioquin de propriis sumptibus, comparabunt.

Ioannis Laski. Lanciciæ Anno 1523.
In Synodo Secunda.

EA, quæ pro vita & honestate Cleri reformanda, quantum ex alto conceditur, ampliare cupientes, omnibus cuiuscunq; ordinis, conditionis, & eminentiæ, Clericis interdiciamus perpetuò, vt vestes more secularium laicorum, præsertim hafucas & tunicas diploides, camifas plicatas (aliàs marsczone) ordini Clericali non congruentes, aut cornuta ex ambabus partibus bireta, vel pileos caudatos, vel casceos depressos, more Heluetiorum, non deferant, & extra habitationum loca nudis pedibus nō incedant, sed calciati ad minus supra talos, peregrinantibus tantummodò & viatoribus exceptis. Barbas more Græcorum vel secularium non nutriant, cesariem fronte bipartitam seu discriminatam non deferant. Vestes sericeas, præter Tàbin, Hâtlas, Czàmlet, deferre

C O N S T I T V: S Y N O D.

non audeant, & istas non nisi Prælati & Canonici Metropolitana-
 riarum, Cathedralium & Collegiatarum Ecclesiarum, in
 quibus sunt distributiones, & Capitula per annum celebran-
 tur. Alii verò inferiores Canonici, Plebani, & Presbyteri
 quicumq; , solo Hârâsio & panno sunt contenti. Exceptis ta-
 men curialibus Regum, residentibus communiter in illis curi-
 is: quos residentes huiusmodi, si voluerint, in delatione vesti-
 um sericearum quarumcunq; toleramus. Tunicas clausas pro
 decentia status Clericalis deferant: vel qui apertas deferre vo-
 lunt, habeant vestes interulas seu gabanellas: manicas latas
 non deferant, quarum latitudinis mensura duas & mediam
 quartas vlnæ non excedat. Contrafacientes, pœna decem
 ducatorum auri per Ordinarios, vel eorum Officiales, toti-
 ens quotiens excesserint, irremissibiliter puniantur, pro fabri-
 ca Ecclesiarum Cathedralium applicanda. Si autem Ordina-
 rii in pœnæ exactiōe, & huius Statuti exequutione con-
 uincerentur esse negligentes, pœna centum ducatorum auri
 per Archiepiscopum puniantur, Ecclesiæ Metropolitanæ ap-
 plicanda. Si verò Archiepiscopus in præmissis fuerit remi-
 ssus & negligens, simili pœna per Synodum irremissibiliter
 puniatur, etiam Ecclesiæ Metropolitanæ applicanda. Volu-
 mus autem vt hoc salubre & laudabile institutum non nisi in-
 fra duos menses à die publicationis Clerum vniuersum obli-
 get & astringat, vt interim quilibet seipsum recolligere, & er-
 rata corrigere possit & valeat in effectu.

In Synodo Petricouienſi prima, & Lan-
 cicienſi prima & ſecunda.

E Brietatibus insuper & comestationibus, ex quibus multa
 mala solent euenire, viam & occasionem præcludere cu-
 pientes, perpetuo prohibemus edicto, ne Spirituales cuius-
 cunq; conditionis & eminentiæ, etiam Episcopi, ad æquales
 potus

potus obligent quoscunq; potatores, neq; pro salutē alicuius bibent, vel quoscunq; ad bibendum inducant. Dñi Archiepiscopi & Episcopi, in eorū prandiis & conuiuiis, etiā quantū uis solennibus, septem tantūmodò, inferiores verò Clerici cuiuscunq; ordinis & eminentiæ extiterint, quinq; fercula non excedant. Lēctiones circa mensam eorum Domini Archiepiscopi & Episcopi pro more vetusto fieri faciant, ubi id comòdè facere possunt. Contrarium facientes, Episcopus pœna decem ducatorum auri per Archiepiscopum, & ipse Archiepiscopus similiter decem ducatorum per Synodum Prouincialem, aliq; inferiores Clerici quicunq; pœna trium marcarum Synodali, quotiens id fecerint, per Dioecesanum irremissibiliter puniendi, quæ pœnæ Ecclesiis maioribus applicentur, iuxta cōstitutionem Statuti præcedentis. Adiciētes, quòd Clerici, & præsertim in sacris constituti ordinibus, si tabernas visitare aut ebrietates sectari moniti non cessauerint, pœna Synodali ultra pœnas præmissas percellantur.

In Synodo Petricouienſi quarta.

Quoniam in Gnesnensi Prouincia certis, ut potè Carnis- priui, temporibus, ludi quidam inoleuerunt, quibus vestium vel actuum ritus Ecclesiastici & religionis fit repræsentatio, in contumeliam & despectum status Clericalis & Ecclesiastici, ad scandalum plurimorum: quos deinceps distrīctè prohibemus, & ut contrarium facientes arbitraria, ultra excommunicationis pœnam, per Lociordarios percellantur.

Statutorum librum quilibet habeat.

Matthiæ Drzeuicii. Lanciciæ Anno

Domini, 1537.

Quia ex bonis moribus Clericorum seculares multum confirmantur & ædificantur: statuit hæc Synodus sacrosan-

C O N S T I T V : S Y N O D.

rosancta, vt Domini Archiepiscopi & Episcopi ad morum reformationem in Clero solenniter procedant, quam iuxta sacrorum Canonum Prouincialium veterum & nouorum constitutiones faciant in capite & in membris, ad pœnas iuris & Statutorum omni timore postposito, & sine personarum acceptione contra rebelles & inobedientes procedentes. Et ne quis ex Clero Prouinciali ignorantiam Statutorum nouorū & veterum nouiter impressorum & publicatorum, morum & vitæ reformationem in se continentium, prætere possit: decreuit Synodus, vt quilibet æmorum Dñorum Archiepiscoporum & Episcoporum eadem Statuta in Diœcesi sua toti Clero faciat publicata. Mandamus omnibus Prælati & Canonicis ac Plebanis, eorumq; Vicariis & aliis Presbyteris, tam secularibus quàm regularibus sub pœna Synodali, vt librum eorundem Statutorum quilibet habeat, & secundum illa. viuat & gubernetur.

Eiusdem. Petricouiæ Anno 1 5 3 0.

Censemur autoritate præsentis sacre Synodi, mores vitæ tamq; vniuersi Cleri exacta non perfunctoria opera æmæ Pontificibus custodiri: delictaq; vndequq; apparuerint competentibus ex Repub. Ecclesiastica purgationibus purgari: vt omni ex parte honestas Cleri, quam sacri Canones abundanter erudiunt, lumine veritatis omni populo luceat: quò bonis exemplis populus & Dominum Deum collaudet, & ipse his Cleri vestigiis in cœlos gradiatur.

Eiusdem. Petricouiæ Anno 1 5 3 2.

Prælati, tam seculares quàm religiosi, qua vita viuunt, tali cæteros viuere informant: Ideo sancta Synodus admonere dignata est Prælatos cuiuslibet status & conditionis, vt Sacras & Canonicas scripturas legant: nouos autores, qui
ambigu-

ambiguam religionem simplicibus relinquunt, in vsu non habendo, easdemq; scripturas sacras & Canones legi præcipiant, ac circa mensas potius, quàm dicteria histrionum vel fabulas insolentium audiant. Sic etiam verbi Dei Concionatores informant, vt populo Dei ex probatorum autorum ab Ecclesia libris prædicent, Euangelio sancto innitentes, & scrupulosos Doctores euitantes, vt populus sacris doctrinis munitus, constanter Domino Deo in religione iam sibi vsitata & hæreditaria firmiùs inferuiat.

Eiusdem. Ibidem.

Honestas status Clericalis & ordinis requirit, vt tam Clerici quàm etiam studentes Gymnasiorum, & Scholares in Scholis particularibus manentes, habitum conformem, honestum, statui Clericali congruentem, non crispatum, neq; breuem, coloratum colore de iure permissio portent: præter peregrinantes, quibus licitum sit dum in itinere sunt, vti vestibus itineri aptis. Statuit itaq; Synodus sancta, vt deinceps, sub pœnis de iure institutis, nec Clerici, neq; studentes habitum portent ad instar Sacerdotum. Pœnas vero à contrafacientibus Archidiaconi exigent.

Petri Gamrati. Petricouix Anno

Domini 1542.

Quia ex bonis moribus Clericorum seculares multum confirmantur & ædificantur: statuit hæc sancta Synodus, vt D. Archiepiscopus & Episcopi ad morum reformationem in Clero, tam in capitibus quàm in membris diligenter procedant, iuxta sacrorum Canonum Statutorumq; Provincialium veterum & nouorum vim, formam, & tenorem: puniendo, & emendando Clericos notoriè excessiuos, simoniacos, adulteros, vsurarios, & concubinarios publicos, secularibus negociis se immiscentes, in vestibus laicalibus incedentes,

CONSTITV: SYNO D.

centes, tonsuram debitam non deferentes, verum loco tonsuræ barbas nutrientes. Et quod Prælati & Canonici Ecclesiarum Metropolitanarum, Cathedralium, & Collegiatarum, barbas nutrientes, ab ingressu Capituli & perceptione refectorii onerentur. Reliqui verò Clerici barbati, pœna Synodali, per Lociordinariorum puniantur, cæterisque criminibus irretitos debite puniant. De qua reformatione plurima verba facere non expedit: quandoquidem de illa pleni sunt libri sacrorum Canonum, Statutorum Prouincialium nouorum & veterum, modò vt Domini Lociordinarii non oscitanter aut negligenter de super exequutionem faciant, ne sanguis eorum de manibus eorum requiratur.

Eiusdem, Petricouix Anno 1530.

QVoniam verò mores & conditio eorum, qui ob oculos Præfulum semper versantur, eisdem non debet esse incognita. Licet autem dudum sancitum sit, & mos Dominos à suarum Curiarum seu personarum in illis existentium reformationem, & Canonum exequutionem incipere debere: nihilominus tamen multos in Curiis eorundem & morum Domini minorum esse & apparere, qui Sacerdotia ampla & honorata possidentes, habitu, conuersatione, & moribus, nihil prorsus à secularibus hominibus differunt, non sine offendiculo secularium. Statuit ergo sacra Synodus vt & mi Domini Episcopi ad ea iam amplius non conuiueant, sed illos habitum & tonsuram deferre, ac in moribus compositos esse, iuxta Canonum & Statutorum dispositionem cogant, & si inobedientes fuerint, eos pro aliorum exemplo, indignationis suæ, seu alia arbitraria pœna cõerceant. Et si ex Capitulis Ecclesiarum Cathedralium fuerint, pœna centum marcarum Synodo irremissibiliter persoluendarum multentur. Cancellarii autem & morum Dominorum, tales suis Paternitatibus deferre debeantur. Alioqui, si negligentes fuerint, pœna simili subiaceant.

Dzierzgo

Dzierzgouii. In Synodo Petricouien.

Anno Domini. 1551.

PRepostero quodam modo irrepfit in ordinem nostrum Ecclesiasticum, vt Episcopi, qui de iure & consuetudine, Rokietas deferre debent, non semper tamen deferant. Religiosi verò in Episcopos promoti, quibus iura prohibent deferre. Rokietas, deferunt, contra dispositionem Canonum: quibus cum ex contemptu non paritur, mortaliter peccatur. Quare decreuit Synodus, vt Domini Episcopi seculares, iuxta sacrorum Canonum constitutiones & laudabilem consuetudinem, Rokietati incedant, & mensis suis in publico assideant. Religiosi verò Episcopi, vt potè Suffraganei, & alii quibus id iurè omnino negatur, ab hoc abstineant. Sed neq; vestes sericeas variegatas aut figuratas, sub pœna centum marcarum per Synodum exigenda, in vsu habeant.

Eiusdem. Anno 1557. Petricouix.

QVod autem reformationem morum Ecclesiasticorum attinet, hanc à summis pariter & infimis, à capitibus simul & paruulis oriendam esse sacra Synodus censet. A capitibus videlicet, vt hi qui cæteris dignitate præsunt, exemplo quoq; & integritate vitæ illis præemineant: luxum, & ambitionem, atq; fastum, vt pestem, fugiant: benignosq; & affabiles sese ad omnes exhibeant, & in pauperes liberaliores sint: gregi suo, de quo sunt reddituri in extremo iudicio strictam rationem, diligenter intendant. Et aliàs, ita viam suam instituunt, quemadmodum ex sacris Canonibus ac Statutis Provincialibus abundè perscriptum habent. Paruulos autem eos appellamus, qui in loca maiorum subinde decedentium in vtraq; Republica, tam Ecclesiastica quàm seculari sūt successuri. Qui nisi ab initio benè fuerint instituti, & bonis moribus formati, metuendum est, ne ab his pestis siue pernici-

CONSTITV: SYNOD.

cies Reipub. Ecclesiasticæ & Regni oriatur. Operæ precium itaq; est, vt autoritate M^{aj}estatis Regiæ Scholæ omnes priuatae, nempe Cosmineñ, Pinczouieñ, & his aliæ similes remoueantur & interdicantur, edictumq; felicitis recordationis Sgismundi primi Regis Poloniae, de nō mittendis in Germaniam pueris siue adolescentibus, in exequutionem ponatur & seruetur. Scholæ autem publicæ diligenter lustrentur, visitentur, & Catechismi hæretici in illis legi & doceri prohibeantur, studium præterea Cracouieñ generale, de quo in omnibus Synodis fit mentio, reformetur. Qua de re sumus Dominus Cracouieñ Episcopus, vt Cancellarius illius, est Synodaliter admonitus.

DE COHABITATIONE Clericorum & Mulierum.

Ex antiquis.

QVamuis fornicationis crimen, si in aliis ex Apostoli doctrina, multo magis in Clericis sit detestabile, vt potè, quia inter cæteras virtutes, principaliter carnis continentiam profitentur: multi tamen Clerici, suæ salutis immemores, & professionis, non solum tentationibus victi, desideria carnis perficiunt, sed etiam tentationem præueniunt, dum ne frustra tententur, in domibus propriis vel vicinis paratas ad malum fornicarias nutriunt mulieres. Nos igitur ne crimen ipsum videamur per tolerantiam approbare, omnes Clericos, qui de cætero in domibus suis suspectas mulieres, vel etiam extra domos, in sua procuracione publicè detinent concubinas, si sunt beneficiati, monitiq; Canonicè non destiterint, & in hoc pertinaces reperti fuerint & rebelles, extunc, pro prima vice agere volentes mitius cum eisdem, pœna Synodali per suos superiores percellantur. Si verò (quod absit) se minimè de sua incontinentia correxerint, forsân easdem vel alias concubinas, aut suspectas fæminas scelestius reassumendo, extunc
per vnum

per vnum mensem arcis carceribus deputentur. Sed si (quod absit) meretricia facie indutus, nec à sua scelerata consuetudine & peccandi libidine desistere voluerit, extunc, tanquam incorrigibilis, beneficio seu beneficiis Ecclesiasticis, si qua obtinet, sit priuatus ipso facto. Sin autem beneficiatus non fuerit, per vnum annum carceribus deputetur: quo lapsò, de Diœcesi, tanquam scandalosus expellatur, inhabilisq; fiat in illa Diœcesi, in qua tantum scandalum commisit, ad executionem Presbyteralis ordinis, & Ecclesiastica beneficia obtinēda.

DE CLERICIS NON RESIDENTIBUS. Ex antiquis.

NUllus Clericus, curam habens animarum, nostræ Pro-uinciæ, in quouis ordine constitutus, peregrinari extra suam Diœcesim præsumat, absq; Diœcesani sui licentia speciali. Qua petita & obtenta, idoneum Presbyterum loco suo relinquat, quem Diœcesanus approbet, & interim sibi committat curam animarum. Quod si quis vltra sex menses à suo beneficio absentare præsumperit, curam animarum habens, extunc à perceptione fructuum beneficii suspendatur, fabricæ eiusdem Ecclesiæ applicandorum. Quod si stante illa suspensione per alios sex menses non redierit, ipso facto sit priuatus. Et tunc patroni liberam alium præsentandi habeant facultatem.

In Synodo Lanciciē Secunda.

Quia in hoc Regno Poloniæ pleræq; insignes Collegiatae Ecclesiæ, propter non residentiam Prælatorum & Canoniorum in eisdem, in diuinis Officiis & debito earum regimine (vt euidenter apparet) miserè negliguntur, non sine dedecore & scandalo plebis, Deiq; irreuerentia, & fundatorum summa iniuria. Volentes igitur huic malo in posterum

O in

prouide-

C O N S T I T U T I O : S Y N O D.

prouidere: statuimus, vt deinceps Dñi Archiepiscopi & Episcopi, beneficia Collegiatarum Ecclesiarum talibus personis conferant, quæ in eis personalem residentiam facere velint & valeant. Decernentes, vt in qualibet Ecclesiarum Collegiatarum Capitula generalia, saltem in anno semel celebrentur, pro tempore per Ordinarios & Capitula eorundem deputanda: Ad quæ omnes Prælati & Canonici teneantur venire, suis in propriis personis sub pœna, si Prælati, trium: si Canonici, duarum marcarum per Ordinarios Ecclesiis Collegiatis applicanda. In quibus quidem Capitulis diligenter consulant de diuinis Officiis ritè peragendis, & bono Ecclesiæ regimine. Et vt adminus duo ex Prælatiis vel Canonicis circa eandem continuè vel per vices resideant, pro decore & utilitate earundem Ecclesiarum, leuando scandala, iraq; mitiganda.

In Eadem.

Item statuimus, vt Plebani, qui in beneficiis maioribus Cathedralium & Collegiatarum Ecclesiarum, ex dispensatione Apostolica residere, vel in seruitiis Regum, Principum, & Episcoporum versari consueuerunt, Ecclesias Parochiales sæpè visitent, in eisq; singulis annis adminus per duas septimanas per se resideant, sub pœna Synodali, per Ordinarios ab eis exigenda. Plebanis extra Prouinciā absentibus exceptis, qui per Commendarios æquè idoneos eandem regere & prouidere possunt.

Eiusdem. Petricouix Annno 1530.

Ivre Canonico cautum sufficienter est, & Statuto Prouinciali pœnaliter sæpius constitutum, vt Plebani curam animarum & populi habentes, circa suas Parochiales Ecclesias resideant, aut alibi moram ex congruenti causa habentes, illas crebrius intra decursum anni visitent: & illis, quantum opus est, ex debito sibi iniuncto prouideāt, negligentias perimendo.

Verum

Verum enimvero Canonum & Statutorum ordinatione post habita, lanam duntaxat ouium tondere solent, & oues deglubendas lupis relinquunt, in Ecclesiis non residendo, neq; illis prouidendo. Imò veriùs neq; illas visitando, cum maximo scandalo Christifidelium. Et nonnullos esse, qui se duabus vel tribus Parochialibus Ecclesiis, dubium an ex dispensatione Apostolica, ouerant, nec vni earum satisfaciendo. Synodus itaq; & mos Dominos Locorum ordinarios commonefaciens, rogauit & obsecrauit, vt pro suo debito maturè prouideant, ne fraudentur Ecclesiæ debito suo. Quodq; Plebanos ad residentiam, quantum de iure fieri potest, compellant: atq; eorum dispensationes videant, præsertim eorum, qui se pluribus Parochiis tenendis implicarunt: & comperto, quòd dispensationes legitimas non habeant, quod iuris est, de eis determinatè faciant, conscientiam suam purificantes.

Petri Gamrati. Petricouix Anno
Domini 1542.

STatuit etiam sancta Synodus, vt à Prælati & Canonicis Ecclesiarum Collegiatarum Prouinciæ Gnesnæ Capitula circa Ecclesias suas statis temporibus generalia; semel ad minus in anno celebrentur, in quibus de rebus & necessitatibus Ecclesiarum suarum consulatur, iuxta Statutum Prouinciale dudum desuper editum, & hoc sub pœna decem marcarum pecuniarum per negligentia Capitula luenda, & fabricæ earundem Ecclesiarum conuertenda.

Alcyfii Lipomani, Legati Apostolici.

Louicii Anno 1556.

PRæterea, cùm sacra Synodus Ecclesias Collegiatas in hac Prouincia planè videat esse desolatas, nec sint Prælati aut Canonici, qui circa eas degant, & officia diuina (propter quæ dota-

C O N S T I T V : S Y N O D.

quæ dotata sunt in eis Sacerdotia) fideliter expleant : per quod fundatorum vltimæ voluntates fraudantur, nec habent Ordinarii, quibus circa illas iudiciorum suorum Officia committant, inò pleriq; eorum reperiantur, qui Sacerdotia ipsa per multos annos, in minoribus duntaxat ordinibus constituti, de facto occupant, nec habitum nec tonsuram legitimis deferant: & eorum aliqui personis etiam secularibus in præfecturis bonorum temporalium seruiunt: secularia tractantes negocia, fructibus, decimis & prouentibus suorum huiusmodi Sacerdotiorum abutuntur, non sine offensa diuina, & scandalo secularium. Quare sacra Synodus, præmissis obuiando decreuit, vt omnino Ordinarii in tales animaduertant, & eos per sequestrationem prouentuum vsui Ecclesiarum illarum, in quibus beneficia ipsa obtinent, puta, fabricæ &c. applicant, ad promotionem ad sacros Ordines, residentiamq; circa illas faciendam compellant. Et præter hoc, inhærendo Statutis Prouincialibus, de electione in nouis, & præsertim in nouissimis olim Petri Gamrati Archiepiscopi, Bullæq; felicitis recordationis Leonis Papæ Decimi huic Prouinciæ concessæ, de Officio Archidiaconi, duos in iure, vel sacra Theologia Doctores, qui actu residerent, vel saltem ad minus vnum, in singulis Collegiatis, prima & proxima vacatione occurrente, ponant & instituunt, vel exnunc cum à Capitulis suis fuerint requisiti, Canonicatus & præbendas pro Doctoribus ipsis designent, ad quas deinceps Doctores ipsi perpetuò fuerint instituendi.

D E I N S T I T V T I O N I B V S.

Ex Antiquis.

Hoc sacro approbante Concilio decernimus, quòd Capitulum vltimum de Elect. Lib. vi. de cridjs ante institutionem, & Cap. cum inhibito de clandestina despon: de bannis ante copulam præmittendis, ad vnguem obseruetur.

Præsentis

Præsentis constitutionis autoritate sacro approbante Concilio, inhiibemus : ne quis Archiepiscopatum , Episcopatum, dignitatem aliquam inferiorem , personatum , Parochialem Ecclesiam, cum cura vel sine cura, beneficium aliquod Ecclesiasticum, seu alicuius prædictorum administrationem vel detentionem , de manu laicali recipere , vel iam recepta tenere , sub quouis colore præsumat. Si quis autem contrafecerit, ad sic receptum beneficium eo ipso , & nisi locum , quem sub crimine tantæ inobedientiæ , tantæq; ambitionis taliter iam recepit , vel in futurum recipiet, resipiscendo deseruerit liberaliter, infra duorum mensium spacium, à publicatione Constitutionis præsentis, quoad iam recepta : à receptionis verò tempore, quoad ea deinceps cōtinget, sic recipi numerandum, & ad quodlibet aliud inhabilis ipso facto reddetur : ita vt ad dignitatem vel beneficium aliquod Ecclesiasticum , nullo viquam tempore, absq; dispensatione Apostolicæ Sedis vel nostra, aut successorum nostrorum, eligi valeat & assumi. Insuper, vt quantum excesserit, pœna docente cognoscat, si quā dignitatem , personatum , vel beneficium aliquod Ecclesiasticum, cum cura vel sine cura, sic recipiens vel detinens, vt præmittitur non dimittens , Canonice forsan obtineat ea, vel eo sit præsentis constitutionis vigore ipso facto priuatus. Indignum enim fore censemus , vt beneficio Ecclesiæ gaudeant , qui eam tam nefandis ausibus despectui habuerunt. Iniungimus quoq; in virtute sanctæ obedientiæ, ne non sub excommunicationis pœna præcipientes, mandamus omnibus & singulis tam Clericis quàm laicis, rusticis, iobagionibus, vassallis, Castellanis, Comitibus , & officialibus aliis, quocunq; modo subiectionis astrictis, dignitati, personatui, vel beneficio taliter occupato, quòd occupatori vel detentori prædictis in nullo pareant vel intendant. Qui verò temerè contrafecerit, si Viuersitas fuerit, interdicti : si autem singularis persona, excommunicationis sententiæ se nouerit subiacere.

C O N S T I T V: S Y N O D.

Statuimus, quòd persona Ecclesiastica quæcunq; regularis aut secularis, in dignitate, personatu, officio, seu Ecclesiastico beneficio quocunq; constituta, non instituat, vel ad illud confirmetur, nisi antea de obedientia & reuerentia suis superioribus impendenda, & mandata ipsorum exequenda, & quòd non alienabit bona beneficii, & illicitè alienata ab ipso pro posse ad ius & proprietatem reuocabit, corporale præstiterit iuramentum.

Aloyfii Lipomani, Legati Apostolici. Loui-
cii Anno Domini 1556.

QVia promiscuè, cessante legitimo examine Clericorum, pleriq; ad sacros promouentur Ordines, & ad beneficia Ecclesiastica instituuntur, & multa per sic promotos in Ecclesia Dei scandala committuntur: igitur decreuit sacra Synodus, vt Domini Locorum ordinarii, & eorum Suffraganei, ac in Spiritualibus Vicarii, neminem deinceps, ad quoscunq; Ordines promouere, aut ad beneficia Ecclesiastica quæcunq; maximè curam animarum aut iurisdictionem habentia, instituere, & cuiuspiam manus citò imponere, vel ad instituendum facultatem alicui dare præsumant, sub pœna suspensionis ab officio per vnius anni decursum ipso facto, vltra alias pœnas iuris & Statutorum Prouincialium incurrendas, nisi præmissio examine legitimo, atq; sufficienti testimonio recepto, iuxta dispositionem iuris communis, de vita, moribus, conuersatione, & eruditione promouendorum, necnon diligenti inquisitione facta de eorum studiis, in quibus versati fuerint, & confessione fidei primitus, medio ipsorum corporali iuramento, ab eis recepta. Et insuper decreuit, vt omnes & singuli, qui ad beneficia Ecclesiastica, curam animarum habentia, sunt iam antea instituti, necdum tamen ad sacros ordines promoti fuerint, omninò hinc ad festum Paschæ proximum, sub pœna priuatio-

priuationis beneficii sui huiusmodi, se promouere, & ad obeunda officii & vocationis suæ munia habilitare se procurent. Alioqui beneficia eorum huiusmodi vacare censeantur ipso facto. De talibus igitur & eorum titulis, quorum prætextu Sacerdotia ipsa occupant, ac de eorum dispensationibus Domini Locorumordinarii diligenter disquirant. Pleræq; enim Ecclesiæ ac Sacerdotia à laicis, autoritate propria, de facto, occupantur: propter quod & cura animarum in illis damna-biliter negligitur, & multa scandala inde committuntur.

Przerembii. Ex Varsovieñ Synodo.

Anno Domini 1561.

INnitendo prioribus Synodalibus constitutionibus hæc fan-cta Synodus decreuit, vt Domini Lociordinarii ad Præbendas siue Canonicatus Ecclesiarum Cathedralium & Col-legiatarum non pueros, sed homines graues, doctrina & vir-tutibus conspicuos, & nobilitate familiæ claros, habentes ta-men qualitates à sacro Concilio Tridentino requisitas, qui his calamitosis temporibus Ecclesiam Dei consiliis, & aliis ne-cessariis adiumentis iuuare possent, promoueant.

Item. Archidiaconatus & alia beneficia curata, hominibus idoneis, & iuxta Statuta Prouincialia qualificatis, conferan-tur: ac ab illis, quibus conferuntur, ante institutionem, super articulis fidei, iuxta dispositionem Statutorum Prouinciali-um, iuramentum exigatur.

AD BENEFICIA ECCLESI-

astica, qui & quales instituendi. In Synodo

Lancicieñ prima & secunda. Ex Nouis.

ET quia indignum & indecorum est, vt hi deberent Eccle-sias regere, qui non nouerunt gubernare seipsos, cum ad

C O N S T I T V : S Y N O D.

Ecclesiarum regimina tales personæ sint admittendæ, quæ doctrina præmineant, & morum fulgeant honestate. Nolentes itaq; sustinere, vt indoctis & indignis Ecclesiarum regimina committantur: Statuimus, vt Ordinarii non conferant beneficia quæcunq; & qualiacunq;, nisi illis, qui per biennium in Vniuersali studio approbato, literis operâ dederint: literasq; testimoniales Rectoris Gymnasii, desuper, Ordinariis ostenderint: Rogariq; debet sacra Mtâs R. per Archiepiscopum & Episcopos, & patronis secularibus persuaderi, vt tales personas Ordinariis ad beneficia eorum patronatus præsentent instituendos. Si autem in hac re persuaderi non poterint, tunc Ordinarii iniungant districtè taliter institutis, vt studeant similiter in studio Vniuersali approbato per biennium, post factam institutionem: & istis etiam non aliter provideatur, nisi in ætate legitima constituti fuerint. Decernentes, vt Abbates, qui bello destructi non sunt, aut foveant in Studiis Vniuersalibus expensis propriis Scholares, iuxta veteres consuetudines: aut conferant ad Seminaria iuxta Cõcilium Tridentinum, sub pœnis in eiusdem decretis & aliis item in Statutis Prouincialibus, necnon in ipsorum Priuilegiis contentis. Quod Statutum etiam ad Ordinarios indistinctè, siue bello destructi sint siue non, extendimus & ampliamus.

Bulla Apostolica, de non recipiendis plebeis
ad Ecclesias Cathedralis vltra numerum
quatuor. Ex nouis.

LEO Episcopus, seruus seruorum Dei: Ad perpetuam rei memoriam. Creditam nobis desuper regendæ militantis Ecclesiæ Prouinciam salubriter exequi, coadiuuante Domino, cupientes, ad ea libenter intendimus, per quæ singulæ orbis Ecclesiæ, præsertim Metropolitanæ & aliæ Cathedralis insignes & famosæ, personarum vtilium fulcitæ præstidiis, &

diis, & suis honoribus, iuribus, & bonis præferuentur, & ad laudem & gloriam omnipotentis in spiritualibus & temporalibus votius proficiant incrementis: Sanè pro parte charissimi in Christo filii nostri, Sigismundi Poloniae Regis illustris, nobis nuper exhibita petitio continebat. Quòd licet Metropolitana Gnesnensis, & illius suffraganeæ Cracouien, Wladislauien, Posnaniën, & Ploceën Ecclesiæ, inter cæteras Ecclesias Regni Poloniae sint admodum insignes, ac per Reges Poloniae, & alios Principes, Barones, & Nobiles dicti Regni notabilibus redditibus prouentibusq; opulenter dotatae fuerint: nihilominus cum ad Canonicatus & Præbendas ac dignitates, personatus, administrationes, vel officia ipsarum Gnesnën, & Suffraganearum Ecclesiarum, minus Nobiles, & aliæ personæ parentum auxiliis carentes, ac iura & bona earundem Ecclesiarum, infidelium & schismaticorum bonis coherentia, & præsertim dum milites & alii armigeri pro defensione dicti Regni, contra præfatos infideles & schismaticos, vel alios eiusdem Regni, & dominiorum ipsius Sigismundi Regis hostes pugnaturi, per oppida, villas, & alia loca & bona earundem Ecclesiarum transeunt, aduersus eosdem milites & armigeros ac etiam infideles & schismaticos tueri & defendere non valentes, nonnunquam admittantur: iura & bona prædicta in dies per ipsos armigeros diripiuntur, deuantantur, & annihilantur, ac quandoq; non solum per infideles & schismaticos sanctæ Romanæ Ecclesiæ inobedientes, ac alios hostes prædictos indebitè occupata detinentur, non absq; dictarum Gnesnën & Suffraganearum Ecclesiarum grauissimo præiudicio, & diuini cultus diminutione. Verum si statueretur & ordinaretur, quòd deinceps perpetuis futuris temporibus nullus, etiam cuiuscunq; gradus vel conditionis foret, ad Canonicatus & Præbendas, dignitates, personatus, administrationes vel officia huiusmodi admitti deberet, nisi de Nobili genere ex utroque parente procreatus foret: profectò ipsi Canonici No-

CONSTITV: SYNOD.

biles, parentum, consanguineorum, & amicorum suorum fa-
uoribus & auxiliis suffulti, iura & bona huiusmodi, aduersus
illorum occupatores & detentores tueri, & occupata recupe-
rare possent, idq; in diuini cultus augmentum cederet, & non
solum præfato Sigismundo Regi, sed etiam Principibus &
Baronibus dicti Regni, quorū progenitores huiusmodi, Gne-
sneſſi & Suffraganeas Ecclesias, vt præfertur, dotârunt, gra-
tissimum foret, & eos contra Turcos, Tartaros, aliosq; infi-
deles & schismaticos, dictæ Ecclesiæ Romanæ inobedientes,
assiduè bellantes, magis ac magis pro defensione Christiani-
tatis & tuitione Regni, ac protectione bonorum huiusmodi
accenderet. Quare pro parte dicti Sigismundi Regis nobis
fuit humiliter supplicatum, vt quod deinceps nullus ad Ca-
nonicatus & Præbendas, dignitates, personatus, & admini-
strationes vel officia, Gnesneſſi vel Suffraganearum Ecclesia-
rum huiusmodi, admitti debeat, nisi de Nobili genere ex v-
troq; parente procreatus fuerit, statuere & ordinare, ac aliàs
in præmissis oportunè providere de benignitate Apostolica
dignemur. Nos igitur, qui Ecclesiarum omnium decus &
venustatem, ac in illis diuini cultus augmentum, earumq; bo-
norum conseruationem synceris desideramus affectibus: hu-
iusmodi supplicationibus inclinati, auctoritate Apostolica, te-
nere præsentium, statuimus & ordinamus, quòd de cætero
perpetuis futuris temporibus nullus, etiam cuiuscunq; status,
dignitatis, gradus, & præminentiae existat, nisi de Nobili ge-
nere ex utroq; parente procreatum, & legitimo matrimonio
natum, se fore doceat: duobus in Theologia Magistris, & a-
liis duobus in utroq; vel altero Iurium Doctoribus & peritis,
ac ad Magistratus & Doctoratus gradum in aliqua Vniuersi-
tate studii generalis promotis duntaxat exceptis. Quos qua-
tuor, vt præmittitur, qualificados, iustis tamen titulis, in Ca-
nonicatus quatuor & totidem Præbendis, in singulis Gne-
sneſſi & Suffraganearum Ecclesiarum, quatuor duntaxat Ca-
nonica-

nonicatus & Præbendas pro duobus Magistris in Theologia, & duobus Doctoribus huiusmodi iam assignatis, vel in posterum per dilectos filios, Capitula, dictarum Gnesneſi & Suffraganeorum Ecclesiarum respectiue assignati: ita vt singulis eandem Gnesneſi & Suffraganeorum Ecclesiarum quatuor duntaxat, & totidem Præbendæ: quæ quibusuis etiam non Nobilibus, aliâs tamen qualificatis, vt præfertur, personis, quæ in ipsis Gnesneſi & Suffraganeis Ecclesiis respectiue, sub pœna priuationis suorum Canoniciatum & Præbendarum, si per tres menses ab illis absentes fuerint, personaliter reside-re teneantur, conferri possint. Capitula huiusmodi recipere & admittere teneantur, etiam prætextu quarumcunq; prouisionum, gratiarum, expectatiuarum, specialium vel generalium, reseruationum, mandatorum, vel literarum Apostolicarum, etiam Monitoriorum pœnaliu, aut Apostolica autoritate confirmatarum, primariarum precum seu nominationum, Imperatoris, Regum, Reginarum, Ducum, Marchionum, Principum, Prælatorum, & aliorum Dñorum Ecclesiasticorum & secularium, etiam motu proprio & ex certa scientia, ac ex quauis causa, consideratione, vel intuitu, etiam iurium cessorum vel oblato- rum, aut pro sedandis litibus pro tempore concedendorum, ad Canoniciatus, Præbendas, dignitates, personatus, administrationes vel officia huiusmodi recipi & admitti, seu antequàm de illis aliisq; Nobilibus ex vtroq; parente & legitimo matrimonio procreatis, duobus Magistris in Theologia, & duobus in vtroq; vel altero Iuriû Doctoribus, vt præfertur, duntaxat exceptis, prouideri possit nec debeat. Nec Archiepiscopus, nec Episcopi pro tempore existẽs, ac Capitula Gnesneſi vel Suffraganeorum Ecclesiarum huiusmodi, etiam prætextu quarumcunq; literarum Apostolicæ Sedis, vel Legatorum eiusdem, etiam clausulam. Aut si Archiepiscopo, Episcopo, & Capitulis dictarum Gnesneſi & Suffraganeorum Ecclesiarum, vel quibusuis aliis, com-

muniter

CONSTITV: SYNOD.

muniter vel diuissim ab eadem Sede sit indultum, quod ad receptionem vel prouisionem alicuius minimè teneantur, & ad illa compelli, aut quòd interdici, suspendi, vel excommunicari non possint. Quodq; de Canonicatibus, Præbendis, dignitatibus, personatibus, administrationibus, vel officiis ipsarum Ecclesiarum, vel aliis beneficiis Ecclesiasticis, ad eorum collationem, prouisionem, præsentationem, electionem, seu quamuis aliam dispositionem, coniunctim vel separatim spectantibus, nulli valeat prouideri per literas Apostolicas, non facientes plenam & expressam, ac de verbo ad verbum de indulto huiusmodi mentionem, & qualibet alia dictæ Sedis indulgentia, generali vel speciali, cuiuscunq; tenoris existat, per quam præsentibus non expressum, vel totaliter non insertum, effectum huiusmodi gratiæ impediri valeat quomodolibet, vel differri, & de quo cuiusq; tenore toto habenda sit in nostris literis mentio specialis, in literis prouisionum, mandatorum, expectatiuarum, & reservationum, & aliarum facultatum huiusmodi apponi solitam, aut quasq; alias etiam derogatorias, prohibitorias, seu fortiores, efficaciores, & insolitas clausulas & adiectiones, etiam tales, per quas statuto & ordinationi huiusmodi, ac præsentibus & in eis contentis clausulis, singulis expresse derogare videretur, etiam præsentibus illis de verbo ad verbum inferendo, & intentioni cõcedentis pro tempore eis velle derogare exprimendo in se continentium, minimè cogi seu compelli: censurasq; in literis prouisionum, reservationum, & nominationum, facultatum, expectatiuarum, & mandatorum huiusmodi, per quoscunq; pro tempore obtentorum, & processibus desuper habendis pro tempore contentas, contra præsentium tenorem minimè coarctare, ac præsentibus nullatenus derogari posse aut debere. Decernentes statutum & ordinationem huiusmodi omnino perpetuò obseruari debere, ac quasq; collationes & prouisiones, aliis quàm Nobilibus & duobus Magistris in Theologia, &

gia, & duobus in vtroq; vel altero Iure Doctoribus, etiã alias, quàm præfertur qualificatis personis pro tempore faciendas, nullas & inualidas, nulliusq; roboris vel momenti, sicq; per quoscunq; Iudices & Commissarios, etiam sanctæ Romanæ Ecclesiæ Cardinales, ac causarum Palatii Apostolici auditores, sublata eis & eorum cuilibet quauis aliter iudicandi & interpretandi facultate & autoritate iudicari & definiri debe-
re. Irritum quoq; & inane, si secus super his à quoquam, quauis autoritate, scienter vel ignoranter contigerit attemptari. Quocirca Venerabilibus fratribus nostris, Archiepiscopo Leopoliens, & Asculanen & Olomucen Episcopis, per Apostolica scripta mandamus, quatinus ipsi, vel duo, aut vnus eorum, per se vel alium seu alios, præsentés literas, ac omnia & singula in eis contenta, vbi & quando expedierit, à quouis pro tempore Sigismundi, & pro tempore existentis Poloniæ Regis, ac Archiepiscopi & Episcoporum, etiam pro tempore existentium, necnon Capitulorum prædictorum, seu alicuius eorum, desuper fuerint requisiti solenniter publican, ac eis in præmissis efficacis defensionis præsidio assistentes faciant, autoritate nostra Statutum & ordinationem huiusmodi firmiter obseruari, ac Sigismundum, ac pro tempore existentem Regem, necnon Archiepiscopum & Episcopos, ac Capitula huiusmodi illis pacificè gaudere non permittentes, eos desuper per quoscunq; contra præsentium tenorem, quomodolibet indebitè molestari, contradictores per censuram Ecclesiasticam, appellacione postposita, compescendo. Non obstantibus constitutionibus & ordinationibus Apostolicis; ac dictarum Gnesnen & Suffraganearum Ecclesiarum iuramento, confirmatione Apostolica, vel quauis firmitate alia roboratis, Statutis, & consuetudinibus contrariis quibuscunq; aut si aliquibus communiter vel diuissim, ab eadem sit Sede indultum, quod interdici, suspendi, vel excommunicari non possint, per literas Apostolicas, non facientes plenam & expressam, ac

de verbo ad verbum, de indulto huiusmodi mentionem. Nulli ergo omnino hominum liceat hanc paginam nostri Statuti, ordinationis, & decreti infringere, vel ei ausu temerario contraire. Si quis autem hoc attemptare præsumperit, indignationem omnipotentis Dei, ac beatorum Petri & Pauli Apostolorum eius, se noverit incursurum. Datum Romæ apud Sanctum Petrum, anno incarnationis Dominicæ Millesimo quingentesimo quindecimo, pridie Kal. Augusti. Pontificatus nostri anno tertio.

DE SEDE VACANTE.

Quoniam nonnunquam contingit, quòd ad vacantem Episcopatum, vel aliam Prælaturam, seu quodcumq; aliud beneficium, duo in discordia eliguntur, & alter qui minore iure potitur, nititur, vt eum, cui maius est ius acquisitum per potentiam vel tædium fatigare vel exhaurire possit, attrahit fauorem potentum laicorum, quibus vt eum iuuent, & assistant, promissiones facit de beneficiis eorum filiis conferendis, & de iuribus & libertatibus Ecclesiæ remittendis. Nos huic morbo occurrere volentes remedio salutari, præfenti statuto, promissores huiusmodi & potentum attractores, ipsosq; laicos ipso iure volumus excommunicationis sententia esse innodatos, & nihilominus eum fore ineligibilem ad huiusmodi dignitatem.

ORDINATIO, QVOMODO

Sede vacante procedendum sit ad electionem
Administratoris, & distributionem bonorum in custodiam regentium.

SBIGneus de Olesznica, Dei & Apostolicæ Sedis gratia, sanctæ Ecclesiæ Gnesnensis Archiepiscopus & Primas.
Ad per-

Ad perpetuam rei memoriam. Quamuis debeat sufficere humanæ naturæ ad benè viuendum, si suis terminis sit contenta: crescente tamen malicia hominum, effrenata cupiditas, radix malorum omnium semper nititur ad vetita, tendit ad noxia, & declinat ad prohibita, palmites suæ propaginis vitiosæ ad deteriora quælibet extendendo. Hæc est illa, quæ compellit Canones condere, leges instituere, statuta edere, ut humani generis cõderceretur audacia, & appetitus noxii sub iuris regula limitarentur. Hinc est, quòd nos attendentes plurima incommoda, pericuria periculum animarum, contra Ecclesias & Ecclesiasticas personas nostris temporibus insurgere: iugiq; meditatione in armario cordis nostrî reuoluentes, qualiter ex officii nostri debito, huiusmodi incommotis & animarum periculis, Deo propicio, occurrere valeamus, auctoritate nostra Metropolitana & Primatica qua fungimur, captato tempore, Synodum Prouincialem in Piotrkow, opido nostræ Diocesis statuimus celebrandam. Ad quam Reuerendiss. & Rñdos patres, fratres nostros in Christo charissimos, videlicet, Archiepiscopum Leopoliens cum suis Cõepiscopis, Suffraganeos & Episcopos, Abbates, ac alios Prælatos Prouinciæ nostræ Guesnens iuuitauimus & euocauimus. In qua Synodo sic statuta, Rñdis patribus, dominis, Petro Wladislausens, & Petro Plocens Episcopis, & Capitulis Ecclesiæ nostræ Guesnens, & ipsorum Nunciis & Procuratoribus, & mi & bñdorum Patrum, Archiepiscopi Leopoliens, Cracouiens, Wratisslausens, Posnaniens, Lubucens, Vilnens, Mednicens, Culmens, Premissliens, Chelmens, Luceoriens, & Camenecens Episcoporum, multisq; aliis Prælati, Abbatibus, & Clero nostræ Prouinciæ, in Spiritu sancto congregatis. Inuocata prius Spiritus sancti gratia, ac Missa sollemniter de Spiritu sancto per nos celebrata: Insuper cantatis & lectis Litaniis, antiphonis, aliisq; deuotis orationibus cum hymno, Veni creator Spiritus, in talibus ordinatis, Deoq; suppliciter & deuotè exhi-

CONSTITV: SYNOD.

re exhibitis, ac sermone ad Clerum per vnum in Theologia Professorem, & alium in Decretis Doctorem, in praesentia ipsius Synodi facto, omnibusq; diuinis peractis, ad tractatus Synodales cum ipsis Dominis Episcopis, Nunciis, Procuratoribus, Abbatibus, Praelatis & Clero, processimus, quos tri-duo in Ecclesia Parochiali dicti oppidi continuauimus: libratissq; & examinatis, matura deliberatione, singulis auisamentis in ipsa Synodo, per promotores eiusdem, super extirpatione haesum, excessuum correctione, morum reformatione, propositis & conclusis. Tandem sanctionibus sanctorum Patrum, & sacrorum Canonum decretis, ac Prouincialibus nostrae Gnesinensi Prouinciae Statutis, tam per Dominum Nicolaum autoritate Apostolica, quam Ioannem Sprowski, olim bonae memoriae Archiepiscopos & Primates praedecessores nostros, Primatica & Metropolitana autoritatibus editis inhærendo, curae pastoralis nobis creditae mentem nostram excitauit, & memoria hominum nimium labili singulariter id exposcens, dignum censuimus & congruum, ut ea; quae per sacrorum Synodorum Prouincialium sanctiones, ad Dei laudem, fidei orthodoxae incrementum & exaltationem, Ecclesiarumq; & Cleri ac populi vtilitatem noscuntur instituta, debitae scripturae commendentur, ut per hanc eorum iugis etiam ad posteros transeat recordatio. Constitutionem dicti olim Rendi Patris, Domini Ioannis Sprowski Archiepiscopi & Primatis, praedecessoris nostri, pro bonorum mensae tam nostrae Metropolitanae quam Cathedralium Ecclesiarum Prouinciae nostrae, in casu vacationis earum conseruatione pro futuro Pontifice, per ipsum in Synodo Prouinciali Lanciciensi in Ecclesia Conuentuali Fratrum Praedicatorum, sub Anno Dñi, millesimo quadringentesimo quinquagesimo nono celebrata, editam & promulgatam, ab omnibus Coepiscopis tunc emologatam, duximus innouandam & ratificandam, & sacra Synodo approbandam, praesentis Statuti vigore innouamus,

robora-

roboramus & ratificamus. Decernentes, quòd in omnibus Ecclesiis Cathedralibus Statutum huiusmodi, sub sigillo nostro, à tempore publicationis eiusdem per nos factæ, infra vnius anni spacium, sine excusatione qualibet habeatur: vt quod generali constitutione ad commodum & vtilitatem Ecclesiarum Cathedralium ordinatum est, semotis impedimentis, ad proprium finem, autore Domino dirigatur. Cuiusquidem constitutionis & Statuti, de quo supra fit mentio, tenor sequitur, & est talis.

IOANNES de Sprowa, Dei gratia sanctæ Ecclesiæ Gnesnæ Archiepiscopus & Primas. Ad perpetuam rei memoriam. Licet sacris Canonum constitutionibus sit salubriter prouisum, ne bona Cathedralium Ecclesiarum tempore vacationis obuentionia, quæ in vtilitatem dictarum Ecclesiarum expendi, vel futuris deberent successoribus fideliter reseruari, Capitula, vel singulares earundem Ecclesiarum personæ occupent, inter se diuidant, surripiant, dilapident, dissipent, & consumant, certis pœnis in contrafacientes adiectis: nonnulli tamen Prælati & Canonici tam nostræ Metropolitane Gnesnæ, quàm aliarum Ecclesiarum Cathedraliū Prouinciæ nostræ, huiusmodi Statutis & sanctionibus contraueniens, bona mensæ Pontifici, eis tempore vacationis in gubernationem cõmissa, pro vñibus suis applicare, & ea ad placitum ipsorum vsurpare ausu temerario, in detrimentũ salutis ipsorum, consueuerunt. Ex quo huiusmodi bona graue in suis prouentibus suscipiunt dispendium & iacturam: electiq; ad ipsas Ecclesias in prosecutione electionis ipsorum, grauib; coguntur debitis onerari & inuolui: prout in pluribus vacationibus, quæ temporibus nostris contingebant, experientia rerum magistra vidimus cuenire. Vnde volentes iudemnitati & bonorum ad mensam nostram & Cõepiscoporum nostræ Prouinciæ spectantium de remedio prouidere oportuno, statuimus & ordinamus, sacra Synodo approbante, temporibus

CONSTITV: SYNOD.

perpetuis irrefragabiliter obseruandum. Quòd vacante Ecclesia Metropolitana siue Cathedrali Prouinciæ nostræ Gnesnæ, corporeq; Prælati defuncti tradito Ecclesiasticæ sepulturæ, Prælati & Canonici tunc præsentés apud Ecclesiam, ingrediantur locum Capitularem, pro tractatu ferendo super negotio electionis futuri Pastoris, & bonorum mensæ Archiepiscopalis siue Episcopalis gubernatione, & antequam ad alia procedatur, primò omnes Domini de Capitulo tunc præsentés singulariter singuli præstent iuramentum, in manibus Prælati superioris ibidem existentis, & Prælatus senior in manibus sequen, sub hac forma.

Ego N. iuro, quòd in electione Administratoris, & distributione castrorum, tenutarum, & bonorum mensæ Archiepiscopalis & Episcopalis huiusmodi nunc vacan, dabo votum meum secundum Deum & puram conscientiam, nominaboq; illum in Administratorem, quem sciuerò & crediderò meliorem & vtiliorem pro huiusmodi officio administrationis & gubernationis, non habito respectu ad commodum proprium, consanguineitatem, amicitiam vel fauorem, bonaq; quæ mihi fuerint commissæ ad gubernandum, fideliter & vtiliter dispensabo & tuebor, rationemq; debitam de eis & sufficientem faciam futuro Archiepiscopo, vel Episcopo. Sic me Deus adiuuet, & sancta Dei Euangelia.

Electo itaq; Administratore, receptoq; ab eo iuramento, quòd debitè, fideliter & iustè exequatur officium sibi commissum, procedatur ad distributionem bonorum mensæ Archiepiscopalis, siue Episcopalis, isto modo.

Primò quidem, non detur gubernatio dictorum bonorum petenti ipsam, aut per aliquam ordinationem sibi dari procuranti. Et quòd gubernatio castri cuiuslibet, & vniuscuiusq; tenutæ, non detur, nisi vni personæ tantum & de gremio Capituli, & non duabus personis, sicut consuetum est fieri. Quæ persona debet præstare iuramentum super restitutione castri aut

stri aut tenutæ Capitulo, durante vacatione. Quo facto, inquirat Administrator vota singulorum primò super aliquo castro siue tenuta, quis ex gremio Capituli, siue tunc præsens siue absens fuerit, magis idoneus & vtilior pro regimine castri videatur, & in quem maior pars Capituli conuenerit aut consenserit, illi detur gubernatio castri & tenutæ cum sibi adiacentibus bonis. Et sic fiet de singulis aliis castris aliorum bonorum mensæ præfatæ. Et quidem talis electus Prælatus aut Canonicus teneatur & sit adstrictus assumere huiusmodi gubernationem, sub pœna quatuor marcarum argenti, fabricæ Ecclesiæ applicanda iurareq; tenebitur, quòd fideliter administrabit bona sibi credita & eius gubernationi commissa.

Distributis itaq; bonis mensæ Archiepiscopalis & Episcopalis, sic vt præmittitur, ad gubernandum, statutoq; termino pro electione futuri Pontificis, citationeq; decreta contra absentes & sua interesse putant, Administrator mittat proprium Notarium aut Capellanum cum quolibet Tenutario, ad tenutam sibi datam ad gubernandum, qui coram testibus faciat inuentarium in singulis locis tenutæ, censuum, decimarum, maldratarum, debitorum, & aliorum bonorum derelictorum, cuius inuentarii scripturam tradat Administratori cum tribus aliis de Capitulo, per ipsum Capitulum, seu maiorem partem eligendis & adiungendis ipsi Administratori, se in ea cum testibus subscribere: Sicq; fiat de singulis aliis tenutis.

ITEM. Quòd quilibet Tenutarius, recepta sic per eum possessione tenutæ suæ, de autoritate Administratoris, non tangat census de oppido, villis, aut bonis aliis tenutæ suæ prouenientes, sed tradat eos in manus Administratoris ac prædictorum trium de Capitulo, si tale tempus aduenerit, in quo census sunt de iure exigendi. Tempore verò, in quo census exigendi non sunt soluti, puta ante festum sancti Martini, nullatenus exigantur, sub pœnis infra scriptis, quibus censibus ex

CONSTITV: SYNOD.

bus expediendum erit factum electionis, vel postulationis in curia Romana, quatenus necesse fuerit, vel de aliis fructibus mensæ Archiepiscopalis vel Episcopalis, saluis tamen his, quæ in testamento Archiepiscopi vel Episcopi defuncti fuerint descripta, qui de rebus suis, pecuniis, argento, clenodiis, libris, vestibus, equis, & aliis omnibus per eum vndecunque acquisitis, poterit testari, tanquam deseruitis per eum, iuxta Statutum Concilii Prouincialis, & consuetudinem legitimè præscriptam. Quodsi Archiepiscopum vel Episcopum mori contingat in festo S. Martini, vel quocunq; die post festum sancti Martini, & inter diem Natiuitatis Domini, ipse Archiepiscopus vel Episcopus mortuus, habeat & testetur de omnibus censibus, decimis, & aliis fructibus præteritis, stantibus, collectis, vel apud censitas vel debitores existentibus, & pro voluntate sua hæc omnia conuertat. Si verò post festum Natiuitatis Domini, & inter festum S. Margarete aliquo die, & inter festum S. Martini mori contingat, habeat tertiam partem omnium fructuum, censuum, & decimarum: de quibus testari poterit, duabus partibus residuis pro successe relictis.

ITEM. Quòd decimæ, si essent aliquæ iam collectæ & derelictæ, vel adhuc colligendæ, stent etiam intactæ. Tenuarius autem viuat ex allodiis, & molendinis, piscinis, & aliis minutis fructibus & obuentionibus, moderatamq; familiam teneat in castris & aliis bonis & concordem, quæ sufficiat pro seruitiis faciendis in bonis sibi commissis. Quiq; Tenuarii incolas & subditos ipsis ad gubernandum commissos non exactionent, neq; pœnas ab eis indebitas exigant, aut quoquo modo grauent, præsertim per inuentionem nouorum grauaminum, & exactionum, & tributorum. Quodq; in syluis, gaudiis, & nemoribus, ligna ad vendendum non excindant, neq; ea distribuunt aut donent: debitaq; post mortem Pontificum derelicta non relaxent: piscinas non effundant ad vendendum

dendum pisces, sed siue offensione earum piscibus vtatur pro sua necessitate. Si verò de allodiis & aliis supradictis aliquis Tenutariorum contentari fortassis non posset, recipere poterit decimam vnam vel plures, pro sustentatione sui & familie, cum scientia Administratoris & consensu. Aedificia etiam integra in curiis Archiepiscopalibus vel Episcopalibus & suppellectilia domorum Archiepiscopalium vel Episcopalium conferuent, & non alienent; etiamsi talia fuerint, quæ nondum sunt redacta ad aliquam speciem ædificii. Item, si Administratori visum fuerit, aliquem perperam & inutiliter aut damuose administrare bona mensæ Archiepiscopalis vel Episcopalís, habeat plenam potestatem auferendi dicta bona mensæ, & ea tradendi in gubernationem alteri, de gremio Capituli, idoneo pro administratione bonorum prædictorum. Cumq; de futuro Pastore prouisum fuerit, Archiepiscopo siue Episcopo prouiso, postquam præstiterit iuramentum de seruandis Statutis & consuetudinibus Ecclesiæ approbatis, faciet ipse Administrator primò rationem de censibus per eum receptis, & omnibus aliis bonis, ac etiam per eum expositis, cum prædictis tribus de Capitulo, quando Archiepiscopo vel Episcopo placuerit. Et postquam super hoc per eum requisitus fuerit, & in præsentia aliquorum aliorum de Capitulo, per Archiepiscopum vel Episcopum eligendorum: post hoc & alii similiter faciant rationem Archiepiscopo vel Episcopo in præsentia Administratoris & aliquorum de Capitulo iuxta inuentaria facta. Si quis autem in ratione defecerit, ad eorum quæ perceperit, vltra expensas necessarias, tenebitur restitutionem realem cum effectû, sub pœna excommunicationis, quam Archiepiscopus vel Episcopus in eum ferre poterit, cessante qualibet appellatione. Qui si eam interposuerit, Capitulum eius appellationi deferre non debet. Quod si detulerit, ad satisfactionem tenebitur, ad quam appellans tenebatur, nisi tunc constaret de manifesto & notorio graui

CONSTITVT: SYNO D.

mine per Archiepiscopum vel Episcopum rationem facienti
illato. De quo grauamine Capitulum cognoscere debebit: ali-
is pœnis iuris & Statutorum Prouincialium contra vsurpan-
tes bona Ecclesiarum vacantium in suo robore duraturis. In
quorum omnium & singulorum fidem & testimonium præmi-
ssorum, præsentis, & hoc præsens publicum instrumentum,
huiusmodi memorati olim Rēdi Patris Dñi Ioannis Sprow-
ski Archiepiscopi & Primatis Gnesneſi prædecessoris nostri
statutum, ipsiusq; per nos, sacra Synodo approbante, inno-
uationem, approbationem, & ratificationem ac decretum in
se continenſi siue continens, exinde fieri, & per Notarios publi-
cos dictæ Synodi per nos institutæ actuum, & huiusmodi fa-
cti Scribas iuratos infraſcriptos subscribi, publicari, & in pu-
blicam formam redigi mandauimus: nostriq; maioris sigil-
li iussimus & fecimus appensione communiri. Actum
& datum in Ecclesia Parochiali Piotrkow, sub Anno à
Natiuitate Domini, Millesimo quadringentesimo octoge-
simo quinto, Inditione tertia, Pontificatus S. S. in Christo Pa-
tris & Dñi nostri, Dñi Innocentij diuina prouidentia Papæ
octaui, anno primo, Die vigesima secunda mensis Ianuarii.
Præsentibus Rēdis Patribus Dñis, Petro Wladislauiēſi, Pe-
tro Ploceſi Episcopis; necnon Ioanne in Trzemeszna, Stani-
slao in Mogilno, Iacobo de Vithow, Martino in Suleiow,
Ioanne in Wogrouec Gnesneſi, & Ioanne S. Crucis in Caluo
monte, Martino in Mogila, Nicolao in Andrzejow, Abba-
tibus: Et Ioanne Præposito in Miechow Cracouiēſi Diœce-
ſis, & N. Abbate in Czerwiensko. Venerabilibusq; Ioanne
de Goſlub Præposito Vicarioq; & Officiali in Spiritualibus
nostro generali, Ioanne de Laſotki Scholaſtico: Martino de
Niechanow, Decretorum Doctoribus, Andrea Dambrow-
ski, Canonicis Gnesneſi, & Paulo de Glownia Decano, Io-
anne de Schibina Custode, Ioanne de Latofzyn, Ioanne de
Baruchow, Decretorum Doctoribus, Canonicis Cracouiēſi.

Nicolao

Nicolao de Nyssa Decretorum Doctore Canonico & Officiali generali Wratisslauiens, Paulo Sulislai Decretorum Doctore Archidiacono : Iacobo de Dominikovice, Luca de Torun Decretorum Doctore Archidiacono Szrzeni, Ioanne Lukowski, Canonicis Poseniens. Nicolao de Wroblevice Canonico Leopoliens Ecclesiarum, multisq; aliis Prælatibus, tam religiosis quàm secularibus, in ipsa Synodo Petricouens in Spiritu sancto legitimè congregatis.

Subscriptio prima per Notarium publicum facta est talis.

ET ego Petrus, Petri de Lang, Clericus Wladislauiens Diocesis, publicus auctoritate Imperiali Notarius, & coram memorato xmo in Christo Domino Sbigneo, sanctæ Gnesens Ecclesiæ Archiepiscopo & Primate, in dicta Synodo causarum & huiusmodi facti Scriba : quia prædicti Statuti publicationi, innouationi, ratificationi, & decreto, aliisque omnibus & singulis præmissis, dum sic, ut præmittitur, fierent & agerentur, vnà cum prænominatis testibus, & Connotario meo infra scripto præfens interfui, eaq; omnia & singula præmissa sic fieri vidi & audiui : ideoq; hoc præfens publicum instrumentum, per alium fidelem, me pluribus aliis arduis legitimè tunc occupato negociis, fideliter scriptum, exinde confeci, subscripsi, publicavi, & in hanc formam publicam redegi, signoque & nomine meis solitis & consuetis, vnà cum præfati xmi Patris Domini Sbignei Archiepiscopi & Primatis, Sigilli maioris appensione, de ipsius mandato speciali consignavi, in fidem & testimonium omnium præmissorum rogatus & requisitus.

Tenor verò subscriptionis alterius Notarii est talis.

ET ego Laurentius Petri de Wawrzynczyce, Clericus
R ij Cracoui-

C O N S T I T V: S Y N O D.

Cracouiē Diccēsis, publicus Apostolica & Imperiali autoritatibus Notarius, & corā memorato ꝑmo Patre & dño Sbigneo, sanctæ Ecclesiæ Gnesnē Archiepiscopo & Primate, in dicta Synodo causarum & huiusmodi facti Scriba. Quia prædicti Statuti publicationi, innouationi, ratificationi, & decreto, aliisq; omnibus & singulis præmissis, dum sic v̄t præmittitur fierent & agerentur, vnā cum prænominatis testibus & Connotario meo suprascripto præsens interfui: eaq; omnia & singula præmissa sic fieri vidi & audiui. Ideo hoc præsens publicum instrumentum per alium fidelem, me pluribus aliis arduis legitimè impedito negociis, fideliter scriptum confeci, subscripsi, publicaui, & in hanc publicam formam redegi, signoq; & nomine meis solitis & consuetis, vnā cum prælibati ꝑmi Patris Domini Sbigneī Archiepiscopi & Primatis sigilli maioris appensione, de ipsius mandato speciali consignauī, in fidem & testimonium omnium & singulorum præmissorum rogatus & requisitus.

A tergo verò earundem literarum sic
fuit annotatum—.

IN Nomine Domini. Amen: Per hoc præsens publicum instrumentum cunctis & singulis pateat euidenter & sit notum. Qualiter de Anno videlicet Dñi, Millesimo quadringentesimo quinquagesimo nono, in oppido Lanciciē, in Ecclesia Conuentuali Fratrum Prædicatorum, celebrata sacrosancta Synodo Prouinciali per olim Reuerē Patrem Dominum Ioannem de Sprowa tunc sanctæ Gnesnē Ecclesiæ Archiepiscopum & Primate, inter cæteros actus & tractatus, legitimasq; conclusiones, de consensu omnium aliorum Episcoporum, Prælatorum & Canonicorum, à singulis suis propriis Capitulis sufficientibus mādatis habitis & reproductis. Volentes indemnitati Ecclesiarum, videlicet, & singularum Cathedralium Ecclesiarum, in Prouincia prædicta Gnesnē consisten-

consistentium, Prælatorum morte in eisdem viduatis consule-
 re, Statuta retrospectiva omnia & singula, in dictorum Præ-
 latorum & mei Notarii infrascripti, & aliorum multorum
 tunc similiter ad hoc vocatorum præsentia, præfatus Domi-
 nus Ioannes de Sprowa Archiepiscopus edidit, fecit, & con-
 didit: non discordans, quin potius innitendo iuri communi, &
 præsertim nouis iuribus, Sexti videlicet & Clementinarum li-
 bris, consignatis & conscriptis, præfataq; Statuta ad perpetuam
 rei memoriam apud Ecclesiam suam propriam Metropolitanam,
 & demum aliarum Cathedralium Ecclesiarum Episcopis su-
 is Suffraganeis, publicari & obseruari fecit, perpetuis tempo-
 ribus permanfura. In cuius rei euidentius testimonium, hoc
 præsens publicum instrumentum per me Notarium publicum
 infrascriptum, ex Protocolo meo confeci, & in hanc publi-
 cam formam redegi, signo & nomine meis solitis & consue-
 tis consignavi & communiui, rogatus per Venerabilem Do-
 minum Albertum de Książ, Cracouiensem & Wladislauiensem Eccle-
 siarum Scholasticum, vice & nomine xmi in Christo Patris
 & Domini, Domini Petri Dei gratia Episcopi Wladislauiensem.
 Acta sunt hæc in Louicz in domo Venerabilis Domini Iaco-
 bi de Kovalovice, Decani & Officialis Louiciei, & Canonici
 Viteouiensem Ecclesiarum: Anno Domini, Millesimo quadrin-
 gentesimo octogesimo sexto. Indictione quarta, Pontificatus
 SS. in Christo Patris & Domini Dñi nostri, D. Innocentii,
 diuina prouidentia Papæ octauæ, anno secundo: die verò Mar-
 tis, nona mensis Maii, hora tertiarum, vel quasi. Præsentibus
 ibidem Honorabilibus & Nobilibus Dominis, Urbano de
 Gora, Vicedecano Louiciei, Ioanne de Książ, Plebano in Sa-
 dzino, Ioanne de Mokra, & Sigismundo de Syrniki Clericis
 & Laicis Gnesnensi & Poseniensi Ecclesiarum Diocesis testi-
 bus, ad præmissa vocatis specialiter & rogatis.

Subscriptio Notarii est talis.

ET ego Iacobus Stanislai de Kovalovice, Clericus Gne-
 R in
 senci Di-

CONSTITV: SYNOD.

In eñ Diœcesis, Imperiali auctoritate Notarius, quia prædictorum Statutorum, vt supra dicitur à tergo instrumenti infertorum deliberationi & practicæ, tempore prænominati felicitis recordationis Dñi Ioannis de Sprowa, tñ Archiepiscopi supradictæ Ecclesiæ, & per eundem de prædictis, nominatorum omnium Prælatorum manifesto consensu, factis, conditis, & editis, ac eorum publicationi, de mandatoq; suo, totius Synodi præfatæ consensu perpetuæ obseruationi, præsens interfui: ideoq; hoc præsens publicum instrumentum per alium fidelem, me aliis arduis negociis occupato, scriptum, per me tamen confectum, & demum auscultatum subscripsi, signoq; & nomine meis solitis cōscripsi & consignauimus, ad perpetuam rei memoriam, rogatus & requisitus.

DE IIS QUI RAPIVNT BONA beneficiati, post mortem relicta.

Ex antiquis.

QVicumq; defuncto Episcopo, vel aliquo alio beneficiato, curato vel non curato, etiam religioso, cui ius non competit, consuetudine vel alio iure relicto, ab eo aut sede vacante bona Ecclesiæ occupauerit, ipso facto, quam nunc in talem ferimus, sententiam excommunicationis incurrat. Cum bona decedentium Clericorum in vsus Ecclesiæ seu Ecclesiarum, quarum fuerint ipsi Clerici, conuerti, vel futuris successoribus de iure debeant reseruari. Decernimus statuendo, quod nullus patronus Clericus vel laicus, aut quiuis alius, res seu bona Rectorum Ecclesiarum, seu quorumlibet Clericorum, viuorum aut decedentium, occupare, rapere, vel in vsus suos conuertere præsumat. Qui autem id cœca cupiditate repertus fuerit peregrisse, excommunicationis vinculo se noverit innodatum.

DE RE-

DE REBVS ECCLESIAE

non alienandis. Ex antiquis.

INdemnitatibus Ecclesiarum providere volentes, statui-
mus, vt Cathedralibus, Collegiatis, & Parochialibus Ec-
clesiis Prælaturarum & Præbendarum, & cæterorum offici-
orum & ministeriorum, ac bonorum Ecclesiæ omnium re-
dituum & prouentuum, in quibus villis, ex nomine, & in quibuscunq; rebus seu decimis consistant, & quid ad cuiuslibet dignitatem, officium, Præbendam, seu dispensationem pertineat, sub sigillis maioris Prælati, & ipsius Capituli habeatur in Sacristia Ecclesiæ fidelis descriptio, vt saltem nouus Prælatus, Canonicus, vel minister, per huiusmodi scripturam de suis iuribus & prouentibus informatus, valeat per suum prædecessorem deperdita & neglecta restaurare. Similiter libri, ornatus, calices, & cætera clenodia & ornamenta Ecclesiæ regestrentur, & saltem de anno in annum reuideantur, per seniores de Capitulo, vt appareat, si qua per improvidentiam ministrorum sunt destructa, vel distracta, vel eorum diligentia acquisita.

Prohibemus insuper, ne inferiores Prælati absq; Archiepiscopi & Episcoporum, in quorum Dicecesi consistunt, nec Episcopi absq; Archiepiscopi, nec Archiepiscopus absq; Sedis Apostolicæ licentia speciali, nec Administratores bonorum Ecclesiarum vacantium, vel alia ex causa legitima Superioris officio deputati, sine consensu maioris & sanioris partis Capituli, aliqua de bonis immobilibus, vel rebus præciosis mobilibus, aut iuribus ad Monasteria siue Ecclesias suas spectantibus, nisi in casibus à iure permissis, alienare, donare, vendere, obligare, perpetuum vel emphyteoticum contractum facere præsumant. Quod si contraxerint, pro irrito habeatur: & alienantes, si inferiores Prælati sunt, à suorum ordinum: Archiepiscopus & Episcopi à Pontificalium ordinum

exequuti-

CONSTITV: SYNOD.

exequutione eo ipso sint suspensi. Quam suspensionem Superiores & Ordinarii alienantium, alienatis prius ad ius & proprietatem Monasteriorum & Ecclesiarum reuocatis, vel alias indemnitati ipsorum Monasteriorum & Ecclesiarum prouiso valeant relaxare.

Item. De rebus Ecclesiæ & ornatu, nulli priuatæ personæ ad obligandum aliqua concedantur, & si aliquibus sunt concessa, illa infra mensem redimere, & Ecclesiæ restituere compellantur.

Item. Statuimus, vt proventus annui, in quibus sunt speciales redditus fabricæ, aut ea quæ pro fabrica contribuuntur, donantur, aut legantur, vni vel duabus personis fide dignis in singulis Ecclesiis committantur, qui eos ad opus Ecclesiæ conuertant vtiliter: & singulis annis iustam de ipsis & certam Capitulo aut Plebanis reddant rationem.

Ex Synodo Petricouienſi quarta.

Ex nouis.

Sicut alienatio bonorum & rerum Ecclesiasticarum, non seruata iuris communis forma, prohibita est: ita (ne fiat) per Locordinarios districtè custodiatur. Quod si quispiam adeo procax fuerit, vt bona, calices, aut res Ecclesiæ perpetuo vel ad tempus, titulo pignoris vel hypothecæ, absq; consensu Diocesani, & sine solennitate à iure cōmuni inducta, dare vel alienare præsumpserit, pœna priuationis beneficii, cuius bona vel res alienauerit, per Ordinarium puniatur. Et nihilominus excommunicatione tamdiu percellatur, donec rem alienatam recuperet, & Ecclesiæ seu beneficio suo restituat. In quam constitutionem & pœnam omnes Dñi Abbates in sacra Synodo constituti, recedē ab exequutionibus & Priuilegiis suis, spontē se posteritatemq; suam submiserunt.

Petri Gamrati. Petricouix Anno
Domini, 1542.

CVM pleriq; Abbates, Præpositi, & Abbatissæ, villas & bona Monasteriorum suorum, & iuspatronatus Ecclesiarum hæcenus alienarunt, seu in emphiteosim concesserunt, extra causam euidentis vtilitatis, absq; consensu Episcopi loci. Decreuit hæc Synodus, vt Domini Ordinarii, autoritate eiusdem Synodi, citra omnem moram, quæ periculosa est, decernant monitoria contra tales Abbates, Præpositos, & Abbatissas, vt infra terminum vnus anni totaliter omnia alienata recuperent. Quodsi, lapso termino, non recuperauerint, autoritate præsentis Synodi per Ordinarios à Prælaturis & officiis suis deponantur. Et nihilominus Ordinarii compellant detentorem, ad restituendum malè alienata. Etsi deinceps quispiam ipsorum huiusmodi alienationes facere præsumperit, statim ab officio & Prælatura deponatur. Talisq; alienatio sit nulla ipso iure.

Nicolai Dzierzgouii Petricouix. Anno Domini, 1551.

QVia nonnulli Domini Episcopi prætextu piarum donationum alienare fundos & decimas Ecclesiarum suarum consueuerant, accepta occultè pecuniæ summa ab his, quibus donationes huiusmodi facere se simulant & fingunt. Quoque nomine magna pars prouentuum, quæ ad Ecclesias pertinebant, similiterq; fundorum interiit: quod vt ne fiat, de cætero, absq; rationabili causa & consensu Capituli, prout de iure, prohibet sacra Synodus. Alioqui si secus factum fuerit, id totum irritum sit & inane.

Eiusdem. Anno, 1554.

Bona Archiepiscopalia & Episcopalia per Capitula sua lustrentur & reuideantur. Nam pleraq; desertari dicuntur pro-

tur propter oppreffiones Præfeftorum, & forfan Dominorum Epifcoporum, qui deberent effe loco Patrum potius, quàm Dominorum.

Ioan: Przerembski. Varffouiæ.

ET quoniam alienationes feu dilapidationes bonorum Monafteriorum eouſq; procefferunt, vt etiam verendū fit, ne penitus per huiusmodi alienationes bona Monafteriorum fenſim pereant, & à proprietate Monafteriorum recidant. Sacra hæc Synodus, inhærendo antiquis conſtitutionibus & Synodalibus Statutis, decreuit, ne Abbates & Præpoſiti, ſimiliter etiam Abbatifæ & Priorifæ cum Conuentibus ſuis aliquas venditiones, donationes, conceſſiones, locationes quaſcunq; & quouis alios contractus, permutaciones, vel alterius cuiuſquam denominationis, aut emphyteofiſ, etiam prætextu euidentis vtilitatis Eccleſiæ, ſine conſenſu æmorum Dominorum Lociordinariorum, aut ſuorum Capitulorum Metropolitanarum & Cathedralium Eccleſiarum, ſub pœna depofitionis, & aliis pœnis iuris faciant: alienata verò quacunq; via ſuperius deſcripta, iuxta Statuta priora, ad decurſum vnus anni, à quibuſcunq; perſonis, tam Eccleſiaſticis quàm ſecularibus, iuridico proceſſu vel alia quacunq; honeſta ratione euincant, vſuiq; & poſſeſſioni priſtinæ Monafteriorum reſtituant. Alioqui ſi negligentes infra hoc tempus in recuperandis bonis ipſis Monafteriorum fuerint, de diligentisq; ſuis legitimis Dominos Lociordinarios non docuerint, extunc iidem Dñi Lociordinarii, ad depofitionem taliū, iuxta Statuta Prouincialia, procedere teneantur.

DE EMPTIONE ET VENDITIONE. Ex antiquis.

SI quis emerit animalia, vel alias res prædatis, cū in prædonis ius ſuccedat, ad reſtitutionem eorundem, per cenſuram.

cenfuram Ecclefiafticam compellatur. Emptor verò vel venditor, qui alterum decepit, in legitimo pondere vel menfura: aut qui fcienter ignoranti rem vendiderit vitiofam, pœnitere non poteft, donec fatisfaciat taliter damnum paffo.

Experientia certa didicimus, quòd ex pluralitate Scultetorũ frequenter contingit bona Ecclefie defertari. Statuimus, vt in bonis Ecclefie quibuscunq; vnus Scultetus duntaxat, qui bona regere valeat, habeatur. Si autem Scultetus plures filios habuerit, eo decedente, potior filius ad regendam Scultetiam eligatur, qui fratribus, iuxta taxam Scultetie, de certa pecunie quantitate, fecundum quod quenq; pars pecunie contingit, foluere in certo termino per Dominum villæ ftatuto fit aftrictus. Aliàs, fi in foluendo non fuerit, alteri extraneo, de confenfu tamen Domini, omnes fratres extunc eandem Scultetiam infra fpacium vnus anni vendere inexcufabiliter teneantur.

Matthiæ Drzeuicii. Lancicie, Anno
Domini, 1527.

VT autem omnis auaricia & cupiditas ex animis Ecclefiafticorum euellatur: Deceuit Synodus, vt census in vim reemptionis, aliàs, na Widerkoff, pro ampliandis antiquis beneficiis, in pofterum non pluris emanent, quàm marcæ quatuor census annui pro centum marcis, faluo fuper omnia Statuto nouo fub titulo de cenfibus fcripto, quod circa contractus eiuſmodi prouidere tenetur.

Ex Statutis Ecclefie Gneſnenſis.

Licet contra temeritatis humanæ audaciam legaliter fit prouiſum, vt regulis diuinæ & humanæ legis eſſet contenta, & ad edendum nouas formas minime deproperet: non ceſſat tamen humana cupiditas fabricare continuè fraudum

CONSTITV: SYNOD.

commenta, quibus proximum circumueniat atq; fallat. Hinc est, quòd licet reemptio non sit legi diuinæ vel humanæ contraria: circa ipsam tamen, propter calliditatem versutam, multipliciter aberratur. Quocirca volentes subditos nostræ Prouinciæ in solido ne vacillent circa contractus huiusmodi deponere, declaramus. Quòd reemptionis contractus censeri debeat licitus, dum & quando, sicut in emptione, ita in reemptione, emptæ rei precium adæquatur, vel modicum plus ascendat, & dummodo census constitutus sit in re fructifera, vt puta, domo, agro, villa, sylua, lacu, & similibus, & periculo subiaceat emptoris, potestasq; reemendi remaneat libera apud primum venditorem, & non emptorem. Modicitatem autem illam, ne locus fraudibus pateat, relinquimus arbitrio Episcopi ordinarii, vel illius Vicarii moderandam. Ad hæc autem, quòd venditio, sub spe reemptionis facta de iure valeat, sit iusta & legitima, requiruntur quatuor infra scriptæ conditiones. Prima, quòd census ematur in re fructifera: vel quòd ipsa res emptæ sit fructifera, puta, ager, domus, census, in qua villa vel domo designata. Secunda, quòd huiusmodi res emptæ seu vendita tanto ematur precio, quantum valet secundum consuetudinem patriæ, si simpliciter in perpetuum emeretur. Tertia, quòd periculum emptæ rei, sine culpa vendentis eueniens, sit ipsius ementis, & non vendentis. Quarta, quòd emptor non habeat potestatem petendi pecunias pro re emptæ datas, sed petitio restitutionis emptæ rei ad vendentem debet pertinere. Et talis contractus est iustus & legitimus. Si autem aliquæ conditiones ex eis defuerint, contractus est iniustus & illegitimus.

DE LOCATO ET CONDV-

cto. Ex constitutionibus Drzeuicii. Pe-

triciuæ, Anno Dñi, 1520.

Quam damnosæ sint Arendationes bonorum Ecclesiasticorum,

corum, & quàm perniciosæ existant, experientia rerum magistra est. Ideoq; sancta Synodus priores recensendo constitutiones, ne huiusmodi bonorum Ecclesiasticorum ex quacunque causa, sub pœnis dudum ob eam rem constitutis, Arrendationes præsertim secularibus fiant, constitutione hac prouidet & obfirmat, pœnas in tales, qui præuaricarentur, & contrarium facerent, duplicando.

DE RERVM PERMVTATIONE. Ex constitutione Petricouien̄ Nicolai Dzierzgouii. Anno Dñi, 1554.

Permutationes bonorum Ecclesiasticorum pro secularibus ne deinceps fiant, nisi in euidentem vtilitatem, & seruatis de iure seruandis, ac cum expressis consensibus Ordinariorum, & Capitulorum Ecclesiarum Cathedralium.

DE PIGNORIBVS.

Ex Antiquis.

Veritatis organo dominicæ vocis emisso, dicitur: Mutuum date, nihil inde sperantes. Volens veritas patenter ostendere, quod mutuum, quod ex sui natura gratuitum, in extenuationem substantiæ proximi, vel ipsius dispendium. nō procedat, contra quod per plurimi faciunt, qui ratione mutui locupletari contendunt cum alterius detrimento, dum obligationes super certa quantitate pecuniæ, in villis, pratis, syluis, piscinis, nemoribus, domibus, vel aliis rebus recipiunt, de quibus quamuis sortem aut capitalem pecuniam, & quandoq; plus ex mutuo datam leuauerint seu perceperint, in pecuniis vel fructibus, nihilominus priorem requirunt pecuniæ quantitatem. Vnde nos attendentes, quod vltra sortem recipere ex mutuo manifestam contineat vsurariam prauitatem:

CONSTITV: SYNOD.

uitatem: omnes & singulos tam Spirituales quàm seculares cuiuscunq; status, gradus, conditionis, aut præminentia existant, esse vsurarios, qui tali proposito mutant pecunias, quòd qui aliquid recipiant vltra sortem, & maximè si cum effectu recipiunt, declaramus.

Ad omnem dubitationis seu quæstionis amputandam materiam, statuimus, vt si quis prædium suum, cui ius attinet patronatus, cuiquam impignorauerit, indistinctè ius præsentandi apud ipsum obligantem remaneat. Etiam si hoc non exprimat, cum tale ius Spirituali annexum æstimari non possit, & ergo in sortem nequeat computari, cum semper fructus rei pignoratæ debeat in sortem computari, iuxta Canonicas & legitimas sanctiones.

DE TESTAMENTIS ET

vltimis voluntatibus, & Anno Gratia.

Ex Antiquis.

CLericus de prouentibus anni gratia, vel aliàs de rebus Ecclesiae acquisitis, concubinae suae vel filii ex fornicatione genitis, quicquam penitus non relinquat. Quod si fecerit, legatum non teneat: & quod taliter est relictum, Ecclesiae applicetur. Cum tam ex consuetudine quàm de privilegio multarum Ecclesiarum, ac etiam ex Statutis earundem, personarum Ecclesiasticarum, curatarum & non curatarum, de bonis ex fructibus beneficiorum suorum congregatis & acquisitis pro ipsorum arbitrio in extrema voluntate sua facere consueuerunt testamenta. Nos sacro hoc Concilio approbante, huiusmodi consuetudinem salutarem ad totam nostram Prouinciā ampliantes, statuimus, quòd deinceps Clericis curatis & non curatis testandi libera sit facultas: ita quòd ad ipsorum testamenta duos Sacerdotes (si fieri poterit) conuocent, aut alios probos viros, per quos possit de ipsorum constare voluntate.

tate. Quodsi exequutoribus minimè depuratis, aut (quod absit) intestati decesserint, per Prælatos ipsorum, vel quibus hoc specialiter commiserint, & quibus ipsi immediatè subsunt, prædicta testata iuxta voluntatem testatoris dispensentur. Ab intestato verò relicta, primùm solutis debitis per defunctum contractis, ac familia quæ eidem dum viueret seruiebat, & exequiis pro anima defuncti expeditis: vna pars pro fabrica dictæ Ecclesiæ, cui defunctus præerat: secunda pars pro anima, aut anniuersario defuncti deputetur: residuum verò vsui successoris fideliter conseruetur. Quodsi Prælati, qui præmissa derelicta distribuere debuit, vel sub cuius testimonio distribuenda fuerant, vel successor in beneficio, aut quicuis alius cupidè aliquid de præmissis testatis, aut ab intestato relictis vsurpare directè vel indirectè præsumpserit, dumplum in illos vsus, in quos conuertenda fuerant, de suis propriis ad pios vsus conuertat. Et nihilominus si successor fuerit, & præmissa violauerit, extunc parte ipsam concernente ipso facto sit priuatus, & fabricæ dictæ Ecclesiæ applicetur.

Præterea, statuta Laicorum, quæ habent, quòd nullus ultra certam summam Ecclesiis vel Clericis donare, seu legare audeat in vltima voluntate, irrita iudicamus, cum iniquitatem contineant, & testandi perimant libertatem. Conditores verò huiusmodi statutorum, ac eisdem vtentes, Canonica arceantur disciplina. Inuigilent insuper Ordinarii circa exequutores testamentorum & vltimarum voluntatum, & contra illos, qui eos impediunt quouis modo, vt ipsæ voluntates extremæ, infra tempus testatoris arbitrio limitatum, effectui mancipetur: vel si testator exequutionis terminum non præfixit, ipsa exequutio ultra vnus anni spacium nullatenus pro-rogetur. Exequutores etiam vltimarum voluntatum de bonis defuncti se nullatenus intromittant, donec de eisdem inuentariū fecerint sub fidedignarum testimonio personarum.

Ad hoc, quòd quædam in quibusdam partibus consuetudo, imò cor-

CONSTITV: SYNOD.

imò corruptela detestabilis obseruatur, videlicet, quòd tam laicus quàm Clericus in lecto aegritudinis constitutus, vltra certam summam, iuxta loci illius consuetudinem limitatam, nec piis locis, nec personis Ecclesiasticis, pro animæ suæ remedio & salute, aliqua possit ordinare legata. Considerantes, licèt vicibus iam repetitis prædictam consuetudinem, & sacris Canonibus, & secularibus etiam legibus obuiare, cùm omnia iura clamant, quòd vltima voluntas, & vltimum hominis testamentum inuiolabile perseueret: Et nihil sit, quod magis hominibus debeat, quàm vt extremæ voluntatis liber stilus existat. Eandem consuetudinem Deo odibilem, animabus & moribus bonis inimicam, autoritate huius sacri Concilii penitus reprobamus, firmiter statuentes, vt vniciq; quem iura à testamentorum non prohibent factione in sanitate vel in lecto aegritudinis constituto, legandi, disponendi, & ordinandi de bonis sibi collatis, circa pia loca & personas Ecclesiasticas, dummodo legitimos non prætereant successores, libera sit facultas. Volentes & præcipientes districtè, vt per locorum Episcopos, & cæteros Prælatos iurisdictionem habentes, vniuersi Clerici tam religiosi quàm seculares, & laici impediētes defunctorum legata seu vltimas voluntates, per excommunicationem in personas, & interdicti in loca, sententiās, Canonica monitione præmissa, ferendas, ab huiusmodi impedimentis desistere compellantur: ad quorum exequutionem & debitas aggregationes, procedente tempore faciendas, Episcopi & Prælati, ad quos testamentorum defensio, vtroq; iure suadente, dinoscitur pertinere, beniuolos se exhibeant & paratos, ne huiusmodi negligentia de eorum manibus in die districti iudicii requiratur.

Licèt aliās per bonæ memoriæ Iacobum Archiepiscopum Gnesnē, prædecessorem nostrum salubriter fuit institutum, propter salutem animarum, Prælatorum, & beneficiariorum quorumcunq; ac propter consolationem amicorum, & seruitorum

uitorum eorundem per mortem ipsorum desolatorum, vt cum quis de Clero beneficiatus decederet, fructus proximi anni, pro debitis ipsius successoribus, & amicis eiusdem, & aliis piis causis & exequiis, per illius anni circulum faciendis, per eum quem ad hoc exequutorem eligeret: aut si intestatus decederet, si Cathedralis, Collegiatæ, aut Conuentualis Ecclesiarum Prælatus Canonicusq; esset, per Diocesana: Si verò ruralis Ecclesiæ Rector, vel alius quicumq; Clericus existeret, per Decanum, sub testimonio Archidiaconi, pro salute ipsius animæ conuerti deberent, deductis prouentibus, unde Vicarius valeat in Ecclesia sustentari, annum Domini à Circumcisione eiusdem inchoando. Nos attendentes huiusmodi constitutionem per Extrauagantem Ioannis xxiij. quæ sic incipit: Suscepti regiminis cura nos sollicitat: esse modificatum in eo, quòd media pars pro debitis, anima, seruitoribus, & amicis defuncti, & media pars pro successore conuertatur: præsentis approbatione Concilii, dictam constitutionem declaramus, secundum modificationem dictæ extrauagantis, per omnes Episcopos, Prælatos & Canonicos, ac Parochialium Ecclesiarum Rectores nostræ Prouinciæ esse firmiter obseruandam, perpetuis temporibus valituram.

DE ANNO GRATIÆ.

Ex Nouis.

Quilibet Prælatus, Canonicus, Altarista, Plebanus, Vicarius, ex quocunq; titulo beneficiatus, curatus & non curatus, in vniuersa Prouincia, si moritur in primis mensibus anni incipientis à Circumcisione Domini, habet quartam partem omnium introituum, iuxta verum valorem suorum beneficiorum: sed successorì frumenta æstiuaria reliquat ad seminandum prædium. Si in tribus mensibus secundis, habet medietatem: Si in tertiis tribus mensibus, habet tres

T

partes

CONSTITV: SYNO D.

partes de frumentis hyemalibus, ad quantitatem prædij non seminati, successori relictis: Sed in residuis mensibus habet totum.

In Synodo Petricouien quarta.

Colonorum testamenta, citra præiudicium hberorum & Domini villæ, valeant, quo ad pias causas.

Dzierzgouii. Petricouix Anno

Domini, 1557.

CAETERUM, tametsi utroq; iure rectè prouisum esse competitur, ne stilus vltimarum voluntatum vnicuique de suis bonis quoquo modo per cupiditatem aliquorum, dominium temporale habentium, & bonis testatorum inhiantium violetur, seu aliàs infringatur, quinimo illi, qui vltimas aliorum impediunt voluntates, grauib; pœnis iuris subiacere censentur. Quia verò ad præsentem Synodum est deductum, non deesse plerosq; D. Ecclesiasticos, qui non absq; graui cupiditatis alieni nota, in bonis Ecclesiæ impia decreta seu statuta condunt, edictaq; publica faciunt, ne quis sine scientia & voluntate eorum aut factorum, seu Procuratorum suorum præsentia, testamenta quæpiam condere præsumat. Impietatem itaq; eiusmodi talium reprobandò, decreuit sacra Synodus, ne quis Ecclesiasticarum personarum, siue Regularium, siue Secularium dominium temporale habentiũ, edictis quibuscunq; aut statutis & constitutionibus suis municipalibus prohibere, quouis quæsito colore vel ingenio præsumat, subditos suos, quominus de bonis suis mobilibus quibuscunq; testentur, testamentaq; pro eorum arbitrio condant, prohibere præsumat, conditaq; non reuocet, neq; infringat, quæ sacra Synodus firma & valida esse vult & censet. Prohibitiones verò tales annihilat, cassat, & tanquam impias reijcit, decreto suo præsentis mediante.

De suc-

DE SVCCESIONIBVS AB intestato. Nicolai Dzierzgouii. Petri- couiæ, Anno Domini, 1551.

Licet sacris Canonibus & Statutis Prouincialibus de modo dispensandi per Ordinarios, res & bona mobilia ab intestatis beneficiatis derelicta, sit laudabiliter satis prouisum. Attamen nonnulli Domini Ordinarii, hac potestate à iure eis concessa hactenus non sine scandalo abutentes, ea vel in priuatos vsus cōuertebant, vel indignis personis, & non pauperibus, seu Ecclesiis, in quibus defuncti ministrabant, arbitrio suo & non ex præscripto Canonum distribuebant. Itaque statuit sacra Synodus, vt de cætero, res & bona huiusmodi non nisi iuxta iuris communis & Statutorum Prouincialium dispositionem, primùm videlicet expedita sepultura, in exolutionem debitorum, si quæ intestatus contraxerit: deinde in absolutionem seruitorum & consolationem consanguineorum, maximè pauperum, in remedium salutis animæ defuncti: fabricam Ecclesiæ, in qua intestatus ministrabat, portione sua non priuando, per Dominos Ordinarios dispensentur, subpcena arbitraria Synodi Prouincialis in secus faciendes constituenda.

DE SEPVLTVRIS.

Ex antiquis.

CVM sacris Canonibus sit consonum, vbi quis vnus recipit Ecclesiastica Sacramenta, quòd ibi etiam mortuus requiescat: omnibus Christi fidelibus contritis & confessis, qui sepulti fuerint in suis Ecclesiis Parochialibus, vel Cimiterijs earum, de omnipotentis Dei misericordia & beatorum Petri & Pauli Apostolorū eius, & beati Adalberti Martyris patroni nostri meritis confisi, in reuocamen suorum pec-

T ij

caminum

C O N S T I T U T I O : S Y N O D .

eaminum, quadraginta dies indulgentiarum, de iniuncta sibi
 poenitentia misericorditer relaxamus. Quia Ecclesiarum
 Cathedralium Prælati & Canonici confratres in Christo ex
 approbata consuetudine nuncupantur: & ideo, vt ex confrat-
 ernitate huiusmodi aliquis fructus proueniat animabus, sta-
 tuimus, vt postquam Prælatus vel Canonicus Cathedralis
 Ecclesiæ obierit, superstites Prælati & Canonici, cum pri-
 mum obitus defuncti ad eorum notitiam peruenerit, quiuis
 Prælatus pro anima principalis Prælati, id est, Archiepisco-
 pi vel Episcopi, sex missas cum totidem vigiliis, pro anima
 verò æqualis Prælati defuncti tres missas cum totidem vigi-
 lis efficere per se, vel per aliū teneatur. Canonicus verò pro
 anima principalis Prælati, id est, Archiepiscopi vel Episco-
 pi, tres missas cum totidem vigiliis: pro anima verò inferioris
 Prælati vel Canonici, vnā missā cum vigiliis, simili-
 ter per se, vel per alium, quā citò commodè poterit, virtu-
 te fraternitatis & Statuti huiusmodi, dicere sint astricti. In
 quo ipsorum conscientias oneramus.

Quicunq; religiosi & seculares Clerici aliquem ad vouendū,
 iurandum, vel hīc interposita seu aliās promittē inducunt,
 vt sepulturam apud eorum Ecclesias eligant, vel iam electā
 vltius non immutent, excommunicationis sententiam in-
 currant ipso facto, nec valet talis electio: & qui sic elegerit,
 nec apud sic electā Ecclesiam sepeliri, nec alibi poterit eli-
 gere sepulturam, nec contra votum, iuramentum vel pro-
 missum huiusmodi à se factum, materiam habeat veniendi:
 sed contradictione qualibet cessante, sepeliatur omnino apud
 illam Ecclesiam, apud quam sepeliendus de iure fuisset, si a-
 liās sepultura non electa forsitan decessisset. Si verò iisdem re-
 ligiosi vel Clerici prædictum in sua Ecclesia vel Cimiterio
 præsumpserint sepelire, ad restitutionem tam sepulti corpo-
 ris, si petatur, quā etiam omnium quæ occasione sepultu-
 ræ illius perceperint, quomodolibet ad eosdem infra decem
 dicum

dierum spacium integraliter faciendam obligantur : quam nisi fecerint, Ecclesia ipsa, apud quam sepultus fuerit, necnon ipsius Cimiterium, extunc eo ipso sint, & tam diu manebunt Ecclesiastico supposita interdicto, donec ab eis fuerit facta restitutio plenaria omnium prædictorum.

Plebanus Ecclesiæ vel vicesgerens, si præter licentiam sui Archiepiscopi, vel Episcopi, vel ipsius in Spiritualibus Vicarii defunctum alterius Parochiæ intra vel circa Parochialem Ecclesiam suam præsumperit sepelire, in pœnam vnius marcæ, ad fabricam illius Ecclesiæ applicandæ incidat ipso facto. Et nihilominus per Episcopum subiiciatur pœnitentiæ grauiori : nisi is, qui est sepultus, fuisset Presbyter, patronus, vel peregrinus viator, vel qui commodè ad suam Parochialem Ecclesiam deferri non potest : aut aliàs Ecclesiæ notabilis benefactor.

Ex Nouis.

Decreuerunt æmi Domini Episcopi præsentēs, & absentium Procuratores, vt pro fratre Episcopo, ex hac vita decedente, superstites Episcopi semel iusta obire pro salute animæ defuncti teneantur.

Petri Gamrati. Petricouiæ Anno 1542.

Quoniam propter diuturnam conseruationem funerum, & tardam sepulturam, æmorum Dominorum Archiepiscoporum & Episcoporum defunctorum, bona Episcopatum sede vacante multifariam damificantur : Decreuit hæc sacra Synodus, vt Executores Dominorum Archiepiscoporum & Episcoporum defunctorum, seu illi ad quos pertinebit, à die mortis in octo diebus adminùs, & ad summum in quindecim diebus funera illorum sepelire procurent, si in eorum Diœcesi eos mortem obire contigerit : si verò extra Diœcesim, tunc duplum eius temporis habeant. Alioquin la-

CONSTITVT: SYNOD.

psis diebus prædictis, Capitula Ecclesiarum, & Administratorem eligere, & bona Episcopalia in eorum dispositionem recipere debebunt & tenebuntur.

Nicolai Dzierzgouii. Petricouix, Anno
1557. Die 17. mensis Maii.

CAEterum, quia præsentì hoc nequam seculo tanta inoleuit plurimorum secularium audacia, quòd funera hæreticorum, & ab vnione siue gremio sanctæ matris Ecclesiæ discedentium, seu excommunicatorum, quibus de iure Ecclesiastica negatur sepultura, temerè, violenter, & per potentiam, quibus pauperes Parochi resistere nequeunt, non verentur Ecclesiasticæ inferre sepulturæ: propter quod Ecclesiæ ipsæ & cemiteria violantur seu execrantur. Sacra itaq; Synodus, periculis animarum obuando, ne propter eiusmodi hæreticorum sepulturas pii homines à deuotione consueta remoueantur seu retrahantur, & per intermissionem auditionis diuinorum officiorum negligentiores ad illam prosequendam postea reddantur: statuit, iuri communi innitendo, vt si taliter sepulti, fuerint iudicio Ecclesiastico in vita pro publicis hæreticis pronunciati & declarati, abstineatur omnino in illis Ecclesiis & locis à diuinis officiis, donec ipsi sepulti, si ab aliorum corporibus discerni poterint, inde quoquo modo exhumantur, & foras eiiciantur, ne censura Ecclesiastica vilescat. Si autem discerni non poterint, ex dispensatione Locordinarij seu eius Officialis, licebit in eis Sacerdotibus & aliis Clericis diuina peragi officia. Quodsi verò declarati non fuerint, sacra Synodus non putauit à diuinis abstinendum esse: à quibus viuus communicatum est, communicetur & mortuis. Domini tamen Locorumordinarii, aut eorum Officiales, siue mora consulantur in vtroq; casu, qui ad requisitionem ipsorum Parochorum aut Clericorum, quorum templa per huiusmodi sepulturam existimarentur fore execrata, iudicabunt, prout

prout de iure, quidquam faciendum fuerit: dabuntq; licentiā, in locis ipsis execratis, ad tempus reconciliationis sacra peragendi. Et nihilominus, si videbitur expedire, iudicio cum violatoribus libertatis Ecclesiasticæ agere Domini Locorum ordinarii omnino non negligant, neq; suis cura & diligentis, postquā ad eos talia delata fuerint, prætermittant.

DE PAROECIIS. Ex antiquis.

VNiuerfis Sacerdotibus tam religiosis quā secularibus, cuiuscunq; ordinis, conditionis siue status existant, in ciuitate, Diœcesis, vel Prouincia Guesfuenſi degentibus, sub debito iuramento, quod Episcopo in receptione Sacerdotii præstiterunt, sub interminatione iudicii, firmiter iulibemus, ne quis alienum Parochianum, cuius cura per Episcopum vel Locordinarium, seu eius Vicarium, super eo alii est commissæ, excepta necessitatis causa, quæ legem non habet, ad confessionem audeat recipere, vel ad porrigendum ei aliquod Ecclesiæ Sacramentum: nisi petita desuper & obtenta licentiâ proprii Sacerdotis. Cum certi & indubitati iuris existat, talem à tali crimine solui non posse aliquatenus vel ligari, & hoc ordinem Ecclesiæ per maiores & sanctos Patres diuina prouidentia institutum confringere viderentur. Quod per vniuersos Plebanos diebus Dominicis, prout expedierit, corā suis Parochianis præcipimus publicari. Et qui contra præmissa, vel eorum aliquod propria temeritate venerit, ab officio & beneficio suspendatur, vel aliās ad arbitrium sui Superioris pumatur.

. Matthiæ Drzeuicii. Petricouiæ, Anno

Dñi, 1530. Ex nouis.

INfantes expositos, quod plerunq; euenit, Synodus sacra ad Xenodochium proximè prius resectum, baptisatum deferri iubet, illius Xenodochii impensis alendum. Alioquin si, vnde

CONSTITVT: SYNOD.

vnde illic alatur, paupertas Xenodochii non habeat, Parochia in qua puer expositus sit, vt alimenta conferat infanti in Xenodochio educando cohortetur, vel certè pietas Ordinariorum alimonie impensis infantulo, ne pereat, succurrat.

Petri Gamrati, Petricouix, Anno
Domini. 1544.

ET quia in Lituaniæ partibus, & præcipuè in Diocesi Mednicensi, quæ ampla & populosa est, satis pauca admodum Ecclesiæ Parochiales existant: & inde fit, quòd vulgus & vtriusq; sexus homines, religionis & fidei Christianæ ignari, sylvas, nemora, serpentes, lapides, tonitrua, more gentilium veterum colunt, & adorant, in Diuinæ Maiestatis offensam, & animarum suarum periculum, & interitum. Supplicat & admonet hæc Synodus, vt Sacra Regia Mtās ad subleuandam idololatriā & errores huiusmodi, plures Ecclesias Parochiales in locis arbitrio æmorum Dominorum Vilnē & Mednicē Episcoporum & suorum Capitulorum deligendis constituere & fundare dignetur, ad laudem & honorem Diuinæ Maiestatis, & religionis propagationem.

DE DECIMIS.

Ex Antiquis.

VEteris Testamenti seric, & sacrorum Canonum sanctionibus attestantibus, Deus in signum vniuersalis dominii sibi decimas reddi præcipit, suas esse decimas & primitias asseuerans: atq; monens & præcipient, vt deferantur decimæ in horrea sua, hoc est in thesauros templi, vt habeant Sacerdotes atq; Leuitæ, qui sibi ministrant cibos, non sibi sed nobis sine dubio profuturos. Hoc tamen quidam Principes seu Capitanei, Procuratores ac Officiales eorum, & alii milites & temporales domini, minimè attendentes, decimas Eccle-

siis &

fiis & ministris Ecclesiarum debitas, Dei timore postposito, occupant, aut per suos subditos occupari mandant, & mandari procurant: & alii etiam impedimentum præstant, ne Clerici aut procuratores eorum, decimas sibi debitas, pro sua voluntate, cui maluerint, vendere valeant, eas in suis villis locare, ac per homines suos, qui easdem dandas tenentur, cōduci indebitè prohibentes.

Huiusmodi ergo temerariis ausibus adhibere medellā, quam possumus, cupientes, statuimus & prohibemus, ne aliqui Principes, qualiscunq; dignitatis, vel honoris prærogatiua præfulgentes, ac Capitanei & Procuratores vel Officiales eorum, vel Nobiles, & quicunq; alii, decimas manipulares, seu pecuniales, ac maldratas, seu in quibuscunq; rebus consistant de cætero occupent, seu occupari mandent, nec liberam venditionem decimarum impedian, aut eas in suis villis locari, vel per homines suos duci prohibere præsumant. Quod si aliqui deinceps prædicta, vel aliquod eorum, præsumpserint attentare, requisiti, excommunicationis sententiam incurrant ipso facto. Et nihilominus terræ, ciuitates, & districtus, huiusmodi Principū, & quibus præsunt Capitanei & Officiales prædicti: oppida quoq; & villæ Nobilium, seu dominorū Spiritualium & temporalium, & quorumcunq; aliorum, si huiusmodi excessus, per collectorem decimæ requisiti, infra vnius mensis spacium non curauerint emendare, ab huiusmodi impedimentis desistendo, ipso facto Ecclesiastico subiaceant interdicto.

Cū ius Ecclesiasticum, & præcipuè solutio decimarum Deo debitarum, quas ipse Clericis exhibendas, pro suo cultu concessit, diminui non debeat, qualibet malicia seu fraude excogitata: sed potius augmentari, ne officium diuini cultus, propter quod beneficium Ecclesiasticum & decimæ ipsæ dantur, obmittatur. Statuimus, vt si Nobiles aut hæredes, aut temporales domini aliquarum possessionum, quorum maio-

CONSTITV: SYNOD.

res liberè , ad quam volebant Ecclesiam, decimam soluebant, ex quadam abusione multiplicari contingat , senior aut vnus eorum eam liberè soluat. Alii omnes & singuli Ecclesiæ seu Præbendæ, cui decimæ illius heredi talis hæreditatis seu possessionis ascripta est, ipsam soluere teneantur, ne si quiuis eorum eam liberè solueret, ius Ecclesiæ seu Præbendæ ipsius, ac cultum diuinum propter hæc contingeret absorberi. Adiciamus insuper , quòd Nobiles seu hæredes huiusmodi, quibus priuilegium hoc competit, dent ipsi Ecclesiæ decimam, tali videlicet, in quam cadit perceptio decimarum, nihil de ea vasis suis applicando. Quodsi quispiam repertus fuerit aliquid de ipsa pro se recepisse fraudulenter, priuilegium perdet: cùm priuilegium mereatur amittere, qui permissa sibi abutitur potestate. Porro si acciderit, quòd possessio seu hæreditas, quam miles tenebat, decimam de ea liberè soluendo, inferioris personæ titulo emptionis, venditionis, permutationis, donationis, seu alio quocunq; modo dominium perueniret, personæ huiusmodi decimam soluant Ecclesiæ seu Præbendæ, cui ipsius hæreditatis seu possessionis decima est ascripta. Econtra verò, si Nobilis aliquis gaudens priuilegio huiusmodi militari, possessionem seu hæreditatem aliquam, in qua personæ inferiores residebant, decimam Ecclesiæ seu Præbendæ alicui ex debito soluendam, titularum prædictorum aliquo assequatur, illuc teneatur soluere, vbi eam personæ huiusmodi hæctenus persoluerunt: cùm res transire cum suo onere dinoscitur. Item. Cùm Leuitis seu Ecclesiasticis personis iure diuino decimæ debeantur, dolentes referimus, quòd quorundam Laicorum cupiditas ius huiusmodi, quod sibi Deus in signum generalis dominii retinuit, nititur abolere, & pro sua voluntate de his, quæ ad ipsos non pertinent, aliter ordinare, imò potiùs deordinare præsumunt, quasi à se iugum diuini seruitii velint excutere, quod in baptismo sunt professi. Huius approbatione Concilii districtè præcipimus, vt iuxta iu-

iuxta iuris diuini dispositionem, & laudabilem consuetudinem patriæ, decimæ manipulares de quolibet grano in agro persoluantur, nec liceat alicui laico nobili vel ignobili, cumcunq; dignitatis vel principatus existat, ius & consuetudinem memoratam propria temeritate infringere: quin etiam ipse de propriis terris, quæ suis sumptibus excoluntur, decimas integraliter persoluat: nec propria voluntate, imò potiùs præsumptione, eas cuiquam aliæ Ecclesiæ vel personæ conferat: sed illas absq; vlla contradictione percipiat, qui de eodem loco decimas percipere consuevit ex antiquo. Si verò terras suas aliis tradiderint colendas, eas nec in toto, nec in parte à solutione decimarum præsumant absoluerè, cùm non sit iustum, vt ea quæ Dei sunt & ministrorum Ecclesiæ, conferantur alienis. Sed de omnibus partibus aliis ipsi coloni decimas integraliter soluere non obmittant. Alioquin tam ipsos colonos, quàm defensores seu fautores eorum ab hac præsumptione, quæ furtum vel rapina non immeritò dici possunt, per denegationem Ecclesiasticæ sepultura, & subtractionem Ecclesiasticorum Sacramentorum, præcipimus còèrceri. Adiiicientes, & sub pœna excommunicationis prohibentes, ne aliquæ seculares vel Ecclesiasticæ personæ solutionem decimarum in hac Prouincia tam laudabiliter obseruatam commutare præsumant in pecuniarum pensionem. Ipsas tamen decimas sibi à colonis redditas vendere poterint, prout vtilitati suæ & Ecclesiarum viderint expedire. Et quicumq; laicus nobilis vel ignobilis, huiusmodi venditionem clàm vel palàm impedire præsumpserit, quousq; dignè satis fecerit, de tali commissio, introitum Ecclesiæ sibi nouerit interdictum. Saluo, quod circa multiplicationem nobilium, & depositionem emethonum in Statuto præcedenti proximè est prædictum, vel aliter ex concordia cum terrigenis fuit ordinatum. Verùm sicut laicos circa præceptum de decimis persoluenendis esse volumus obedièntes, sic eos à grauamine Ecclesiasticarum

CONSTITVT: SYNOD.

personarum, quod eis inferre dicuntur, super dilatione vel mora percipiendi decimas, releuare volentes, præfenti decreto statuimus, vt non obstante aliqua constitutione, ordinatione, seu aliqua compositione, postquam segetes in agro collectæ fuerint, & cui decimæ debeantur, sub testimonio competentis, & per interualla congrua, quorum quodlibet ad minus duos dies habeat, trina fiat denunciatio, vt decimam suam tollat: ne propter eius dilationem vel moram, ipsi coloni in suis nouem partibus sustineant detrimentum. Alioqui elapso tri-duo, à tempore denunciationis vltimo factæ, nouem partes suas liberè sibi liceat, vbi voluerint, collocare. Nos enim sententias excommunicationis, suspensionis, vel interdicti, quas hac occasione ferri contigerit in colonos, irritas decernimus & inanes.

Cùm turpis sit pars, quæ suo non congruit vniuerso, & quidem Sculteti vicinis seu villanis eorum in eadem villa decimas absq; contradictione soluentibus, ipsi eas minùs rationabiliter soluere contradicunt. Statuimus ergo, quòd Sculteti huiusmodi, cuiuscunq; status & conditionis fuerint, huiusmodi suis vicinis seu villanis æquales esse debeant in solutione decimarum.

In Synodo Lanciciensi prima. Ex nouis.

SAcra Synodus, matura deliberatione præhabita vnanimi voto decreuit, attenta diuturna consuetudine, quòd tam de agris possessionatis quàm desertis, cultis & susceptis, de censu, missalia in frumento soluantur, vt cultores agrorum tam possessionatorum, de quibus soluant censum, & laborant, Parochiano Presbytero missalia soluant, in ea quantitate, prout ex possessionatis agris soluere soliti sunt. Nam cùm talia, secundum quotam de manso soluantur, non habenda est differentia in hoc, an ager possessionatus obligatus sit ad censum

ad censum & laborem, vel susceptus ad censum, tantum duntaxat habenda est consideratio, si colitur. Nam si colitur, tunc tenebitur quilibet colens missalia soluere suo Parocho aut Presbytero. Canapalia autem, quæ etiam in nonnullis locis Rekaviczne appellantur, danda decernit Synodus, ubi dari consuevit, aliàs, non nisi Canapum, aut aliud simile semen seminatum, collectumque esset in agris, de quibus decima dari de iure aut consuetudine consuevit.

In Synodo Petricouien quarta.

COlono ex agro discedente, Nobilis eundem agrum colens, decimas & prouentus Ecclesiasticos pro consuetudine pendat. Quodsi non extet in illo territorio aliqua eius rei consuetudo, soluat eadem onera, quæ colonus soluebat: illis tamen exceptis, quæ ex rusticitate in nobilitatem indigne transferentur, veluti, ut decimam ducat, denarium Sancti Petri, Canapales, Strennam quæ vulgò Kolada vocatur, soluat, nisi in istis aliter se habeat consuetudo.

In eadem.

Villæ seu Prædia, ex quibus decima manipularis, vel quipiam aliud loco decimæ Ecclesiæ nunquam proueniat, quandoquidem contra decimam nulla præscriptio procedere potest, & manipularis iure diuino debeat, soluat decimam manipularem, ut Deo nihil omnino non soluisse videatur.

In eadem.

Sicut decimæ liberæ sunt, ita & earum collocationem liberam esse oportere. Proinde inhibemus, ne collocatio eandem illibertetur: nihilominus eiusdem collocationis consuetudo rationabilis & iusta seruanda est, veluti, ut secundum ordinem, vel alternis vicibus, apud incolas villæ collocetur.

CONSTITV: SYNOD.

Quam consuetudinem dominus villæ liberè permittere debet, absq; quauis conuiuii exactione. Iuris enim est exploratissimi, conuiuia in cuiusq; libera voluntate consistere debere.

In eadem.

CLericos decimatores, qui decimare recusant, nisi valorem decimæ pro voto suo apud colonos exegerint, Provinciali vetusto Statuto, quod contra recusantes aut negligentes decimare in titulo de decimis continetur, esse còercendos.

In Eadem.

QVoniam quibusdam in locis decimæ manipulares, in aliis pecuniariæ, in plerisq; verò penduntur in grano. consuetudinem antiquam loci cuiusq; seruandam esse decernimus, neq; ab ea penitus discedi debere. In soluenda etiam tam manipulari decima, quàm missalium, vbi vtrunq; soluitur, consuetudini innitentes, mensura autem soluendorum missalium fiat iuxta modum territorii, in quo villa missalia soluens situatur.

In Eadem.

CVM decima, iure diuino, debeat dari expensis non deductis: iure optimo mercenarii messoris decimam, antequam Ecclesia pro se decimet, solui & consignari non debere. Et propterea ne id fiat, ac cum nobilibus cassulas deteriores pro decima eligentibus, aut iniustè decimantibus, iusta ratione iure esse exponendum.

In Eadem.

DECIMATIONEM hoc modo & ordine fieri decernimus, vt si conuentum non fuerit inter partes, de modo & ordine decimandi, decimator ordine procedat, decimam, quæ ordine cuenit, cassulam signando: sitq; in optione decimatoris incipere

incipere unde velit: & quæcunq; ei cassula decima sorte obuenit, eadem pro decima cadat.

In eadem.

DE molendinis, mineris, & fodinis, volumus antiquam seruari consuetudinem, in facienda vel non faciendâ solutione decimarum.

In eadem.

Circa venditionem decimarum, decreuit Synodus seruandum Statutum Domini Iaroslai Boguria prædecessoris nostri, & Domini Bodzentæ Episcopi Cracouiensi, inter Statuta Regni insertum, quo cauetur, ut si Dominus villæ decimam emere voluerit, ante festum S. Iacobi, de precio licitetur, & conueniat. Alioquin liberum sit, quocunq; velit cuiq; suam decimam diuertere. Cuius Statuti tenor sequitur & est talis.

Quicunq; Dominus villæ in ipsa villa sua decimam emere voluerit, ante festum S. Iacobi cum domino decimæ forisfare procuret. Alioqui, dominus decimæ decimam vendat liberè, impedimento cessante domini villæ illius.

Tenor verò Statuti Domini Bodzentæ Episcopi Cracouiensi est talis. Item. Quicunq; Dominus villæ in ipsa villa sua decimam emere voluerit, octo diebus ante festum beati Iacobi, & octo diebus postea cum domino decimæ forisfare procuret. Alioquin, dominus decimæ liberè decimam vendat, impedimento à domino villæ cessante,

Nicolai Dzierzgouii Petricouiæ

Anno, 1551.

Quoniam bona pars fertonum, missalium, & aliorum prouentuum Ecclesiæ iam periit, & quotidie magis ac magis di-

CONSTITV: SYNOD.

gis diminuitur, ex eo, quòd pleriq; Dominorum Spirituali-
um & secularium, pulsus inde colonis, & ad hunc modum de-
fertatis, in prædijs seu piscinas aut prata redactis, villarum
suarum agris siue mansis Cmethonalibus, non pendunt ex eis
prouentus ipsis Ecclesijs, qui à colonis illic residentibus pen-
debantur. Igitur præsentì Statuto prouidetur, vt de talibus
villis, agris & mansis desertis, idem illi prouentus, missalia, &
& fertones ab antiquo soluantur, personis, Ecclesijs, ad quas
pertinebant: quemadmodum ante desertationem, vel in
prædia, siue piscinas redactionem soluebantur, quò Ecclesijs
suis non fraudulentur dotibus.

Ibidem. Anno 1554.

Item, æmi Domini Episcopi Clerum in decima non illi-
bertabunt, sed vt sint exemplo secularibus, eas liberè cuiq;
beneficiato disponendi & percipiendi permittant, sub pœna
tripli in Statutis Prouincialibus Ioannis Laski, 1530.
sancita.

Nicolai Dzierzgouii. Petricouix,

Anno 1557.

Item. Conquerentibus nonnullis Presbyteris, Parochis,
alijsq; Clericis, de æmo Domino Episcopo Wladislaui
& eius Præfectis, præsertim in clauæ Volboricn, quòd in bo-
nis suæ Paternitatis Ecclesiasticis, eis denegantur missalia, &
aliæ obuentiones, antea eorum Ecclesijs solui consuetæ, non
sine graui iniuria eorum, & scandalo secularium hominum.
Decreuit itaq; sacra Synodus, innitendo Statutis prioribus,
ne deinceps quisquam dominorum Episcoporum, aut quæ-
uis Ecclesiastica persona secularis vel regularis, aliquem Pa-
rochum, aut alium quempiam Clericum in prouentibus, de-
cimis, missalibus, maldratis, colendis suis, & aliis quibuscunq;
iuribus & obuentionibus, eorum Ecclesijs solui consuetis,
impedire

impedire: aut quoquo modo solutionem illorum denegare præsumat. Quinimo factores subditosq; suos ad solutionem eorum cogat & compellat.

BVLLA APOSTOLICA

De Noualibus. Ex nouis.

LEO Episcopus, seruus seruorum Dei. Ad perpetuam rei memoriam. Decet Romanum Pontificem votis personarum sibi & Sedi Apostolicæ deuotarum, præsertim Regali & Archiepiscopali dignitate fulgentium, & per quæ dissensiones & iurgia tolluntur, libenter annuere: & his, quæ propterea prouidè facta fore prospexerit, Apostolicæ adicere muniminis firmitatem, ac illa statuere, quæ circa præmissa conspexerit facere oportuna. Sanè pro parte charissimè in Christo filii nostri Sigismundi Poloniæ Regis Illustris, ac venerabilis fratris Ioannis de Lasko Archiepiscopi & Præmatis Guesneñ, nobis exhibita nuper petitio continebat. Quòd licet aliàs loca & terræ Regni Poloniæ, tam propter bellorū discrimina, quàm mortalitates, & alia impedimenta, antea excoli non potuerant: tamen postea multiplicatis in dicto Regno, Deo benedicente, hominibus, per arborum supputationem, & radicum extirpationem ac euulsionem, ad culturam redacta, & nouæ villæ in illis locata & constructæ fuerunt. Cumq; à multis verteretur in dubium, ad quem decimæ earundem villarum vel locorum & terrarum, an videlicet ad Locorum ordinarios, an vero ad Parochialium Ecclesiarum dictorum locorum Rectores, pertinere deberent: & inde lites & controuersie inter bonæ memoriæ Ioannem Episcopum Cracouiensem, & quondam Arnoldum, certosq; Canonicos Ecclesiæ S. Floriani suburbii Cracouiensem, super huiusmodi decimis nouarum villarum ac noualium, in Biecen ac Smigroden territorijs consistentium, coram bonæ memo-

ria Iaroslao Archiepiscopo Gnesneſi, & claræ memoriæ Ca-
zimiſi Poloniæ Rege dum in humanis agerent, & eiufdem
Regni Baronibus ſubortæ fuiſſent, Ioannes tunc Episcopus
Cracouiſi ad lites huiusmodi ſopendas, quoddam Inſtru-
mentum, dubiorum & litium huiusmodi deciſorium, à bonæ
memoriæ Ianuſio Archiepiscopo Gnesneſi à ducentis annis
amplius emanatum, in medium produxit: continens, quòd
cùm inter claræ memoriæ VVladislaum Poloniæ Regem, dū
in humanis ageret, Clericorum & Eccleſiarum, quarum ipſe
VVladislaus Rex & Milites dicti Regni patroni exiſtebant,
ex vna: ac bonæ memoriæ Ioannem Episcopum Cracouiſi,
Eccleſiæ ſuæ nominibus, ſuper decimis noualium, quas vide-
licet Wladislaus Rex, & Milites, ad Eccleſias, quarum pa-
troni exiſtebant, vt præfertur: Ioannes verò Episcopus præ-
ſatus ad menſam ſuam Episcopalem Cracouiſi, reſpecti-
uè de iure ſpectare aſſerebant, & controuerſia fuiſſet ſuscita-
ta. Ac tandem Ioannes Archiepiſcopus & VVladisla-
us Rex præſatus, litium anfractus & diſcordias prædictas
per viam amicabilis concordie terminare decerneſi, præſatus
Ioannes Archiepiſcopus: & quibus, quoad eiufmodi diſſenſi-
onem & litium deciſionem, idem VVladislaus Rex vices ſu-
as commiſerat: & quondam Nobiles viri, Nauogius Caſtel-
lanus, Spicimirus Palatinus, Cracouiſi: & Petrus Caſtella-
nus, Sandko Iudex Sandomirieſi: & Petrus Decanus Eccle-
ſiæ Poſnanieſi, Cancellarius Poloniæ: & Sulco, aliàs Syvonk
Pincerna Sandomirieſi Decretorum Doct̃or: attendeſi con-
ſuetudinem moribus vtentium approbatam, ac Iuri cōmu-
ni ſatis conſonam, diſſenſionem prædictam determinarunt.
Quòd vbiq; ſyluæ vel mericæ, aut pars earum ab agris pro-
grediens antiquis, ſimul vel ſucceſſiuè extirparentur: agrorū
noualium huiusmodi decimam Reſtor Parochialis Eccleſiæ;
vel Clericus ratione beneficii perciperet, vt prius, ac eo
modo, quo agrorum antiquorum decimam percipiebat. Vbi verò

bi verò intra gades & limites villæ antiquæ in sylua vel merica, seu in agro aut prato intra syluam vel mericam villa locaretur de noua radice, siue nuncuparetur vt villa prior & vicina, siue non, noualium huiusmodi decimæ ad Episcopi Dicecesani mensam pertinerent. Si verò villa antiqua more Polonico locata, de vno inculto loco ad alium cultum & arabilem locum transferretur, & eius incolæ antiquos agros colentes aliquid progressiue extirparent, is decimam perciperet, ad quem antea antiquorum agrorum decimæ perceptio spectasset. Quoquidem Instrumento Regi & Baronibus lecto, & vulgari sermone Polonice exposito, quod Casimirus Rex & Barones omnia & singula in illo contenta, rata & grata habentes, laudauerunt, & approbauerunt, ac dilectos filios Castellani Spicimirieñ, & Ioannem Præpositum Gnesneñ, ac Ottonem Cancellarium Poloniæ, ad videndas & distinguendas nouas villas, ab antiquis in territoriis prædictis destituant, prout in dicto Instrumento dicitur plenius contineri. Quare pro parte eorundem Sigismundi Regis, & Ioannis Archiepiscopi, qui ad nos per eundem Regem Orator destinatus existit, votis humiliter supplicatum fuit, vt decreto & decisioni prædictis, aliasq; in præmissis oportunè providere de benignitate Apostolica dignaremur. Nos igitur, qui pacem & concordiam, inter Ecclesiasticas personas præcipuè, perpetuò vigere summis desideriis exoptamus, dicti Instrumenti tenorem, præsentibus pro expressis habentes, huiusmodi supplicationibus inclinati, decretum, decisionem, & concordiam huiusmodi Apostolica autoritate tenore præsentium approbamus & confirmamus, supplemusq; omnes & singulos tam iuris quàm facti defectus, si qui verè interuenerint in eisdem. Et nihilominus quòd ubicunq; in Regno Poloniæ, & locis illi vicinis, ac tota Prouincia Gnesneñ, syluæ vel mericæ aut earum pars ab antiquis agris progrediens, simul vel successiue in futurum extirpabuntur, agros antiquos

contingentes agrorum noualium huiusmodi decimas, Rector Parochialis Ecclesiæ huiusmodi, vel Clericus, aut Canonicus, vel alius quicumque ratione beneficii per eum obtenti in villa vel territorio noualia huiusmodi euenerint, percipiat ut prius: & sicut antiquorum agrorum decimam percipiebat. Vbi verò intra gades & limites antiquæ villæ in sylua aut merica, siue in agro, aut prato, intra syluam & mericam villa locabitur, siue construetur de nouo, aut nuncupabitur villæ antiquæ nomine, siue non: dictarum villarum decimæ noualium huiusmodi ad Archiepiscopi Episcopi; Diocesani, in cuius diocesi noua villa ipsa existit, mensam spectent & pertineant. Si autem villa antiqua modo Polonico locata de inculto loco ad alium cultum locum & arabilem transferatur, & eius incolæ antiquos agros colentes, aliquid progressiue extirpent, is decimam percipiat, ad quem antiquorum agrorum decimæ perceptio spectabat, autoritate & tenore præmissis, statuimus & decernimus: sicque per quoscunque iudices ac causarum Palatii Apostolici auditores, iudicari & interpretari debere, sublata eis & eorum cuilibet aliter iudicandi & interpretandi facultate, ac irritum & inane quicquid secus super his à quouam quauis autoritate scienter vel ignoranter contigerit attentari, decernimus: non obstantibus constitutionibus & ordinationibus Apostolicis, cæterisque contrariis quibuscunque. Nulli ergo hominum liceat hanc paginam nostræ approbationis, confirmationis, suppletionis, statuti, constitutionis, & decreti infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei, ac beatorum Petri & Pauli Apostolorum eius, se noverit incursum. Datum Romæ apud Sanctum Petrum. Anno incarnationis Dominicæ, Milleesimo quingentesimo decimoquinto. Tertio Calendas Aprilis. Pontificatus nostri, anno tertio.

BVLLA EXEQVVTORI-

alis super Noualibus.

LEO Episcopus, seruus seruorum Dei. Venerabilibus fratribus VVratilauieñ & Olomuceñ Episcopis, Salutem & Apostolicam benedictionem. Hodie emanarunt à nobis literæ tenoris subsequētis. LEO Episcopus seruus seruorum Dei, Ad perpetuam rei memoriara. Decet Romanum Pontificem, votis personarum sibi & Sedi Apostolicæ deuotarum, præsertim Regali & Archiepiscopali dignitate fulgentium, & per quæ dissensiones & iurgia tolluntur, libenter annuere &c. Cuius tenor de verbo ad verbum suprâ immediatè habetur.

Quocirca Fraternitatibus vestris per Apostolica scripta mandamus, quatenus vos aut alter vestrum, per vos vel alium seu alios, literas prædictas ac omnia & singula in eis contenta, vbi & quando expediens fuerit, & quotiens pro parte Sigismundi Regis, & Ioannis Archiepiscopi prædictorum super hoc requisiti fueritis, solemniter publicantes, ac eisdem Sigismundo Regi & Ioanni Archiepiscopo in præmissis efficaci defensionis præsidio afsistentes, faciatis literas prædictas & in eis contenta huiusmodi inuiolabiliter obseruari: nō permittentes Sigismundum Regem & Ioannem Archiepiscopum præfatos super illis, per quoscunq; cuiuscunq; status, ordinis, gradus, vel conditionis fuerint, contra tenorem literarum prædictarum quomodolibet molestari. Contradictores per censuram Ecclesiasticam, appellatione postposita, cōpescendo: inuocato ad hoc, si opus fuerit, auxilio brachii secularis. Non obstant ordinationibus supradictis, aut si aliquibus communiter vel diuissim ab Apostolica sede sit indultum, quòd interdicti, suspendi, vel excommunicari non possint, per literas Apostolicas, non facieñ plenam & expressam ac de verbo ad verbum de indulto huiusmodi mentionem. Datū

X in

Romæ

Romæ apud sanctum Petrum. Anno Incarnationis Domini-
cæ, Milleſimo quingentſimo decimoquinto. Tertio Calen-
das Aprilis. Pontificatus noſtri, anno tertio.

PRIVILEGIUM DVCIS MA-
ſouiæ in fauorem Episcopatus Poſna-
niæ, de libera locatione & percepti-
one decimarum.

IN Nomine Domini Amen. Nos VVladislaus Dei gratia
Dux Maſouiæ Ruſſiæq; Princeps. Necnon terrarum Plo-
ceñ, Rauẽ, Sochaczouiẽ, Goſtineñ, Vizneñ & Belzeñ. do-
minus & hæres.

Ad præſentium notitiam & futurorum memoriam perpe-
tuò deducimus per hæc ſcripta. Quomodo peculiaris bene-
uolentiæ affectus & amor attrahit nos præcipuus, vt Eccle-
ſiæ Poſnaniæ, quam progenitores noſtri, ex integerrimo hu-
manitatis ſuæ zelo, largis munificentia ſuæ libertatibus re-
fecerunt, atq; donis ac fauore, & beneuolentia reddamus a-
lacles ac continui, ac vt ipſi Eccleſiæ & perſonis Spiritualibus
ſibi ſubiectis, pacem opera & ſtudio noſtris teneremus, &
quietem, ſolicitudo curæ noſtræ Ducalis compellit nos aſſi-
dua, vnde nonnullas differentias, auſtractus, & diſſenſiones,
inter nos, Ducem VVladislaum, Nobilesq; terrigenas & ſub-
ditos noſtros ſeculares, terrarum noſtrarum Maſouiæ, Dice-
ceſis Poſnaniæ ab vna, & Reuerendum in Chriſto patrem
dominum Andream Episcopum atq; Eccleſiam ſuam Poſna-
niæ prædictam ab alia partibus, ſuper decimis manipulari-
bus, & lini, & aliis cauſis & iniuriis hinc inde ſuſcitatis & e-
xortis, per viam amicabilis concordia conſopire, præfatoq;
domino Andreæ Episcopo, & Eccleſiæ atq; Clero ſuis, iuſtū
fauere, ſicut dignum eſt, & quietem in dictis decimis procu-
rare volentes, conſuetudini aliàs per diuæ memoria præde-
ceſſores

cessores nostros & subditos terrarum nostrarum Masouia, Diocesis Posnaniensis prædictæ, ac dominos Episcopos Posnaniens, Clerumq; ipsis subiectum in decimis huiusmodi & earum decimatione seu solutione, à longe retroactis temporibus, vsq; hæcenus tentæ & obseruatæ inniteñ, ad talem cum domino Andrea Episcopo & Ecclesia sua, & Clero sibi subiecto cum Nobilibus terrigenis & subditis nostris secularibus Diocesis Posnaniens, ex certa nostra scicntia & fidei Baronum & Nobilium nostrorum consilio, atq; de vnanimi terrarum nostrarum Nobilium terrigenarum & subditorum nostrorum prædictorum voluntate & assensu, amicabilem concordiam & vnionem deuenimus, perpetuò duraturam, prout in Articulis supradictis regulatum existit & expressum.

Inprimis itaq; statuimus, laudamus, & propter bonum pacis futuræ tenore præsentium decernimus: quòd exnunc, & perpetuò omnes & singuli ciues, oppidani, cmetones agros colentes nostri Ducatus, necnon omnium & singulorum Nobilium terrigenarum, & terrarum nostrarum quarumcunq; & quarumlibet, cuiuscunq; gradus & conditionis existant, more & consuetudine terrarum nostrarum Masouia, hæcenus inter nos, Episcopos Posnaniens, & Clerum ipsis subiectum, Nobilesq; terrigenas & subditos nostros seculares, in decimis huiusmodi & ipsarum solutione seu decimatione tentis & seruatis, decimas manipulares cuiuscunq; & cuiuslibet grani & seminis, videlicet, siliginis, tritici, auenæ, ordeï, pisæ, scruti, lenticulæ, ac etiam decimam lini, duntaxat per vnum grossum præfato domino Andrea Episcopo & Ecclesiæ suæ Posnaniens, seu Prælati & Canonicis, & Presbyteris, Altaristis, ac aliis personis Spiritualibus, quibus ipsæ iure debentur, dare & soluere tenebuntur & debebunt, absq; vllò impedimento & interpretatione ampliori: & præterea Cmethones, ad ducturam huiusmodi decimarum, erunt & debebunt esse eidem domino Episcopo & Ecclesiæ suæ Posnaniens, ac aliis personis Spi-

CONSTITV: SYNOD.

nis Spiritualibus perpetuò obligati: & nos Dux Wladislaus prænominatus, ac Nobiles terrigenæ & subditi nostri non debemus præfatum Andream Episcopum seu factores suos, ac alias personas Spirituales quascunq; & quaslibet, in locati-
one earundem decimarum quoquo modo impedire, sed lice-
bit ipsis easdem apud cmetones, quos ad id sibi nouerint uti-
liores, locare quietè & securè, omni nostro seu Officialium,
terrigenarum & subditorum nostrorū impedimento procul
moto. Nobiles verò de agris prædialibus ac aliis, quòd suis
duntaxat propriis colunt aratris, ipsoꝝ Plebanis quorū cur-
iure subsunt Parochiali, decimas manipulares in grano quo-
libet, ut præmissum est, & semine, prout moris est atq; iuris,
annis singulis dabunt effectiue: non tamen ad ductum earum
tenebuntur cmetones. Poterint tamen Plebani easdem deci-
mas liberè, si voluerint, ad horrea sua conducere, ac de ipsis,
prout ipsis expedierit, disponere.

Item. Quoties factores præfati Domini Andreæ Episco-
pi seu successorum suorum Episcoporum Posnaniensium, aut eti-
am Prælatos, Canonicos, Presbyteros, Altaristas, & alias
personas Spirituales; decimas suas in terris nostris Masouia-
e, prædictæ Diocesis Posnaniensium decimare contigerit, volumus
& decernimus, quòd circa decimationem huiusmodi ipsis nō
inferantur dispendia, ne ab eo, quod ipsorum est, excludan-
tur, talem obseruari morem & consuetudinem, quòd, postquā
frumenta omnia cuiuslibet grani, more solito, in campis in
toto fuerint messa, & ritè collecta, extunc factores, seu deci-
marum collectores præfati Domini Andreæ Episcopi & suc-
cessorum, & Prælatorum, Canonicorum & Presbyterorum,
Altaristarum, aut aliarum personarum Spiritualium, in pri-
mo agro ciuitatis, oppidi & villæ, computatis nouem cape-
ciis, decimum capete de quolibet grano & semine pro deci-
ma tollent: & sic facient immediatè de eodem ab alio quoli-
bet, eiusdem villæ, ciuitatis seu oppidi agro progressiue: de-
nique co-

niq; coloni, mēssores, siue conuēnti ad metendum laboratores, expeditis & solutis decimis, de communi collectura id quod ipsos concernet, pro laboribus eorum recipient & colligent.

Item. Omnes Sculteti siue Aduocati, Plebei, & Nobiles, tam in villis nostris Ducalibus, quā Nobilium nostrorum, Diocesis Posnaniē prædictæ, & in Iure Teuthonico Chelmeñ resideñ, seu locati, prout & ceteri Cmethones agros colentes, præfato Domino Andrea Episcopo & succēssoribus suis Episcopis Posnaniē, seu illis personis Spiritualibus, ad quas illæ decimæ de iure dignoscuntur pertinere, de agris Aduocatiarum siue Scultetiarum suarum decimæ sint obnoxii, & obligati: exceptis Nobilibus, quibus nos pro eorum seruitis aliquos agros in villis siue bonis nostris iure hæreditario nobilitati duxerimus dandos, & qui coram nobis, & non Iure Teuthonico prædicto, citati respondebunt, qui Nobiles decimam more aliorum Nobilium terrarum nostrarum Masouiae prædictarum dare non sunt adstricti. Volumus præterea, decernimus, & landamus, quod liceat præfato Domino Andrea Episcopo & successoribus suis, ac aliis personis Spiritualibus, decimas ipsorum liberè, cessante impedimento, cum straminibus tam in campis quā in horreis vendere: & emptor decimæ huiusmodi, quam & quas emerit, siue ipsam aut ipsas trititauerit, aut non, nihilominus ipsam aut ipsas decimas pro se cum straminibus recipiet, & quò voluerit liberè adducet: eo saluo, quodsi fortè præfatus Dominus Andreas Episcopus Posnaniē, aut aliæ personæ Spirituales, decimas huiusmodi, pro se & vñibus ipsorum triturantium: extunc medietatem straminis, ex huiusmodi trituratione prouenientis, pro se tollent, reliquam verò medietatem illi cmetoui, apud quem decima stabit reposita, relinquere debebunt & tenebuntur.

Item. Liceat præfato Domino Andrea Episcopo, & aliis

Y

personis

C O N S T I T U T I O S Y N O D I.

personis Spiritualibus, absq; vlllo impedimento, siue aresto nostro, seu Officialium nostrorum, aut etiam terrigenarum nostrorum, Nobilium, vel procuratorum ipsorum decimas liberè vendere, illi seu illis, cui vel quibus voluerint, aut vtilius potuerint: nec debebunt, per nos Ducem Wladislaum seu Officiales, aut etiam Nobiles & terrigenas nostros prædictos, vel eorum procuratores, alia propinquitate, aut alia quacūq; occasione in venditione huiusmodi quoquo modo impediri.

Item. Dominus Andreas Episcopus prædictus & successoribus sui ac aliæ personæ Spirituales, decimas suas hyemales, aliàs *Ōzimity*, incipien à principio melsis, vsq; ad festum Sancti Bartolomei: annonas verò, aliàs, *Iarzyny*, à festo Sancti Bartolomei vsq; ad festum Natiuitatis Mariæ, immediatè sequen, falcastratas etiam decimare tenebuntur & debebunt. Quodsi factores præfati domini Episcopi, seu aliarum personarum Spiritualium, ante festa præscripta, videlicet, S. Bartolomei & Natiuitatis Mariæ ad decimationem huiusmodi venire noluerint, seu neglexerint auisati, extunc ille *Cmetho*, apud quem decima stare debet, cum duobus Scabinis ciuitatis, oppidi, aut villæ, post lapsum dictorum festorum, mox dictam decimam indemniter in horreum suum conducet & conduci procurabit.

Item. Testamenta per quamcūq; personam Spiritualem aut secularem, cuiuscūq; gradus, status, conditionis, & præeminentia fuerint condita, exnunc & perpetuò iuxta sacrorum Canonum sanctionem, debent per exequutores debitæ demandari exequutioni, absq; nostro & successorum nostrorum siue Officialium impedimento, & aresto. In cuius rei testimonium Sigillum nostræ *Mtātis* est appensum, Sigilloq; minori cæra rubea à tergo impresso. Actum & datum in *Sochaczow*, feria secunda infra octauas Ascensionis Domini, Anno eiusdem, Millesimo quadringentesimo quadragesimo sexto. Præsentibus ibidem Magnifico, Strenuis & Nobilibus

Dominus,

Dominis , dignitariis nostris , Andrea de Czechomice Palatino Masouia , Sasino de Sczawno Ploceń , Gotardo de Ribno Sochaczouień , Adamo de Ziczko Gostineń , Zauisio Raciazneń , Castellanis , Boruta de Giglovo Pincerna , Ioanne de Kutno Succamerario Gostineń , Stanisław de Strzegocin Plocen , Grzywkone de Mikolaiovo Sochaczouień , Nicolao de Trambki Gostineń , Iudicibus . Ioanne Ieszy Vexilifero , Abrahamo de Kretkovic Dapifero Sochaczouień , Goliasz Marscalco nostro , & Stanisław Cancellario nostro Visneń , qui praesentia habuit à nobis in commissis .

DE STATV MONACHORUM & Canonicorum regularium.

Ex antiquis.

Compaternitatem à Monachis & Monialibus contrahi districtius inhibemus , statuantes , vt si aliqua claustra Monialium ad inopiam tantam deuenierint , quòd ipsi de prouentibus Monasterii sustentari non possunt , & ab amicis panem , vinum , denarios , vel aliquid huiusmodi transmittatur eisdem , non hac prius recipiant , quàm Abbatis & Magistræ suæ id significant , vt de eius arbitrio , quod de hoc quod missum est fieri debet , statuatur , & labores earum veniant in comune . Idem de Monachis volumus irrefragabiliter obseruari .

Nullus Monachus in Abbatem , vel ad aliquod officium , nisi dudum professus fuerit , assumatur : & si aliter sunt assumpti , à suis remoucantur officiis , & alii substituantur eisdem : quod de Monialibus etiam decernimus obseruandum .

Nouitii iam adulti , si post annum probationis in manus Abbatis facere professionem recusauerint , de Monasterio expellantur . Quod etiam de Monialibus obseruetur .

Præcipimus , vt Abbates , Præpositi , Priores Monachorum , Ca-

CONSTITV: SYNOD.

rum, Canonorum regularium, necnon Abbatissæ, Magistræ, & Priorissæ Monialium tam in seipsis, quàm in subditis, prout cuiuscunq; spectat ad officium, vitam & conuersationem exhibeant, ac habitum deferant regularem, seipsos ac suos subditos habentes, præcipuè quæ ipsorum professioni obuiant, & ordinis honesti non congruunt, puta, circa exquisitum ornatum, vel notabilem excessum in vestibus, cibis, & potibus, equitaturis, & lectisterniis, annulis, & similibus superfluitatibus, seu taxillorum, alearum, & saccorum ludis, & co-rearum lasciuiis, totaliter cohibentes, iuxta dispositionem suæ regulæ, & sacrorum Canonum instituta, sollicitè prouidentes, quòd nullus Monachus vel Canonicus regularis, seu Monialis, nisi ratione administrationis, seu officii possessionis, redditus, vel aliquid quicquam proprii habeant: quinimò illud quod cuiuslibet singulari personæ ex suo labore vel artificio, aut parentum amicorum suorum largitione obuenit, superioribus manibus offeratur, vt per ipsius prouidentiam circumspectam, emolumentis huiusmodi communicatis, singularem personarum necessitas subleuetur. Apostatasq; suos requirant & repetant, ac ipsos carcerum pœnis afficiant, & voluntariè reuertentes paternè suscipiant, salua semper pœnitentia regulari. Adiicientes, quòd mitris magnis ad modum personarum secularium non vtantur. Et quoniam quidam religiosi tantummodò suæ nationis seu idiomatis personas, & non alias, ad ordinem recipere frequentius consueuerunt: & cum in hoc non debeat acceptio fieri personarum, volumus & statuimus, vt quascunq; personas, dummodo sint idoneæ, cuiuscunq; nationis vel idiomatis fuerint, indifferenter suscipere teneantur, & ad hoc faciendum per suos Ordinarios compellantur.

Et quia inhonestum existit, quòd Canonici regulares, vel Monachii, diuersis vestibus vestiantur, cum ex hoc proueniat inuidia, murmur, & scandalum inter ipsos, statuimus, quòd
omnes

omnes Monastica vel regulari Canonica, & sub eadem professione morantes, indifferenter vno & eodem vestiario induantur: prohibentes expressè, ne quis eorum vestes aliquas alius coloris, nisi tantummodò albi vel nigri, seu grisei, habere præsumant. Quibus brutnicum, glaucum, rubrum, leonatum, & alium quencunq; pannum notabiliter delicatum interdicimus vniuersis, vt vestes nō habeant breuitate vel longitudine deformatas. Qui verò in prædictis excesserint, per suos Diocesanos vel superiores castigentur, salua discretionem, vel distinctione diuersorum ordinum seruata inter Monachos siue Canonicos, siue conuersos.

Et quia, sicut audiimus & vidimus, quidam Monachi & Canonici regulares, sicut Clerici & laici seculares consueuerunt incedere, in animarum suarum periculum & scandalum plurimorum, præcipimus, vt Canonici regulares, sine superpiliciis vel tunicis lineis seu cappis clausis, Monachi verò sine cappis aut cucullis seu scapularibus, extra domos suas, de cætero non incedant, nec etiam intra domum. Si verò contra facere præsumperint, administrationem habentes, eam ipso facto amittant, & Monachus siue Canonicus regularis per Abbatem, Priorem, Præpositum puniatur. Et si negligens fuerit, per Episcopum suppleatur.

Statuimus, vt à die quatuor Coronatorum, vsq; ad diem Natalis Domini, à carnibus, omnes Monachi cuiuscunq; sint ordinis, præter infirmos & debiles, & delicatos, cum quibus Abbates discretionem præuia poterint dispensare, abstineant: omnibus diebus absq; Dominicis ieiunantes. Poterit tamen Abbas ex causa, cum aliquibus, vt aliquando bis comedant, dispensare: nec comedant ter in die nisi pueri & infirmi, vel qui in refectorio degent à Septuagesima vsq; in Pascha, quantum ad esum carniū.

Idem præcipimus firmiter obseruari, ne comedant extra domos suas in Parochiis, nisi quando procuratio ab aliqui-

CONSTITV: SYNOD.

bus debetur eisdem. Canonicos regulares, suam regulam regulariter præcipimus obseruare. Præcipimus etiam, quòd nullus Canonicus regularis, diebus Lunæ & Mercurii, carnes in refectorio comedat, nisi festum fuerit nouem lectionum.

Similiter silentium in claustro & dormitorio firmiter præcipimus obseruari. Horis debitis & statutis, in loco, vbi admiuus duo vel tres Monachi aut personæ regulares Canonicæ commorantur: ita scilicet, quòd nullus audeat loqui, nisi voce adeò submissa, quod tertius audire non poterit, vel non possit.

Quoniam sicut audiuius, quidam Monachi, & Canonici regulares aliquorum Monasteriorum consueuerunt extra septa Monasterii tam pateuter quàm latenter, tam turpiter quàm damnabiliter per terram sæpiùs diuagari. Statuimus, quòd nullus, excepto Capellano, & illis quibus ex necessitate administratio competit, septa Monasterii sui exire audeat, nisi priùs ab Abbate, Priore, vel Præposito: & si Abbas, vel Prior, aut Præpositus præsentés non fuerint, ab eorum Vicariis vel aliis potestatem habentibus, eis specialiter licentia sit concessa: quibus Abbas seu Prior, vel Præpositus, vel eorù Vicarii, sine causa necessaria vel rationabili exeundi licentiam non concedant, nec etiam obtenta licentia sine socio quispian exire præsumat. Si verò Abbates, Priores, Præpositi, vel alii regulares Prælati, seu eorum Vicarii, in aliquo præmissorum negligentes inuenti fuerint, vel remissi, per suspensionis vel maioris vindictæ sententiam à Diocæsanis suis se nouerint puniendos.

Prohibemus, ne Monachi vel Canonici regulares Ecclesiis ad curam recipiant, vel conducant, aut sine licentia Diocæsanorum Episcoporum vel aliorum Ordinariorum in Parochialium Ecclesiarum Capellis existant, sed ad sua Monasteria redeant, & donec redierint alibi non celebrent.

Si quis

Si quis religiosus inuentus fuerit cum canibus & auibus venatoriis, cuiusq; occupanti conceduntur à nobis.

Matthiæ Drzeuicii. Anno 1530.

Sacra Synodus ad bonum publicum decreuit exequutioni demandandum Statutum Prouinciale Petricouicē cap: I. de concess: præben: circa finem in nouis, vt scilicet Abbates in generali Academia suis sumptibus quottannis scholares fouere teneantur. Alioqui contrafacientes pœna Statuti per dominos Ordinarios puniantur, secundum Statuti eiusdem dispositionem.

Ibidem. Anno 1532.

Ecclēsia sancta charitatem communem omnibus Clericis esse volens, ac discordiarum fomitem remouens, distinxit, Statuto Ecclesiastico per diuersos ordines, ita vt alter in alterius messem falcem suam non mitteret. Quia tamen religiosi, præsertim mendicantes, seu obseruantes, norma contemplationis & prædicationis non contenti, iura Plebanorum curatorum plerunq; præripiunt, in sacramētis populo suæ curæ nō subiecto ministrandis, in casibusq; reseruatis absolueudis. Decernit itaq; sancta Synodus, vt quilibet sui ordinis officia & non aliena administret: in aliena officia præter Ordinarii admissiōem se non immiscendo, sub pœna excommunicationis.

Ibidem. Petri Gamrati, Anno Domini, 1542.

Decreuit hæc sacra Synodus, vt Abbates & Prælati religiosi, iuxta Statuta Prouincialia & constitutiones Synodales, seruent fratres ordinum suorum in studio generali Craco.

CONSTITV: SYNOD.

Cracouiē. Alii verò de maiori Polonia in studio Poſnani-
enſi, præter Trzemeſzneſ & Vagroueceſ, qui Craconiæ ſu-
os fratres tenere debent. Quod quidem facere teneantur Ab-
bates prædicti, hinc ad ſex menſium decurſum, ſub pœna de-
cem marcarum pecuniarum, annis ſingulis per Lociordinari-
os repetenda, & ſtudio Cracouiē applicanda.

Eiuſdem. ibidem, Anno 1544.

PRæterea, cùm Synodus ſupplicaret diligenter ꝛmis Do-
minis Archiepiſcopo & Episcopis, ne in confirmandis
electis Abbatibus & Præpoſitis, quorumcunq; ordinum ſeſe
difficiles, prætextu eiufdem constitutionis Regni, præbeant:
Maximè cùm experientia edoctrum ſit, rem ipſam fore admo-
dum Monaſteriis ipſis damnoſam, & libertati Eccleſiaſticae
contrariam, fueritq; per actus contrarios eidem constitu-
tioni contrauentum. Promiſit libenter ꝛmus Dominus Archi-
epiſcopus, & promittit, quantum in ſe eſt, daturum ſe ope-
ram, vt in deſuetudinem conſtitutio illa veniat, & Præpoſi-
tum Miechouiē, Abbatemq; Vagroueceſ, confirmaturum
ſe omnino recepit.

Nicolai Dzierzgouii. Lanciciæ, An-
no Domini, 1547.

SACRA Synodus Statuta vetera innouando decreuit, quòd
Priores & Guardiani Eccleſiarum Conuentualium exem-
ptarum & non exemptarū, quorumcunq; ordinum, illos quos
muneri prædicandi vel confeſſionibus audiendis præficient,
Lociordinario ſingulis annis præſentare teneantur, ſintq; ad-
ſtricti deinceps.

Eiuſdem. Petricouiæ, 1551.

ILLE quoq; grauis & antea inauditus iniuriæ iſtus Monaſte-
rius videtur eſſe inſlictuſ, ab eis, qui deberent iura ac priui-
legia

legia ipsorum manutenere, & illibata custodire, ea tamen illis
 sapius ab illis irritantur & infringuntur, dum scilicet ab eis-
 dem in Abbatis, titulo Commendarum, vel etiam Coadiu-
 toriarum, seculares personæ, regulam nunquam professæ, de
 facto intruduntur, reuera non Monasteriorum neq; deuotio-
 nis causa, sed duntaxat, vt cupiditati & ambitioni illorum
 satis fieret. Quare decreuit sacra Synodus, vt æmi domi-
 ni Locorumordinarii, officii sui, quod tuendis iuribus Mo-
 nasticis debent, sint memores: & ipsi ab intrudendis quouis
 modo & titulo in illa secularibus personis abstineant, & per
 alios quoscunq; id fieri non patiantur. Sed occurrente cuius-
 cunq; Abbatæ, aut Præposituræ regularis vacatione, præ-
 cludendo viam improbo & ambizioso huiusmodi ingressui,
 statim vt intellexerint de vacatione Abbatæ talis aut Præpo-
 situræ, viros maturos de gremio sui Capituli, pro die consti-
 tuta electionis, ad Monasteria sic vacantia mittant, qui hu-
 iusmodi electioni intersint: diligenterq; Conuentus Mona-
 steriorum admoneant, vt ad Abbatis aut Præposituras sic
 vacantes, viri pii, graues, & exemplares, regulæq; periti, ac
 vitæ sanctimonia conspicui, & ad res gerendas idonei eligan-
 tur & promoueantur. Si verò tales Conuentus merè, liberè,
 ac simpliciter, Secularem, in sacris tamen constitutum, po-
 stulare mutuo consensu voluerint, talis non prius benedica-
 tur, nec eius electio seu postulatio approbetur, quoad pro-
 fessionem omnium substantialium regulæ in manibus Ordini-
 arii sui, habitu prius regulari & tonsura susceptis, solenni-
 ter fecerit.

Cæterum, attendens sacra Synodus, religiosos, qui speci-
 ali voto alicui regulæ atq; ordini se obstringunt, ab actiua vitæ
 & curis mundi huius solutos, soli q; illi cœlesti vitæ esse man-
 cipatos, orationi & contemplationi vacare debere: Proinde
 decreuit, vt omnino Monasteriorum & Conuentuum Ab-
 bates & Præpositi, cæteri q; patres regulares, de instituendis

CONSTITVT: SYNOD.

in sacris literis suis fratribus in Monasteriis eorum curam habeant, & vt binos & binos singulis bienniis in vniuersitate Cracouensi, vt bonis imbuantur literis, ex præscripto Statutorum Prouincialium foueant, diligenterq; curent, vt ex studio reuocati, aliquem diligentiarum suarum fructum proferre, cumq; in Monasteriis suis aliis fratribus declarare valeant, aliquos in sacris literis authores probatos prælegendo. Ipsi quoq; Monachi & religiosi certis horis, quæ illis ab officiis diuinis supersunt, lectioni & recitationi diuinarum scripturarum intendant, & in illis se exerceant: ita, vt urgente necessitate, inde ad regendas plebes, & ad prædicationem verbi Dei, administrationemq; sacramentorum, de licentia suorum superiorum, per Lociordinariorum, iuxta dispositionem iuris communis assumi, & in partem sollicitudinis curæ animarum vocari valeant.

Et quoniam in nonnullis Monasteriis priuilegia & tales dotationes reperiri dicuntur, per quæ illa Monasteria ex fundationum ordinationibus, ad seruandum certum puerorum numerum Nobilium, arbitrio Ordinariorum deputandorum obligantur: ob id decreuit Sacra Synodus, vt singuli Ordinarii in suis Dioccesibus omnium Monasteriorum Priuilegia, certo ad id electo competenti tempore, per se aut aliquos, de medio Capituli sui ad id deputatos, reuideant, & ita diligenter superintendant, & sedulo curent, vt vbi vel in spiritualibus, vel in temporalibus ipsorum Priuilegiorum vsus intermissus fuerit, communicato consilio & assensu illius ordinis Commissariorum vel superiorum, Priuilegia ipsa in eorum dispositione conseruentur. Si autem aliqui Abbates suorum Priuilegiorum vsus huiusmodi amisisse per negligentiam reperti fuerint, super hoc Ordinarii sufficiens examen & informationem recipiant: ac vt id, quod neglectum est, in vsus & executionem deducatur, cum Capitulis suis prouideant.

Ex eisdem

Ex eisdem, Eiusdem.

Commissarii & visitatores Monasteriorum, sic visitationes suas obeant, quod Monasteria ipsa non grauent sumptibus: Veniantq; illuc non magno comitatu sed mediocri; iuxta præscriptum suorum Statutorum: & visitatione citra omnem moram absoluta, non amplius illic immorantes discedant: & vacante Abbazia sine præsentia dominorum de Capitulo eius Diocesis, in qua est situm, deputatorum, ad electionem futuri Abbatis procedere deinceps non præsumant.

Eiusdem. Lanciciæ 1556.

Ad Abbantias autem & Præposituras regulares (ad quas quorundam secularium Clericorum recipi solet damna- bilis ambitio) non nisi regulares & professi, iuxta dispositionem iuris communis deinceps eligantur, & non aliis per Ordinarios benedicantur: in ipsosq; domini Locorum ordinarii diligenter, iuxta veteres constitutiones Prouinciales, intendant, vt scilicet regulariter & sine scandalo viuant, habitumq; & tonsuram sui ordinis deferre non erubescant.

Fratres verò sui ordinis studere volentes, in studiis generalibus seruentur, & in Monasteriis certum numerum scholarium, & magistros, qui eos ac nouitios fratres eorum ordinis doceant, iuxta dispositionem eorundem Statutorum Prouincialium dudum super hoc editorum, teneant & habeant.

Capellas etiam suorum Monasteriorum, maximè Parochiales Ecclesias seu Præposituras, pensionibus indebitis non grauent, nec illis onera aliqua in eorum colatione seu præsentatione imponant: Quandoquidem sine aliqua diminutione conferri debent sacerdotia huiusmodi. De quo Reuerendissimi domini Locorum ordinarii, vt super hoc diligenter in suis Diocesisbus intendant, Synodaliter sunt admoniti.

Z ij

De Capellis

DE CAPELLIS MONACHorum. Ex antiquis.

NVllus religiosus cuiuscunq; ordinis continuè deferuire valeat in Parochialibus Ecclesiis secularium vltra octo dies, absq; illius Parochialis Ecclesiæ Ordinarii licentia speciali. Qui verò tales scienter vltra dies octo, loco Capellanorū ad celebrandū, vel Ecclesiastica sacramenta ministrā te nuerint, aut sustinuerint, sint ipso facto ab omniū ordinū executione suspensi. Quæ suspensio per Diocesanos Episcopos (imposita tamen eis primitus super huiusmodi excessu seu transgressionem pœnitentia competenti, ac iniuncto sibi, quòd in talibus vltèrius non excedant) valeat relaxari.

DE IVRE PATRONATUS. Ex antiquis.

AD extirpandam illam detestabilem corruptelam quorundam Ecclesiarum patronorum, qui Rectoribus eorum defunctis, spoliant domum & Ecclesiam rebus mobilibus & interdum immobilibus, in salutis propriæ dispendium & scandalum plurimorum. Statuimus, vt siue laicus siue Clericus hoc facere præsumpserit, sit à iure præsentandi ea vice suspensus, & Lociordinarius conferat Ecclesiam ista vice: vterq; etiam scilicet præsentans & præsentatus excommunicetur, & arctius euitentur, donec debita satisfactioe restituant sic ablata.

Detestanda quorundam patronorum seu aduocatorum cupiditas, in tantum metas suæ potestatis excedit, quòd cum aliqua Ecclesiastica beneficia vacare contigerit, quorum ad ipsos ius pertinet patronatus, nullam idoneitatem præsentandarum personarum, siue Ecclesiarum siue plebium utilitatem attendentes: sed imitatores quærunt Clericos Simonis successores, quos recepta ab eis certa summa pecuniæ siue de ipsa in

ipsa in posterum perfoluē, aut promissione de remittendis sibi vel non repetendis etiam ab eis decimis, vel aliis Ecclesiæ iuribus, aut quodsi eis displicentiam fecerint, Ecclesias ipsas dimittere, & literas præsentationis & institutionis suarum ipsorum manibus tradere teneantur, aut similibus pactionibus præmissis, demum eos instituendos Episcopo repræsentant. Ne igitur huiusmodi execrabile genus mercationis ius sibi vendicet de cætero, contra Canonicas sanctiones, hoc sancto approbante Concilio definimus, quod patronus Clericus vel laicus, qui ex conventionem vel pacto quolibet præmissorum, vel simili, deprehensus fuerit aliquem præsentasse, eo ipso pro illa vacatione ius præsentationis amittat, & protunc beneficium huiusmodi per eum, ad quem ipsius institutio pertinet, conferatur: præsentatus verò taliter, non solū eodem beneficio sit indignus, sed ipso facto reddatur inhabilis ad sacros ordines, & ad quævis Ecclesiastica beneficia obtinenda.

Ex Novis.

IN beneficiis Iurispatronatus laicorum ad Ordinarium devolutis, ius commune servetur. Pro scamnis autem, Cathedralis, & locis prioribus & honestioribus in Ecclesiis Parochialibus, materiam iurgiorum nobilitati sæpenuerò præbentibus: volumus, ut nobilitas in foro Ecclesiastico experiat, quorum differentia vel potioritate Iurispatronatus, cum patronos in Ecclesia præ cæteris honorare oporteat: aut xxx annorum præscriptione longissima, per Iudicem Ecclesiasticum terminetur.

DE CENSIBVS ET EXACTI- onibus. In Synodo Lanciciensi prima.

Ex novis.

DEcrevit Synodus, ut iucundus ingressus, qui vſitatori vocabulo, receptio in Ecclesiam, dicitur, detur iuxta an-

quam consuetudinem: modo id non procedat ex pacto, sed ab recepto exigatur. Pecunia autem taliter recepta, ad ornamenta Ecclesiæ conuertatur, & ratio de ea fiat domino Ordinarioloci & Capitulo.

In eadem.

Insuper constituit, vt grossi pro quitantiis à dantibus denarium S. Petri per collectores seu succollectores ad id constitutos non exigantur. In quo commisit Synodus Reuerendissimum dominum Episcopum Wratislaviensem collectorem eiusdem denarii per nuncium D. suæ auisari. Alioquin decreuit hoc summo Pontifici aut Cameræ Apostolicæ referendum, & rogandum, vt hoc prohibeatur, quia iste grossus nec in ratione computatur apud agentes Cameræ, nec ad vllam sedis Apostolicæ utilitatem per succollectores exigitur, magno cum præiudicio Cleri.

In Synodo Lanciciensi secunda.

Arduis & legitimis persuasi rationibus, statuimus & interdicimus perpetuò, quòd deinceps nullus Ordinarius beneficium nouum super censibus in vim redemptionis, dictis vulgariter Widerkoffy, erigere: nec Clerici cuiuscunque ordinis & status prædictos census emere, vel augere, in bonis ad expeditionem bellicam obligatis valeant in futurum: antiquis beneficiis duntaxat exceptis, ad quorum conseruationem noui & veteres census annecti & incorporari possunt. Maxime si summæ censuum capitales à censitis restituerentur, & pro eis noui census pro conseruatione antiquorum beneficiorum emerentur. Contrafacientes, hac pœna puniendi, vt si capitalis summa ad centum florenos vel infra se extendit, illam perdant: si supra centum florenos, tunc pœna centum florenorum puniantur.

In eadem.

Item. Statuimus, vt bonæ Ecclesiarum, Episcopatum, & benefici-

beneficiorum per Archiepiscopum, Episcopos, & quoscunq; Clericos, etiam regulares, non arendentur deinceps quibuscunq; personis.

In eadem.

ET quoniam pleriq; iudices Ecclesiastici, eorumq; Cancellarii & Notarii, in exigendis salariis, pro iudicialibus & extraiudicialibus processibus & literis, sicut experientia docet, nimium se reddunt onerosos, vt oppressi subditi huiusmodi extorsiones nequeant supportare, & pleriq; causas eorum malunt derelinquere indefensas, quàm onus talium depectationum sustinere. Quod vel ex eo euenit, quia in Diocesisbus Prouinciarum nostrarum non est taxa vniformis processuum, sed alibi maior & onerosior, & alibi minor. Nos igitur attendentes, quòd parentes debent thesaurizare filiis, non deliciis fastigiosis eorum substantiam absorbere, ac cupientes pro diuersitate causarum & litigantium facultatem, certum modum deficium, supportabilem & vniformem omnibus iudicibus Ecclesiasticis, etiam Archiepiscopis & Episcopis, eorum Cancellariis, Curiae auditoribus, Officialibus, Notariis & Tabellionibus, in omnibus nostrae Prouinciae Diocesisbus, de cætero obseruandum statuere, hoc sacro approbante Concilio, elegimus & deputauimus quatuor viros idoneos, videlicet, Ioannem Choinski Cracouien, Ioannem Gorski Posnaniens Archidiaconos: Georgium Myszkowski Canonicum Gnesens, vtriusq; Iuris Doctores, & Felicem Naropinski Canonicum Vladislauien, qui taxas omnium Diocesum in viam formam generalẽ in tota Prouincia nostra obseruandam redigerent & moderarentur. Qui obtulerunt nobis taxam Ecclesiae metropolitanae Gnesens, inter alias minorem & honestiorem, quam adhuc in plerisque locis fecerunt moderatiorem. Quam in vim & formam Statuti

Prouinci-

C O N S T I T V: S Y N O D.

Prouincialis inferi decreuimus, ab omnibus iudicibus præfatis eorumq; Notariis inuiolabiliter obseruandam: quam deinceps non Ecclesiæ tantum, sed totius Prouinciæ Guesneñ taxam dici & nominari volumus perpetuo & in æuum. Cōtrasfacientes, pœna dupli parti læsæ, & pœna Synodali Ecclesiæ maiori applicanda, per superiorem irremissibiliter puniē. Cuius tenor taxæ sequitur.

Taxa Processuum Iuris, Consistorii Spiritualis.

IN causis Ordinariis Citatio, vnus grossus, siue sit vnus vel plures Iudices apud Episcopos. Apud Officiales, medius grossus. Contumacia siue contra vnū siue contra plures, vnus grossus. Aggrauatio, duo grossi: reaggrauatio, tres grossi: cōtra participantes quatuor grossi. Interdictū quodlibet, & quotquot sunt personæ, sex grossi. A qualibet absolutione prædictarum censurarum, duo grossi. Instrumentum appellationis sedecem grossi. Remissoria pro examine testium, sex grossi: pro examine cuiuslibet testis super simplici propositione examinati, duo grossi. Si verò super articulis quantumuis magnis, sex grossi. Si super interrogatoriis, nihil, si dantur ad numerum tredecem, vltra generalia, quæ in hoc numero tredecem computari non debent, sed tantum specialia. Si autem supra tredecem, tunc pro quolibet interrogatorio vnus grossus. Copiæ pro viginti quatuor rigis in media carta ex vtraq; parte scripta vnus grossus. Ab oblatiis & admissionibus quorūcunq; processuum, nihil. A notis iudicialibus apud Ordinarios, medius grossus. Apud forancos Officiales sex denarii. A notis obligationum & constitutionum, vnus grossus. Commissio sex grossi. Commenda simplex, quatuor grossi. Crida cum Cōmenda, sex grossi. Significatoria pro institutione, quatuor grossi. Exequutoriales sine sententia, sex grossi: cum sententia, duodecem grossi. Et in beneficialibus in pergamento, vnus florenus. Pro transsumpto senten-

pto sententiæ definitivæ ad Curiam Romanam vel alibi trahi-
 portando, in pergamento & sigillo appenso, vna marca. Au-
 thoritas audiendi confessiones, duo grossi. Indultum ad
 copulandum, duo grossi. Ad celebrandum extra Ecclesiam,
 sex grossi. Carnes manducandum ex necessitate, duo gros-
 si. Dimissoria, duodecem grossi. Subdelegatio causæ, duo
 grossi. Pro confirmationibus testamentorum, si testamen-
 tum continet centum florenos, vna sexagena. Si supra cen-
 tum, ad quamcuiq; summam non vltra quinq; floreni. Hoc
 prouiso, quod paruus excessus supra centum, non augeat ta-
 xam. De institutionibus & prouisionibus beneficiorum mos
 antiquus & bulla Prouincialis seruetur. Pro erectionibus
 beneficiorum à marca prouentus, medium florenum. Pro
 registro in vno folio papyri, duo grossi: ita quod medietas
 folii contineat rigas vigintiquatuor, & non minus, & scriba-
 tur scriptura comprehensua non extensa. Citatio Aposto-
 lica, vnus ferto. Si in ea est insertio Commissionis, aliàs sex
 grossi: & hoc si est in pergamento. Nam ab ea, quæ est in pa-
 pyro, absq; insertione Commissionis, quatuor grossi. Ci-
 tatio per appellationem, sex grossi. Citatio cum inhibiti-
 one, duodecem grossi. Citatio cum Compulsoria, duodecem
 grossi. Compulsoria cum inhibitione, duodecem grossi.
 Contumacia Apostolica & appellationis, sex grossi. Ag-
 grauatio, octo grossi. Reagguatio, decem: & contra par-
 ticipantes, duodecem. Interdictum quodlibet, & quotcunq;
 personas contineat, quindecem grossi. Absolutiones tam
 in Apostolicis quàm in appellationum causis soluantur secun-
 dum proportionem & taxam censurarum. Compulsoria,
 sex grossi. Inhibitio, sex grossi. Remissoriales pro exa-
 mine testium, octo grossi. Pro instrumento remissionis cau-
 sæ ad priorem iudicem, habentem vim definitivæ sententiæ,
 media marca: si non habet vim definitivæ sententiæ, quindecem
 grossi. Si à definitiua, vna marca. Citatio ad exeque-

dām sententiam, sex grossi. Exequutoriales, si in eis vna sententia inferatur, vna marca. Si duæ sententiæ, duæ markæ: & sic consequenter. Subdelegatio causæ, quatuor grossi. Commissio ad causam, duodecem grossi. Absolutio cum inhibitione, media marca. Item. In causis, quæ regestrantur, non soluantur notæ. Et si partes concordent, antequam regestrum scriptum fuerit, tunc procuratores tenentur ad solutionem notarum.

IN Causis Legationis natæ seruientur omnes taxæ prædictæ, quas in causis Apostolicis & Appellationum seruari decreuimus: hoc excepto, vt pro Commissionibus & Citationibus cum insertione querelæ, in forma Conquestus, vel sua nobis, ditiores soluant mediam markam: & pauperes quindecim grossos.

In eadem.

Item. Satuimus, si Iudices appellationis in vna Ciuitate cum Iudicibus, à quibus appellatum est, morari contigerit: tunc acta coram Iudice, à quo est appellatum, in dispendium partium regestrari non debent. Sed originalia ad Iudices ad quos appellatum est, Notarius causæ transportare tenebitur, à qua transportatione habebit tres grossos. Si autem in diuersis Ciuitatibus & locis eosdem morari contigerit, tunc etiam acta, quantumuis multarum instantiarum non regestrantur, sed transportentur originalia de loco ad locum: exceptis actis instantiæ vltimæ quæ regestrantur, & regestrata transportentur: originalibus penes Iudicem instantiæ vltimæ remanentibus.

DE MODO SOLVENDÆ

Contributionis. Ex Constitutionibus Dre-
uicii. 1 5 3 o. Petricouixæ.

IN solutione contributionum deinceps constituendarum
sancta

sancta Synodus rationem habere voluit, ad feuda Ecclesiarum. Itemq; ad ea bona vel decimas, quæ in gratiam cuiuspiam à quoquam datæ & concessæ fuerint, aut dabuntur in futurum, vt in solutione contributionis, quando eam laudari contigerit, eadem feuda & quæcunq; gratiæ, pro portione sua defalcantur, teneanturq; eorum feudorum vel gratiarum possessores, ad soluendum eandem contributionem: ita vt eam soluant, ad valorem prouentuum suorum feudorum, & gratiarum, seu estimationem illorum.

QVOMODO IN EXACTIONE Contributionis procedendum contra beneficiatos, præsentés vel absentes.

DEcreuit etiam Synodus, vt cùm durum sit pro exolenda contributione cum his agere, qui vel dignitate Episcopali præditi, beneficia Ecclesiastica possident, vel alioquin procul absunt, contra eorundem beneficiorum quoscunq; factores seu procuratores per censuras procedatur: vt id quod Contributionis nomine debetur, integrè ad Collectores perueniat.

Petrus Gamratus. Petricouix. 1 5 4 2.

QVia nonnulli Rectores Parochialium Ecclesiarum salaria Vicariis eorum ab antiquo constituta diminuere, (vt augeant sua commoda) consueuerunt: & cùm Presbyteros ad curam animarum exercendos idoneos minori precio habere non possunt, minus idoneos & quales possunt constituunt. Vnde vltra notam auariciæ qua arguuntur, multa alia scandala proueniunt, & negligentia in cura animarum admittitur. Statuit hæc sacra Synodus, nihil præter antiquam consuetudinem ab ipsis Rectoribus esse innouandum: & sala-

CONSTITV: SYNOD.

ria huiusmodi Vicariis suis & ministris Ecclesiarum, iuxta morem veterem liberè fore dimittenda.

Idem. Petricouia. 1544.

Diligentiùs cauebunt Reuerendissimi domini Archiepiscopus & Episcopi, ne ad ferendum defensionis subsidium nomine Cleri priùs consentiant, donèc omnia Priuilegia, iura, libertates & immunitates Ecclesiasticæ, à quibus non parùm discessum est, restituantur, & in exequutionem ponantur. Quandoquidem ordo secularis non priùs consentit ad contributionem pro Regni defensione, ad quam illi de iure obligantur, nisi priùs exigant aliqua statuta pro libitu suo: multò magis conuenit, vt Clerus priusquam subeat onus subsidii, cui iure diuino & humano non est adstrictus, etiam contendat & adigat, iura, Priuilegia, & libertates suas in robore conseruari, & vt debitæ exequutioni demandentur: quod literis Regiis & decreto Conuentus firmandum erit.

Nicolaus Dzierzgouius. Petricouia, Anno Domini 1551.

AD obuiandum nouo grauamini, quo Clerus affici incipit à quibusdā Ordinariis, Contributionem extra Synodum Prouincialem instituentibus in suis Diocæsesibus: inhærendo decretis in Synodis prioribus factis, decernendum statuit, & decreuit hæc sancta Synodus, vt nullus Ordinariorum extra Synodum Prouincialem generalem quamcunq; & quocunq; nomine Contributionem appellatam in sua Diocæsi, sub pœna arbitraria per Synodum Prouincialem imponendam, statuatur neq; decernat: nisi Capitulum & Clerus Diocæsis, visa Ecclesiæ necessitate, vel Pastoris sui, ad eam constitutionem expressè consenserit. In Synodo verò Prouinciali, vel etiam in Diocæsana, aliqua vrgente necessitate euidenti, quotienscunq; Contributio aliqua decerneretur, illam
quisq;

quisq; Ordinarius inprimis soluat in manus Collectoriū, per Lociordenarios cum Capitulis eligendorum. Alioquin ad soluendum eam Contributionem, nullus de Clero cogi debet. Collectores verò per Episcopos & Capitula deligendi, debent esse iurati: & qui huiusmodi Contributionem nemini præter scientiam & assensum Episcopi & Capituli extradere audebunt.

Ex eisdem. Eiusdem.

Q Via Vicarii Ecclesiarum omnium Cathedralium, præter VVladislauiē, immunes sunt & exempti à Contributionibus, quoties decernuntur. Quare decreuit Synodus, vt Vicarii quoq; VVladislauiē prædicti aliis æquiparentur, à Contributioneq; instar aliorū immunes habeantur.

Eiusdem. Ex eisdem.

D Ecreeuit insuper Sacra Synodus, vt Succollectores eo modo deputati, pecunias Contributionis ad Metropolitanas & Cathedrales Ecclesias semper deferant, & in manus generalium Collectorum consignent, ac rationem eisdem Collectoribus sufficientem faciant. Generales verò Collectores pecuniam omnem ex Contributione totius Diocesis collectam, in Capitulis deponant, ac rationem sufficientem coram Capitulis, præsentibus tunc specialibus Ordinariis Nunciis ad id deputatis, faciant. In Synodo verò Prouinciali tunc proximè futura, singula Capitula per Nuncios suos eidem Synodo de Contributione percepta rationem reddere erunt obstricti. Ad quamquidem Contributionem persoluebant sacra Synodus Reuerendissimum dominum Archiepiscopum Leopoliē, & eius Suffraganeos, & vniuersum Clerum: similiter Reuerendissimos dominos Episcopos magni Ducatus Lituaniæ, & eorum Clerum, decreuit esse obligatos.

CONSTITVT: SYNOD.

Omnes autem pecuniarum summas ex Contributione collectas, ad requisitionem Reuerendissimi domini Archiepiscopi Gnesnensis, Capitula dictarum Ecclesiarum suæ D. Mæ, mittere tenebuntur. Reuerendissimus autem dominus Archiepiscopus eandem totam Contributionem in thesaurum Sacræ Maiestatis Regiæ consignari curabit.

DE SVFFRAGANEIS.

In Synodo Petricouien̄ quarta.

DEcreuit Sacra Synodus, vt Episcopis titularibus, qui vulgo Suffraganei appellantur, consecrantibus & ordines conferentibus, Notarii pro formatarum exactione se deinceps temperent: quibus idcirco is modus exigendi præscribitur, vt à literis Formatæ Acoliti, vnum: Subdiaconi, duos: Diaconi, tres: Sacerdotis, quatuor grossos recipiant. Alioquin, in contrafacientes, pœna excommunicationis Concilii Prouincialis lata est ipso facto. Suffraganei verò, consecrationes, ordinum collationes, insuper Basilicarum, altarium, Cimiteriorum, aliorumq; locorum, vestium & vasorum consecrationes gratuitò faciant: & non amplius quàm procurationem, hoc est, alimoniam sui, personarum, eorumq; suorum necessariam, & non superfluam, in eodem loco percipiant. Quos domini Lociordinarii honestis stipendiis, ne egeant, prouidere tenebuntur.

DE CONSECRATIONE

Ecclesiæ vel Altaris.

SI Ecclesiam pollui humani sanguinis aut seminis effusione, aut publicè excommunicatum in ea scienter sepeliri contingat:

contingat: ipsius Ecclesiæ Cimiteriū, si contiguum sit eidem, censetur esse pollutum: & antequam per Episcopum reconcilietur, in ea non debeant diuina celebrari, vel aliquis sepeliri.

Ex nouis Ioannis Laski. In Synodo
Petricouicē quarta.

EXecrationes sacrorum locorum, iuri communi innitendo, Sacra Synodus, propter Clerum simplicem, tunc contingere declarat, cū aut sanguis humanus abundans ex vi illata in sacro loco effunditur, etiamsi in terram effluere non permittatur, vt potè, cū in scutellam vel vestem recolligatur, aut si fortè quispiam, absq; sanguinis effusione, illic interfectus, vel enormiter fustigatus percussusq; sit. Vel cū semen humanum in sacro loco libidonosè effusum sit, præmissorumq; sufficiens probatio appareat. Execratorem autem arbitrio Lociordinarii puniendum: qui in pœna infligenda rationem habebit personæ, loci, temporis, & delicti.

De Celebra-

DE CELEBRATIONE

Missarum, & officiorum Diuinorum.

CVM celebratio Missarum, & potestas clauium ligandi & soluendi, non ex vita & merito, sed ex officio dependeat Sacerdotū. Ideo statuimus, vt si quis laicus vel Clericus vtriusq; sexus, cuiuscūq; dignitatis, religionis, vel status existat, ausus sit, præsumptione damnabili, publicè prædicare, vel occultè docere, credere, vel tenere pertinaciter, quòd Sacerdos in mortali peccato existens, non possit conficere corpus Christi, seu si sit ligatus, quòd non possit soluere vel ligare suos subditos à peccatis, pro incredulo & hæretico habeatur: quem errorem huius sacri Concilii approbatione damnamus, & damnatum dudum nunciamus, anathematizamus, & penitus reprobamus.

Damnamus insuper, anathematizamus, & reprobamus omnes articulos Ioannis Vickleff, Ioannis Hus, & sequacium eorundem: & præsertim errorem illorum, qui eadem præsumptione damnabili, audent publicè prædicare vel occultè docere vel tenere, quòd de necessitate salutis laici sunt communicandi sub vtraq; specie, scilicet, panis & vini: qui error per decretum sacri Concilii Constantien̄ est damnatus. Quod sequitur in hæc verba.

Decretum Sacri Concilii Constantiensis, de
Communione sub vtraq; specie,

IN nomine sanctæ & indiuiduæ Trinitatis, Patris, & Filii & Spiritus sancti. Amen. Cùm in nonnullis partibus quidam temerariè asserere præsumant, populum Christianum debere sacrum Eucharistiæ Sacramentum sub vtraq; panis & vini specie suscipere. Et non solum sub specie panis, sed etiā sub specie vini populum laicum passim communicant, etiam
post cœ-

post cœnam, vel aliàs non ieiunum, & communicandum esse pertinaciter asserunt, contra laudabilem Ecclesiæ consuetudinem rationabiliter approbatam, quam tanquam sacrilegam dâmnabiliter reprobare conantur. Hinc est, quod hoc præfens sacrum Constantiense generale Concilium in Spiritu sancto legitimè congregatum, aduersus hunc errorem salutis fidelium providere satagens, matura plurium doctorum tam diuini quàm humani iuris deliberatione præhabita, declarat, decernit, & definit. Quod licet Christus post cœnam instituerit, & suis Apostolis ministrauerit sub vtraq; specie panis & vini hoc venerabile Sacramentum, tamen hoc non obstante, sacrorum Canonũ autoritas laudabilis, & approbata consuetudo Ecclesiæ seruauit, & seruat, quod huiusmodi Sacramentum non debet confici post cœnam, neq; à fidelibus recipi non ieiunis, nisi casu infirmitatis, vel alterius necessitatis à iure vel ab Ecclesia concessio vel admissio. Et sic hæc consuetudo ad vitandum aliqua pericula & scandala est rationabiliter introducta. Et licet in primitiua Ecclesia huiusmodi Sacramentum reciperetur à fidelibus sub vtraq; specie, postea tamen decretum fuit, vt à conficientibus sub vtraq; specie, à laicis verò tantummodo sub specie panis suscipiatur: cum firmissimè credendum sit, & nullatenus dubitandum, integrum Christi corpus & sanguinem tam sub specie panis, quàm sub specie vini veraciter contineri. Vnde cum huiusmodi consuetudo ab Ecclesia & sanctis Patribus rationabiliter introducta, & diutissimè obseruata, sit habenda pro lege, quam non licet reprobare, aut sine Ecclesiæ autoritate pro libito innouare. Quapropter, quod hanc consuetudinem aut legem obseruare sit sacrilegum aut illicitum: censeri debet erroneum, & pertinaciter asserentes oppositum præmissorum, tanquam hæretici arcendi sunt, & grauiter puniendi per Diocœsanos locorum, seu Officiales eorum, aut inquisitores hæreticæ prauitatis, in Regnis seu Prouinciis, in quibus contra hoc decre-

tum aliquid forsan fuerit attentatum aut præsumptum, iuxta
 Canonicas & legitimas sanctiones in fauorem Catholicæ fi-
 dei, contra hæreticos & eorum fautores salubriter adinuen-
 tas. Datum Constantiæ die sexta Mensis Iulii. Anno Do-
 mini, Millesimo quadringentesimo decimo quinto.

Ex antiquis.

SI cui per nos, aut Suffraganeos nostros aliquid concedi-
 tur, quòd in altari viatico diuina coram ipso possint of-
 ficia celebrari, non in loco ventoso, seu aliquo periculoso, vel
 inhonesto, hoc fieri debere intelligimus. Vnde si quis Pre-
 sbyterorum occasione concessionis huiusmodi contra præ-
 missa, diuina celebrare præsumperit, eo ipso incurrat pœ-
 nam Synodalem.

Plures Missas vna die, excepta solennitate Na-
 talis Dñi, Sacerdoti celebrare non licet.

Prohibitum Constitutionibus Canonicis inuenimus, vt
 nullus Sacerdos plures Missas debeat dicere vna die, ex-
 cepta solennitate Natiuitatis Domini, & in casibus speciali-
 ter reſeruatis. Quia tamen Sacerdotum auaritia, ausu te-
 merario, vt plures oblationes capiant, in diuersis Ecclesiis
 præsumunt dicere plures Missas, præſenti Statuto firmi-
 ter prohibemus, vt nullus Sacerdos de cætero, duas Missas v-
 no die, nisi vt præmittitur, audeat celebrare: contrarium fa-
 ciens, ad arbitrium superioris puniatur. Item, abusum il-
 lum, qui in quibusdam Ecclesiis solitus est obseruari, videli-
 cet, quòd Presbyter cantato Introitu, & Kyrieleson, in v-
 no altari, mox ad aliud ad id faciendum se conuertit, & sic de-
 inceps. Et cum hoc auaritiam sapere videatur, propterea
 abusum prædictum penitus reprobamus. Adiicientes, quòd
 duæ vel plures Missæ, vbi voces mutue se confundunt, in
 vna

vna & eadē Ecclesia, simul & semel nullō modo decantentur.

Ordinamus etiam & statuimus, vt deinceps, nedum in Cathedralibus, verū etiam in Collegiatis Ecclesiis, omnes horū Canonice, per Vicarios ipsarum Ecclesiarum decantentur, vt eo amplior ad Ecclesias populi deuotio excitetur.

Quodq; in altari maiori cuiuslibet Ecclesiæ Cathedralis, non nisi Canonicus eiusdem Ecclesiæ Missam audeat celebrare: nisi per consuetudinem in aliquibus Ecclesiis contrarium sit introductum.

Cūm Doctor gentium, lumenq; gloriosum Ecclesiæ afferat, vnicuiq; nostrum gratiam à Domino datam, quam non conuenit alicui, maximè in sortem Domini vocato, in vacuum recepisse: propter quod miramur & dolemus, de nonnullis nostræ Prouinciæ Episcopis, Abbatibus, Præpositis, ac aliis Clericis, dignitates, personatus, officia, Canonicatus, & alia Ecclesiastica beneficia, curam præsertim animarum habentia obtinentibus, qui & si sacris Canonum institutis vrgentibus, ad sacros Clericorum ordines promouentur, aliqui tamen gratiam, quam in collatione prædictorum ordinum assequuntur, sacrarum videlicet Missarum officia, in quibus nostræ redemptionis recensetur memoria, in suæ salutis ac animarum, pro quibus huiusmodi offerre tenentur sacrificia, dispendium, raro vel nunquam non sine graui scandalo celebrando exequuntur, ac si propter alicuius criminis latentis obstaculum, ab exequutione Sacerdotalis officii, suspendi viderentur. Cūm autem beneficium datur propter officium, in quo præcipuè circa frequens ministerium venerabilis Eucharistiæ Sacramenti, Deo dignè & laudabiliter seruiatur, hoc sacro approbante Concilio, volentes hunc torporem à Prælati & Clericis huiusmodi virga seu baculo pastoralis animaduersionis excutere, statuimus, vt de cætero Episcopi, & Abbates, Præpositi, & alii (vt præfertur) Ecclesiastica beneficia, qualiacunq; sint, obtinentes, Subdiaconi

C O N S T I T U T I O N E S S Y N O D I.

ad Diaconatus, & Diaconi consequenter ad Presbyteratus gradum, impedimentis Canonice cessantibus, infra vnus anni spatium ascendere non postponant. Dum verò in Sacerdotio fuerint constituti, infra sex mensium decursum, à tempore quo Presbyteratus ordinem susceperint: Hi verò, qui actu sunt Sacerdotes facti, à die publicationis præsentium, infra similem sex mensium terminum, vel si eo citius fieri poterit, ad prædictorum ordinum executionem, videlicet ad peragenda veneranda Missarum officia, tam reuerenter, quàm deuotè, iuxta suum Apostoli seipsum probando, præparare debeant, ac totiens de illo pane edere, & de calice bibere, quotiens & quando hoc ipsis Deus inspirauerit, & suæ ac proximi salutis putauerint expedire: ita tamen, vt si frequentius id fieri commodè non possit, saltem in festis maioribus anni, nisi forent Canonico impedimento prohibiti, quod suo superiori, vel de ipsius licentia confessori idoneo reuelabunt, deuotius sicut poterint officiare teneantur. Transgressores autem huius salubris constitutionis, si Episcopi fuerint, pro quolibet anno in centum, si Abbates non exempti in viginti quinque marcis vsualibus, Præpositi verò & alii beneficiati, præsertim curam animarum habentes, decimam partem fructuum beneficiorum, pro media parte fabricæ illarum Ecclesiarum, vbi beneficiati fuerint, residuam verò pro exequutore præsentis nostræ constitutionis, loci scilicet Ordinario, vel cui hæc sollicitudo commissæ fuerit, conuertenda, præsentis irrefragabili Statuto decernimus puniendos. Ad cuius sollicitam fideliumque obseruantiam Episcoporum nostrorum, & aliorum vices ipsorum gerentium, qui pro tempore fuerint, conscientias oneramus.

Ex Nouis. In Synodo Lanciciensi
prima & secunda.

Perpetuo prohibemus edicto, ne Clerici nouiter ordinati, ad

ri, ad nouas Missas mendicent per se, vel alium, seu alios, cum Cleri totius scandalo, leuitate, & dedecore, ac contra Canonicas sanctiones. Et non plus quàm vna die in conuiuijs primitiarum se occupent. Contrafacientibus, pœna arbitraria imponenda.

In Synodo Petricouieñ prima.

NEx varietate, quæ in Pontificalibus antiquis inuenitur, aliquando error committi valeat, ob rubricarum defectum, Statuimus, quòd de cætero Pontificale iuxta ritum Romanæ Ecclesiæ, tempore bonæ memoriæ Innocentii octauæ Papæ impressum, in conferendis ordinibus, & consecrationibus Episcoporum, virginum, & benedictionibus, officiisq; diuinis, & aliis ceremoniis in tota prouinciâ obseruetur. Salua tamen consuetudine rationabili in aliquibus Ecclesiis, præsertim illa, ne concelebreetur per ordinandos Sacerdotes in ordinum collatione, suo Episcopo ordinanti. In Missa etiam ablutio manuum post præfationem fieri poterit. Ac sermo post Patrem, & confessio in vulgari, loco latini post sermonem, & tunc publicatio indulgentiarum, quas Pontifex concedit, per prædicatorem fiat. Benedictiones etiam solennes ante Agnus Dei consuetæ, & post Missam nihilominus priuatæ: ac solennitates, circa introductiones pœnitentium publicè, more consueto fieri poterint.

In Eadem.

HOC etiam præcipimus, vt omnes Spirituales in peragendis Missis, & horis Canonicis, Rationale diuinorum, quantò magis poterint, iuxta suæ Diocesis ritum bonum se conforment. Quem libellum omnis curatus, & cui facultas suppetit, Statuta Prouincialia, Sacramentale, Summam Angelicam habere, & iuxta doctrinam bonam in ipsis traditam viuere curent.

CONSTITV: SYNOD.

In eadem.

Statuiamus præterea, iuri innitentes, ne Clerici alienarum Diœcesum, sine literis commendatitiis sui Episcopi ministrare permittantur, aut sui Vicarii generalis: transgressores pœnis condignis puniendi. Literas autem tales gratis decernimus eis dandas.

In Synodo Lanciciensi prima.

ET quia nonnulli indocti Sacerdotes, legere nescientes, & aliquando Pseudosacerdotes non ordinati, consueverunt Missas legere adeò demissa voce, vt nequaquam à populo astante audiri possunt, hac arte insufficientiam suam tegendo: & quod est peius, Corpus Domini non consecrando, idololatriamq; committendo, quo ira Dei prouocatur, & populus astant ludificatur, meritisq; condignis defraudatur. Quare Synodus constituit, vt Missæ lectæ à Sacerdotibus, eleuata voce & sonora legantur, vt ab astantibus benè audiri possint, sub pœna suspensionis ab officio. Consueverunt etiam nonnulli Sacerdotes parum morati, abstergere sudorem in capite & facie, illo sacullo, in quo calix seruari solet, cum magna nausea astantis populi: quod etiam Synodus a modo facere prohibuit. Rogauitq; Dominos Ordinarios locorū, vt ista in Diœcesi sua quisq; prohibeat & prouideat.

In eadem secunda.

Item. Statuimus, vt Ordinarii mittant Processus per Diœceses, mandantes Plebanis & aliis Clericis quibuscunq; vt non admittant ad celebrandas Missas, & diuina officia, Presbyteros peregrinos, vagos, & ignotos. Ac etiam Monachos non mendicantes quorumcunq; ordinum, Apostatas similiter vagos & ignotos. Contrafacientes pœna Synodali irremissibiliter puniendi.

Ex Statutis

Ex Statutis Matthiæ Drzeuicii, Petricouïæ,

Anno 1530.

QVoniam iura disponunt, beneficium dari propter officium, ad horas deniq; Canonicas, Domino Deo veluti certum pensum quotidie persoluendas, quemq; beneficii possessorem arctissimis vinculis esse obstrictū. Altero namq; quod patrimonio Christi beneficio scilicet seruatur, altero quidem ordine sacro, cui horæ Canonicae annexæ sunt insignitus. Pleriq; tamen Clerici, etiam insignes, tantam de se Domino Deo obligationem minimè curantes, in graue animarum suarū periculū, inq; decoris Cleri perniciem, maliciosum illum seruū Euangelicum imitati, qui talentum lucri faciendi causa à Domino sibi commissum habens, in terram defodit, nullum Domino fructum, quin potius ex negligentia datus, sibiq; ob hoc Domini cum perniciē indignationem attulit, tamen horarum diuinarum censum minimè persolvere, idq; præciosum talentum à Domino Deo lucranda causa illis commissum, negligere non horrescunt. Proinde hæc sacra Synodus dominos Ordinarios orat, hortatur, atq; corū conscientiaē iniungit diligenter, in Clero, eos tales perquirant, ac iustis ex arbitrio eorum pœnis percellant, quo & hi etiam inuiti in Dei nomine ad debitum obsequium adigantur. Aliiq; tantam insanam animi indulgentiam exemplo pœnæ diffugiant.

Nicolai Dzierzgouii. Petricouïæ, Anno

Domini, 1551.

STatutis prioribus inherendo, decreuit sancta Synodus, vt nullus Presbyterorum in aliqua Ecclesia, sine licentia Prælati eiusdem Ecclesiæ, audeat peragere sacra, & verbum Dei prædicare, sub pœna Synodali.

De Baptismo

CONSTITVT: SYNOD.
DE BAPTISMO.

Ex antiquis.

Baptismus cum honore & reuerentia celebretur, & cum magna cautela, maximè in distinctione verborum, & prolatione, in quibus tota virtus Sacramenti consistit, scilicet, Ego te baptizo in nomine Patris, & Filii, & Spiritus sancti. Amen. In vulgari laicos doceant Sacerdotes frequenter, qualiter cum opus fuerit debeant baptizare, patrem & matrem etiam pueri in summa necessitate, similiter doceant posse baptizare. Dicant etiam laicis, quòd nomen puero non imponant. Forma autem verborum prædicta ab eo qui baptizat, integrè, continuè, ordinatè, & sine interpositione aliqua proferatur. Interrogetur autem laicus, qui sic ipsum baptizauit diligenter à Sacerdote, quid dixerit, quid fecerit, & si cum inuenerit modo discreto, & debito baptizasse, allato puero ad Ecclesiæ fores, suppleatur quòd deest, scilicet, pabulum salis, & aurium linitio cum saliuâ, & tunc à Sacerdote nomen puero imponatur. Exorcismi tamen non dicantur: sed super fontem, sine immersione tamen, omnia fiant, quæ solent fieri. Si verò dubium fuerit sub qua forma puer baptizatus fuerit, tunc Sacerdos omnia faciat, & immergens dicat: Si tu es baptizatus, ego te non rebaptizo: si autem non es baptizatus, ego te baptizo, in nomine Patris, & Filii, & Spiritus sancti. Amen. Ad eleuandum puerum de fonte, duo tantum patrini recipiantur. Vnus etiam, vel vna sufficit.

*Vide decretū
Conc: Trid.
Et Agenda
nuper edita.*

Ex Constitutionibus Nicolai Dzierzgouii.

Petricouix, 1551.

Ruteni aliique Schismatici, quicumque ad gremium & vniōnem sanctæ matris Ecclesiæ venire, & sacrum baptismā suscipere voluerint, baptizentur iuxta formam in Pontificatū contentam.

De custo-

DE CVSTODIA EVCHARISTIA. Ex antiquis.

STatuimus, vt in cunctis Ecclesiis, Eucharistia, Crisma, Soleum Sacrum, aqua Baptismi, sub fidei custodia, sub seris, & reuerenter obseruentur, ne possit ad illa temeraria manus extendi, pro nefandis aliquibus exercendis. Si vero is ad quem spectat custodia, ea incautè reliquerit, tribus mensibus ab officio suspendatur: & si per eius incuriam aliquod nefandum inde contigerit grauiori subiaceat ultioni.

Relinqui nolumus incorrectum, quòd quidam Clerici Ecclesias sic exponunt suppellectilibus propriis & etiam alienis, vt potius domus laicæ quàm Dei basilicæ videantur, non considerantes, quòd Dominus in Euangelio non sinebat, vt vas transferretur per templum. Sunt autem alii, qui non solum Ecclesias dimittunt incultas, verumetiam vasa ministerii & vestimenta ministrorum ac pallas altaris, necnon & ipsa corporalia tam immunda reliquunt, quòd interdum aliquibus sunt horrori: firmiter prohibemus, ne huiusmodi suppellectilia in Ecclesiis reponi admittantur, nisi inter hostiles incurfus, aut incendia repentina, seu alias necessitates vrgentes, ad eas habeatur refugium: sic tamen, vt necessitate cessante res in pristina loca reportetur. Præcipimus quoq; vt altaria, vasa, corporalia, ac vestimenta prædicta, munda & nitida conseruentur. Nimis enim videtur absurdum in sacris sordes negligere, quæ dedecere etiam in profanis. Et ideo contrarium faciens, pœnam vnius marcæ incidit ipso facto.

Ex Statutis Nicolai Dzierzgouii. Louicii,

Anno 1556.

CVm per incautam custodiam, Sacræ Eucharistiæ Corporis Dominici, & aliorum Sacramentorum, sicut experientia

C O N S T I T U T I O : S Y N O D.

perientia didicimus, nephariis hominibus quandoq; præstatur ad sacrilegia & maleficia occasio. Proinde Statutū vetus de custodia huiusmodi decreuimus innouandū, vt Rectores, custodes, & vicecustodes, seu vt vocant Sacristę Ecclesiarum ciboria seu sacraria, vbi recondunt Sacrosanctum Corpus Domini nostri Iesu Christi, similiter Oleum sacrum, & Crisma, necnon fontem baptismalem, in bona clausura & custodia seruent, & clauēs sacrarii ipsi penes se vel abditō loco in Ecclesia sub pœna carcerum, & suspensionis ab officio, & beneficio ad vnius anni decursum, teneant, ne ad illa cuiq; facilis pateat aditus. Alioqui, si cuius incuria aliquod eiusmodi nefandum (quod absit) facinus, per impios admissum fuerit, grauiori animaduersione ferientur. Locorum autem Archidiaconi, seu illi ad quos visitatio Parochiarum de iure vel consuetudine spectat & pertinet, de custodia huiusmodi diligenter perquirant, & illam videant, vt si minus cautē aliquem id obseruari compererint, tales seu talem ad Locorum ordinarios deferant irremissibiliter puniendos. Similiter Rectores ipsi Ecclesiarum, & eorum Vicarii, seu illi ad quos administratio Sacramenti Eucharistię pertinet, vt illam reuerenter, & nō tumultariē communicantibus distribuant, & videant diligenter cui illā administrent, vultumq; pecoris sui agnoscant, ne scilicet alienis Parochianis, & ignotis hominibus, eisq; peccata sua non confessis, nec diligenter, an veritatem Corporis Domini in ea contineri credant, examinatis, & conscientijs eorum minimē probatis, seu discussis, eam conferant & concedant, ac illa concessa statim ibidem in sui præsentia communicantes, ipsos ablutionem sumere faciant, sub pœna superiūs descripta.

D E O B S E R V A T I O N E I E - iuniorum. Ex antiquis.

AD hoc etiam prohibemus, ne quis adultus pariter & discretus,

secretus, ordinaria & statura ieiunia, vt quadragesimale, quatuor temporum, & vigiliarum, præsumat infringere, nec huiusmodi necessaria ieiunia, prætextu votiui & extraordinariū ieiunii, cū tale damnum tali lucro nolit Deus compensare, in alia ieiunia commutare.

Volentes succurrere erroribus, quos experientia docente didicimus temporibus nostris in aliquibus Diocæsesibus Gnesnē Prouinciæ exoriri, statuimus, quod vigilia beati Matthiæ Apostoli, si in dies Carnispriuii euenerit, quo ad ieiunium & alia, ab hominibus obseruetur, & in aliam diem per quempiam nullatenus transferatur.

DE ECCLESIIS AEDIFICANDIS. Ex antiquis.

Ecclēsiā seu basilicā, de nouo nullus ædificet, nec antiquā transferat, nisi per Episcopum vel eius Commissarium in locum structuræ ponatur lapis primarius benedictus: aliā ædificium diruatur, & ædificans temerarius Clericus vel laicus canonicè puniatur. Nec Episcopi socii Diocæsanorum, seu Vicarii, qui Suffraganei communiter appellantur, huiusmodi primarium lapidem ponant, maximè in locis, in quibus Ecclesiæ alias non fuerunt: nec ædificatas consecrent, sine Diocæsani licentia speciali: qui ex officio suo tenetur prouidere, ne Ecclesia errigatur sine dote congrua, luminaribus & ornamentis, & absque Ecclesiæ notabili detrimento. Cū autem eiusmodi Episcopo per Diocesanum committitur, vt in Diocesi sua Ecclesiarum construendarum primarios lapides ponat, seu constructas consecret, in tali generali mandato non comprehenduntur Collegiata Ecclesiæ, nisi de ipsis speciale fecerit mentionem. Talis verò Episcopus, nisi de speciali Diocæsani commissione, non potest ipsius subditos soluere vel ligare.

CONSTITVT: SYNOD.

Item. Cùm Episcopi fundant Ecclesias, aut fundatas dotare voluerint, statuimus, vt dos in perpetuam memoriam habeatur in scriptis, & sub sigillo Prælati & Patroni litera diligentiùs conseruetur. Si quæ autem pro vsibus eiusdem Ecclesiæ decimæ fuerint deputatæ, sub certa limitatione terræ, & quantitate valoris debent assignari, ita vt excreſcentiæ (si quæ forent) in posterum ad mensam Episcopi reuertantur. Hoc autem ad Ecclesias Cathedralis nolumus extendi.

Quicunq; beneficia Ecclesiastica obtinent, adiuuent ad recta Ecclesiæ reficienda, vel Ecclesias emendandas, & cum eis collectores Ecclesiarum, pro fabricis Ecclesiarum, quosquidem vitricos appellant, deputati, qui sint omni exceptione de plebe maiores: & eadem eleemosynas fidelium inconsultis Ecclesiarum rectoribus non expendant.

Ad decus & honorem Ecclesiarum Cathedralium attendentes, statuimus, quòd consuetudo in nostra Prouincia iam diutius obseruata, qua Pontifices duas, & Capitula Ecclesiarum Cathedralium tertiam, partes, pro fabrica Ecclesiarum contribuunt, robur obtineant perpetuæ firmitatis: ipsamq; hoc approbante sacro Concilio confirmamus. Et vt æqualitas cuilibet obseruetur, decernimus, quòd Capitula Ecclesiarum prædictarum, ponant beneficiis ipsorum iustam & ordinatam taxam: saluo, quod si ex iusta causâ contigerit Clero, pro subsidio fabricæ collectam imponi: illa ne alter præ altero prægrauetur, parte pro aliqua non debeat computari: sed ea non obstante nihilominus quilibet contribuat suam partem.

Ad diuini cultus ampliationem, ad viarum quoq; iniustitiæ ac controuersiæ præclusionem, quodq; Rectores Ecclesiarum & aliæ Spirituales personæ militantes Deo, curis se non implicent secularibus, carnalia spiritualibus, inutilia vtilioribus præferendo: volumus & ordinamus, quòd singulis annis infra octauas Natiuitatis Christi, aliquo dierum dictæ octauæ

ipsi Re-

ipsi Rectores, vel alii curati communiter & diuifim quilibet in Parochia fua, cum patrono Ecclefie, fi patronus ibi fuerit, & commodè adefle poterit, vt cum Parochianis vel faltem cum aliquibus de fenioribus Parochianorum, feu Parochiis duos viros de ftatu laicali fide dignos eligant, ac deputent: qui fic deputati viri Ecclefiaftici, vel vitrici Ecclefie nominati, ea quæ pro fabrica feu ftuctura, & aliis cenfibus, feu neceffariis Ecclefie quoquo modo à Chriftifidelibus offerentur; diligenter conferuent, & cum confilio Reftoris exponant fideliter, ac difpenfent: qui etiam huiusmodi oblata cum Reftoribus cuiuslibet Ecclefie defcribere perfonas offerentium, tempus, & quotam oblationem, ne ipsis apponi poffit vfurpatione, tenebuntur, & in fine anni fuis fuccefforibus, fic vt præfetur iterum electis, & Reftori Ecclefie, ac aliquibus de fenioribus Parochianis, de huiusmodi receptis & expositis, etiam fi ipsi de confenfu Reftoris & Parochianorum in eodem officio remanferint, fingulis annis rationem facere fint adftricti: ad quam etiam faciendam eos & eorum quemlibet obligamus. Et vt in præmiſſis ceſſet omnis ſuſpicio, & veritas appareat, volumus, quòd vnus liber feu quaternus penes Reftorem Ecclefie, & alter penes dictos viros duos Ecclefiafticos, in quibus libris ſiue quaternis, huiusmodi oblationum ſummæ, ac diſtributiones, ſiue diſpenſationes eorundem (vt præmittitur) conſcribantur, habeantur, remaneant, & ſeruentur: prauitatibus ſimonie, uſuræ, & cuiuslibet alterius impietatis, atq; dilapidationibus ceſſantibus penitus & ſemotis. Verùm ſi dicti viri Ecclefiaſtici, ſeu vitrici Ecclefie ſingulis annis rationem (ſic vt præmiſſum eſt) facere contempſerint, aut friuolè obmiſerint, Rectores Ecclefie triſſima monitione per ſe, vel fide dignos ipsis præmiſſa, Ordinarioloci, quando citiùs commodè poterint, ſub pœna Synodali, eoſdem denuncient, animaduerſione debita puniendos.

CONSTITV: SYNO D.
Nicolai Dzierzgouii. Petricouia,
Anno 1551.

ONera fabricæ Ecclesiarum Cathedralium, iuxta dispositionem Statutorum Prouincialium, principaliter incumbunt Reuerendis dominis Ordinariis, vt potè, qui duas illorum partes ferre obligantur: Ex consequenti verò Capitulis partem tertiam dare debentibus. Nihilominus tamen prauitate & vitio temporum iam inoleuit, quòd nonnulli domini Ordinarii, solutionem fabricæ non præstant: atq; ita neq; à Capitulis expenditur. Interea verò Ecclesiæ stillicidiis peruiæ corumpuntur, deformantur, & nisi maturè eis consultum fuerit, pleræq; breui collabentur. In quibusdam quoq; Ecclesiis, vt in Posuanicè & aliis, sunt quædam maiora onera, vt potè vestes, & vasa sacra, organa, cæpana, vinum, cæra, oleum, & alia, quæ domini Episcopi curare & ferre deberent, non tamen vt debent, aliquid ferre volūt, quin ea in Capitula reiiciunt. Quare decreuit Synodus, vt deinceps domini Episcopi, in ferendis tam fabrica, quàm aliis oneribus, non sint remissi & negligentes, quin ea quæ debent, liberè ferant, aut si ab istis oneribus liberi & absoluti in futurum esse velint, assignent Decimarum suarum Episcopaliū partem Capitulis, vnde talia onera supportent: quemadmodum in aliquibus Ecclesiis est factum.

DE IMMVNITATE Ecclesiarum. Ex antiquis.

Licet laicis in Ecclesias Ecclesiasticasue personas, ac eorum bona, omnis autoritas sit sublata, tam iure Canonico quàm ciuili: Nonnulli tamen laici nitentes in vetitum, immunitates eorum diuersis conatibus infringere moliantur. Nos super his volentes eorum ausum reprimere, auctoritate huius

huius sacri Concilii, sub obtestatione diuini iudicii & maledictionis æternæ, districtiùs inhihemus, ne de cætero ad huiusmodi temerarias manus præsumant extendere, quòd videlicet aliquem confugientem ad Ecclesiam, quantumcunq; maleficiũ commiserit graue, iudex laicus, seu quiuis alius, quam tamcũq; secularem dignitatem obtinens, seu potestatem exercens, de Ecclesia violenter præsumat extrahere, immunitatem Ecclesiæ taliter violando: Sed potiùs ad instantiam Rectoris Ecclesiæ, ad quam fugit, recurrat, vt eidem vitam & membra illæsa conseruet, & ipsum pecuniaria vel alia disciplina puniat mitiori. Nisi malefactor ad Ecclesiam fugiens publicus latro fuerit, vel nocturnus depopulator agrorum, aut si in ipsa Ecclesia vel eius Cimiterio homicidium vel membri truncationem sub spe immunitatis perpetrauerit: tales enim cuiuslibet immunitatis Priuilegio sunt indigni.

Item. Vt experientia rerum magistra demonstrante didicimus, secularis potestas ad tantum sãuire non veretur, quòd Episcopos ab ipsorũ sedibus bannit, proscribit, potenter expellit & persequitur: Ad extremum contra Deum & sacrorum Canonum sanctiones, ex quo sæpissimè ad tantam deuentionem egestatem, quòd in vilipendium Pontificalis dignitatis, non habent vbi caput reclinent, & vitam sustentent. Propter quod præsentis Concilii autoritate statuimus, & inuiolabiliter præcipimus obseruari, vt quotiescunq; alicui ex Episcopis Prouinciæ nostræ supra dicta, vel alterum illorum accidere contingat, alii omnes comprouinciales Episcopi in talibus persecutionibus ipsum consiliis, subsidiis, fauoribus, & auxiliis, posequi & adiuuare teneantur, vt ad suam sedem liberè reuertatur. Adiicientes, quòd, donec redire nequiverit, Episcopus comprouincialis quicunq; ad ipsius requisitionem secundum possibilitatem in suis donibus eundem procurare sit adstrictus.

Mandamus, vt Capitulum: Quoniam vt intelleximus: de
immuni-

C O N S T I T U T I O N E S S Y N O D I.

immunitate Ecclesiarum lib: sexto. publicetur: quod sequitur sub hac forma. Statuimus, ne quis impetratores literarum Apostolicarum, vel alios ad forum Ecclesiasticum recurrentes, super causis, quæ ad idem forum de iure vel antiqua consuetudine pertinere noscuntur, ad desistendum vel in foro seculari de quæstionibus huiusmodi litigandū, per eorundem iudicum Ecclesiasticorum, vel impetrantium seu litigantium, aut volentium litigare, aut propinquorum ipsorum, seu illarum rerum, aut Ecclesiarum suarum etiam captione, modisue aliis compellat, seu compelli faciat, seu procuret: nec per se, aliosue impediatur, quominus corā iudicibus Ecclesiasticis delegatis seu ordinariis querulantes de causis, quæ (vt præmissum est) ad cognitionem pertinent eorundem, possint publicè iustitiam obtinere, nec ad prædicta faciēda det auxilium, consilium vel fauorem. Si quis verò contra præsumpserit, excommunicationi se nouerit ipso facto subiaccere, à qua, nisi tam iudici, cuius cognitio fuerit impedita, integraliter, vel iurisditio usurpata, quā parti, quæ turbata in prosecutione sui iuris fuerit, de iniuriis, damnis, expensis, & interesse integrè fuerit satisfactum, nullatenus absoluator.

Eos qui temporale dominium obtinentes, suis subditis aliquando interdiciunt, ne Prælati aut Clerici, seu personis Ecclesiasticis, quicquam vendant, aut emant aliquid ab eisdem, nec ipsis bladum molant, coquant panem, aut alia obsequia exhibere, nec non aquam & pascua prohibent, cum talia in derogationem Ecclesiasticæ libertatis præsumant, eo ipso excommunicationis sententiæ decernimus subiaccere. Quod etiam ad eos, qui oblationes, ne liberæ fiant, inhibent directè vel indirectè, duximus extendendum.

Insuper statuimus, vt Capitulum: Quanquam, de censibus libro sexto, & Clementina, Præsenti, eodem titulo, ab omnibus publicentur & obseruentur, sub hac forma. Si vniuersitas, vel singularis persona Ecclesiæ vel Ecclesiasticas personas

personas compulerit soluere pedagia, vel guidagia, seu telonea, vel exactiones pro rebus suis; quas negotiationis causa non deferunt, vel pro personis, singulares sunt excommunicati, & vniuersitas interdicta, nec eis prodest contraria consuetudo: & per Diocesanos, quibus hoc constat, debent tales excommunicati publicè denunciari.

Excommunicamus omnes, qui de cætero seruari fecerint Statuta edita, & consuetudines introductas contra Ecclesiæ libertatem: nisi ea de Capitularibus suis infra duos menses, post huiusmodi publicationem sententiæ, fecerint ammoueri.

Item. Excommunicamus Statutarios, & scriptores Statutorum ipsorum, necnon potestates, consules, rectores, & consiliarios locorum, vbi de cætero huiusmodi Statuta & consuetudines Ecclesiæ fuerint obseruatæ: necnon & illos, qui secundum ea præsumperint iudicare, vel in publicam formam scribere iudicata.

Cùm ad ministrorum Ecclesiæ sustentationem, & subuentionem egenorum sint prouentus & res Ecclesiasticæ deputatæ, prohibemus, vt nulli cum turba vel exercitu in bonis & villis Ecclesiæ, quæ vtiq; absq; graui dispendio Ecclesiarum, & inibi habitantium destructione non modica nequaquam fieri possunt, faciunt stationes: Alioquin principales personæ barbarum vel exercituum prædictorum, ipso facto, monitione præmissa, sententiam excommunicationis incurrunt: & loca, ciuitates, castra, villæ, & oppida, quibus præsumunt, tam diu, donec satisfecerint, Ecclesiastico subiaceant interdicto.

Item. Cùm ad aures nostras frequens clamor peruenerit, quòd quidam nobiles & potentes tam laici quàm Clerici, sub specie hospitalitatis, bona Monasteriorum & Ecclesiarum, seu Ecclesiasticarum personarum, deuorant & deuastant nimis frequenter, & cum effrenata multitudine hospitantur, vt longioris temporis victum brevis hora consumat, sub pœna excommunicationis districtè præcipimus, vt omnes de Pro-

CONSTITV: SYNOD.

uincia Gnesnē, tam Clerici quàm laici, ab huiusmodi Monasteriorum & Ecclesiarum grauaminibus abstineant. Qui verò ab huiusmodi grauaminibus non abstinuerint, seu à prædictis Monasteriis vel Ecclesiis contra religiosorum vel secularium Clericorum voluntatem quicquam extorserint, vel ex vana seu simulata confidentia, annonam, seu alias res Clericorum, absq; eorum mandato contrectare præsumpserint, eisdem vsq; ad satisfactionem condignam, præmissa monitione, introitus Ecclesiæ denegetur. Episcopi tamen vel alii, quibus de iure vel approbata & præscripta consuetudine procuratio debetur, ipsum poterint recipere: Seruato moderamine Concilii generalis.

Quoniam nonnunquam Consules ciuitatum & Rectores, necnon & alii, qui habere potestatem videntur, tot onera frequenter imponunt Ecclesiis, vt deterioris conditionis factum sub eis Sacerdotium videatur, quàm sub Pharaone fuerit, qui legis diuinæ notitiam non habebat: ille quidem omnibus aliis seruituti subiectis, Sacerdotes & possessiones eorum in pristina libertate dimisit, & de publico eis alimoniam ministravit: isti verò onera ferè vniuersa imponunt Ecclesiis, & tot angariis eos affligunt, vt eis (quod Hieremias deplorat) competere videatur: Princeps prouinciarum facta est sub tributo. Vel quædam fossata, vel expeditiones, seu alia quælibet sibi arbitrantur agenda, de bonis Ecclesiarum & Clericorum & pauperum Christi vsibus deputatis, volunt facere cuncta compleri, & iurisdictionem etiam & authoritatem Prælatorum ita euacuant, vt nihil potestatis eis in suis videantur hominibus remansisse. Quocirca sub anathematis districtione fieri de cætero talia prohibemus. Si autem Consules aut alii de cætero ista commiserint, & commoniti desistere noluerint, tam ipsi quàm fautores eorum excommunicationi se nouerint subiacere: nec communioni reddantur, donec satisfactionem fecerint competentem.

Aduersus

Aduersus Consules, & Rectores ciuitatum, & alios, qui Ecclesias, & viros Ecclesiasticos taliis seu collectis, & exacti-
onibus aliis aggrauare nituntur, volens immunitati Ecclesia-
sticæ Lateranense Concilium prouidere, præsumptionem hu-
iusmodi sub anathematis districtione prohibuit: transgresso-
res & fautores eorum excommunicationi subiacere præcepit,
donec satisfactionem impenderint competentem.

Verùm si quando fortè Episcopus simul cum Clericis tan-
tam necessitatem vel vtilitatem prospexerit, vt absq; vlla co-
actione ad releuandas vtilitates vel necessitates communes,
vbi laicorum non suppetunt facultates, subsidia per Ecclesias
duxerint conferenda, prædicti laici humiliter & deuotè reci-
piant cum gratiarum actione. Propter imprudentiam tam-
en quorundam, Romanus Pontifex prius consulatur, cuius
intereſt communibus vtilitatibus prouidere. Quia verò nec
sic quorundam malitia contra Dei Ecclesiam conqueuit,
adiicimus, vt constitutiones & sententiæ, quæ à talibus vel
de ipsorum mandato fuerint promulgatæ, inanes & irritæ ha-
beantur, nullo vnquam tempore valituræ. Cæterum,
quia fraus & dolus alicui patrocinari non debent, nullus va-
rio decipiatur errore, vt infra tempus regiminis sustineat a-
nathema, quasi post illud non sit ad satisfactionem debitam
compellendus. Nam & ipsum qui satisfacere recusauerit, &
successorem ipsius, nisi satisfecerit, infra mensem manere de-
cernimus Ecclesiastica censura conclusum, donec satisfecerit
competenter: cùm succedant in onere, qui substituuntur in
honore.

Item. Cùm contra violatores Ecclesiarum vel Cimiteri-
orum poenæ sint à Canonibus constitutæ, & peccatis nostris
exigentibus, in hæc tempora deuenimus, quod à magnatibus
terræ, nec timor Deo, nec honor Ecclesiis impendatur: Præ-
cipimus, vt talibus, qui Ecclesias vel Cimiteria effractionibus
seu aliis rapinis violant, eis Diocesani Episcopi nullo modo

parcant, sed tales excommunicent, & excommunicatos denuncient ad satisfactionem condignam: & præcipue principi exercitus, per quem factæ fuerint: & si principum ibi nullus personaliter fuerit, tunc pœna specialiter promulgetur in illos, qui principales in exercitu fuerint: nec aliquo modo lata in eos sententia excommunicationis relaxetur, donec de damnis & iniuriis fuerit satisfactum. Is verò qui in Ecclesia, vel Cimiterio, aliquem grauiter læserit, vulnerauerit, vel occiderit, excommunicationis sententiam incurrat ipso facto.

Adhæc statuimus, & sub pœna excommunicationis iam prolata sententiæ prohibemus, vt nullus in villis Ecclesiæ, seu apud homines earundem villarum, podvodos accipere præsumat, nisi in tribus casibus: si videlicet traditio ducis, vel alicuius castri subita timeatur: vel si exercitus in terram ingrediens fuerit nunciatus: & in his scriptis casibus, qui ipsos podvodos acceperit, prima oportunitate sibi occurrente, sine qualibet fraude dimittat in eo loco & relinquat vbi ab his, quorum fuerunt, absq; difficultate possent reperiri. Qui autem præter hos casus, in villis, vel ab hominibus præfatis ipsas receperint, vel casu licito acceptas detinuerint, vel alienauerint, vel vsibus propriis aliquo tempore deputauerint, tamdiu in locis in quibus Diocesano expedire videbitur, denuncientur excommunicati, donec ipsis podvodis restitutis, damnum, quod inde ipsorum domini passi fuerint, ex integro persolutum sit.

In Synodo Petricouienfi quarta.

Ex nouis Ioannis Laski.

VT Nundinæ & fora annalia, & hebdomadalia, quæ in festis solennibus, forsan ex Priuilegiis, vel praua consuetudine, cum Dei indignatione, solita sunt in aliquibus locis contra præcepta diuina, & Ecclesiæ instituta celebrari, pro
dical-

die altera sequenti feriali, quo festum non celebratur, immer-
diatè transferantur & celebranda publicentur. Ad quod eti-
am Seculares vt inducantur, curandum erit, ne diuinæ maie-
statis indignationem, Canonum Statutorumq; Prouinciali-
um pœnas incurrere possint.

Decretum Synodale.

SI in Comitibus Regni publicis quandocunq; instaretur, vt
Clerus Priuilegia libertatum suarum, præsertim, de non
eundo ad bellum, publicè monstrare debeat temerè & absq;
causa, id Domini Archiepiscopus & Episcopi non faciant,
nisi subesset causa vrgens.

Ne Clerici & Monachi secularibus nego-
ciis se immisceant. Ex antiquis.

Multa sunt negotia secularia, de quibus pauca perstrin-
gamus, ad quæ pertinet omnis carnalis concupiscentia:
Quicquid plùs iusto appetit homo, turpe lucrum est: mune-
ra iniusta accipere, vel etiam dare, pro aliquo seculari quæ-
stu precio aliquem conducere: Conuentiones vel lites vel ri-
xas amare: in placitis secularibus disputare, excepta defensi-
one orphanorum aut viduarum: conductores aut procura-
tores esse secularium rerum, turpis verbi vel facti esse iocula-
torem, vel iocum seculari diligere, aleas amare, ornamen-
tum inconueniens proposito suo querere, & in deliciis viuere
velle, gulam & ebrietatem sequi, pondera iniusta vel mensu-
ras habere, negotium iniustum exercere. Nec tamen iniustum
negotium est dicendum, propter diuersas necessitates. Quia
legimus sanctos Apostolos negociatos fuisse, & in regula Be-
nedicti præcipitur prouideri, per quorū manus negotia Mo-

C O N S T I T V : S Y N O D.

pastorii procurantur : canes vel aues sequi ad venandum , & omnibus quibuscumque causis superfluis interesse. Ecce talia & his similia ministris altaris Domini , necnon & Monachis omnino contradicimus. De quibus ait Apostolus : Nemo militans Deo implicet se negociis secularibus.

Sed nec procuraciones villarum aut iurisdictiones etiam seculares sub aliquibus principibus & secularibus viris, vt iustitarius eorum fiat, Clericorum quisquam exercere presumat. Si quis autem aduersus hæc venire tentauerit, quia contra doctrinam Apostoli dicentis : Nemo militans Deo implicet se negociis secularibus : seculariter agit, ab Ecclesiastico fiat ministerio alienus, pro eo quod officio Clericali neglecto, fluctibus seculi, vt potestatibus placeat, se ingerit. Districtius autem decernimus puniendum , si religiosorum quisquam aliquid prædictorum ausus fuerit attentare.

Ex Nouis.

Decretum est, Clericos extra necessitatem victus & amictus negotiationibus sese immiscentes, Priuilegio Clericali, quo ad bona, quibus negociantur, iuari non debere, & insuper poena arbitraria esse puniendos.

C O N S T I T V.

CONSTITVTIO
NVM SYNODALI
VM PROVINCIAE
G N E S N E N S I S .
LIBER QVARTVS.



DE SIMONIA.

Ex Antiquis.



LICET Heli summus Sacerdos in se bē-
nus fuerit , quia tamen non ignorans filios
suos iniuste ac contra legem DE I agere,
prout ad eius spectabat officium, non cor-
rexit, cæsis in bello filiis, ipse de sella cor-
ruens fractis ceruicibus expirauit. Pro-

inde , ne aliena labe Episcopos nostræ Prouinciæ contami-
nari contingat : statuimus , & sub obtestatione diuini iudicii
præcipimus , quòd omnes Episcopi eiusdem nostræ Prouin-
ciæ, Suffraganeos, si eis opus fuerit, tales prospiciant, qui fā-
mæ bonæ, ac integræ opinionis existant , quodq; ipsi Episcō-
porum Suffraganei à consecratione Ecclesiarū, & altarium, ac
vavorum sacrorum , seu benedictione vestimentorum , & ap-
paramentorum ad diuinum cultum spectantium, nec directē,
nec indirectē , aut quolibet quæsito doli vel fraudis commen-
to , exigere quicquam , præter procuracionem à iure concef-
sam, sub

sam, sub interminatione maledictionis æternæ præsumant, sed ipsi Episcopi, eosdem suos Suffraganeos, certis stipendiis fulcitos habeant, & ipsis prouideant, vt statum habeant dignitati & ordini competentem.

Statuimus etiam, quòd Episcopi, aut eorum Suffraganei, ante reconciliationem Ecclesiæ vel Cimiterii, pro reconciliatione eorundem nullū faciant pactum, nec aliquam exigant solutionem, præter procurationem debitam expensarum. Reconciliatione autem facta, pœnam licitè poterint exigere à violatoribus Ecclesiarum vel Cimiteriorū, & contra ipsos procedere per censuras, quæ pœna sic exacta debebitur pro media parte Ecclesiæ Cathedrali pro fabrica, & pro alia media parte Ecclesiæ violatæ, si Episcopus procurabitur expensis Rectoris Ecclesiæ, vel alterius reconciliationem procurantis. Alioquin si Episcopus ipsam reconciliationem suis sumptibus faciet & expensis, sibi debebitur tota pœna, quam etiam reconciliationem Episcopus vel suus Suffraganeus requisitus, tenebitur facere infra tres menses. De pœna autem exigenda à violatoribus, arbitrio Diœcesani duximus relinquendum.

Veritatis est verbum organo Dominicæ vocis emissum, Gratis accepistis, gratis date. Proinde volentes Simoniacam hæresim de finibus nostræ Prouinciæ præsentī prouisione salutifera eminus propellere, & abusum, qui circa ordinationes Clericorum obseruabatur: Statuimus, quòd ab ordinandis Clericis, Acolitis, Subdiaconis, Diaconis, & Presbyteris, nulla fiat exactio pro formatis, nec pro examine & intutulatione. Portent tamen ordinandi secum ceram cum pergamento, in quo sibi formata conscribantur.

Licet sacris Canonibus, ne pro institutionibus aliquid exigatur, cautum sit, tamen Notarii Curiarum, tam nostræ, quàm Cœpiscoporum nostrorum, & aliorum Prælatorum, in exigendo salario, ex corruptella antiquitus introducta, met

tas rationis

tas rationis excedunt. Nos igitur grauamina Cleri nostræ Prouinciæ considerantes, & depactationes ipsius in inuestituris fore illicitas, quas licet in toto, prout optaremus, tollere non possumus, easdem saltem refrenare volentes, hac sacra Synodo approbante, prohibemus, quòd deinceps pro literis Inuestiturarum ad beneficia, quantacumq; magnitudinis redditum beneficium existat, dicti Notarii Curiarum ultra duos florenos auri Hungaricalis exigere non præsumant. Quodsi beneficium sit mediocre vel exile, salarium Notario diminuetur, & arbitrio Ordinarii cõmittatur, in quo conscientiam eius oneramus. Si quis verò Notariorum, in præmissa exactione excesserit, pœna dupli, ad requisitionem grauati per Ordinarium puniatur, per eundem in vsu pauperum conuertenda. Episcopus verò, qui ad requisitionem grauati huiusmodi Notarios in præmissis reformare infra mensem neglexerit, ab ingressu Ecclesiæ tamdiu sit suspensus, donec prædictam pœnam dupli, quam suus Notarius, vel alius suo nomine, ultra taxam impositam extorserat, in vsu pauperum Christi distribuat fideliter. Super quo conscientiam eius oneramus.

Nullus de non petendo beneficio ab ordinatore seu præsentatore, cautionem vel promissionem aliquã interponat, quia hoc Simoniacum est, & contra Canonicas sanctiones.

Verùm quia aliqui Sacerdotes ex simplicitate, siue iuris ignorantia, quidam ex avariciæ vitio, quod ferè omnium oculos excecavit, dum Eucharistiam, Oleum infirmorum, & Baptisma paruulorum, Crisma, Oleum sacrum, Sepulturam, aut alia Sacramenta Ecclesiastica, suis subditis administrant, precium extorquent ab ipsis: pro sui erroris & reatus defensione, longam illius loci consuetudinem prætendentes, nec aduertentes, quòd diuturnitas temporis, peccatum non diminuit, sed augmentat. Nos inhærentes Concilio Thuronensi, quod huiusmodi consuetudinem maximè detestatur, ne

CONSTITV: SYNOD.

pro huiusmodi, aut aliquibus Sacramentis conferendis, aliqua de cætero munera, quantumcunq; modica, per Sacerdotes, vel Prælatos, à suis subditis, tanquam debitum exigantur, sub pœna trium marcarum Synodali approbatione, huius sacri Concilii districtissimè prohibemus: nisi huiusmodi munera, spontè & charitatiuè à Christifidelibus offerantur. Volumus tamen, vt laici vtriusq; sexus, per Episcopos, aut Officiales eorum, ad consuetudines laudabiles, pia deuotione fidelium introductas, seruandas, per censuram Ecclesiasticam compellantur.

In Synododo Petricouienfi.

Ex nouis.

STatuimus etiam decernentes, quodsi Episcopi, & Suffraganei Prouinciæ huius, à consecrationibus quarumcunq; rerum, benedictionibus, reconciliationibus, aut formatis, directè vel indirectè, aut quolibet quæsito doli, vel fraudis cōmento exigent, præter procuracionem, & taxam à iure & Statuto Prouinciali concessam, pœna arbitrari per Archiepiscopum puniendos, in quo per Capitulum Ecclesiæ, aut per Vicarium accusabuntur.

Prouideantur tamen Suffraganei per suos Episcopos in victu & amictu, necessitatibusq; aliis, pro conditione eorū competentibus, quorū conscientia præsentibus sunt onerata.

Ne Prælati sub annuo censu, suas vices exponant.

QVamuis per sacrorum Canonum Statuta sit salubriter prohibitum, ne Prælati, vices & iurisdictiones suas, sub annua ponant pensione. Nonnulli tamen Prouinciæ nostræ Episcopi, & alii Prælati, iurisdictionem obtinentes, sprete sacris institutis, cupiditatis suę laxatis habenis, officia sua, & iurisdic-

& iurisdictionis exercitium, sub annuo precio locare Officialibus, seu Vicariis ipsorum non verentur, in subuersionem iustitiæ, & depaſtationem ſubditorum. Nos igitur talibus abuſibus viam præcludere cupientes, hac ſacra approbante Synodo ſtatuiſmus, quòd quicumq; Pontifex aut Præſatus huiusmodi officia aut iurisdictionem deinceps locare præſumpſerit, Epifcopus ſuſpenſionem à diuinis, inferior verò Præſatus excommunicationis ſententiam incurrat ipſo facto. Officialis verò ſeu Vicarius huiusmodi iurisdictionem conducent, eo ipſo etiam nouerit ſe ſententia excommunicationis innodatum. A quibus ſententiis, niſi priùs abſolutionis beneficiū, à nobis, vel à noſtris ſucceſſoribus valeant obtinere, donec vterq; eorum, tam Præſatus locans, quàm Officialis, ſeu Vicarius conducent iurisdictionem prædictam, ſummam pecuniarum, pro qua huiusmodi locatio facta fuerit, integraliter perſoluat, medietatem in vſus pauperum Scholarium circa Eccleſiam Cathedralē degentium, aliam verò medietatem pro fabrica cuiusdem Eccleſiæ diſpenſandam.

DE REFORMATIONE

Academiæ Cracouiſis. In Synodo

Lancicienſi prima.

QVoniam Vniuerſitas, ſeu Schola generalis Cracouiſis ſamatiffima, in amplitudine nominis ſui, propter nonnullas nouas, & ægrè tolerandas conſuetudines, promouendorumq; ad aliquos gradus inſolitas depaſtationes, in ipſa hac noſtra tempeſtate per incuriam temporum, pedetentim decreſcere videtur, cum magno dedecore & iactura Reipub: Placuit Synodo, vt Reuerendiſſimi in Chriſto Patres, dominini Archiepiſcopus Gneſneſi, & Cracouiē ac Præmiſſiē Epifcopi moderni, Cracouiā deſcendentes reformationem faciant, vigore Breuis Apoſtoliçi ad hoc habiti, om-

E c ij

nesq; il-

nesq; illas ineptias in ea natas tollant & depellant, faciantq; in omnibus ita bonam reformationem, quo Schola ipsa pristinae claritudini restitatur, & Scholares promouendi releuentur ab excogitatis & superuacaneis impensis circa promotiones suas. Et praesertim, vt ordinatio fieret noua, ad Collegiaturas & Lectores, talis, quae in eruditione faceret conditionem meliorem. Quodsi forsan omnes eò descendere nō possint, duo, vel vnus eorum id faceret: aut si forsan nullus ipsorum eò descendere posset, deputarent aliquos viros dignos & doctos, antiquarum consuetudinum illius Scholae scios, ad hoc faciendum: & quicquid facient, tota illa Vniuersitas æquo animo suscipere debeat & teneatur.

DE SCHOLIS, MAGISTRIS, & Scholaribus. In Synodo Lanci- cienſi ſecunda.

QVoniam Ecclesia Dei, sicut pia mater, prouidere tenetur, ne pauperibus, qui parentum opibus iuuari non possunt, studendi & proficiendi opportunitas subtrahatur, vt sic Respub: & Ecclesia doctrinis illuminetur, & virorum eruditorum ingeniis decoretur. Hoc sacro approbante Concilio decernimus, vt Locorum ordinarii non solum in Metropolitanarum, Cathedralium, & Collegiatarum Ecclesiarum Scholis, Rectores, Magistros in artibus seruent & foueant, foueriq; & seruari faciant, verumetiam in maioribus & minoribus oppidis Baccalaureos, vbi Magistri sustentari non possunt. In aliis verò locis inferioribus, Scholares maturos, idoneos & doctos: prouidentes, vt Rectores Scholarum seruent in Scholis idoneos, bene morigeratos, & in nimè licentiosos discipulos, quos dirigant bono regimine, & laudabili disciplina. Si autem aliqui essent ex eis incorrigibiles, eosdem Ordinarios, vel eorum Officialibus deferant puniendos.

In Syno-

In Synodo Petricouienſi quarta.

Ex nouis.

Scholares vagos, eos videlicet, qui Scholam derelinque-
rint, remiſſeq; & licentioſe vixerint, ex ciuitatibus,
& oppidis eſſe propellendos.

Petri Gamrati. Petricouiæ, 1 5 4 2.

Quia verò viam omnis virtutis & veritatis, Chriſtifi-
delibus, ab ipsis cunabulis inſtituendis, & rectè educa-
dis, per Magiſtros & Præceptores monſtrari conuenit, vt iu-
uentus Chriſtiana in Scholis triuiis, & doctrinis ſanis, & me-
lioribus imbuatur præceptis, cùm plurimùm referat, à iuuen-
ta, ſic vel ſic inſtitui: Decreuit hæc ſacroſancta Synodus, vt
omnes Scholæ particulares in tota Prouincia, in ciuitatibus,
& oppidis viſitentur diligenter per ſuos Plebanos, bis ad mi-
nus annis ſingulis. Et vbi Plebani in eiufmodi viſitatione
fuerint negligentes, Archidiaconi ſeu alii, ad quos viſitatio
pertinet, in ſuis viſitationibus de hoc inquirent, & ſi quid er-
roris negligentia Plebanorum in Scholis admiſſi deprehen-
ſum fuerit, id totum in Plebanos redundabit, per Ordinarios,
pro qualitate & quantitate erroris, pœna condigna puni-
endos,

Eiuſdem ibidem.

In quibus quidem Scholis, non legantur omnino libri
Martini Luteri, Melanthonis & ſequacium, ne ex eorū le-
ctione iuuentus ab ipsis incunabulis inſiciatur. Verùm legan-
tur in eiſdem Scholis & triuiis diligenter libri Euangeliorum,
Epiſtolæ Pauli, Catho Moralis, Iſocrates, Officia beati Am-
broſii, Decem Præcepta, Hymni, Sequentiæ, Aſcenſii offici-
um per quadrageſimam, Cicero, Vergilius, AEſopus, Opera
Senecæ, & alii Oratores, & Poëtæ approbati, & in fide Catho-
lica minimè ſuſpecti.

C O N S T I T V: S Y N O D.

Curentq; Archiepiscopi & Episcopi, eorumq; in Spiritu-
alibus Vicarii, omnes Scholas reformare diligenter, præfer-
tim Vniuersitatem studii Cracouiensis, velut matrem & alu-
mnam omnium Studioforum, in moribus & disciplina. Et
vt deinceps in vestibus secularibus & laicalibus non incedant,
sed gerant habitum decentem, Clericalem: & Rectores Scho-
læ, sub pœna trium marcarum, suscipere, aut seruare non
præsumant Scholares, solùm in vestitu Clericali. Rector ve-
rò Vniuersitatis studii Cracouiensis, sub pœna simili trium
marcarum Loci ordinario soluenda, Scholares studii Craco-
uiensis ad id compellat.

Eiusdem ibidem.

Inquiratur etiam diligenter per Archidiaconos, & inquisi-
tores, de Pædagogis in domibus Nobilium & Ciuium, ne
aliquos libros suspectos legant pueris eorundem, & eos in
sacra fide corrumpant.

Eiusdem ibidem.

Pro reformanda Vniuersitate Cracouiensi matre nostra,
& prouentibus Lectorum augendis, & aliunde vocandis,
Legistæ, & duobus literarum humaniorum Professoribus,
Reuerendissimus dominus Archiepiscopus Gnesnensis, inhæ-
rendo deliberationi in proximè præterita Synodo factæ, pro-
misit in hac sacra Synodo se daturum centum Ducatos auri
in auro, ratione Ecclesiæ Gnesnensis: Ratione verò Ecclesiæ
Cracouiensis, similiter centum in auro Ducatos. Cuius-
uiensis centum florenos in moneta per mediam sexagenam:
& Plocensis similiter etiam centum: Posnaniensis similiter
centum, per mediam sexagenam, ex Decreto & ordinatione
Synodi, æmo domino Posnaniensi, & reliquorum domino-
rum Episcoporum Nuncis consentientibus, dare, & soluere
debent.

debeant. Ad quod Capitula Ecclesiarum prædictarum consensus suos præstare polliciti sunt, attento, quod hoc sanctum propositum in totius Regni utilitatem publicam vergere dinoscatur: & quod absentes domini Episcopi admoneantur vigore præsentis Synodi, ut decretum præsens exequatur. Et Capitulorum consensus obtineant, sub pœna centum aureorum Vngaricalium, per Synodum seu alias Reuerendissimum dominum Archiepiscopum, à singulis exigenda ad unius anni decursum.

Domini verò Abbates in eadem Synodo præsentem, propter absentium aliorum Abbatum & Religiosorum, & quod ea de re cum fratribus suis tractatus & consilia non habuerunt, distulerunt hoc negotium in aliam deliberationem & responsionem. Debent autem domini, Archiepiscopus & Episcopi, precibus supplicibus diligenter instare apud Sacram Regiam Maiestatem, ut eius Maiestas, ad tam sanctum & laudabile, & necessarium opus, de suis prouentibus, aliquem censum perpetuum, prædictæ Vniuersitati constituat.

Ex eadem.

ET quia multorum Nobilium & Plebeorum filii contra edictum Regni publicum, Vitebergam, & ad alias Vniuersitates Germaniæ hæresi infectas, studiorum gratia hætenus proficiscuntur, & ibidem commorantur. Decreuit hæc sancta Synodus contra tales monitorium speciale & generale, ut infra certum tempus, arbitrio domini Archiepiscopi & Episcoporum modernorum, Vniuersitates prædictas deserant, sub pœna priuationis beneficiorum, si beneficiati existunt: si autem non beneficiati, pœna arbitraria per dominos Locum Ordinarios imponenda. Decreuit etiam Monitorium contra parentes, tutores, & alios eisdem in præmissis sumptus & impensas probabiliter facientes, ne id de cætero faciant, sub pœna, in Regiæ Maiestatis edicto expressa. Rogandaq; Sa-

daq; Sacra Regia Maiestas est per Nuncios Synodales, vt cōtra tales edicta in prioribus Comitibus facta, exequi, & omnes ex Vniuersitatibus prædictis, pœnis grauioribus reuocare dignetur.

Ex Louicieñ. 1 5 5 6.

QVoniam plurimùm Reipub: interest, vt Scholarum recta esset institutio, in quibus iuuentus Christiana, & in virtutibus Catholicæ disciplinæ, & in bonarum literarum doctrina, à probis & Catholicis Magistris & præceptoribus Deum timentibus educari possit: quandoquidem multū refert, à iuuenta, sic vel sic aliquem institui. Proinde sacra Synodus vetera Statuta innouando, ad præcludendam viam agendis hæresibus, ne iuuentus ipsa ad studia Germanica & hæresi suspecta ex hac Prouincia mittatur, vbi non sine graui dispendio animarum agere possit, demumq; nonnisi peste hæretica imbuta domum reuerti: decreuit diligenter agendū cum Sacra Maiestate Regia in proximo Conuentu Varssouieñ de restaurandis Vniuersitatibus, & studiis generalibus Cracouiensi & Posnaniē, eisdemq; reformandis, & melius prouideñ. Præterea vt quoq; eadem Maiestas Regia publicum edictum de reuocandis his, qui Vitembergam, aut Regiummontem, vel alia suspecta studia profecti sunt, edat & promulget, sub pœnis grauioribus. Quo autem ad Scholas alias particulares, iniungit sacra Synodus dominis Locorum ordinariis, vt Statuta Prouincialia vetera & noua, quæ de illis clarè disponunt, diligenter exequantur, atq; illas iuxta eadem Statuta prouideant: & Scholas Kozmineñ, Secemineñ, Pinczouieñ, aliasq; illis similes, per nouatores hæresum recens erectas, cū eorum Pædagogis & Pseudomagistris iuuentutem corruptentibus explodi, & proscribi autoritate Regia procurent.

Ex Sy-

Ex Synodo Varssouiensi. Ioannis Przemb-
ski. 1561.

VT autem certum seminarium Clericorum, & Sacerdotum (quorum inopia maximè hoc tempore Ecclesia borat) instituatur. Decreuit hæc sancta Synodus, vt scholæ in vniuersum omnes, tam particulares, quàm vniuersales, & præsertim studium Cracouiense, reformatur. In primis itaq; vniuersale studium Cracouiense iuxta dispositionem statutorum æmus dominus Episcopus Cracouiensis, cum suo Venerabili Capitulo reformet, Scholam quoq; Posnaniensem, per æmum olim Ioannem Lubranski fundatam, æmus dominus Posnaniensis Episcopus, cum suo Venerabili Capitulo similiter reformet, & in meliorem statum restituat, ac pecunia ex Stauisfienſi bonis reposita, censum certum emat, ex eaq; edificia Collegii ipsius restauret, & idoneos Magistros in ea foueat.

Cæteri verò æmi domini Lociordinarii, Scholas particulares, tam circa Metropolitanas, Cathedrales, & Collegianas, quàm etiam in Parochialibus Ecclesiis reformare curent, & dominos Scholasticos, aut illos Prælatos, ad quos de iure, vel erectione, aut foundatione prouisio Scholarum pertinet, Magistros & Præceptores, honestis salariis, præsertim si habeant Prælaturas suas benè dotatas, prouideri compellant. Si verò aliqua dotatio antiqua, particularibus Scholis per Patres, vel alios quosuis fuerint adempta, per visitatores ipsos illam dotationem restitui mandent.

Statuit præterea hæc sancta Synodus, vt singuli æmi domini Locorumordinarii curarent, vt in loco aliquo Diocesis suarum commodo Collegium instituerent, in eoq; certum numerum Scholarium, de victu & amictu prouiderent, & stipendiis certis illos, qui ingenio & diligentia in discendo præstarent, contentarent. Ex quorum numero aliqui suc-

CONSTITV: SYNOD.

celsiuè, iuxta vniuscuiusq; ætatem, ac qualitatem, ad sacros ordines promoueri, & post susceptos ordines, ad officia, & munia Ecclesiastica obeunda, beneficiaq; prouehi possint. Hac enim ratione certum seminarium idoneorum Clericorum hæc sancta Synodus futurum esse sperat.

Idem. Ex eadem.

Item negligentias Ordinariorum Doctorum in Ecclesiis corrigendo, & ad officium suum eos reuocando, statuit Sancta Synodus, vt ipsi Doctores Ordinarii, qui in Ecclesiis Metropolitanis, & Cathedralibus, ad legendum in Theologia, & Iurisprudentia, statutis temporibus, iuxta dispositionem ordinationis suarum Præbendarum sunt constituti, per Capitula Ecclesiarum moneantur, quo officio suo satisfaciant. Quodsi verò ter per Capitula sua Capitulariter admoniti, officio suo non intenderint, per æmos dominos Locordinarios, Præbendis & Canonicatibus suis priuentur, & alii diligentiores in eorum locum surrogentur.

DE IVDÆIS.

Ex Antiquis.

Item omnibus Christianis huius Prouinciæ sub pœna excommunicationis districtiùs inhibemus, ne Iudæos vel Iudæas, secum ad conuiuandum recipiant, vel cum eis manducare vel bibere præsumant, aut etiam cum ipsis in nuptiis suis, vel neomeniis saltare vel tripudiare præsumant, nec Christiani carnes venales seu alia cibaria à Iudæis emant, ne fortè per hoc Iudæi Christianos, quos hostes suos reputant, fraudulentam machinatione venenent. Adicientes, vt si de cætero, quocunq; prætextu, Iudæi à Christianis graues, seu non moderatas vsuras extorserint, Christianorum participium subtrahatur, donec de immoderato grauamine satisfecerint
competenter.

competenter: Vnde Christiani, si opus fuerit, per censuram Ecclesiasticam compellantur ab eorum cōmerciis abstinere. Principibus autem iniungimus, vt propter hoc Christianis non sint infensi, sed potius à tanto grauamine Iudęos student cohibere.

Vt autem Iudęi à Christianis valeant euidenter discerni: statuimus, & inuiolabiliter præcipimus obseruari, quòd omnes & singuli Iudęi, vtriusq; sexus, in terris nostræ Prouinciæ, portent vnum circulum de panno rubeo, pro signo assumum, siue consutum ante pectus, à parte sinistra, in veste superiori, quam communiter & regulariter portent desuper vestes suas, aliàs cum extra domos habitationis suæ exeunt, & incedunt, vel in publico, quocunq; modo apparent, aut exhibent, vel ostendunt, & huiusmodi signum, infra mensem assumere teneantur, à die publicationis constitutionis præsentis. Quodsi in eiusmodi signo assumendo infra terminum prædictum, aut etiam de cætero, deferendo, prout superioris est expressum, Iudæi præfati vel ipsorum aliqui contumaces fuerint vel rebelles, extunc Christianorum, omne emptiōnis & venditionis commercium, & quodlibet alium participationis sibi penitus nouerint interdictum, aliàs ad arbitrium Locordinarii puniendi.

Item. Cùm adhuc terra Polonica sit in corpore Christianitatis noua plantatio, ne fortè eo facilius populus Christianus, à cohabitantium Iudęorum superstitionibus, & prauis moribus inficiatur, quo leuius atq; citius Christiana religio, in fidelium cordibus, in his partibus est plantata, districte præcipimus, vt Iudęi in hac nostra Prouincia Gnesnensi commorantes, inter Christianos permixti non habitent, sed in aliquo sequestri loco Ciuitatis, vel villæ, domos suas sibi coniguas, siue coniunctas habeant, ita quòd à communi habitatione Christianorum, sepe, muro, vel fossato, Iudęorum habitatio separetur. Præcipimus autem, vt per Episcopum

CONSTITVT: SYNOD.

Dioecesanum, & per dominum temporalem, tam Christiani quam Iudæi, quorum domus intermixtæ sunt, vt ad venditionem seu permutationem earum, ad arbitrium bonorum virorum, censura qua conuenit compellantur.

Interim autem, si Sacramentum altaris, ante domos Iudæorum deferri contingat, ipsi Iudæi audito sonitu, primo intra domos suas se recipiant, & fenestras ac ostia sua claudant. Postquam autem hæc separatio facta fuerit, decernimus vt Iudæi, in vna Ciuitate vel villa, vnicam tantum habeant Synagogam.

Item. Præcipimus, vt Iudæi Sacerdoti Parochiali, infra cuius Parochiæ terminos manserint, pro eo, quod loca in quibus Christiani habitare deberent occupant, iuxta quantitatem damni, quod ei ex hoc inferunt, ad arbitrium Dioecesani loci, omnes prouentus refundere compellantur.

Prohibemus etiam, ne stugas & balnea Christianorum frequentent, nec seruos, nec ancillas, aut nutrices, seu quæcunq; mancipia, die noctuq; in suis domibus retinere præsumant, nec ad recipiendum theloneum, seu aliud publicum officium aliquatenus assumantur. Si quis verò Iudæus, cum aliqua Christiana, fornicationis vitium deprehensus fuerit commississe, quoadusq; decem marcas adminus pro emendatione soluerit, districto carceri mancipetur, & mulier Christiana quæ tantum damnatum coitum peregit, per Ciuitatem fustigata, de ipsa Ciuitate, sine spe redeundi penitus expellatur.

Petri Gamrati. 1 5 4 2. Petricouix.

SAcrosancta Synodus secum expensens, quæ & quanta discrimina Christianis, & Ecclesiis, ex frequentia Iudæorum, vndequaq; ex Regnis, & vicinis dominiis pulforum, in Regnum Poloniæ receptorum, imminet, qui sacra profanis miscere non verentur, ne quid deterius ex illorum frequentia eueniat, quod formidandū esset: decreuit agendum esse apud

esse apud Sacram Maieſtatem Regiam, vt numerum & multitudinem Iudæorum in Prouincia Gneſneſi, & præſertim in Ciuitate Cracouiſi, ad numerum certum, quem locus illis designatus caperet, dignetur redigere.

In alijs quoq; locis, vbi priùs non fuerunt, illis incolatum prohibere, eſſicereq; vt domos à Chriſtianis non emant, & quas emerunt, rursus reuendant Chriſtianis infra tempus certum, quas niſi reuenderent, infra certum tempus per Maieſtatem Regiam præfixum, illis ſint priuati. Synagogas nouas ubiq; etiam Cracouiæ, muro extructas, deſtrui facere mandent. Licet enim in memoriam Paſſionis Saluatoris noſtri, Iudæi ab Eccleſia tolerentur, tamen eorum numerus augeri debet minimè, qui iuxta ſacrorum Canonum diſpoſitionem veteres Synagogas reformare, nouas autem, præſertim ex muro, minimè conſtruere poſſunt. Et ne Chriſtianæ nutrices ablactent ſætus eorum, vel econtra, id omninò diſtrictius, ſub poenis grauiffimis inhibeat, authoritate Sacræ Regiæ Maieſtatis: quamuis & Ordinarii habeant poteſtatem, à iure illis permiſſam talia inhihendi. Præterea ne in foris publicis, Ciuitatum, aut Oppidorum, in Ponticis aut mercimoniis, res venales exponant, ſed illas in domibus eorum duntaxat vendant. Præterea habitum à Chriſtianis diſtinctum, vt olim hic fuit, & paſſim in omnibus alijs Prouincijs obſeruatur, deferant: ſeruitores & mancipia Chriſtiana habere prohibeantur, & ſi quæ habeant, dimmittere, & libertate donare adigantur. In Ciuitate autem Cracouiſi, præter ſex teſtudines, pro rebus eorum conſeruandis, deinceps apud Chriſtianos non habeant iuxta compactata, inter æmum in Chriſtro patrem, & Magnificum, dominos, Episcopum & Palatinum Cracouiẽ deſuper facta, & per Sacram Regiam Maieſtatem confirmata.

Iudæi, & Schiſmatici ex authoritate, & admiſſione, domitorum temporalium, in pleriq; locis publica gerunt officia,

CONSTITVT: SYNOD.

& qui Christianis subiecti sunt, in Christianos ratione huiusmodi officiorum, habent imperiū, & exercent iurisdictionem.

Ruteni etiam, ad fidem Romanæ Ecclesiæ conuersi, ad ritum suum veterem impunè redeunt, & rebaptizantur, matrimonia cum orthodoxis contrahunt, & cum illis cohabitantes: dum interdictum Ecclesiasticum ab illis, vti meritò debet, seruatur, illi campanas pulsant, processiones suas & cæremonias publicè exercent. Wladica Leopoliensis, qui antea non erat, de nouo est iustitutus. Iudæi diebus Sacris labores suos publicè exercent, & negociantur, contra sacrum Canonem, & iuris publici sanctiones, in scandalum multorum, atq; oppressionem & contemptum Christianæ libertatis. Agendum erit apud Sacram Maiestatem Regiam, vt id prohibeat, atq; huic, edicto suo Regio caueat. Nihilominus Ordinariis locorum, pœnas à sacris Canonibus, & Statutis Ecclesiæ, tam contra Schismaticos, quam contra Orthodoxæ fidei vtriusq; sexus hominēs extendant.

Eiusdem. Petricouix.

ET cum sit res magni scandali, & pessimi exempli, quòd Schismatici, Mosci, Turcæ, Tartari, Iudæi, & Armeni, quorum magna est frequentia in Ducatu Lituaniæ, seruos, & mancipia Christiana habere debeant, vnde ex tali consortio, & ex commixtione pleriq; à fide Orthodoxa abeunt, & subuertuntur. Commonendam duximus Sacram Regiam Maiestatem, vt talibus ita prouideatur, seuerissimisq; pœnis inhibeat, ne de cætero liceat alicui prædictorum, & præcipuè Iudæis, Christianum mancipium habere, & cum illis, seu alijs commisceri. Quod n̄mi domini Episcopi, sua, & præsentis Synodi autoritate, debent & tenentur super his diligenter inquirere, & contra delinquentes ad pœnas iuris procedere.

De Hære-

DE HAERETICIS.

Ex Antiquis.

HAeretici quarumcunq; sectarum, & credentes ipsorum erroribus, necnon receptatores, defensores, & fautores eorum excommunicati sunt, quos vniuersi fideles Christi, maxime Parochiales Presbyteri, Diocesano loci, vel iniquiori hæreticæ prauitatis, denunciare tenentur, vt pro suis meritis ultionem accipiant, ne fidelium corda, eorum doctrinis pestiferis, corrumpantur.

Remedia contra Hæreticos.

Primum remedium. Quòd literæ Ordinariorum dirigantur ad omnes Ecclesiarum Rectores præceptiuè, & sub pena excommunicationis, quòd omnem diligentiam faciant inquirendo, si qui ibi fuerint, qui nouam doctrinam suspectam denunciant, Clerici, vel laici, & personæ vtriusq; sexus: si reperti fuerint, quòd intiment suis Ordinariis, vel Archidiaconis secretò, & si præsentare eos poterint, vinctos præsentent, & quòd moneant in genere omnes & singulos Parochianos, vt si aliqui sciunt, vel habent suspectos de auaritate hæretica, eos sibi denuncient.

Secundum remedium. Quòd Ordinarii scribant, requirantes Principes, Nobiles, Capitaneos, necnon communitates Ciuitatum, & villarum, ac earundem communitatum Rectoribus, & Procuratoribus, quibus in hoc committant vias suas, vt quoscunq; Clericos, vel laicos inuenerint hæreticos, vel suspectos, aut doctrinas nouas prædicantes, seu aggerentes, aut receptantes, & maximè defendentes, etiam per Rectores Ecclesiarum non fuerint requisiti, dummodo singularitate doctrinæ ipsorum appareat, vinctos transmittant Episcopo, vel eius Officiali, aut Vicario, seu alteri commissario, ad hoc deputato.

Tertium

CONSTITV: SYNOD.

Tertium remedium. Quòd nullus Rector Parochialis Ecclesiæ, suspectum prædicatorem, vel prædicare volentem admittat, aut in adiutorium curæ suæ aliquatenus recipiat.

Quartum remedium. Quòd Rectores Parochialium Ecclesiarum, vel illi, qui potestatem habent ponendi Rectores scholaribus, non dent recturas nisi & cognitis, & de hæresi non suspectis, neq; diffamatis. Quodq; præcipiatur Rectori sub pœna excommunicationis, quòd ad Scholas suas venientem de Bohemia, vel aliàs vndecumq; cuiusq; nationis fuerit in Scholis manere non admittat, nec eum recipiat: receptum verò si solus poterit, Episcopo, vel Officiali repræsentet, vel potestati seculari intimet, quod eundem requirat, & in favorem fidei ipsum vinctum adducat. Et videant Rectores Ecclesiarum scholares, si quid in Scholis de hac secta conferunt aut eam laudant seu defendunt: quos dum tales esse cognoverint, faciant, prout superius est præmissum.

Quintum remedium. Requirit Episcopi dominum Regem, Principes & potestates seculares, vt inquisitores hæreticæ prauitatis, circa extirpationem hæresis, foueant, adiuuent, & defendant, auxiliis etiam brachii secularis, iuxta formam iuris communis.

Sextum remedium. Quòd fiat mandatum, ex parte Episcoporum sub pœna excommunicationis, vt nullus qui potestatem habet, tanquam pater in filios, vel tanquam dominus in seruos, vel tanquam paterfamilias in aliquem de familiis, conferat aliquod subsidium in pecunia, vel rebus aliis quibuscunq; infectis prauitate hæretica, ad standum in Bohemia, vel aliàs vbicunq; aut venientibus de eodem loco, vbicunq; hic in Prouincia existant.

Septimum. Quòd domini Episcopi dirigant & expendant visitatores literatos, integræ opinionis Archidiaconos, vel alios qui visitent totam Diocesim, inquirendo de fautoribus, receptatoribus, & defensoribus prauitatis hæreticæ,

Ioannis

Ioannis Hufs, & ſpecialiter, quòd faciant ſibi libros præſentari, tam per Rectores Parochialium, quàm eorum prædicatores. Circa quos videndos diligentiam habeant, an aliqua ſuſpecta ſint in eiſdem libris inſerta: & ſi inuenerint, extunc eoſdem ſuſpectos de hæreſi, ſi poterint, vinctos repræſentent. Alioquin faciant vt ſuperiùs eſt præmiſſum.

Octauum & vltimum. Quòd poſtquam ſuſpecti de hæreſi capti fuerint, extunc omnes libri eorum inquirantur, & aſtentur, & præſententur Epifcopo, vel Officiali, aut inquiſitori. Et videtur dominis, quòd Ordinarii, quibus hoc ex officio competit ſuæ dignitatis, ſi quos hæreticos ſciuerint delatos, vel reſertos, in officio ſuo minimè torpeſcant, nec vnus per alium ſe excuſent, ſed mutuo ſe iuuent. In Proceſſu verò contra tales, ſeruetur forma Sexti, & Clementinatum, ac iuris communis, & practica, quam ipſi inquiſitores hæreticæ prauitatis ſeruare conſueuerunt.

Ex nouis. In Synodo Petricouieñ prima.

STatuimus etiam, ne Hæreticos, Schiſmaticos, Tartaros Turcos in ſeruitio domeſtico, circa ſe Spirituales, cuiuscunq; ſtatus & conditionis fuerint, foueant, & mediante hac ſacra Synodo, inhibemus. Ordinarii autem, ſi apud aliquos tales inuenerint, abſq; contradicthione aliqua, eoſdem recipiendi facultatem habebunt, ſeruitio vili, per eoſdem in bonis Eccleſiæ applicandos.

In Synodo Lancicieñ ſecunda.

EXcommunicamus & anathematizamus, omnem hæreſim extollentem ſe aduerſus hanc ſanctam, Orthodoxam, & Catholicam fidem, Eccleſiamq; Romanam, condemnantes hæreticos vniuerſos, quibuscunq; nominibus cenſentur, & præſertim Luteranos nouiter exortos, & Huſſitas

quosdam, quasi postliminii iure reuersos. Damnati verò, præsentibus secularibus potestatibus, iuxta Bullæ Apostolicæ, sacre Maiestatis Regiæ generale decretum, & Canonica instituta, relinquantur animaduersione debita puniendi, Clericis prius à suis ordinibus degradatis, ita quòd bona taliter damnatorum, si laici fuerint confiscentur: si verò Clerici, applicentur Ecclesiis, à quibus stipendia receperunt. Qui autem inuenti fuerint sola suspicione notabiles, nisi iuxta considerationem suspicionis, qualitatemq; personæ, propriam innocentiam, congrua purgatione monstrauerint, anathematis gladio feriantur, & vsq; ad satisfactionem condignam ab omnibus euitentur, ita quod si per annum in excommunicatione persisterint, extunc velut hæretici condemnentur. Deinde vt Impressores librorum in nostra Prouincia, nihil prorsus imprimere, & Bibliopolæ, vel alii quicunq; exponere ac vendere deinceps audeant, ex libris vndecunq; adductis, nisi illos Ordinarii, vel per eos constituti viderint, & tam imprimi, quàm vendi permiserint. Contrafacientes autem, si reperti fuerint libros hæreticos impressisse, adduxisse, seu vendidisse, pœnis supradictis subiaceant.

Tenor verò Bullæ Apostolicæ præfatæ sequitur, & est talis.

Bulla Apostolica, contra errores Martini
Lutheri, & sequacium.

LEO Episcopus seruus seruorum Dei. Ad perpetuam rei memoriam. Exurge Domine, & discerne causam tuam, memor esto impropiorum tuorum, eorum quæ ab insipientibus fiunt tota die. Inclina aurem tuam ad præces nostras, quoniam surrexerunt vulpes, quærentes demoliri vineam, cuius tu torcular calcasti solus: & ascensurus ad Patrem, eius curam, regimen & administrationem Petro, tanquam Ca-

quam Capiti, & tuo Vicario, eiusq; successoribus, instar triumphantis Ecclesiæ commisisti. Exterminare nititur eam aper de sylua, & singularis ferus depascit eam. Exurge Petre, & pro Pastoralis cura præfata, tibi vt præfertur diuinitus demãdata, intende in causam Sanctę Romanę Ecclesię, matris omnium Ecclesiariũ, ac fidei magistrę, quam tu iubente Deo, tuo sanguine consecrasti, contra quam, sicut tu præmonere dignatus es, insurgunt Magistri mendaces, introducentes sectas perditionis, sibi celerem interitum superducentes: quorum lingua ignis est, inquietum malum, plena veneno mortifero: qui zelum amarum habentes, & contentionibus in cordibus suis gloriantur, & mendaces sunt aduersus veritatem. Exurge tu quoq; Paule quæsumus, qui eam tua doctrina, ac pari martyrio illuminasti, atq; illustrasti, iam enim surgit nouus Porphirius, quod sicut ille olim Sanctos Apostolos iniuste momordit, ita hic sanctos Pontifices prædecessores nostros, contra tuam doctrinam eos non obsecrando, sed increpando mordere, lacerare, aut vbi causę suę diffidit, ad conuitia accedere non veretur: morem hæreticorum, quorum (vt inquit Hieronymus) vltimum præsidium est, vt cum conspiciant causas suas damnatum iri, incipiant virus serpenti lingua diffundere, & cum se vinctos conspiciant, ad contumelias proflire. Nam licet hæreses esse ad exercitationem fidelium tũ dixeris oportere, eas tamen ne incrementum accipiant, neue vulpeculę coalescant, in ipso ortu te intercedente, & adiuuante extingui necesse est. Exurgat deniq; omnis Sãctorum, ac reliqua vniuersalis Ecclesiã, cuius vera sacrarum literarum interpretatione posthabita, quidam, quorum mentem pater mendaciĩ excæcauit, ex veterum hæreticorum instituto, apud semetipsos sapientes, scripturas easdem aliter, quàm Spiritus Sanctus flagitet, proprio duntaxat sensu, ambitionis, auręq; popularis causa, teste Apostolo, interpretantur, inò verò torquent, & adulterant, ita vt iuxta Hieronymum,

CONSTITVT: SYNOD.

num, iam non sit Euangelium Christi, sed hominis, aut, quod peius est, Diaboli. Exurgat inquam præfata Ecclesia sancta Dei, vna cum beatissimis Apostolis præfatis, apud Deum omnipotentem intercedat, vt purgatis ouium suarum erroribus, eliminatisq; à fidelium finibus hæresibus vniuersis, Ecclesiæ suæ sanctæ, pacem & vnitatem conseruare dignetur. Dudum siquidem, quod præ animi angustia, & mœrore exprimere vix possumus, fide dignorum relatu, ac fama publica referente, ad nostrum peruenit auditum, imò verò, prochi dolor, oculis nostris videmus, ac legimus, multos ac varios errores, quosdam videlicet, iam per Concilia ac prædecessorum nostrorum constitutiones damniatos, hæresim etiam Græcorum, & Bohemicam expressè contiuentes, alios verò respectiuè, vel hæreticos, vel falsos, vel scandalosos, vel piarum aurium offensiuos, vel simplicium mentium seductiuos, à falsis fidei cultoribus, qui per superbam curiositatem, mundi gloriam cupientes, contra Apostoli doctrinam, plus sapere volunt, quàm oporteat, quorum garrulitas (vt inquit Hieronymus) sine scripturarum autoritate non haberet fidem, nisi viderentur peruersam doctrinam, etiam diuinis testimoniis, malè tamen interpretatis, roborare: à quorum oculis Dei timor recessit, humani generis hoste suggerente, nouiter suscitatos, & nuper apud quosdam leuiore, in inclita natione Germanica seminatos. Quod eo magis dolemus ibi euenisse, quòd eandem nationem, & nos, & prædecessores nostri in visceribus semper gesserimus charitatis. Nam post translatum ex Græcis à Romana Ecclesia, in eosdem Germanos imperium, idem prædecessores nostri, & nos eiusdem Ecclesiæ, aduocatos, defensoresq; ex eis semper accipimus. Quos quidem Germanos, Catholicæ veritatis verè germanos, constat hæresim acerrimos oppugnatores semper fuisse: cuius rei testes sunt, laudabiles illæ constitutiones Germanorum Imperatorum, pro libertate Ecclesiæ, proq; expellendis,

pellendis, exterminandisq; ex omni Germania hæreticis, sub grauissimis pœnis, etiam amissionis terrarum & dominiorum, contra receptatores, vel non expellentes olim editæ, & à nostris prædecessoribus confirmatæ, quæ si hodie serua-
rentur, & nos, & ipsi, vtiq; hac molestia careremus. Testis est in Concilio Constatiensium Hufsitarum, ac Wicleuistarum, nec non Hieronymi Pragensis damnata, & punita perfidia. Testis est totiens contra Bohemos Germanorum sanguis effusus: Testis deniq; est, prædictorum errorum, seu multorum ex eis, per Colonien, & Louanien Vniuersitates, vt potè agri Dominici piissimas religiosissimasq; cultrices, non minus docta, quàm vera & sancta confutatio, reprobatio, & damnatio. Multa quoq; alia allegare possemus, quæ ne historiam texere videamur, prætermittenda censuimus. Pro Pastoralis igitur officii diuina gratia nobis iniuncti cura, quam gerimus, prædictorum errorum virus pestiferum vltius tolerare, seu dissimulare, sine Christianæ religionis nota, atq; Orthodoxæ fidei iniuria, nullo modo possumus. Eorum autem errorum aliquos præsentibus duximus inferendos, quorum tenor sequitur, & est talis.

Hæretica sententia est, sed vsitata. Sacramenta nouæ legis iustificantem gratiam illis dare, qui non ponunt obicem. In puero post Baptismum negare remanens peccatum, est Paulum & Christum simul conculcare. Fomes peccati etiamsi nullum adsit actuale peccatum, moratur exeuntem à corpore animam ab ingressu cœli. Imperfecta charitas morituri, fert secum necessariò magnum timorem, qui se solo satis est facere pœnam Purgatorii, & impedit introitum Regni. Tres esse partes pœnitentiæ, Contritionem, Confessionem, & Satisfactionem, non est fundatum in sacra scriptura nec in antiquis Sanctis Christianis Doctoribus. Contritio quæ paratur per discussionem, collectionem, detestationem peccatorum, qua quis recogitat annos suos in amaritudine animæ

CONSTITV: SYNO D.

suæ, ponderando peccatorum gravitatem, multitudinem, sæditatem, amissionem æternæ beatitudinis, ac æternæ damnationis acquisitionem, hæc Contritio facit hypocritam, imò magis peccatorem. Verissimum est Prouerbiū, & omnium doctrina de Contritionibus hucusq; data præstantius: de cætero non facere summa pœnitentia: optima pœnitentia, noua vita. Nullo modo præsumas confiteri peccata venialia, sed nec omnia mortalia, quia impossibile est, vt omnia mortalia cognoscas. Vnde in primitiua Ecclesia solum manifesta mortalia confitebantur. Dum volumus omnia purè confiteri, nihil aliud facimus, quàm quòd misericordiæ Dei nihil volumus relinquere ignoscendum. Peccata non sunt vlli remissa, nisi remittente Sacerdote credat sibi remitti, imò peccatum maneret, nisi remissum crederet: non enim sufficit remissio peccati, & gratiæ donatio, sed oportet etiam credere esse remissum. Nullo modo confidas absolui, propter tuā contritionem, sed propter verbū Christi: Quodcunq; solueritis &c. Hic inquam confide, si Sacerdotis obtinueris absolutionem, & crede fortiter te absolutum, & absolutus verè eris, quicquid sit de contritione: si per impossibile confessus non esset contritus, aut Sacerdos non serio sed ioco absolueret, si tamen credat se absolutum, verissimè est absolutus. In Sacramento Pœnitentiæ, ac remissione culpæ, non plus facit Papa, Episcopus, quàm infimus Sacerdos, imò vbi non est Sacerdos æquè tantum quilibet Christianus, etiamsi mulier aut puer esset. Nullus debet Sacerdoti respondere se esse contritū, nec Sacerdos requirere. Magnus est error eorum, qui ad Sacramenta Eucharistiæ accedunt huic innixi, quòd sint confessi, quòd non sint sibi conscii alicuius peccati mortalis, quòd præmiserint orationes suas, & præparatoria, omnes illi ad iudicium sibi manducant & bibunt, sed si credant & confidant se gratiam ibi consequuturos, hæc sola fides facit eos puros, & dignos,

Consultum

Consultum videtur, quod Ecclesia in cōmuni consilio statueret, laicos sub vtraq; specie communicandos: nec Bohemi communicantes sub vtraq; specie sunt hæretici, vel schismatici.

Thesauri Ecclesiæ, vnde Papa dat indulgentias, nō sūt merita Christi, & Sanctorum. Indulgentiæ sunt piæ fraudes fidelium, & remissiones bonorum operum, & sunt de numero eorum, quæ licent, & non de numero eorū quæ expediunt.

Indulgentiæ his, qui veraciter eas consequuntur, non valent ad remissionem pœnæ pro peccatis actualibus, debitæ apud diuinam iustitiam.

Seducuntur credentes indulgentias esse salutes & ad fructum Spiritus viles.

Indulgentiæ necessariæ sunt, solum publicis criminibus, & propriè conceduntur duris solummodo & impatientibus.

Sex generibus hominum indulgentiæ nec sunt necessariae, nec viles, videlicet mortuis seu morituris, infirmis legitimè impeditis, his qui non commiserunt crimina, his qui crimina commiserunt, sed non publica, his qui meliora operantur.

Excommunicationes sunt tantum externæ pœnæ, nec priuant hominem communibus spiritualibus Ecclesiæ orationibus. Docendi sunt Christiani, plus diligere excommunicationem, quàm timere. Romanus Pontifex Petri successor, non est Christi Vicarius super omnes totius mundi Ecclesias, ab ipso Christo in beato Petro institutus. Verbum Christi ad Petrum. Quodcūq; solueris super terrā &c. extenditur duntaxat ad legata ab ipso Petro. Certum est in manu Ecclesiæ, aut Papæ prorsus non esse statuere articulos fidei, imò nec leges morum, seu bonorum operum. Si Papa cum magna parte Ecclesiæ sic vel sic sentiret, nec etiam erraret, adhuc non est peccatum, aut hæresis contrarium sentire, præsertim in re non necessaria ad salutem, donec fuerit per Concilium

CONSTITV: SYNOD.

cilium vniuersale alterum reprobatum, alterum approbatum. Via nobis facta est enarrandi, auctoritatem Conciliorum, & liberè contradicendi eorum gestis, & iudicandi eorum decreta, & confidenter confitendi, quicquid verum videtur, siue probatum fuerit, siue reprobatum à quocunq; Concilio. Aliqui articuli Ioannis Hus, condemnati in Concilio Constantienſi, sunt Christianiſſimi, veriſſimi, & Euangelici, quos nec vniuerſa Eccleſia poſſet damnare. In omni opere bono iuſtus peccat. Opus bonum optimè factum, eſt veniale peccatum. Hæreticos comburi, eſt contra voluntatem ſpiritus. Præliari aduerſus Turcas, eſt repugnare Deo, viſitanti iniquitates noſtras per illos. Nemo eſt certus, ſe non ſemper peccare mortaliter, propter occultiſſimum ſuperbiæ vitium. Liberum arbitrium poſt peccatum, eſt res de ſolo titulo, & dum facit quod in ſe eſt, peccat mortaliter. Purgatorium non poteſt probari ex ſacra ſcriptura, quæ ſit in Canone. Animæ in Purgatorio non ſunt ſecuræ de earum ſalute, ſaltem omnes, nec probatum eſt vllis aut rationibus, aut ſcripturis, ipſas eſſe extra ſtatum merendi, aut agenda charitatis. Animæ in Purgatorio peccant ſine intermiſſione, quamdiu quærunt requiem, & horrent pœnas. Animæ ex Purgatorio liberatæ ſuffragiis viuentium, minus beantur, quàm ſi per ſe ſatiſfeciffent. Prælati Eccleſiaſtici, & Principes ſeculares non malefacerent, ſi omnes ſaccos mendicitatis delerent.

Qui quidem errores reſpectiue, quàm ſint peſtiferi, quàm pernicioſi, quàm ſcandalofi, quàm piarum & ſimplicium mentium ſeducſiui, quàm deniq; ſint contra omnem charitatem, ac S. R. Eccleſiæ matris omnium fidelium, & magiſtræ fidei reuerentiam, atq; neruum Eccleſiaſticæ diſciplinæ, obedienciam ſcilicet, quæ ſons eſt & origo omnium virtutum, ſine qua facile vnusquiſq; infidelis eſſe conuincitur, nemo ſanæ mentis ignorat. Nos igitur in præmiſſis, vt potè grauiffimis propenſius (vt decet) procedere, necnon huiuſmodi peſti, mor-

fit morboꝝ cancrroso, ne in agro Dominico, tanquam vep-
ris nociua, vltcrius serpat, viam præcludere cupientes, ha-
bita super prædictis erroribus & eorum singulis diligenti tru-
tinatione, discussione, ac districto examine, maturaq; delibe-
ratione, omnibusq; ritè pensatis, ac sæpius ventilatis, cum
Venerabilibus fratribus nostris, S. R. Ecclesiæ Cardinalibus,
ac regularium ordinum Prioribus seu Ministris generalibus,
pluribusq; aliis Sacræ Theologiæ, necnon vtriusq; Iuris Pro-
fessoribus siue Magistris, & quidem peritissimis, ceperimus
eosdem errores respectiue (vt præfertur) aut articulos non
esse Catholicos, nec tanquam tales esse dogmatizandos, sed
contra Catholicæ Ecclesiæ doctrinam, siue traditionem, atq;
ab ea, veram diuinarum scripturarum receptam interpre-
tationem, cuius authoritati, ita acquiescendum censuit Au-
gustinus, vt dixerit, se Euangelio non fuisse crediturum, nisi
Ecclesiæ Catholicæ interuenisset authoritas. Nam ex eis-
dem erroribus, vel eorum aliquo, vel aliquibus, palam sequi-
tur, eandem Ecclesiam, quæ Spiritu Sancto regitur, errare,
& semper errasse. Quod est vtiq; contra illud, quod Chri-
stus discipulis suis in ascensione sua (vt in sancto Euangelio
Matthæi legitur) promisit dicens: Ego vobiscum sum vsq;
ad consumationem seculi. Necnon contra sanctorum Pa-
trum determinationes, Conciliorum quoque, & Summorum
Pontificum expressas ordinationes, seu Canones, quibus nõ
obtemperasse omnium hæresum & schismatum, teste Cypri-
ano, fomes & causa semper fuit. De eorundem itaq; Vene-
rabilium fratrum nostrorum consilio, & assensu, ac omni-
um & singulorum prædictorum matura deliberatione præha-
bita, authoritate omnipotentis Dei, & beatorum Aposto-
lorum Petri & Pauli, & nostra, præfatos omnes, & singulos
articulos, seu errores, tanquam (vt præmittitur) respectiue
hæreticos, aut scandalosos, aut falsos, aut piarum aurium of-
fensiuos, vel simplicium mentium seductiuos, & veritati Ca-

CONSTITV: SYNOD.

tholicæ obuiantes, damnamus, reprobamus, atq; omnino re-
iicimus, ac pro damnatis, reprobatis, & reiectis, ab omnibus
ytriusq; sexus Christifidelibus haberi debere, harum seriè de-
cernimus & declaramus. Inhibentes in virtute sanctæ obe-
dientiæ, & sub maioris excommunicationis latæ sententiæ
pœna: Necnon quo ad Ecclesiasticas & regulares personas;
Episcopaliū omnium, etiam Patriarchaliū, Metropolitana-
narum, & aliarum Cathedralium Ecclesiarum, Monasterio-
rum quoq; & Prioratuum, etiam Conuentualium, & qua-
rumcunq; dignitatum, ac beneficiorum Ecclesiasticorum se-
cularium, aut quorumuis ordinum regularium, priuationis,
& inhabilitatis ad illa, & alia in posterum obtinenda. Quo
verò ad Conuentus, Capitula, seu domos, ac pia loca secula-
rium, vel regularium, etiam mendicantium, necnon vniuer-
sitatis, etiam studiorum generalium, quorumcunq; Priuilegi-
orum, Indultorum, à Sede Apostolica vel eius Legatis, aut
aliàs quomodolibet habitorum, vel obtentorum, cuiuscunq;
tenoris existant: Necnon nominis & potestatis, studium ge-
nerale tenendi, legendi, ac interpretandi, quasuis scientias, &
facultates, & inhabilitatis, ad illa, & alia in posterum obtinen-
da. Prædicationis quoq; officii, ac ammissionis studii ge-
neralis, & omnium Priuilegiorum eiusdem. Quo verò ad
seculares eiusdem excommunicationis, necnon ammissionis
cuiuscunq; Emphiteosis, seu quorumcunq; feudorum, tam à
Romana Ecclesia, quàm aliàs quomodolibet obtentorum, ac
etiam inhabilitatis ad illa, & alia in posterum obtinenda. Nec-
non quod omnes & singulos superius nominatos, inhibiti-
onis Ecclesiasticæ sepulturæ, inhabilitatisq; ad omnes & sin-
gulos actus legitimos, infamiæ, & diffidationis, & criminis
læsæ Maiestatis, & hæreticorum, & fautorum eorundem, in
iure expressis pœnis eo ipso, & absq; vltiori declaratione,
per omnes & singulos supradictos, si (quod absit) contrafe-
cerint incurrendis: à quibus vigore cuiuscunq; facultatis, ac
clausularum,

clausularum, etiã in cõfessionalibus quibuscumq; personis, sub quibuscumq; verborum formis contentarum, nisi à Romano Pontifice, vel alio ab eo ad id in specie facultatem habente, præterquã in mortis articulo constituti absolui nequeant. Omnibus & singulis vtriusq; sexus Christianis fidelibus, tam laicis quàm Clericis secularibus, & quorumvis ordinum regularibus, & quibuscumq; personis, cuiuscumq; status, gradus, vel conditionis existant, quacumq; Ecclesiastica, vel munda, præfulgeant dignitate, etiã sanctæ Romanæ Ecclesiæ, Cardinalibus, Patriarchis, Primatibus, Archiepiscopis, Episcopis, Patriarchalium, Metropolitanarum, & aliarum Cathedralium, Collegiarum, ac inferiorum Ecclesiarum, Prelatis, Clericis aliisque personis Ecclesiasticis, secularibus, & quorumvis ordinum, etiã mendicantium, Regularibus, Abbatibus, Prioribus, vel ministris generalibus, vel particularibus, fratribus seu religiosis, exemptis & non exemptis, Studiorum quoq; vniuersitatibus, secularibus, & quorumvis ordinum, etiã mendicantium regularibus, necnon Regibus, Imperatoribus, Electoribus, Principibus, Ducibus, Marchionibus, Comitibus, Baronibus, Capitaneis, Conductoribus, Dominiis, omnibusq; Officialibus, Iudicibus, Notariis Ecclesiasticis & secularibus, Communitatibus, Vniuersitatibus, Potestatibus, Ciuitatibus, Castris Terris, & locis eorum, vel earum Ciuibus, habitatoribus, & incolis, ac quibuscumq; aliis personis Ecclesiasticis, vel regularibus (vt præfertur) per vniuersum orbem vbicumq; præsertim in Alemania existentibus, vel pro tempore futuris, ne præfatos errores, aut eorum aliquos, peruersamq; doctrinam huiusmodi asserere, affirmare, defendere, prædicare, aut illi quomodolibet publicè, vel occultè, quouis quæsito ingenio, vel colore, tacitè vel expressè fauere præsumant. Insuper quia errores præfati & plures alii continentur in libellis, seu scriptis cuiusdam Martini Luter, dictos libellos, & omnia dicti Martini scripta, seu

CONSTITUTIONES SYNODALES.

prædicationes in Latino, vel quocunque alio idiomate reperiantur, in quibus dicti errores, seu aliquis eorum continentur, similiter damnamus, reprobamus, atque omnino reiicimus, & pro omnino damnatis, reprobatis, ac reiectis, ut præfertur, haberi volumus. Mandantes in virtute sanctæ obedientiæ, & sub pœnis prædictis, eo ipso incurrendis, omnibus & singulis, utriusque sexus. Christianis fidelibus superius nominatis, ne huiusmodi scripta, libellos, prædicationes, seu cædulas, vel in eis contenta capitula, errores, aut articulos supradictos continencia, legere, asserere, prædicare, laudare, imprimere, publicare, siue defendere, per se, vel alium, seu alios, directè vel indirectè, tacitè vel expressè, publicè vel occultè, aut in domibus suis siue aliis publicis vel priuatis locis tenere quoquo modo præsumant: quinimo illa statim post harum publicationem, ubicunque fuerint per Ordinarios, & alios supradictos diligenter quæsita, publicè, & solenniter, in præsentia Cleri, & populi sub omnibus & singulis supradictis pœnis comburant. Quod verò ad ipsum Martinum attinet, bone Deus, quid prætermisimus? quid non fecimus? quid paternæ claritatis omisimus, ut eum ab eiusmodi erroribus reuocaremus? Postquam enim ipsum citauimus, mitius cum eo procedere volentes, illum inuitauimus, atque tam per diuersos tractatus, cum Legato nostro habitos, quam per literas nostras hortati fuimus, ut à prædictis erroribus discederet, aut ad nos, oblato etiam saluo conductu, & pecunia ad iter necessaria, sine metu, sine timore aliquo, quem perfecta charitas foras mittere debuit, veniret, ac Saluatoris nostri, Apostoli quoque Pauli exemplo, non in occulto, sed palam, & in facie loqueretur. Quod si fecisset, pro certo (ut arbitramur) ad cor reuersus, errores suos cognouisset, nec in Romana Curia, quam tantoperè vanis malenolorum rumoribus, plusquam oportuit tribuendo vituperat, tot reperisset errata: docuissimusque eum luce clariùs, sanctos Romanos Pontifices prædecessores.

decessores nostros, quos præter omnem modestiam iniuriolè lacerat, in ipsorum Canonibus seu Constitutionibus, quas morere nititur, nunquam errasse. Quia iuxta Prophetam, nec in Galahad resina, nec medicus decesset, sed obaudiuit semper, & prædicta citatione, omnibusq; & singulis supradictis spre-
tis, venire contempsit, ac vsq; in præsentem diem contumax, atq; animo indurato, Censuras vltra annum sustinuit. Et quod deterius est, addens mala malis, de citatione huiusmodi notitiam habens, in vocem temerariæ appellationis prorupit ad futurum Concilium, contra Constitutionem Pii secundi, ac Iulii secundi, prædecessorum nostrorum, qua cauetur, taliter appellantes, hæreticorum pœna plectendos (frustra etiam Concilii auxilium implorauit, qui illi se non credere palàm profitetur) ita vt contra ipsum tanquam de fide notoriè suspectum, imò verè hæreticum, absq; vltiori citatione, vel mora ad condemnationem, & damnationem eius, tanquam hæretici, ac ad omnium & singularum suprascriptarum pœnarum, & Censurarum seueritatem procedere possemus. Nihilominus de eorundem fratrum nostrorum consilio, omnipotentis Dei imitantes clementiam, qui non vult mortem peccatoris, sed magis vt conuertatur & viuat, omnium iniuriarum hætenus nobis, & Apostolicæ sedi illatarum obliti, omni qua possunt pietate, vti decreuimus, & quantum in nobis est agere, vt proposita mansuetudinis viâ, ad cor reuertatur, & à prædictis recedat erroribus, vt ipsum tanquam filium illum prodigum, ad gremium Ecclesiæ reuertentem benignè recipiamus. Ipsum igitur Martinum, & quoscunq; ei adhærentes, eiusq; receptatores, & fautores, per viscera misericordiæ Dei nostri, & per asperisionem sanguinis Dñi nostri Iesu Christi, quo, & per quem, humani generis redemptio, & sanctæ matris Ecclesiæ ædificatio facta est, ex toto corde hortamur, & obsecramus, vt ipsius Ecclesiæ pacem, unitatem, & veritatem, pro qua ipse Saluator tam instanter

CONSTITV: SYNOD.

Bravit ad patrem, turbare desistant, & à prædictis tam per-
 uiciosis erroribus prorsus abstineant. Inuenturi apud nos, si
 effectualiter paruerint, & paruissse per legitima documenta
 nos certificauerint, paternæ charitatis affectum, & apertum
 mansuetudinis, & clementiæ fontem. Inhibentes nihilomi-
 nus eidem Martino exnunc, vt interim ab omni prædicatio-
 ne, seu prædicationis officio omnino desistat: Alioquin, vt
 ipsum Martinum, si fortè iustitiæ, & virtutis amor à peccato
 non retrahat, indulgentiæq; spes ad pœnitentiam non redu-
 cat, pœnarum terror coerceat disciplinæ: eundem Marti-
 num, eiusq; adhærentes, complices fautores, & receptato-
 res, tenore præsentium requirimus, & monemus, in virtute
 sanctę obedientię, & sub prædictis omnibus & singulis pœnis,
 eo ipso incurrendis, districtè præcipiendo, mandamus, qua-
 tenus infra sexaginta dies, quorum, pro primo viginti, pro
 secundo viginti, reliquos viginti dies, pro tertio & perem-
 ptorio termino assignamus, ab affixione præsentium in locis
 infrascriptis, immediatè sequentes numerandos: Ipse Mar-
 tinus, complices, fautores, adhærentes, & receptatores præ-
 dicti, à præfatis erroribus, eorumq; prædicatione ac publica-
 tione, & assertionem, defensione quoq; & librorum seu scri-
 pturarum editione, super eisdem, siue eorum aliquo omni-
 no desistant, librosq; ac scripturas omnes & singulas, præfa-
 tos errores, seu eorum aliquos quomodolibet continentes
 comburant, vel comburi faciant. Ipse etiam Martinus er-
 rores, & assertiones huiusmodi, omnino reuocet, ac de reuo-
 catione huiusmodi, per publica documenta, in forma iuris
 valida, in manibus duorum Prælatorum consignata, ad nos
 infra alios similes sexaginta dies trasmittenda vel ipsummet
 (si ad nos venire voluerit, quod magis placeret) cum præ-
 fato plenissimo saluo Conductu, quem exnunc concedimus,
 deferenda, certiores nos efficiat, vt de eius vera obedientia,
 nullus dubitationis scrupulus valeat remanere. Aliàs si
 (quod

(quod absit) Martinus præfatus, complices, fautores, adhærentes, & receptatores prædicti, secus egerint, seu præmissa omnia & singula, infra terminū prædictum, cum effectu non adimpleuerint, Apostoli imitantes doctrinam, qui hæreticū hominem post primam & secundam correctionem vitandum docuit. Exnunc, prout extunc, & econuerso, eundem Martinum, complices, & adhærentes, fautores, & receptatores præfatos, & eorum quemlibet, tanquam aridos palmites in Christo non manentes, sed doctrinam contrariam, Catholicæ fidei inimicam, siue scandalosam, seu damnatam, in non modicam offensam diuinæ maiestatis, ac vniuersalis Ecclesiæ, & fidei Catholicæ detrimentum, & scandalum, dogmatizantes, & prædicantes: Clauēs quoq; Ecclesiæ vilipendentes, notorios, & pertinaces hæreticos, eadem autoritate fuisse & esse declarantes eosdem vt tales, harum serie condemnamus, & eos pro talibus haberi, ab omnibus vtriusq; sexus Christifidelibus supradictis, volumus, & mandamus, eosq; omnes & singulos, omnibus supradictis, & aliis contra tales à iure inflictis pœnis, tenore præsentium subiicimus, & eisdem irretitos fuisse, & esse decernimus, & declaramus. Inhibemus præterea, sub omnibus & singulis præmissis pœnis, eo ipso incurrendis, omnibus & singulis Christifidelibus superius nominatis, ne scripta, etiam præfatos errores non continentia, ab eodem Martino quomodolibet condita vel edita, aut condenda, vel edenda, seu eorum aliqua, tanquā ab homine Orthodoxæ fidei inimico, atq; ideo vehementer suspecta legant. Et vt eius memoria omnino deleatur de Christifidelium consortio, legere, asserere, prædicare, laudare, imprimere, publicare, siue defendere, per se, vel alium, seu alios, directè vel indirectè, tacitè vel expressè, publicè vel occultè, seu in domibus suis, siue aliis locis publicis vel priuatis, tenere quoquo modo præsumant, quinimo illa (vt præfertur) comburant. Monemus insuper omnes & singulos Christifideles supradictos, sub

C O N S T I T U T I O S Y N O D I.

ctos, sub eadem excommunicationis latæ sententiæ pœna, ut hæreticos prædictos, declaratos, & condemnatos, mandatis nostris non obtemperantes, post lapsum termini supradicti euitent, & quantum in eis est euitari faciant, nec cum eisdem vel eorum aliquo, commercium, aut aliquam conuersationem seu cõunionem habeant, nec eis necessaria ministrent. Ad maiorem præterea dicti Martini, suorumq; complicum, fautorum vel adhærentium, aut receptatorum prædictorum, sic post lapsum termini prædicti declarationem hæreticorum, & condemnatorum confusionem: vniuersis & singulis vtriusq; sexus Christifidelibus, Patriarchis, Archiepiscopis, Episcopis, Patriarchalium, Metropolitanarum, & aliarum Cathedralium, Collegiatarum, ac inferiorum Ecclesiarum, Prælatiis, Capitulis, aliisq; personis Ecclesiasticis secularibus, & quorumuis ordinum, etiam mendicantium (præsertim eius congregationis, cuius dictus Martinus est professus, & in qua degere vel morari dicitur) Regularibus, exemptis, & non exemptis, necnon vniuersis, & singulis Principibus, quacunq; Ecclesiastica, vel mundana fulgentibus dignitate, Regibus, Imperatoribus, Electoribus, Ducibus, Marchionibus, Comitibus, Baronibus, Capitaneis, Conductoribus, Domicellis, Communitatibus, Vniuersitatibus, Potentatibus, Ciuitatibus, Terris, Castris, & locis, seu eorū habitatoribus, Ciuibus, & incolis, omnibusq; aliis & singulis supradictis, per vniuersum orbem, præsertim in eadem Alemania constitutis mandamus: quatenus, sub prædictis omnibus & singulis pœnis, ipsi vel eorum quilibet præfatum Martinum, complices, adhærentes, receptantes, & fautores personaliter capiant, & captos ad nostram instantiam retineant, & ad nos mittant. Reportaturi pro tam bono opere, à nobis & sede Apostolica, remunerationem, præmiumq; condignum, vel saltem eos, vel eorum quemlibet de Metropolitanis, Cathedralibus, Collegiatis, & aliis Ecclesiis, Domicibus, Mona-

bus, Monasteriis, Conuentibus, Ciuitatibus, dominiis, Vniuersitatibus, Communitatibus, Castris, Terris, ac locis respectiue, tam Clerici, & regulares, quàm laici omnes, & singuli supradicti omnino expellant. Ciuitates verò, dominia, terras, Castra Villas, Comitatus, Fortalicia, Oppida & loca quæcunq; vbilibet consistentia earum, & eorum respectiue, Metropolitanas, Cathedralas, Collegiatas, & alias Ecclesias, Monasteria, Prioratus, Domus, Conuentus & loca religiosa, vel pia, cuiuscunq; ordinis (vt præfertur) ad quæ præfatum Martinum vel aliquem ex prædictis declinare contigerit, quamdiu ibi permanerit, & triduo post recessum, Ecclesiastico subiicimus interdicto. Et vt præmissa omnibus innotescant: mandamus insuper vniuersis Patriarchis, Archiepiscopis, Episcopis, Patriarchalium, Metropolitanarum, & aliarum Cathedralium ac Collegiatarum Ecclesiarum Prælatiis, Capitulis, aliisq; personis Ecclesiasticis, secularibus, & quorumuis ordinum supradictorum, Regularibus fratribus, Religiosis, Monachis, exemptis & non exemptis, supradictis, vbilibet, præsertim in Alemania constitutis: quatenus ipsi, vel eorum quilibet, sub similibus Censuris, ac pœnis, eo ipso incurrendis, Martinum, omnesq; & singulos supradictos, qui elapso termino huiusmodi, mandatis, seu monitis nostris non paruerint, in eorum Ecclesiis, Dominicis & aliis Festiuis diebus, dum inibi maior populi multitudo ad diuina conuenerit, declaratos hæreticos, & condemnatos publicè nuncient, faciantq; & mandent ab aliis nunciari, & ab omnibus arctiùs euitari. Necnon omnibus Christifidelibus, vt eos euitent, pari modo, sub prædictis Censuris, & pœnis, & præsentis literas, vel earum transumptum, sub forma infra scripta factum, in eorum Ecclesiis, Monasteriis, Domibus, Conuentibus, & aliis locis, legi, publicari, atq; affigi faciant. Excomunicamus quoq; & anathematizamus omnes & singulos cuiuscunq; status, gradus, con-

CONSTITV: SYNOD.

ditionis, præminentia, dignitatis aut excellentia fuerint, qui quominus præsentés literæ, & earum transumpta, copiae, seu exemplaria, in suis terris, & dominiis legi, affigi, & publicari, possint, fecerint, vel per se, vel alium, seu alios, publicè vel occultè, directè vel indirectè, tacitè vel expressè, quocumque modo procurauerint. Postremò quia difficiliter foret præsentés literas ad singula quæque loca deferri, in quibus necessarium foret, volumus & Apostolica autoritate decernimus, quòd earum transumptis, manu publici Notarii confectis & subscriptis, vel in alma Vrbe impressis, & sigillo alicuius Ecclesiastici Prælati munitis, ubique stetur, & plena fides adhibeatur, prout originalibus literis staretur & adhiberetur, si forent exhibitæ vel ostensæ. Et ne præfatus Martinus, omnesque alii supradicti, quos præsentés nostræ literæ quomodo libet concernunt, ignorantiam earundem literarum, & in eis contentorum omnium, & singulorum prætere vaneant, literas ipsas in Basilica Principis Apostolorum, & Cancellaria Apostolica, necnon Cathedralium Ecclesiarum, Brandeburgensium, Misnensium, & Merseburgensium valuis affigi, & publicari debere volumus. Decernentes, quòd earundem literarum publicatio sic facta, super dictum Martinum, omnesque alios & singulos prænominatos, quos literæ huiusmodi quomodolibet concernunt, periinde ardeat: ac si literæ ipsæ die affixionis & publicationis huiusmodi eis personaliter lectæ & intimatæ forent. Quum non sit verissimile, quòd ea quæ tam patenter fiunt, debeant apud eos incognita remanere: non obstantibus constitutionibus, & ordinationibus Apostolicis, seu si supradictis omnibus, & singulis, vel eorum alicui, aut quibusvis aliis, à sede Apostolica prædicta, vel ab ea potestatem habentibus, sub quavis forma, etiam confessionalis, & cum quibusvis etiam fortissimis clausulis, aut ex quavis causa, seu grandi consideratione, indultum, vel concessum existat, quòd interdici, suspendi, vel excommunicari non possint, per literas Aposto-

ras Apostolicas, non facientes plenam & expressam, ac de verbo ad verbum, non autem per clausulas generales id importantes, de indulto huiusmodi mentionem, eiusdem indulti, tenores, causas, & formas, perinde ac si de verbo ad verbum infererentur: ita vt omnino tollatur præsentibus, pro expressis habentes. Nulli ergo omnino hominum liceat, hanc paginam nostræ damnationis, reprobationis, reiectio-
nis, decreti declarationis, inhibitionis, voluntatis, mandati, hortationis, obsecrationis, requisitionis, monitionis, assignationis, concessionis, condemnationis, subiectionis, exco-
municationis, & Anathematizationis infringere, vel ei ausu temerario contraire. Si quis autem hoc attentare præsum-
perit, indignationem omnipotentis Dei, ac beatorum Petri & Pauli Apostolorum eius, se noverit incursum. Datum
Romæ apud S. Petrū. Anno incarnationis Dominicæ, Mil-
lesimo quingentesimo vigesimo septimo. Decimo Kalen-
das Iulii. Pontificatus nostri, anno octauo.

EDICTVM SIGISMVNDI

Regis, contra Hæreticos.

Sigismūds Dei gratia Rex Poloniæ, magnus Dux
Litvaniæ, Rulsie Prusieq; Dñs & hæres. &c.

MAnifestum facimus, omnibus & singulis, cuiuscunq; sta-
tus, & ordinis, subditis nostris: necnon etiam adue-
nis quibuscunq; in Regno, & dominiis nostris vslibet exi-
stentibus. Quia cum humanis ingeniis, præsertim vulgi, ad
res novas ac insolentes propensis, necesse sit cum alia mala
pleraq; tum verò schismata & hæreses emergere, necesse item
sit illas, per eos qui diuinis ac humanis institutis præpositi
sunt, tanquam zizania ex agro putari & eradicari. Si qui-

CONSTITVT: SYNOD.

dem sola est religio, quæ legibus ac institutis suis, homines in disciplina, in virtute, ac in fide, erga Deū, & homines continet ac regit. Quæq; in norma, & obseruatione sua veteri, turbata & dissoluta, turbari ac dissolui necesse est vniuersa: quod postea, vt in multis exemplis constat, in seditiones vergere, ac in perniciem rerum publicarum, earumq; rectores redundare solet. Nos pro officio Christiani Principis, eam ipsam religionem, à sanctis Patribus ordinatam, ac per sanctam Romanam Ecclesiam directam, nobisq; à maioribus nostris per manus traditam, ac per nos deniq; & gentes nostras, multo sanguine, & clarissimis gratia Dei victoriis, hætenus defensam, etiam à labe hæretica, his temporibus, in vicinia emergente, integram ac immaculatam, in Regno & dominiis nostris conseruare volentes, publicis edictis mandamus, ne qui libri Lutheri cuiusdam, eiusq; sequaciū quorūcunq;, quos sua insolentia in reprobū egit sensū, quicq; prætextu libertatis Christianæ, prætextu vitiorum ordinis Ecclesiastici, & scandalorū, quæ ab hominibus, & ab iis qui de hominibus assumpti ac perinde infirmi sunt, venire necesse est, tanquā sub melle virus suū in vulgus spargunt, & scriptis ac sermonibus famosissimis, non solum mores salubres, ac instituta Ecclesiastica, sed ipsos etiam sanctos Patres turpissimè proscindunt, & sacra prophanis miscent, nequaquam ad Regnum & dominia nostra inferantur, & legerentur, neque quis dogma ipsum pestiferum, ac iam pridem damnatum, approbare, profiteri, vel tueri auderet, sub pœna capitis, & confiscatione bonorum omnium. Ad quæ postea edicta nostra exequenda, modum etiam opportunum statuere volentes delegauimus in Prætorium Ciuitatis nostræ Regiæ Cracouiensis, nonnullos primarios nostros, tam Spirituales, quàm etiam seculares Consiliarios, qui cum Consulibus, ac Officialibus Ciuitatis, sic edicta ipsa nostra exequenda statuerent. Vt inprimis, quandocunq; opportunū videretur xmo domino Episcopo Cracouiensi, fieret per inqui-

per inquisitores eius cum decurionibus, quos Consulus, in tota Ciuitate, ad huius negotii, aliorumq; excessuū tollendorum custodiā delegit, per omnes, & singulas domos, testudines, ac cistas diligens scrutatio fiat: & vbi aliqui libri hæretici inuenirentur, illinc pœna edicti exigeretur. Deinde vt Impressores librorum, nihil prorsus imprimere, & Bibliopola, vel alii quicunq; exponere, ac vendere deinceps, ex libris vndecunq; adductis, nisi illos Rector Vniuersitatis, vel aliquis per Ordinarium constitutus prior viderit, & tam imprimi quàm vendi permiserit, sub pœnis prædictis. Vt autem & reliquæ Ciuitates nostræ hoc exemplo insistant, ac vnusquisq; tempori præmoneretur, ne ipsa mandata nostra Regia transgrediatur, & ignorantiam prætere possit: Nos hanc ipsorum Consiliariorum, simul ac Consulus Cracouiensium ordinationem, per has literas nostras, omnibus testatam esse volumus. Mandantes omnibus aliis Ciuitatibus Regni, & dominiorum nostrorum, vt cum modum edicta nostra exequendi faciant, cum Lociordinariis, aut eorum delegatis, ordinationes oportunas, easq; diligentissimè exequantur, pro gratia nostra aliter non facturi. Datum Cracouiæ Sabbato ante festum natalis Sanctissimæ Virginis Mariæ Dominae nostræ. Anno domini, Millesimo quingentesimo vigesimo tertio. Regni autem nostri, decimosextimo.

Ioannis Laski Lanciciæ Statutum, sed per Matthiam Drzeuicium successorem eius promulgatum. Anno Domini, 1527.

DEcreuit hæc sacra Synodus, vt æmi domini Archiepiscopus, & Episcopi, pro exterminio sectæ Lutheranae ex Diocesisbus comprouincialibus, & præsertim Wratislauiensibus, & Cuiauiensibus, intendant, procedendo contra notorios, & suspectos de hæresi, secundum Decreta sacrorum

CONSTITVT: SYNOD.

Canonum, Statutorum Prouincialium, veterum & nouorum, omni timore postposito, solum Deum, fidem eius, ac religionem sanctam, præ oculis habentes, non parentes præterea laboribus & expensis. Cum ipsi sunt in fidei materia positi, tanquam signum ad sagittam, & de plebe sibi commissa cōdignam Deo in districto examine reddituri sunt rationem, & sanguis ouium de manibus eorum requiretur. Quam rem vt facilius, & commodius aggredi valeant: suscepit hæc Synodus Statuta omnia Prouincialia, cum Bullis Apostolicis insertis, in diuersisq; Synodis, & per æmum in Christo patrem dominum Ioannem de Lasko, Archiepiscopum Gnesnensem, Primate, Legatumq; natum, tempore præsentis suæ scælicis confecta, approbata, Synodaliq; autoritatæ & decreto, cum Statutis huius Prouinciæ, vetustioribus conformata, digesta, in vnumq; volumen redacta, ac nouiter impressa, & per memoratum dominum Archiepiscopum in præfenti Synodo publicata. Quæ eadem Synodus pro approbatis, & publicatis habere voluit, decernens eisdem robur perpetuæ firmitatis. Et vt domini Archiepiscopi, Episcopi, aliq; Iudices Ecclesiastici, & Clerus Prouinciæ vniuersus, secundum illa viuant, & gubernentur, poenis inibi contentis irremissibiliter puniendi.

Eiusdem. Petricouix, Anno 1530.

Innouantes Constitutiones, tam iuris communis, quàm Statutorum Prouincialium anteriorum, eisq; addendorum: sacra hæc Synodus decreuit, arctissimeq; iniunxit, vt Ordinarii harum Prouinciarum his iniquissimis temporibus, diligentius exactiusq; quàm vnquam antea, de hæresi Lutherana, aliq; quapiam peruersa doctrina, in suis Diocesis inuigilent, iniungantq; hæresium inquisitoribus, vt vbi suspitio aliqua eius hæresis emerferit, illinc diligenter pertendant, excuti-

tent, excutiant, & perquirant. Quod officium de hæresi inquiren̄ sacra Synodus Archidiaconis, vbi inquisitores non sint, voluit esse iniunctum, & deinde hi, vbi quippiam de hoc crimine innotuerit, citra vllam negligentiam dominis Ordinariis deferant, qui mox, ad hoc crimen persequendum, iura communia, Statutaq; Prouincialia distringant, seruatis tramitibus modisq; ab eisdem iuribus constitutis.

DISPVTA TIONES DE NEGOCIO religionis vitandæ. Nicolai Dziergovvski. Lanciciæ, 1 5 4 2.

PErpendens etiam sacra Synodus, veneranda mysteria, & arcana fidei profanari, ac per hoc religioni Catholicæ, iamdudum per vniuersalia Concilia optimè ordinatæ iniuriam fieri, multosq; scandalizari, quòd pleriq; Clerici, vel seculares, cuiuscunq; status, vel conditionis, de fide Christiana, atq; religionis negociis, quæstiones & concertationes, etiam inter epulas & pocula mouere consueuerunt, ac ea quæ laudabiliter sancita, exposita, & ordinata sunt, in dubium reuocare. Innixa ergo Canonum & legum sanctionibus, decreuit ne quispiam Clericorum, vel secularium, huiusmodi disputationes facere audeat. Alioqui contra tales Ordinarii pœnas Canonum, & legum desuper conditarum extendant.

DE CONFESSIONE FIDEI facienda, Decretum eiusdem, Petricouïæ, Anno 1 5 5 1.

PRincipiò sacra Synodus inuocata, vt moris est, gratia Spiritus Sancti, propter exterminandas hæreses, quæ in Prouincia

CONSTITV: SYNOD.

Provincia Gnesn̄ radices iam non mediocres egerunt, multosq; in Ecclesiastico ordine infecerunt, decreuit nemine contradicente, vt æmi domini Archiepiscopi, Episcopi præsentēs, & absentium Nuncii: necnon Abbates & Capitulorum Nuncii Confessionem fidei suæ, in exordio præsentis Synodi facerent, prout ibidem fecerunt in effectu. Catholicam scilicet confitendo fideni, quam sancta confitetur Romana Ecclesia, cuius Confessionis ibidem confectus extat libellus Paraphrastice conscriptus. Quamquidem Confessionem, etiam singuli domini Episcopi absentes, & Prælati, & Canonici Ecclesiarum Cathedralium, & Collegiatarum in Capitulis suis, necnon Abbates cum suis Monachis, in eorum Conuentibus, omnes & singuli, atq; etiam coram Archidiaconis, in visitatione Ecclesiarum Parochialium Plebani atq; alii Presbyteri & Clerici facere deinceps teneantur. Operæprecium esse quoq; censuit Synodus ipsa, vt etiam deinceps illi qui nominati fuerint, aliquarum Ecclesiarum in Pro-
uincia, & Primatia Gnesn̄, in Archiepiscopos, & Episcopos, post eorum electionem, denunciationem, aut postulati-
onem, in manibus Nunciorum, per Capitula ad eos depu-
randorum, eandem Confessionem faciant, quam Confessio-
nem reiterare sunt obligati, in primo quoq; suo ad sponsas
suas ingressu: Idq; circa iuramentum receptionis suæ ad Ec-
clesiam in medio Capituli præstari solitum. Similiter Ab-
bates circa benedictiones suas, Prælati & Canonici, ad Ec-
clesias Cathedrales & Collegiatas, circa eorum receptionem.
Plebani verò & alii Clerici, ad Parochiales, & ad alia quęcūq;
Ecclesiastica beneficia, cum cura, & sine cura, circa eorum
institutionem. Et Clerici etiam ad ordines sacros promo-
uendi non suscipiantur nec admittantur, nisi quatenus id fe-
cerint. Supplicandum quoq; decreuit eadem sancta Syno-
dus sedi Apostolicæ, vt Constitutionem hanc bono & pio re-
spectu factam, assensu suo ratam faciat. Quicunq; autem
post Con-

post Confessionem huiusmodi factam, periuri & hæreticæ prauitatis assertores, aut libros hæreticos tenentes, vel legentes, vel etiam cum hæreticis, commercia, & familiaritatem habentes, aut eos in suis domibus, siue familiis tolerantes comperti fuerint, tales, nisi monitione præmissa ab hoc destiterint, si fuerint Episcopi, sanctæ sedis Apostolicæ, per eius Capitulum vel Metropolitanum: Si verò fuerint Ecclesiarū Cathedralium Prælati aut Canonici, siue Abbates, eorumq; Monachi, per Capitula, Episcopis. Si Collegiatarum & Parochialium Rectores, aliq; beneficiati, per Clericos Locorum ordinariis deferantur, legitimè puniendi. Cooperari etiam debent omni domini Archiepiscopus & Episcopi, per Nuncios Synodales, vt Regiæ Maiestatis autoritate domini Senatores seculares Ducatus Litvaniæ eandem Confessionem suscipiant. Similiter & Senatus, cum tota Nobilitate Regni Poloniæ.

BONA ECCLESIASTICA

hæresi infectis non committantur.

Eiusdem. Ex eisdem.

Quia rectæ rationis dictamini repugnat, & omnium sanctionum dispositioni aduersatur, hostes Ecclesiæ, de religionis scindenda vnitatem, & subuertendo statu Ecclesiarum, semper sollicitos veluti angues in sinu suo fouere, & illis contrarium spirantibus, honorem & fructum, ac conseruationem in bonis Ecclesiasticis pro tuenda religione Orthodoxa, & sustentatione pauperum dotatis largiri, eosq; talibus bonis præficere. Proinde sacra Synodus decreuit, ne deinceps, hominibus hæretica prauitate notatis, vel de hæresi suspectis, Castra, Oppida, Villas, prædia, aliaq; bona Ecclesiastica, in prouisionem conferant, siue in Emphyteosim vt vocant, siue

CONSTITV: SYNOD.

cant, siue ad beneplacitum, vel quocunq; alio modo, sub pœ-
na quingentorum Ducatorum auri in auro irremissibiliter
per Synodum exigeh: Et si quos eiusmodi habuerint de hæ-
resi suspectos, & bona ipsa & præfecturas auferant. Sunt e-
nim nonnulli seculares, hoc suspecto tempore, bona Ecclesi-
astica, à dominis Episcopis, aliisq; Spiritualibus hominibus,
modo præmisso illis concessa obtinentes, qui posiliabita fide
sancta Catholica, hæreses ipsi complectuntur, hæreticosq;
vel de hæresi suspectos apud se fouent, & Ecclesiæ subditos
in eundem errorem & periculum secum trahunt, à templis
sacris, Confessione, aliorumq; Sacramentorum Ecclesiæ per-
ceptione arcant, & diebus celebribus feriatís, ad labores obe-
eundos cogunt. Ideo decreuit hæc Synodus sancta, tales
omnes ad gubernanda Ecclesiæ bona, debere esse deinceps in-
habiles, & huiusmodi prouisionibus, & bonis priuandos fo-
re per dominos Ordinarios, sub pœna quingentorum Duca-
torum, & domino Archiepiscopo, & eius Ecclesiæ Gne-
snensi irremissibiliter persoluenda, à publicatione præsentium
Constitutionum in duobus mensibus, contra eos seruatis
de iure seruandis procedeh. Etiam eo non obstante, quod
in tales Concessiones Capitula, etiam regularia, ad quæ præ-
sens constitutio extenditur, consenserint, sigillaq; sua literis
apposuerint. Bona autem huiusmodi post priuationem ad
dominos suos Ecclesiasticos redeant. Vt autem & mi domi-
ni Ordinarii, & eorum in Spiritualibus Vicarii, ad exequen-
ea, quæ contra hæreticos sunt decreta, magis expeditiores
esse queant, decreuit eadem Synodus, quatenus iuxta Statu-
ta Prouincialia priora, quisq; illorum inquisitores hæreticæ
prauitatis, in sua Dicecesi habeat, eisq; stipem honestam &
competentem singulis annis, vel annorum quartualibus, sol-
uant, & quoties opus fuerit, cùm officium inquisitionis per-
agent illis de securitate eorum, per familiam suam, aut aliàs
quomodo-

quomodocunq; prospiciant, sub pœna Centum Marcarum pecuniæ, per Synodum Prouincialem exigenda.

Decretum Sigismundi Augusti Regis in negotio religionis. Varssouiæ.

Sigismūds Augustus, Dei gratia Rex Polonia, magnus Dux Litvanię, Rursię, Prussię, Masouiæ, Samogitię &c. dñs & hęres.

VNiuerſis & ſingulis cuiuſcunq; gradus, ſtatus, cōditionis, & pręminentię, ſubditis noſtris, in Regno & dominiis noſtris commorantibus, ſyncerē & fidelibus dilectis, gratiam noſtram Regiam. Sincerē & fideles dilecti. Quum inter cętera incommoda, atq; pericula, quibus Regnum noſtrum premitur, nullum eſſe videamus domeſticis odiis atq; diſſenſionibus pernicioſius: nec quod Regna quęuis & imperia vel affligere magis vel citiùs euertere poſſit. Nulla autem ex re acerbiora odia, atrocioresq; contentiones, non modo inter ordines, ſed inter omnium ordinum, Regni noſtri homines, quàm ex diuerſitate opinionum de religione Chriſtiana, quę irrupentes in Regnum noſtrum hęreſes inuexerunt, natas eſſe animaduertamus, ſummo ſtudio in eo Conuentu, cum Conſiliariis Regni noſtri, curandum atq; elaborandum nobis eſſe putauimus, vt pacatis prius & conſtitutis domeſticis diſſenſionibus, ab externis quoq; periculis, ſi qua ingruerent, tuti atq; ſecuri eſſe poſſemus. Verum cum magna eſſet de eo orta controuerſia, quòd multa eſſent publicè, contra vętera Catholica inſtituta, atq; contra leges Regni, & ediſta in religione, ritibusq; religionis, propria quorundam temeritate, atq; audacia innouata, templaq; in quibus ad eam diem, veteri Romanę Eccleſię ritu, ſacra agebantur, ac Sacramenta adminiſtrabātur, nouis à Catholica, & Apoſtolica, Romanaq; Eccleſia alienis ritibus introductis, occupata & profanata,

CONSTITV: SYNOD.

ministri earum vexati, ac sedibus suis pulsi, ornamenta ablata, bonaq; & redditus retenti, idq; cum alijs, tum post conuentum Regni nostri, quem Piotrkouia proxime habuimus: In quo edixeramus, ne quid in religione ad hunc usq; Conuentum innouaretur, nec possemus de eo iudicium constituisse, propter imminens Liuonicum bellum, ad quod gerendum in Lituaniam nobis proficiscendum fuit, necessario totam eius rei cognitionem atq; iudicium, ex sententia Senatorum Regni nostri, ad proximum usq; Conuentum Regni nostri reiecimus, suspendimusq;. Ne quid vero interim dum absumus, de religione in Regno nostro à quopiam istiusmodi innouetur seu perpetratur, longiusq; progrediatur hominum licentia, edictum ea de re nostrum, ex sententia Consiliariorum nostrorum proponendum putauimus. Mandamus igitur atq; edicimus vobis omnibus superius nominatis, constitutione videlicet Petricouien in Comitibus prateritis facta, ac legibus nostris ad eam rem freti. Principio vt omnes à blasphemijs quibusuis in Deum, sanctaq; Ecclesiae Sacramenta, praesertim in Sacrosanctum Eucharistiae Sacramentum, ac tremendum altaris sacrificium abstineant. Deinde ne quispiam vestrum, ullos iam deinceps in Regno nostro motus, atq; turbas excitare, catus, conuenticula, conuentiones in Urbibus, Oppidis, Arcibus, Curiis, Villis, & possessionibus nostris, praetextu religionis, quouis modo habere, & celebrare: neq; in iis, aut alijs quibuscunq;, quorumcunq; hominum status, & conditionis cuiusuis bonis Ecclesias atq; templa, in quibuscunq; nunc antiquus, hoc est Romanus religionis manet ritus violare, aliquid inde tollere, seu in alium statum atq; formam quicquam ibi immutare & innouare, Sacerdotesue & ministros templorum vexare, spoliare, pellere, iisq; vel pulsis, vel morte extinctis, alios in locum eorum, sine authoritate, & institutione Ordinariorum inducere, seu Ecclesijs ipsis praeficere, aut aliquam sibi potestatem, & iurisdictionem,

tionem, in Ecclesijs ipsis vsurpare, aliudue quippiam agere, quod seditionem, contentionem, atq; tumultum excitare inde possit, audeat. Quodsi quis contra hoc edictum nostrum aliquid committere & facere ausus fuerit, id non pro priuata ordinis aut personæ alicuius iniuria, sed pro nostra, auctoritatisq; nostræ Regiæ reputabimus, in eumq; tanquam violatorem auctoritatis nostræ & pacis publicæ turbatorem, legitimo iuris ordine animaduertemus. Datum Varssouiæ in Conuentione Regni generali, feria quarta, post festum Sanctorum trium Regum proxima. Anno Domini, Millesimo quingentesimo quinquagesimo septimo. Regni verò nostri, Anno vigesimo septimo.

Ad Mandatum S. R. M. proprium.

DE RECEDENTIBVS AB

vnione & obedientia Superiorum.

Ex Antiquis.

ET quoniam præterita pericula, nos circa futura faciunt cautiore. Volumus & ordinamus, vt si aliquæ personæ vel Collegia, à nostra Prouincia se separauerint, schisma quodam modo faciendo, cum iam quidam per factum huiusmodi à sui Diocæsani obedientia recesserint, Pontificalia eis ministeria, & Ecclesiastica beneficia, sepulturæ videlicet, & eleemosinæ penitus denegentur, & si Canonicè moniti, ad vnionem, vel ad obedientiam non redierint: extunc populus ab ipsorum cõmunione districtiùs arceatur. Insuper à personis Ecclesiasticis ad hospitia nullatenus colligantur. Hoc ipsum extendi volumus ad eos, qui iam schisma & obedientiam huiusmodi commiserunt.

CONSTITV: SYNOD.
DE APOSTATIS AD EC-
clesias regendas non admittendis.

Prohibemus, ne Apostatae, vel cuiusvis religionis Profes-
sores, habitum sui ordinis mutantcs, cum ex eo excom-
municationis sententiam dinoscantur contraxisse, ad Eccle-
sias regendas, vel earum Vicarias aliquatenus admittantur.

DE ADVLTERIS.
In Synodo Lanciciensi secunda.
Ex nouis.

ET quoniam hostis humani generis, multorum seculari-
um mentes adeo obcaecauit, vt relictis propriis coniugibus, alienas nuptias profanare, virgines & viduas publice fouere, iusq; thori proprii & alieni contaminare non vereantur, contra praecipuum diuinæ maiestatis, iurisq; Ciuilis & Canonici sanctiones. Cum igitur in omnibus peccatis adulterium sit grauissimum, vt potè, quod secundum in pœ-
nis vendicat sibi locum, tantoq; grauius propter id maritòs puniri oportet, quanto magis ad eos pertinet, & virtute viu-
cere, & exemplo regere scēminas: Statuimus & irrefragabi-
liter obseruari decernimus, vt Ordinarii contra adulteros, occultos & notorios, ad pœnas iuris communis, omnium timore postposito, solenniter procedant. Et si aliqui etiam ex Senatoribus Regni propterea excommunicarentur, domi-
nus Archiepiscopus, & Episcopi, apud sacram Maiestatem Regiam, cuius est officium furta cohibere, adulteria punire, & impios de terra perdere, diligenter instare debent, vt talibus conuictis, portæ dignitatum non pandantur, & in Magistratu existentes, ad publica non admittantur consilia: Vt quos virtutis amor à delinquendo nō cōtinet, saltem pœnarū exaggera-

exaggeratione, & honoris temporalis carentia cohibeat. In qua re domini Episcopi, vnus alteri constanter adhærere, ac vniforme, & indefessum consilium & auxilium præstare debent, sub interminatione maledictionis & vindictæ diuinæ.

DE RAPTORIBVS, INCENDIARIIS, & FURTIS. Ex Antiquis.

Mandamus vniuersis Plebanis, & aliis Clericis, cuiuscunq; fuerint status, in virtute sanctæ obedientiæ & sub pœna priuationis officii & beneficii, ne aliquem raptorem, proscriptum, bannitum, profugum, vel incendiarium, aut eorum rapinas in domibus recolligant vel conseruent, aut ipsis extra domos suas, expensas seu alimenta ministrent, siue ipsorum literas vel legationes, ad quasq; personas perferant, à quibus plerunq; huiusmodi pestiferum genus hominum, per contaminationes, de occidendis personis, vel eorum bonis cremandis, pecunias extorquere conantur.

Cùm in quibusdam locis quorundam iniquitas inualuerit, quod in rebus Ecclesiæ furtum reputatur sagacitas : rapina, probitas: & violentia fortitudo : hoc sacro approbante Concilio, cupientes secularium potestatum audaciam, quantum cum Deo possumus refrenare, sancimus, quòd quicunq; Princeps, seu Capitaneus terræ, Baro, aut Miles, aut Nobilis, vel Officialis eorum, & generaliter, quæuis alia persona Spiritualis vel secularis, cuiuscunq; dignitatis, status & conditionis existat, Decimas, tributa, Castra, Villas, munitiones, possessiones & bona, ac alias res mobiles & immobiles, & se mouentes ad Ecclesias, & pia ac religiosa loca, personasq; Ecclesiasticas spectantia, & pertinenzia, aut etiam pauperum hominum in ipsorum bonis degentium, rapuerit, inuaserit, occupauerit, aut illicitè detinuerit, exactiõnerit, tallias seu collectas impo-

CONSTITV: SYNO D.

lectas imposuerit, seu iniuste impignorauerit, ac occasione pignoris aliquid extorserit, vel quouis sumpto colore grauauerit: vel rapi, inuadi, occupari, detineri, impignorari, aut exactionari mandauerit, ordinauerit, seu ratum habuerit: aut raptorem, inuasorem, occupatorem, & detentorem illicitum, cum re rapta inuasa, occupata, detenta, conseruauerit, seu in defensionem susceperit: aut in bonis eiusdem notorium damnum, seu manifestam offensam iurulerit, nisi infra trium dierum spacium, à tempore rapinæ, inuasionis, & occupationis perpetratae, & commissæ, omnia & singula rapta, inuasa, & occupata, seu piguorata, necnon de iniuriis & damnis datis, & offensa manifesta, condignam emendam & satisfactionem impenderit, cum eorum in hac parte complicitibus excommunicationis sententiam incurrat ipso facto. Et nihilominus in illa seu illis, Parochia seu Parochiis, de qua seu de quibus, raptores seu inuasores, occupatores, damnum dantes, seu manifestam offensam irrogantes fuerint, aut in quibus larem seu habitationem suam habuerint, seu habere consueuerint, & ad quam seu quas res & bona prædicta, sic rapta, inuasa, ac occupata, ad conseruationem ipsarum deducta, ac in ipsis detenta fuerint, quousq; ad restitutionem & satisfactionem plenariam, aliq; loca quæcunq; ad quæ præfati raptores, inuasores, & occupatores, detentores, & iniuriantes, damnum dantes, ac offensam prædictam inferentes, cum eorum complicitibus peruenerint, seu alter eorum peruenerit, & quamdiu in eisdem locis, seu altero eorum moram traxerit seu traxerint, ipso facto Ecclesiastico subiaceant interdicto. Et quoniam excommunicatus ab vno, & ab aliis est vitandus: decernimus, quod si prædicti raptores, inuasores, occupatores, damnum dantes seu offensam inferentes, cum suis complicitibus de aliena seu alienis Diocesisbus fuerint, seu alter ipsorum fuerit, Episcopus loci, de quibus dicti raptores, & alii præfati fuerint vel ad quos confugerint,

confugerint, extunc virtute constitutionis præsentis, vel laudi communis, recepta si opus fuerit, ab Episcopo loci, vel iniuriam passo, informatione summaria, teneantur huiusmodi raptores, inuasores, occupatores, & damnum dantes, cum eorum complicibus, excommunicatos per se, & suos subditos publicè nunciari, & in Parochiis, & locis prædictis, prout superius exprimitur, interdictum Ecclesiasticum, facere inuiolabiliter obseruari.

Statuimus quòd ad bona decedentium Episcoporum, seu Episcopatum & aliorum inferiorum Prælatorum, secularium, seu religiosorum Monachorum, vel aliarum Ecclesiarum vacantium, nullus laicus quantæcunq; & cuiuscunq; altioris excellentiæ, conditionis, vel status, manus suas extendi faciat vel permittat, bona huiusmodi auferendo, aut etiam occupando occasione Iuris patronatus, vel alio quocunq; prætextu. Quod si quis laicorum contra constitutionem huiusmodi venire præsumperit, ingressum Ecclesiæ, & perceptionem, seu participationem Sacramentorum, ac etiam oblatarum sibi nouerit interdictos: saluis aliis pœnis prædictis, & aliis Constitutionibus nostris expressis. Saluis etiam iuribus communibus, tam nouis quàm antiquis.

Ex Nouis. In Synodo Petricouien quarta.

VIM seu raptum in bonis Ecclesiæ commissum, siue subditi Ecclesiastici seu alterius rei mobilis vel immobilis, ad iudiciū Ecclesiasticū pertinere decernimus. Alioquin si extra bona Ecclesiastica, subdito Ecclesiastico vis illata, vel in eum resq; suas raptus commissus fuerit, aut si ex bonis Ecclesiasticis in secularia fuerit, talis causa ad forū seculare pertinebit.

DE RAPTV VIRGINVM ET

Mulierum. Ex Antiquis.

CVM ad ea quæ frequentius accidunt, iura debeant adaptari, &

aptari, & raptus virginum & mulierum in plerisq; partibus frequentius attentatur. Præcipimus & mandamus firmiter obseruari, quatenus in vestris Synodis, subditis in virtute sanctæ obedientiæ præcipiatis, ne qua Ecclesiastica secularis-ue persona audeat à rapta virgine vel muliere requirere, an consentiat in raptorem, vel in eum cuius nomine aliquam constiterit esse raptam. Alioquin consensum raptæ duximus non tenere, donec in pristinam parentum & amicorum redierit potestatem: vel per eam steterit, quo minus redire potuit: contrarium faciens, si Clericus fuerit, ab officio, beneficio, ad arbitrium sui superioris suspendatur, & aliàs puniatur, iuxta Canonicas sanctiones. Si laicus similiter ad arbitrium Iudicis castigetur.

DE ABIGEIS ET PASCVIS

sterilibus. Ex Statutis Nicolai Dzierzgovvski. Petricouix, Anno 1557.

QVia conueniens est, inter Ecclesiasticas personas habere omnia communia, maximè vbi id fieri potest absq; incommodo alterius. Proinde sacra Synodus, improbando quorundam Ecclesiasticorum peruersam consuetudinem, quæ imitantes in malo seculares personas, vicinos suos, & confines, etiam bonorum Ecclesiasticorum colonos prohibent vti, intra limites & terminos bonorum suorum pascuis, sterilibus & desertis, eosq; quibus abigunt pecora siue pecudes, prætextu (vt vocant) forestæ impiè depaſcant, exemplum per hoc secularibus pessimum præbentes. Igitur inhibet sacra Synodus sub pœna viginti marcarum pecuniarum parti læsæ irremissibiliter solueſi, ne easdem prohibitiones pascuorum steriliū, aut abactiones pecorum, subditorum Ecclesiasticorum, ex bonis vicinis Ecclesiasticis faciant, sed

vtriusq;

vtriusq; habeantur pascua huiusmodi communia, altero alterum non impediēte: Excepto tamen eo, quod si in pratis aut segetibus damna fecerit, extunc liberum erit pecora huiusmodi abigere.

DE VSVRIS ET VSVRARI-

orum pœnis, quas Parochi certis temporibus populo publicare debent.

Ex Antiquis.

VSurariorum prauitates, qui plerunq; Mercatorum famam inquinant, dum sub mercationis velamine, diuersis adinuicentis fraudibus, plus secum contrahentes damnicificant, quàm illi qui nullo quæsito colore directè mutant ad vsuras, detegere cupientes, & ne etiam iuris ignorantiam simulatam, circa hoc possint prætere, ac suos errores de cætero friuolis rationibus excusare: Declaramus & decernimus, quod cum vsura tantum committatur in mutuo, mutuum autem tantum his rebus consistat, quæ determinantur numero, pondere, vel mensura, non solum qui rem huiusmodi, eo pacto vel principaliter ea spe mutat, vt aliquod emolumentum temporale, ultra sortem recipiat, quantumcunq; sit paruum, sed etiam si fructus seu proventus rei pignoratæ in sortem non computat ad pignus mutans, vsurarius est censendus: sed & ille qui mercem quantumcunq;, quæ venditionis tempore communi æstimatione minus valet, & quàm tunc venditurus erat carius vendiderit, solutionem precii differens, ea vice ei, qui statim soluit precium, cuiuscunq; rei emptæ, pro minori, quàm tunc valeat, lucris causa, eiusdem rei traditione dilata, ad terminum in quo constat ipsam rem plus valere, vsurarii sunt censendi. Et qui tales probari & conuinci possunt, ad notitiam Diocesanoꝝ, vel eorū Of-

CONSTITVT: SYNOD.

ſcialium perferantur, vt per eos ad reſtitutionem vſurarum, ipſi, vel eorum hæredes, diſtrictione Canonica compellantur. Confeſſores autem in foro animæ, tales ad reſtitutionem inducant efficaciter, ſi ſuarum animarum damnationem cupiunt euitare,. Sanè ſi quis in illum errorem inciderit, vel pertinaciter aſſumere præſumat, exercere vſuras non eſſe peccatum, ille velut hæreticus condemnetur. Præcipimus autem Plebanis locorum, ac illis qui habent officium prædicandi, quòd ſaltem bis in anno, videlicet prima Dominica Aduentus, & Quadrageſimæ, Statutum præſens fidelibus exponat vulgariter, ac eos ſalutaribus inducant monitis, vt abſtineant à criminibus & fraudibus vſurarum : & inſinuent omnibus, atq; eis in remedium peccatorum ſuorum iniungant, vt ipſi in noſtro, ſeu Suffraganeorum noſtrorum Conſiſtoriiis, vſuras aliquo de prædictis modis ſolutas repetant : vel ſi nondum ſoluerint, ſed tantum ſoluere promiſerint, à promiſſo ſe ſubtrahant, præſentis conſtitutionis ſuffragio ſe deſenſuri. Quam voraginem vſurarum, quæ animas deuorat, & facultates exhaurit, vtriuſq; teſtamenti pagina condemnet, & demum Cõſtitutiones ſanctorum Patrum, in Lateranenſi, Lugdunenſi, & Vienneſi Conciliis proditæ, ſub diuinæ maledictionis interminatione, ac diuerſis exaggeratis pœnis, prohibeant, & interdican : nonnulli tamen tam Spirituales quàm ſeculares noſtræ Prouinciæ in vetitum laborantes, ſuarum animarum in detrimentum, aliis licitis negociis prætermiſſis, illicitè exercent vſuras. Nos itaq; attendentes, quòd maliciis hominum aliquatenus indulgendum, hoc ſacro approbante Concilio, prohibemus : ne de cætero quiſquam cuiuſcunq; ſtatus, gradus, conditionis, & præminentię exiſtat, præſumat exercere vſuras : quod ſi qui tales manifeſti vſurarii reperti fuerint, ſtatuiſmus & mandamus, vt contra illos, per Ordinarios loci, & Parochialium Eccleſiarum Rectores, iuxta vim & formam dictorum Lateranenſi, Lugdunenſi, & Vienneſi Statuti Concilio-

Conciliorum procedant, modo qui sequitur. Videlicet, quod ab eisdem manifestis vsurariis, nullus omnino oblationes recipiat, nec ad communionem admittatur altaris, nec si in peccato huiusmodi decesserint, ad Ecclesiasticam sepulturam recipiantur. Qui autem contra præmissa fecerit, ea quæ accepit, restituere compellatur, & donec secundum nostrum aut sui Diocesani arbitrium satisfecerit, ab officii sui maneat exequutione suspensus. Tales autem qui resipiscere non curauerint à tali peccato, tamdiu excommunicati publicè nuncientur, donec ad gremium sanctæ matris Ecclesiæ reuertantur, post restitutionem eorum, quæ malè extorserint per vsurariam prauitatem: si ad restitutionem omnium eorum sufficiant facultates: vel si in totum soluendo non fuerint prius restituta ea, ad quam sufficiant portionem, de reddendo residuo, fortuito tempore, sufficientem cautionem adhibeant eis, vel eorum hæredibus si extent, à quibus extorserint vsuras. Si verò non extant, pauperibus, vel piis vsibus, iuxta ordinati-
onem Archidiaconi, Plebani sui, vel confessoris idonei, si summam duorum florenorum Vngaricalium non excedat: si verò excedit, in Diocesanorū manibus satisfactione idonea, vel cautione, de toto, vel residuo (vt præmittitur) præstita ab eisdem Diocesano Archidiaconis, vel Cōfessoribus, & Plebanis ipsorum, absolutionis beneficium consequantur. Et hoc idem in rebus vagis, vel malè ablatis vel acquisitis, decernimus obseruandum. Quod si vsurarii præscripti spe finalis pœnitentiæ & absolutionis extremæ, clauēs Ecclesiæ sanè contempserint, & temerè sustinuerint anathema, seq; in extremis absolu-
ui petierint, non prius est eis absolutio impendenda, nisi prius sub proprio iuramento, cuncta malè extorta restituant: dummodò tantum in bonis mobilibus & immobilibus habeant, quod restituere valeant vniuersa: vel saltem refundant, in quantum eorum se extendunt facultates: & de reliquo refundendo, & satisfaciendo Loci ordinario, vel eius Vicario,

CONSTITVT: SYNODI.

vel saltim Rectori Parochiæ suæ, sanitate percepta, & copia rerum nacta, dederint fideiussores idoneos. Quod si fideiussores tales non extiterint, & in eis appareant veræ pœnitentiæ signa, recepto sub forma præscripta, proprio eorundem ægrotorum iuramento, admittantur ad pœnitentiæ, Eucharistiæ & extremæ vnctionis Sacramenta. Ad eaque etiam vltimò consequenda non sufficiant, proprium iuramentum & pœnitentiæ signa, si hæredes malè acquisita restituere minimè sint parati, sed forsan sibi contradicunt, vel pro parentibus filii nolunt præmissas exhibere cautiones, vel si vxor pro marito, vel maritus pro vxore similia facere detractauerint. Si quis autem religiosus vel secularis Clericus exemptus, vel non exemptus, manifesti vsurarii, scienter corpus in Ecclesia vel Cimiterio aliter quàm supra scriptum est, ausu temerario sepelire præsumpserit, ipsum decernimus (sicut in Viennensi Concilio decretum est) ipso facto sententiam excommunicationis incurrisse: à qua non prius absoluitur, nisi Diocesano, cui præmissa fuerit iniuria irrogata, satisfactionem exhibuerit competentem. Verùm quia qui manifesti vsurarii censi debeant, apud nonnullos in dubium vocatur. Nos præsentì Synodali constitutione illos manifestos vsurarios declaramus, qui publicè & probabiliter exercent vsuras, bancos publicos tenentes ratione mutui dandi ad vsuras, aut qui decem marcas mutant, & vndecimam ratione vsuræ percipiunt, vel si fructus seu prouentus rei pignoratæ in sortem non computantur, & de hoc coram Ecclesiastico Iudice conuicti, vel confessi fuerint, seu euidentia facti eorum tanta fuerit, quòd nulla tergiversatione eorum prauitas celari possit, vel aliquatenus occultari. Quicq; per Iuratos Villarum pro vsurariis sunt publicè proclamati: qui singulis diebus Dominicis excommunicentur, solenniter nominatim, cum eis qui soluunt vsuras, nec accusant eos, post solutionem factam eisdem infra mensem.

De Sorti-

1361

LIBER QVARTVS.
DE SORTILEGIIS.

Ex Antiquis.

EXcommunicamus & anathematizamus omnes Sortilegos, qui per inuocationem Dæmonum, vel res sacras, sortilegia exercent, firmiter prohibentes, ne ab aliquo, quàm suo Episcopo, vel de ipsius mandato, nisi fortè in mortis periculo, absoluantur. Cateri verò sortilegi, per Presbyteros proprios, pœnitentia condigna imposita, absoluantur: & hanc excommunicationis sententiam, bis in anno, in prima scilicet Dominica Aduentus, & Quadragesimæ, per Sacerdotes in eorum Ecclesiis & Capitulis præcipimus publicari.

DE CRIMINE FALSI.

In Synodo Petricouienſi prima.

VT falsariis via maliciæ præcludatur, statuimus quòd quicumq; inuentus fuerit, instrumentum vel literas scribendo, vel subscribendo seu exequendo falsificasse aut talibus scienter vsum esse, aut testimonium falsū deposuisse: si Clericus non beneficiatus fuerit, vltra pœnas iuris, carceri vnus anni puniendus deputabitur, parti nihilominus, interesse, & damna in duplo refartiet: beneficiatus verò beneficio priuabitur, & laicus pœna arbitraria punietur.

In Synodo Lanciciensi secunda.

AD obuianum falsitatibus, quibus interdum Clerici maleuoli laborare consueuerunt, constituit Synodus, prioribus Decretis innitens, vt citationes, & alii quicumq; Processus à sede Apostolica, & à Iudiciis delegatis, quibus
cunq;

cunq; , necnon à Vicariis generalibus , & Officialibus etiam foraneis emanati , & emanandi , non aliter executioni demandentur , nisi priùs per Ordinarios & eorum Vicarios generales , aut Capitula legitimè reuideantur , & admittantur , sub pœna Synodali contra faciẽ infligenda. Processus verò Archiepiscopi , & Episcoporum , cum eorum sigilla non sint incognita , absq; reuisione , & admissione in tota Prouincia liberè admittantur.

CLERICVS EXCOM- municatus non ministret.

CVM scriptum sit in lege Domini , quòd quicumq; non obtemperasset Sacerdotibus , extra Castra positus lapidabatur à populo , aut ceruice gladio subiecta contemptum expiabat : & in primitiua Ecclesia inobedientes , eiekti de Ecclesia , rabido ore dæmonum trahebantur. Multi verò Sacerdotes , Censuram Ecclesiæ contemnentes , excommunicati vel suspensi à Prælatis suis , exigentibus culpis eorum , immemores , quòd Episcopis & Prælatis , clauium cælorum sit collata potestas , attentare sibi interdicta ministeria non verentur : contra tales volentes rigorem Ecclesiasticum extendere , statuimus quòd Clerici , qui excōmunicati suspensi sunt ab officio suo , ministrant vt priùs , tales (sine spe restitutionis) ab officiis , & beneficiis deponantur , & infames ac detestabiles sint. De cætero ad beneficia Ecclesiastica nullatenus admittantur , nisi per pœnitentiam approbatam & conuersionem laudabilem , sedis Apostolicæ gratiam meruerint obtinere.

In Synodo Lanciciensi prima. Ex nouis.

ITem constituit sacra Synodus , vt Abbates , & Clerici seculares & regulares , sustineant censuras Ecclesiasticas vltra annum ,

annum, deponantur, vt suspecti de hæresi. Apostata autem Monachi & fratres capiantur per suos Prælatos, castigenturq;. Et similiter illi, qui per falsas narrationes dispensationes obtinent.

DE IIS QVI TOLERANT Censuras Ecclesiasticas. In Petricou- ensi quarta.

SI Coloni seu cmetones, vltra annum infordefcant, & Censuras Ecclesiasticas animo indurato sustineant, contra dominos eorundem, pro consequendo Colonorum debito, agendum erit censuris, & aliis iuris remediis opportunis, vt vel subditos suos ad soluendū & ex censuris sese liberandum compellant, aut ipsi pro eisdem solutionem faciant: pauperibus duntaxat exceptis, cū inanis sit actio, quam excludit inopia debitoris.

DE PRIVILEGIIS ET PRI- uilegiatorum excessibus.

PRæterea statuimus, ne religiosi cuiuscunq; ordinis vel religionis existant, Priuilegiati, fines suorum excedant Priuilegiorum, cū Priuilegium mereatur ammittere, qui concessa sibi abutitur potestate. Si qui etiam religiosorum per donationem vel alium legitimum titulum, ius patronatus, aliquorum beneficiorum Ecclesiasticorum acquisierint, talia beneficia propria temeritate, suis vsibus non vsurpent, sed ipsis vacantibus, ad ea Sacerdotes idoneos præsentent: Alioquin elapso termino à iure statuto Lociordinarius, pro ut Ecclesiæ expediat, prouidū instituat ibidem curatum. Si

quas etiam Ecclesias Parochiales, infra quarum limites Monasteria habuerint, terras, agros, prata, & vineas, aut alia bona, de quibus iure Decimam soluere tenentur, in decimatione defraudauerint, omnes ipsis ad hoc opem, vel operam in præmissis dān, & ipsorum seruitiis intendē, decernimus ipso facto excommunicationis sententiam incurrisse.

In Synodo Lanciciensi prima. Ex nouis.

VT Moniales habeant claustra sua clausa, mensamq; communem, sub pœna translationis earum ad alia claustra. Exemptarum autem Prælati admoneantur per dominos Locorum ordinarios, vt sint diligentiores circa earum obseruantiam, reformationemq; faciant intra vnum annum. Quod si facere neglexerint domini Ordinarii locorum, recepta de eis inquisitione, deferant eas summo Pontifici.

In Eadem.

VT Abbates in suis Monasteriis, hinc ad sex menses, reformationem faciant, scandala, quæ de eis famantur, & per ora hominum communiter vagantur, tollant, proculq; pellant. Alioquin si hoc intra illud tempus facere neglexerint, deferantur Papæ, & procurentur deponi.

In Synodo Petricouienſi quarta. Ex eisdem.

Quilibet Episcopus cum Prælatiſ fratrum mendicantium suæ Diœcesis id agat, vt quodlibet Monasterium ad certum numerum fratrum, qui iuxta facultates cuiusq; loci, eleemosyna ali possint, restringantur, ad tollenda scandala, & grauamina, quæ ex eorum vagabunda mendicitate, quam terminatum vocant, exoriri consueuerunt.

Bulla

BVLLA PROVINCIALIS

suscepta in Synodo Lanciciensi prima.

Ex eisdem.

ITem, hæc sacra Synodus suscepit Bullam Prouincialem, per æmum dominum Archiepiscopum à sede Apostolica in Concilio generali Lateranensi obtentam, in qua continentur multa bonæ constitutiones, & indulta, huic Prouinciæ congruentia. Qam voluit, & decreuit obseruari in omnibus punctis & clausulis, prout in ea continetur. Cuius Bullæ tenor de verbo ad verbum sequitur, & est talis.

BVLLA APOSTOLICA

ca Prouincialis.

LEO Episcopus, seruus seruorum Dei, ad perpetuam rei memoriam. Sacrosanctæ vniuersalis Ecclesiæ regimini meritis licet imparibus præsidentes, curis perurgemur assiduus, & continua meditatione pulsamur, vt iuxta creditum nobis pastorale officium, Christifidelium omnium dispendiis, & animarum periculis, præsertim à dira infidelium & schismaticorum rabie prouenientibus, quantum cum Deo possumus, occurramus, & salubribus profectibus consulamus, ac in his eiusdem partes fauorabiliter impartiamur, prout ad religionis Christianæ diuiniq; cultus conseruationem & augmentum, ac animarum salutem, necnon benè viuendi institutionem conspiciamus salubriter expedire. Sanè cum nuper Venerabilis frater Ioannes de Lasko Archiepiscopus Gnesnensis, notabilis Prælati, ad nos & sedem Apostolicam, ac sanctam Lateranensem Synodum, per charissimum in Christo filium nostrum Sigismundum Poloniæ Regem Illustrem, pro

Mm ij

obedientia

CONSTITV: SYNOD.

obedientia nobis præstāda Orator destinatus, tam suo, quā
 ipsius Regis nomine nobis exposuerit, quòd in Polonia, Un-
 garia & Bohemia Regnis, in quibus magnus hæreticorum,
 & schismaticorum concursus existit, ac aliis Prouinciis, &
 partibus illi adiacentibus, tam propter infidelium Scytharum
 & Turcorum incursiones assiduas, quā eorundem hæreti-
 corum, & schismaticorum conuersationes maximas & con-
 tinuas, sapius multi errores & scandala orirentur, & multæ
 Ecclesiæ curatæ quasi desertæ, ita vt vna vix aliquando dua-
 rum aut trium domorum curam habeat, nec qui eas ob curæ,
 & fructuum tenuitatem obtinere vellent reperirentur, ac sæ-
 pius schismatici, & Rutheni, ad Catholicam reuenterentur
 Ecclesiam, & Christifideles coniugati ab infidelibus cape-
 rentur, ac de eis spes redeundi & certitudo vitæ nulla habe-
 retur, & propter interdictorum appositionem, & diuinorum
 cessationem nonnunquam populi deuotio & religio minui
 videretur, ac hæreses & schismata, diuersaq; animarum pe-
 ricula excitarentur, & an excommunicati, non tamen denunci-
 ciati seu publicati vitandi sint, à nonnullis hæsitaretur, nec
 non Processus & sententiæ, quæ in partibus illis formaban-
 tur & ferebantur, vt plurimum, cum ad Romanam Curi-
 am deferrentur, per viam nullitatis reuocarentur, & sic par-
 tes laboribus & expensis fatigarentur, ac iustitia postponere-
 tur, adeò vt sæpè partes ipsæ desperatione ductæ, bonum ius
 eorum dimittere cogerentur: & quodsi super his per nos &
 sanctam Synodum prædictam prouideretur, proculdubio
 multis animarum periculis, & partiū dispendiis obuiaretur.
 Nos quoq; zelus animarum eo potissimum vrget, quo pro
 illis ratio debetur exactior creatori, determinatione Syno-
 dali in publica sessione, propter varias ipsius Synodi occu-
 pationes, aliter non expectata, Venerabilibus fratribus no-
 stris, Berdiardino Sabineñ, Dominico Portueñ, & Marco
 Prænestensi, Episcopis, sacræ Theologiæ Professoribus peri-
 tissimis:

tissimis : Antonio S. Praxedis , Petro , S. Eusebii , & Achil-
li , qui dicti Regni Poloniae protector existit , S. Syxti , & Pre-
sbyteris , vtriusq; iuris doctoribus eminentissimis , & qui diu
iudicia causarum Palatii nostri cum magna laude rexerunt :
Necnon Friderico S. Angeli , de S. Seuerino , ac Hippolito ,
S. Luciae in Silice Estensi , viris illustribus , & in rebus agendis
solertissimis , Diaconis S. R. Ecclesiae Cardinalibus , vt de prae-
missis se informarent , & prouidenda discuterent , viae vocis
oraculo commissimus . Cum autem praefatis Cardinalibus
de praemissis per diligentem informationem desuper factum
eis , prout nobis retulerunt legitime constiterit , nos deside-
rantes , vt ex huiusmodi pastoralis debito tenemur in praemis-
so remediis , quibus possumus , salubriter prouidere , habita
cum eisdem Cardinalibus deliberatione matura , autoritate
Apostolica hac nostra perpetuo valitura , & irrefragabili
constitutione , statuimus , & ordinamus , ac decernimus , ac
declaramus , quod de caetero Cathedralibus , & Metropoli-
tanis Ecclesiis in dictis Regnis quomodolibet vacantibus
pro tempore , non nisi docti & vigilantes , aut alias tales prae-
ficientur viri , qui consilio , verbo , autoritate , & exemplo
circa diuinum cultum , animarum profectum prouidere , &
periculis inibi prouenturis obuiare sciant , velint , & valeant ,
& in eorum Ecclesiis continuè residere teneantur , & ab
illis , nisi de licentia sedis Apostolicae , aut urgentibus neces-
sitatibus Reipublicae Christianae , seu suarum Ecclesiarum , aut
Regni & domini , in quibus consistant , absentari nequeant :
& similiter Rectores Parochialium Ecclesiarum inter schi-
smaticos praedictos , vel prope illos consistens , ad euitanda
animarum pericula praedicta , in suis Ecclesiis residere , ac
animarum curam per seipsos exercere . Necnon Metropo-
litanarum & aliorum locorum Ordinarii , caeteriq; Praelati
ad quos id pertinet , per se vel alios , sub poenis suspensionis à
diuinis , loca eis tam Metropolitico iure , quam aliàs subiecta

CONSTITV: SYNO D.

visitare, & in visitationibus huiusmodi necessitatibus, tam Spiritualium quàm temporalium rerum: necnon indemnitatibus Ecclesiarum & Cleri prouidere, & aliis etiam expensis ipsorum, prout iustum & æquum fuerit, negligentias supplere teneantur, & debeant. Necnon Episcopi & alii Prælati, ad quos collatio, & prouisio dictarum Parochialium Ecclesiarum desertarum spectare dinoscitur, illas de consensu tamen patronorum earundem Ecclesiarum, si illæ de iure patronatus laicorum existant, inuicem seu vnā, alteri perpetuò vel ad vitam vnius Rectoris duntaxat vnire, & illarum Rectores, vbi necessitas exigerit, ac pro euitandis scandalis, & animarum periculis, in Circumcisionis, Epiphaniæ, Paschatis, Pentecostes, Ascensionis Domini, ac Purificationis & Assumptionis beatæ Mariæ Virginis: Necnon Natiuitatis Ioannis Baptistæ, & Natalis beatorum Petri & Pauli Apostolorum festiuitatibus, ac celebritate Omnium Sanctorum, & cōmemoratione omnium Defunctorum, in duabus tantum Ecclesiis Missarum solennia celebrare, & Eucharistiam, dummodò nonnisi in vltima Missa purificationem recipiant, cōficere. Necnon Prælati Ordinarii, & Rectores Parochialium Ecclesiarum prædicti, per se vel suos Vicarios hominibus ruralibus, qui propter timorem conscientie, in hoc dubio existentibus, in festis solennibus, præterquàm Dominicis diebus, & festiuitatibus, ac celebritate, supradictis, propter celebritatem ac damna in fructibus ruralibus euitanda, labores, & opera seruilia exercendi, cultu tamen religionis non contempto licentiam concedere. Necnon in omnibus terris, & locis dictorum Regnorum, interdicto Ecclesiastico, Ordinaria vel Apostolica authoritate suppositis, non solum in quatuor festiuitatibus, aliàs à iure communi concessis, sed etiam vltra illas, in festo sanctissimi Corporis Christi, ac prædictis Natiuitatis sancti Ioannis Baptistæ, ac Natalis beatorum Petri & Pauli Apostolorum festiuitatibus, ac celebritate

britate Omnium Sanctorum, & commemoratione Defunctorum, diuina officia solenniter, alta voce & pulsatis campanis (illis tamen, qui causam huiusmodi interdicti dederint pœnitus exclusis) celebrari, ac Catholici schismaticos, & Ruthenos huiusmodi, sine conscientie scrupulo, in eorum seruitiis tenere, & ubi Episcopos, Sacerdotes, & alios quoscunque, Missas, & alia diuina officia, & ibidem schismaticos, seu hæreticos præsentem fore contingerit, ipsi schismatici, & Rutheni, dummodò cum debito diuinorum officiorum honore, & absq; aliorum impedimento existant, nec possint sine scandalo, aut magna incommoditate prohiberi, tolerari: necnon tam Baptismus, quàm alia Sacramenta, in eisdem schismaticis, & Ruthenis, ad Catholicam fidem redeuntibus, iuxta ritum Romanæ Ecclesiæ seruari solitum, seu toleratum, baptisati seu confirmati aut ordinati non fuerint, reiterari, & etiam ab Ordinariis absolui. Quodq; Ordinarii vel eorum Vicarii, constituto eis per famam publicam, vel legitimam coniecturas, seu aliter facta, sufficienti diligentia, quòd capti ab infidelibus sint mortui, aut quòd de eorum vita certitudo aliqua haberi non potest, licentiam cum aliis contrahendi infra terminum arbitrio ipsorum Ordinariorum statuendum dare, ac in casu huiusmodi, prolem inde susceptam legitimam decernere, absq; tamen præiudicio prioris, quandoque redeuntis: quodq; matrimonia in partibus prædictis à Septuagesima, vsq; ad Quadragesimam carnali copula consummari & nuptiæ honestæ, & sine solenni pompa, post Septuagesimam celebrari, liberè, & licitè valeant. Quodq; excommunicati non publicati seu denunciati vitari non debeant, ac publici adulteri, manifestè, & notoriè diffamati, absq; alia sententia infames existant, & pro talibus in omnibus iudicari, ac per Ordinarios locorum tanquam infames publicari debeant. Ac quòd Episcopi, & alii Prælati, cruces in pectore cum monilibus, seu pectoralibus, non deferant, sed quò volu-

quo voluerint, illas sub vestibus modeste, & sine pompa deferre possint. Necnon Abbates, quibus in omnibus humilitas & modestia plurimum conuenire dinoscitur, Insulas, seu mitras, ad decorem & modestum ornatum religionis, obmissa superflua pompa gemmarum & auri, iuxta constitutionem Bonifacii viij. Prædecessoris nostri, quæ incipit: Vt Apostolicæ, tam in Synodo, quàm ubiq; ubi eis iuxta eorum Priuilegia permissum est, deferre debeant, & sub excommunicationis sententiæ pœna se Episcopos nominare non permittant. Ac quòd occidentes Presbyteros, vel Clericos, habitum, & tonsuram clericales deferentes, etiam vigore commissionis Apostolicæ, nisi per Ordinarios, quibus Ordinariis, vel eorum Vicariis absolutiones huiusmodi committi volumus, & mandamus, non absoluantur. Et similiter Presbyteri, & Clerici homicidæ, non ad alium, quàm ad proprium Ordinarium, per sedem prædictam sint pro absolutione remittendi. Nec excommunicati, ob non solutionem debitorum, seu aliàs quomodolibet sententiis censurarum inordinantes, etiam absoluti in mortis articulo, sine licentia tamen Ordinarii loci, sepeliri non possint, nisi præstita satisfaciendi cautione, aut de licentia dicti Ordinarii, qui tam indemnitati creditorum, quàm authoritati Ecclesiasticæ providere teneantur. Quodq; Processus & sententiæ in partibus illis, aliàs ritè habiti & lati, validi & efficaces existant, nec de nullitate aliqua infringi possint, præterquàm ex defectu iurisdictionis, aut citationis, & dummodò aliter partes non reperiantur enormiter læsæ in iustitia negotii principalis. Decernentes exnunc irritum & inane: si secus super his à quoquam quauis authoritate, scienter, vel ignoranter contigerit attemptari. Et insuper, cùm sicut etiam accepimus, tam præfatus Sigismundus, quàm alii qui pro tempore fuerunt Poloniæ Reges, meritis & intercessionibus præfatae gloriosæ Dei genitricis virginis Mariæ, contra eosdem schismaticos

Imaticos, hēreticos, & alios infideles, in diebus ipsius gloriosę virginis, quāmplures insignes victorias obtinuerint : ac in certo Statuto Prouinciali Gnesnensi hactenus obseruato expressē caueatur, quōd quilibet Prælatus, Vicarius, & quocunq; titulo beneficiatus, cum cura, vel sine cura, si moritur in tribus primis mensibus anni, incipien à Circumcisione Domini, habeat quartam partem introituum & emolumentorū, iuxta verum valorem suorum beneficiorum, successorī tamen frumenta æstiuālia relinquat, ad seminandum prædia. Si verò in tribus secundis mensibus, habeat medietatem. Et si in tertiis tribus mensibus, habeat tertiam partem: de frumentis hiemalibus, ad quantitatem prædii, vel prædiorum non seminatorum successorī relictis. Si verò in vltimis tribus mensibus moritur, habeat vniuersos fructus illius anni, prout in eodē Statuto dicitur plenius contineri. Ordinationem per piæ memoriæ Sixtum quartum, & Iulium secundum Romanos Pontifices prædecessores nostros, de festo Conceptionis beatæ virginis Mariæ factam: necnon Statutum Prouinciale prædictum, auctoritate & tenore prædictis, approbamus & confirmamus, ipsumq; Statutum, etiam ad hæredes Archiepiscoporum, & Episcoporum, in fructibus mensarum Metropolitān, & aliarum Ecclesiarum Cathedralium Regni prædicti extendimus, & ampliamus, ac in Prouincia Gnesnē, & toto Regno ac dominiis ipsius Regis Poloniæ obseruari, necnon festum prædictum, prout in alma Vrbe & Curia Romana colitur, coli: necnon die aliqua per ipsum Sigismundum Regem statuenda, semel duntaxat singulis annis, perpetuis futuris temporibus, in vna Ecclesia per singulos Ordinarios eligenda, in qualibet Diocēsi dicti Regni Poloniæ, & dominiorum eiusdem Regis duntaxat, & vbi ipsum Regem pro tempore fore contigerit, celebrari debeant Missæ solennes in honorem beatæ Mariæ virginis, & ad cœlicem memoriā victoriarum, per præfatos Reges Poloniæ

obtentarum, celebrari volumus, & mandamus. Et nihilominus, de omnipotentis Dei misericordia, ac præfatorum Petri, & Pauli Apostolorum autoritate confisi, omnibus & singulis vtriusq; sexus Christifidelibus, verè pœnitentibus & confessis, seu propositum confitendi habentibus, qui celebrationi dictæ Missæ, vbi ipsum Regem esse contigerit, interfuerint, & alias Ecclesias eligendas huiusmodi similiter visitauerint, centum annos indulgentiarum, misericorditer in Domino concedimus & elargimur. Quocirca Venerabilibus fratribus nostris, Archiepiscopo Strigoniensi & Olomuceñ Episcopo, ac dilecto filio Curie causarum Cameræ Apostolicæ auditori, per Apostolica scripta mandamus, quatenus ipsi vel duo, aut vnus eorū, per se vel per alium seu alios, præsentem literas, & in eis contenta quæcunq; vbi, quando, & quoties opus fuerit, solenniter publicent, ac in præmissis efficacis defensionis præsidio assisteñ, faciāt statutum, ordinationem, decretum, voluntatem, & mandatum, ac alia prædicta, iuxta præsentium continentiam & tenorem, per censuras & pœnas Ecclesiasticas, autoritate nostra firmiter obseruari, ac singulos quos præsentem concernunt, illis pacificè gaudere, necnon quoscunq; quos statuto ordinationi, decreto, voluntati, & mandato prædictis, quouis modo contrauenisse, & propterea censuras, & pœnas prædictas incurrisse constiterit, illis irretitos fore, eadem autoritate nostra publicent, & faciant ab aliis publicari, ac ab omnibus arctius euitari, donec ab eisdem censuris & pœnis meruerint absolutionis beneficium obtinere. Contradictores quoslibet & rebelles, cuiuscunq; dignitatis, status, gradus, ordinis, & conditionis existeñ, etiam Pontificali dignitate fungē, per easdem censuras, & alia iuris remedia, appellatione postposita compescendo, inuocato etiam ad hoc si opus fuerit auxilio brachii secularis: Non obstantibus præmissis, ac quibuscunq; Apostolicis, necnon in Prouincialibus, & Synodalibus Conciliis

Conciliis editis, generalibus, vel specialibus constitutionibus & ordinationibus, necnon quibusvis Priuilegiis, indultis, & literis Apostolicis, Episcopis, Prælati, Rectoribus ac aliis prædictis, sub quibuscunq; tenoribus & formis pro tempore concessis, quæ quo ad hoc ipsis nolimus aliquatenus suffragari: contrariis quibuscunq; aut si aliquibus communiter vel diuifim, ab eadem sit sede indultum, quòd interdicti, suspendi, vel excommunicari non possint per literas Apostolicas, non facientes plenam, expressam, ac de verbo ad verbum, de indulto huiusmodi mentionem. Nulli ergo omnino hominum liceat, hanc paginam nostrorum, Statuti, ordinationis, declarationis, decreti, approbationis, confirmationis, extensionis, ampliacionis, voluntatis, concessionis, elargitionis, & mandati, infringere, vel ei ausu temerario contraire. Si quis autem hoc attemptare præsumperit, indignationem omnipotentis Dei, ac beatorum Petri & Pauli Apostolorum eius, se nouerit incurfurum. Datum Romæ apud Sanctum Petrum. Anno incarnationis Domini, Millesimo quingentesimo quintodecimo. Quinto Idus Augusti. Pontificatus nostri, anno tertio.

In Synodo Lanciciensi secunda. Ex eisdem.

INter cætera, quæ ad salutem spectant populi Christiani, pabulum verbi Dei, permaximè sibi noscitur esse pernecessarium. Quia sicut corpus materiali, sic anima Spirituali cibo nutritur: eo quòd non in solo pane uiuit homo, sed in omni verbo quod procedit de ore Dei. Cùm igitur sedes Apostolica, diuersos ordines, & religiones, in suffragium curæ Pastoralis in diuersis mundi partibus constituerit, eosq; variis Priuilegiis, & libertatibus ampliauerit, vt eo liberius in vinea Domini laborando, verbum Dei populo ministrarent, confessions audirent, doctrinaq; & exemplo fidem di-

C O N S T I T V : S Y N O D.

latarent. Præsenti Decreto statuimus, vt fratres prædicatores, & fratres Conuentuales, & de obseruantia sancti Francisci, aliq; ordines exempti, & eorum Prælati, per Lociordinarios charitatiuè admoneantur, vt prædicatores verbi Dei, & pœnitentarios, in eorum Ecclesiis eligant, doctos, idoneos, & discretos, quibus districtè iniungant, vt in verbi Dei propositione, modestè se gerant, in arguendo vitia, personas & status ex nomine non exprimant, vnde odia & scandala plerumq; euenire consueuerunt. Sintq; in audiendis confessionibus & prædicationibus solertes & diligentes, vt verbo pariter ædificent & exemplo.

D E I N I V R I I S.

Ex Antiquis.

ET quia de Prælatiis & Canonicis, & cæteris Clericis conuicatoribus, & percussoribus, per prædecessorum nostrorum Concilia seu Satuta, nulla certa forma vel pœna, præter eam, quæ iure communi comprehenditur, inuenitur expressa. Nos attendentes, quòd plus timeri solet quòd specialiter iniungitur, quàm quòd generaliter imperatur, ap. probatione totius Concilii necessario duximus statuendum, vt Prælatus, vel Canonicus, qui suæ Ecclesiæ Prælatum vel Canonicum in Capitulo, verbis probrosis, vel contumeliosis affecerit manifestè, per quartam partem anni, à consortio sui Capituli, & perceptione distributionum quotidianarum, quæ aliis accrescunt, ipso facto sit exclusus. Ad cuius quidem statuti & pœnæ exequutionem Capitulum infra quindecim dies, sub pœna suspensionis ab ingressu Ecclesiæ teneatur. Si quis autem Prælatorum Canonicorum, in prædictas personas, etiam citra sanguinis effusionem manus iniecerit temerè violentas, per pœnas prædictas dupliciter puniatur. Pro-
videre

vulnere verò huiusmodi personis, vel aliquo prædictorum illato, etiam si nulla membri mutilatio ex tali vulnere fuerit subsequuta, sine omni remissione, per prædictas pœnas, quadrupliciter puniatur. Insuper in vtroq; casu, iuxta sui Diœcesani arbitrium læso satisfaciatur competenter, antequam restitutionem prædictorum assequatur. Sed si per temerariam membri mutilationem excesserit, beneficio Ecclesiastico, quod in eadem Ecclesia obtinet, sit priuatus. Saluis tamen aliis pœnis in sacris Canonibus contra temerarios, violentarum manuum in Clericos iniectores expressis: Saluis etiam aliis iuribus, quæ videlicet repellere vim vi permittunt.

DE POENIS.

Crescente quotidie malicia peruersorum, & in deteriora seculo declinante, cogimur ex præteritis casibus, futuris periculis obuiare, vestigiis iuris communis inhærentes, sanctione constituimus Synodali, vt si vnquam Rex, Princeps, vel quisquis alius, cuiuscunq; status, conditionis, vel eminentiæ existat, Archiepiscopum vel Episcopum comprovincialem iniuriosè cœperit, vel temere percusserit, seu banuiuerit, vel hoc mandauerit fieri, aut facta ab aliis rata habuerit, vel socius fuerit facientis, aut consilium dederit in his vel fauorem, seu scienter defensusauerit, vltra pœnam sententiæ excommunicationis, quam ipso facto incurrunt, statim in tota Prouincia cessent diuina officia ipso facto, nec exhibeantur in ipsa aliqua Ecclesiastica Sacramenta, præter baptismum paruulorum, & pœnitentias morientium, Ecclesiastica sepultura specialiter interdicta. Quodsi verò (quod absit) occidant, bona ipsius mobilia, & immobilia, Ecclesiæ iure perpetuo applicentur: Quodsi minor Prælatus Ecclesiæ Cathedralis, aut Canonicus, in tota Diœcesi. Si verò

CONSTITV: SYNOD.

Collegiatæ, vel Conuentialis Ecclesiæ captus, vel occisus fuerit, in toto Archidiaconatu in quo scelus patratum est. Si verò Plebanus aut Presbyter, seu quilibet in sacris ordinibus, siue secularis, vel regularis fuerit, in Decanatu rurali, vel Archipresbyterali sede: Si verò alius Clericus in minoribus constitutus, locus ille & Parochia loci illius Ecclesiastico subiaceant interdicto. De atroci verò vulnere relinquitur arbitrio Ordinarii, quo ad interdictum ponendum, & interdictum præsentì constitutione prolatum, ab omnibus firmiter obseruetur: nec à quoquam nisi ab ipsa Synodo, vel à Metropolitano Suffraganeis requisitis pro maiori Prælato, scilicet Archiepiscopo, vel Episcopo comprouinciali, pro minori verò vel Clerico Diocesano, congrua satisfactio præmissa, per Diocesenum suum relaxetur. Et ne malefactores huiusmodi, propter similia pericula fraudulenter procurent & obtineant se absolui, statuimus, vt non nisi in euidenti articulo mortis satisfactioe præmissa congrua, absolutionis beneficium valeant obtinere, vel saltem cautione præmissa idonea, de satisfaciendo, infra mensem, aliàs in eandem sententiam incidant ipso facto. Statuimus etiam, vt tales malefactores omnibus innotescant, vt eo ampliùs confundantur, quod tempore talis interdicti populus sono percussæ tabulæ, omnibus diebus Dominicis & festiuis ad Ecclesiam conuocetur, ibi festa & ieiunia populo indicentur, & exhortatione facta, & causa interdicti exposita, malefactores huiusmodi, ter pulsatis campanis, & candelis extinctis excommunicati publicè nuncientur. Et vt populus ad conueniendū illic ampliùs inuitetur, conuenientibus illic, & excommunicatos vitantibus, quadraginta dies indulgentiarum concedantur. Verùm si Clericus vagabundus, in furto, vel in alio recenti maleficio, depræhendatur, & habeatur de fuga suspectus, ex hac nostra generali licentia, quam præsentibus impartimur, secularis potestas, sub testimonio trium Clerico-

rum, si

rum si commodè haberi poterint, vel alio fide digno, malefactorem huiusmodi poterit captiuare, ac eum quamprimum Ecclesiastico Iudici præsentare, iuxta tradita sacrorum Canonum puniendum.

Idem. Ex nouis.

ANtiquorum patrum vestigiis inhærentes, statuimus & ordinamus, vt Clerici quorumcunq; ordinum, habitu Clericali, & tonsura abutentes, ac secularia aut militaria vestimenta gestantes. Si à Prælatiis suis tertio commoniti, secularem habitum noluerint deponere, Priuilegia Clericorum perdent ipso facto. Frustra enim Ecclesiæ implorant auxilium, qui committit in ipsam, & lex secularium Principum constituit, matronam cuius pudicitia attentata fuerit, non posse iniuriarum agere, si in veste meretricali fuerit prehensa.

Idem. In Synodo Lanciciensi secunda.

CLerici rapientes, & violantes bona Ecclesiæ, & Processus Ordinariorum, ac sibi ipsis ius dicentes, vel seculares in auxilium causarum Spiritualium aduocantes, incarcerationentur, donec satisfaciant parti, & Iudici. Locorum autem Ordinarii omnia in Synodis Prouincialibus laudabiliter constituta, pœnali iudicio exequi teneantur.

In Synodo Petricouienſi quarta.

CLerici contentiosi, aleatores, potatores, percussores, sacrilegi, concubinarij, continui adulteri, pœna carceris, vel arbitraria, pro modo culpæ, vltra pœnas iuris communis puniantur.

Matthiæ

Matthiæ Drzeuicii. Lanciciæ, 1527.

DEcreuit etiam hæc Synodus, quòd domini Archiepiscopi & Episcopi Archidiaconis non committant deinceps vices suas, quo ad correctionem morum, & pœnarum exactionem, sed solùm vt iuris est visitationem, & visitationis relationem, qua facta, ipsi aut eorum in Spiritualibus Vicarii, ad morum correctionem, & pœnarum exactionem procedant, quas non in ipsum, sed pro luminaribus, fabrica Ecclesiarum, aut in alium pium vsum conuertant.

Eiusdem. Petricouiæ, Anno 1534.

QUum turpe sit & per omnia iniquum, quosdam tolerare Clericos, qui per rerum alienarum immoderatam cupiditatem, lucris flagitiosis adeò intendunt, vt etiam quod in se & aliis committi execrantur, in alios ipsi exerceant, prout in plerisq; negociationibus, tum verò in Decimis faciunt. Quippè dum suas Decimas à secularibus vendi nolint, aliorum ipsi Decimas rapere temerè non verentur. Quod non modo in Clericos (quos sanctiores laicis esse conuenit) verùm & in laicis detestandum crimen est. Proinde vt hæc mali fomes ex Clero tollatur, sacra statuit Synodus, vt quicumq; Clericus Decimam alterius cuiuscunq; rapuerit, eam cum pœna triplici, iustæ æstimationis eius Decimæ, quam rapuit, reddere cogatur. Cuius pœnæ dimidium ipso facto Ecclesiæ Diœcesanæ luat, fabricæ applicandum: dimidium verò damnum passo exoluat.

Ex eiusdem. Ibidem.

TAmetsi omnes Pontifices, item Abbates Prouinciæ, nisi legali ac probabili impedimento excusentur, ad Synodum Prouincialem venire iure sint obligati, cui tamen debito pleriq;

to pleriq; domini Abbates contravenientes, ad eam Synodū venire non curant, sed neq; iustā suā absentiae causam exhibent, qua constet illos venire non potuisse. Decreunt idem eadem Synodus, vt deinceps omnes domini Abbates, pramoti tamen ante Ordinariorum literis, ad Synodum veniant, aut verò si omnino venire non possint ægritudine, aliaue iusta ac legali necessitate impediti, Procuratorem suum cum sufficienti instrumento publico, impedimentum legale, nec non iurisiurandi in animam mandantis præstandi, mandatum speciale continente, cum aliquo Abbate vicino mittant: Alioqui excusationi locum non esse, contrafacientemq; decem marcarum pœna, per æmum dominum Archiepiscopum fabricæ Ecclesiæ Gnesuensis inferenda, sumpta omni exceptione sacra Synodus mulctandum censuit.

DE POENITENTIIS & Remissionibus. Ex Antiquis.

Qualitas, locus, & discretio Confessarii.

DOceant, maximè ante Quadragesimam, Sacerdotes, vt omnis vtriusq; sexus Christianus, postquàm ad annos discretionis peruenerit, teneatur omnino sua fideliter peccata confiteri coram proprio Sacerdote tempore Paschatis, iniunctamq; sibi pœnitentiam studeat pro viribus adimplere. Si quis autem tempore alio voluerit alieno Sacerdoti confiteri, licentiam prius obtineat aut postulet à proprio Sacerdote, cū alienus eum non possit aliter absolvere vel ligare, nisi sint regulares, obtinentes priuilegia à sancta sede Apostolica. Ad audiendam autem confessionem, locum non obscurum vel abditum aut absconsum, sed eminentem, Sacerdotes sibi eligant, vt possint communiter videri. Et dum sit confessio, Sacerdos sit cautus & discretus, vt more periti me-

dici superinfundat vinum & oleum vulneribus fauciat, diligenter inquirens, & peccatoris circumstantias, & peccati. Caueat autem omnino, ne verbo, aut facto, signo, aut aliquo modo prodat aliquatenus peccatorem. Si autem prudentiori consilio indiguerit, id absq; vlla expressione personæ cautè requirat. Qui autem peccatum in foro pœnitentiæ sibi detectum præsumpserit reuelare, non solum à Sacerdotali officio decernimus deponendum: verum etiam ad agendum pœnitentiam, in arctum Monasterium detrudendum. Consulimus, & monemus, vt Sacerdotes passim, & districtè Missas non iniungant confitentibus, sed cupiditatis notam fugientes, in hac parte fructus, qui ex tali iniunctione possint Sacerdotibus provenire, iniungant pauperibus erogare. In qua quidem confessione Sacerdotes vultum humilem, & oculos in terram fixos habeant, ne indiscretè & frequentius faciem inspiciant confitentis, & maximè mulieris, sed patiènter audiant quicquid dixerit, in spiritu lenitatis, & ei pro posse suo & pluribus modis suadeant, vt confiteatur ingregè: Nam si aliter fecerint, confessio non valebit. In confessione caueant sibi Sacerdotes, ne inquirent nomina personarum, cum quibus peccauerunt pœnitentes, sed circumstantias tantum, quæ possunt aggravare peccatum. Cum experientia certa didicimus, pro fornicatione, vel etiam peccatis maximis, ferè nullam vel minimam pœnitentiam pœnitentibus iniungi à Sacerdotibus, ignorantibus seu negligentibus Canonica instituta: Præcipimus igitur, quòd Sacerdotes studeant inquirere diligenter, & peccata vñtata, & circumstantias vñtatas peccatorum, maximè gulæ, luxuriæ, & cupiditatis, quibus genus humanum frequentius corrumpitur, & defœdatur.

Medicorum corporis officium.

Statutum est in Concilio generali, & districtè iniunctum Medicis corporum, cum eos ad infirmos vocari contingit, vt ipsos ante

ipſos ante omnia moneant & inducant, quòd prius medicos aduocent animarum, vt poſtquam infirmo fuerit de ſpiritu-ali ſalute prouiſum, ad corporalis medicinæ remedium ſalubrius procedatur. Cæterũ autem, cùm anima ſit multũ præcioſior corpore, ſub interminatione anathematis prohibemus, ne quis medicorum, pro corporali ſalute aliquid ægroto ſua- deat, quod in periculum vergat animarum. Et quia plerumq; infirmus, ſua conſiteri peccata propter multorũ præſentiam erubeſcit, id à Sacerdotibus diſtriſſime ſuademus obſeruari, vt prius ſemotis arbitris, familiariter & ſecretè audi-ant confeſſionem ipſius, ſi mortis periculum non obſiſtat, & poſt abſolutionem ſacramentalem, ei cum deuotione Eucha-riſtiam conferant ſalutarem.

Abuſuum, per fratres Religioſos induci ſolitorum, correctio.

Licet autem fratribus Prædicatoribus, & Minoribus ſit à iure permiſſum, vt ex eis perſonæ ſufficientes, idoneę, vitæ probatæ, diſcretæ, modeſtæ, atq; peritæ, per eorũ certos ſuperiores electæ & præſentatæ Diœceſanis locorũ, in eorum Ciuitatibus, & Diœceſibus, de ipſorũ petenda licentia, gratia vel beneplacito, confeſſiones ſibi conſiteri volentium audire valeant, & imponere pœnitentias ſalutares, ac abſolutionis beneficium impendere poſſint: quia tamen ſumus certiùs in- formati, quòd iidem religioſi contempta eiufdem iuris forma, indifferenter omnes, dummodo ſint Presbyteri, etiam non præſentati Epifcopo, audiunt confeſſiones ſingulorum, in dam- nationem ſuam, & animarum ſibi conſitentium: ne per errorem huiusmodi, animæ ſubditorum noſtrorum periclitentur, de cætero, hoc ſacro appobante Concilio, omnibus Re-ſtoribus Parochialibus noſtrarum Diœceſis & Prouinciæ, firmiter iniungimus, ne Parochianos ſuos permittant dictis

C O N S T I T U T I O N E S S Y N O D I.

fratribus confiteri, nisi illis duntaxat, qui per patentes literas Dicecesani Episcopi, pro ipsis confessionibus audendis nominati fuerint deputati. Quas quidem literas de Cancellaria nostra, & Suffraganeorum nostrorum, gratis, & sine solutione pecuniæ aliqua, ipsi fratres recipere, & eas Rectoribus Ecclesiarum debent præsentare: qui Rectores ad requisitionem ipsorum fratrum teneantur in suis Ecclesiis eas publicare. Verùm tamen Episcopus fratribus ipsis (ut præmittitur) electis, & præsentatis, sine causa recusauerit audiendi confessiones licentiam exhibere, extunc fratres ipsi ex speciali concessione Apostolica, id faciendi habeant liberam facultatem: in nullo tamen casu, circa absolutionem maiorem auctoritatem habeant, quàm Parochiales Presbyteri: nisi Episcopus vel superior, qui potest, ipsis uberiorem gratiam specialiter duxerit concedendam. Nec etiam possunt dicti fratres, seu quivis alii religiosi, Clericis vel laicis sine speciali licentia Parochialis Presbyteri ministrare alia Sacramenta: & qui contrarium fecerint, excommunicationis sententiam incidunt ipso facto. In Ecclesiis quoque Parochialibus, dicti fratres non possunt, nisi de ipsorum Rectorum beneplacito & assensu, prædicare verbum Dei. Cùm autem fratres ipsi festiuis diebus in domibus suis manè prædicationes faciunt, non eas in tantum protrahant, quòd plebs ad prædicationem & summam Missam suæ Parochiæ, cui tunc interessè tenentur, negligant horam debitam veniendi, nec Parochianos in suis sermonibus detineant, nisi cùm fortè domorum festiuitates indicant, nec girando per Ecclesias & eorum ambitus, populum aqua benedicta aspegant: aut cinerum, vel frondium, palmarumque benedictionibus se occupent, eùm talia in Parochialibus Ecclesiis de iure & de antiqua consuetudine peragantur. Non impediant etiam dicti fratres per suas prædicationes, stationes & Processiones solennes, quæ sub ritu Ecclesiæ generalis.

De Pœni-

De Pœnitentiariis per Episcopos instituendis.

Quia etiam frequenter in pœnitentiis iniungendis quidā casus emergunt, qui propter ignorantiam Sacerdotū expediti nō possunt, & qui absolutionem & dispensationem Episcopalem requirunt, ideo salubriter duximus statuendum: Quod quilibet Episcopus, eò quod propter occupationes multiplices eius copia quandoq; haberi non potest, vnum ad minus pœnitentiarium penes se habeat, honestum, prouidū, & discretum. Et nihilominus alium, vel alios instituat in Ecclesia sua Cathedrali, vel saltem ad ipsorum alterum recursus in eiusmodi casibus habeatur, qui etiam in illis casibus, in quibus Episcopi dispensandi pariter & absoluendi obtinent facultatem, ipsorum auctoritate dispensent, & absoluant. Archidiaconi quoq; & Archipresbyteri, & Plebani suis subditis Presbyteris, in pœnitentiali iudicio districtè iniungant, vt in casibus memoratis, siue occulti, siue manifesti existant criminis, recursum habeant ad Pœnitentiariorum supradictos, opportunum ab eis consilium quærentes. In furto, vsura, rapina, & fraude, ante omnia iniungant pœnitentibus, vt si possunt ablata restituant, aliàs nulla eis valeat satisfactio ad salutem: cū non dimittatur peccatū nisi ablatū restituatur.

De remittendis ad Pœnitentiariorum.

STATUIMUS, quod Sacerdotes, in confessione & in satisfactionibus iniungendis, maiora maioribus reseruantes, mittant ad Episcopos pœnitentes, per ipsos Episcopos absoluendos, omnes blasphemos omnipotentis Dei, & beata Mariæ, & Sanctorum, homicidas, facti, opere, casu, consilio, vel auxilio, filiorum oppressores, iniectores manuum in parentes, siue in Clericos, vel quoscunq; religiosos, sacrilegos, & Ecclesiarum, & Cimiteriorum effractores,

CONSTITVT: SYNO D.

& violatores, Simoniacos, schismaticos, & hæreticos, apostatas, sacrilegos, diuinatores, & qui ad eos accedunt, vt præmissum est, & qui Sacramentis aliqua maleficia commiserunt, vel auxilium, aut occasionem, vel causam præstiterunt, literarum, sigillorum, monetæ, seu mensurarum falsarios, periaros solennes, incestuosos cum sanguinea, vel affini, vel cum alia quæ votum emisit. Et detestabile peccatum contra naturam committentes, cum brutis vel cum animalibus rem habentes, adulteros, maleficos, qui maleficia inter coniuges faciunt, vel ne coire possint, vel sterilitatem mulierum, vel abortum procurant: qui bis se baptizare & confirmare permiserunt, & qui interfuerunt scienter. Item qui sine prima tonsura aliquem ordinem sacrum, vel per saltû susceperunt: qui contra iustitiam, vel conscientiam, consilium, siue auxilium in aliquo præstiterunt, vnde mors hominum, vel membrorum iniusta mutilatio est sequuta: vel qui in huiusmodi facinore scienter literas dictarunt, scripserunt, legerunt, & occasionem, consilium siue causam dederunt, vel aliquid administratum præstiterunt: & Clericos qui suspensi vel excommunicati sunt promoti, aut diuina ordini ipsorum nondum competentia celebrare præsumpserunt. Sacerdotes quoq; & ipsorum ministros, quorum negligentia aliquid inhonestum circa Sacramentum altaris, quocunq; modo euenit, in huiusmodi punctis & similibus detentos, mittant Sacerdotes ad Episcopos absoluendos, nec eos absoluent, præterquàm in mortis articulo, absq; Locordinarii licentia speciali. Declarantes quòd illi, quibus duxerimus talium absolutionem committendam, potestatem illam aliis personis non habeant committendi. In dubio autem consulant Episcopum, vel eius vicesgerentem, vel alios sapientes, quorum consilio pœnitentem absoluant, vel transmittant ad alium absoluendum. Quibus quidem omnibus superscriptis Pœnitentiariis, exceptis illis, qui per violentâ manuû iniectionem in personas Ecclesiasticas

clesiasticas, in Canonem late sententię inciderūt, quos Episcopi absoluere non possunt, & similiter irregularibus exceptis, qui excommunicati diuina celebrauerunt, quorum dispensatio, ad solum summum spectat Pontificem, per nos, & alios Episcopos, de absolutionis beneficio potest prouideri, auctoritate ordinaria nostram potestatem impendimus.

De Indulgentiarum concessione.

Quoniam plerique Episcoporum, per indiscretam & superfluum indulgentiarum concessionem, claues Ecclesię contemptibiles reddunt, & pœnitentiam, & satisfactionem enervant, non aduertentes, quomodo Romanus Pontifex, qui plenitudinem obtinet potestatis, in hoc tamen moderamen cōsuevit obseruare, qui in capella sua personaliter celebrans, vel prædicans, interuentibus contritis & confessis, ad maximum septem annos indulgentiæ, & quadrantenas totidem largitur. Ne igitur per temeritatem huiusmodi simplicitati fidelium de cætero illudatur, vt secundum iuris dispositionem communis, cū dedicatur Basilica, non extendantur indulgentiæ ultra annum, siue ab vno solo, siue à pluribus Episcopis deducatur. In anniuersario dedicationis tempore, quadraginta dies, de iniunctis pœnitentiis, indulta remissio non excedat, & similiter, quando ex aliis rationabilibus causis, per literas suas Episcopus huiusmodi remissiones suis subditis voluerit indulgere, quadraginta dierum & non amplius numero sit contentus. Nec remittentium indulgentias, subditi percipiant alieni, nisi hoc (vt ipsi vti possint) eis proprii iudices specialiter duxerint indulgendum.

Huic autem Statuto necessario duximus annexendū, quod nullus Clericus secularis vel religiosus, exemptus vel non exemptus, in Ecclesia sua seu Monasterio indulgentias, præterquam quæ per Diocesani patentes literas fuerint approbatæ,
pronun-

pronunciare & concedere præsumat. Nam frequenter in diuersis Ecclesiis, siue locis multorum annorum & quadrantenarum indulgentiæ sub nominibus summorum Pontificum, & etiam Episcoporum ignotorum conceduntur, quæ propter nimium excessum, de facultate vehementer sunt suspectæ, & propter hoc huiusmodi indulgentiarum literæ, per Diœcesanum examinari & approbari debent, cuius interest, ne ipsius subditi, ex spe, quam ob huiusmodi mendosas & falsas indulgentias obtinent, ab agenda condigna pœnitentia retrahantur, nisi Episcopus ex alia causa rationabili aliud duxerit faciendum.

De eligendo Confessore idoneo.

SI Episcopus suo subdito concessit, ut sibi possit idoneum eligere Confessorem, ille quem is elegerit, in casibus qui eidem Episcopo specialiter reseruantur, nullam habet penitus potestatem, nisi hoc in confessionalis specialiter exprimatur: cum in generali confessionalis illa non veniant, quæ non esset quiuvis verisimiliter in specie concessurus. Nulla quoque potest consuetudine introduci, quod aliquis, præter sui superioris licentiam, Confessorem sibi eligere valeat specialem, qui eum possit ligare, vel soluere.

De supplicio vltimo damnatorum.

CVM secundum Statuta Canonica vltimo deputandis supplicio negari (si petant) non debet pœnitentiæ Sacramentum, abusus damnablem, in quibusdam partibus contra hoc introductum, aboleri omnino volentes, quo per quæstiones carnificum sceleribus malefactorum cognitis, confessionem sacramentalem Sacerdoti eosdem facere non curant, aut impediunt: Iustitiosarios omnes, & dominos temporales, ut ab huiusmodi desistant abusu, hortamur in domino & obsecramus per viscera misericordiæ Iesu Christi. Locorum ni-

corum nihilominus Ordinariis iniungentes, vt eos ad hoc cumprimùm commodè poterint, diligenter monere, & si necesse fuerit Ecclesiastica censura compellere non obmittant.

Idem. Ex Nouis.

Parochiani, qui apud fratres Minores, Prædicatores, & alios ad id priuilegiatos, confessionis & pœnitentiæ, necnon & Eucharistiæ Sacrosanctæ Sacramenta suscipiunt, pastori suo Parochiali, de susceptione huiusmodi, per literas suorum confessorum significatorias, vel alio modo legitimo fidem facere teneantur. Quodsi alibi, quàm apud priuilegiatos, prædicta & alia Sacramenta suscipere velint, id de licentia obtenta Rectorum Parochialium Ecclesiarum facere sint astricti.

Eadem sacra Synodus, Statuta vetera innouando, decreuit, vt Priores & Guardiani Ecclesiarum Conuentualium, exemptarum & non exemptarum, quorumcunq; ordinum, illos quos muneri prædicandi, vel confessionibus audientis præficiunt, Lociordinario singulis annis præsentare sint astricti.

De dispensationibus moderandis.

Quia facilitas veniæ plerumq; parit incentiuū delinquendi. Ita siquidem facilitas concessionis apud sedem Apostolicam dispensationum, maximè in gradibus prohibitis matrimonia contrahendi: necnon absolutionum à iuramentis, Confessionalium, absurda quandoq; & pias aures offendentia continentium, aperit multis viam peierandi, & plurima scandala perpetrandi. Proinde sacra Synodus, decreuit sanctæ sedi Apostolicæ supplicandum, quo prouidere dignetur sua sanctitas, ne ad concessionem dispensationum & absolutionum huiusmodi Confessionalium facilem se præbeat, vel saltem vt dispensationes, & absolutiones ipsæ Loco-

rumordinariis cum earum cognitione ad partes committantur. Pauci enim reperiuntur, qui dispensationes, seu absolutiones huiusmodi, per veri expressionem obtineant: Putant tamen nihilominus prætextu ipsarum absolutionum se tutos esse, vel vigore dispensationū omnia sibi licere, non sine scandalo plurimorum: audentq; liberiùs eo prætextu in varia crimina prolabi. Idem de dispensationibus super incompatibilibus, & pluralitate, minorennitate, ac de non promouendo provideatur: quandoquidem dispensationes ipsæ non modica Ecclesiis afferre solent dispendia.

DE SENTENTIA EXCOMMUNICATIONIS. Ex Antiquis.

STatuimus & præsentis Concilii authoritate inuiolabiliter præcipimus obseruari, quòd in ferendis sententiis per Iudices ius commune teneatur, & præsertim Capitulum, Sacro, de sententia excommunicationis.

Si Episcopus aliquem excommunicat ex certa causa, denunciet vicinis Episcopis per suas patentes literas, vt excommunicatum faciant denunciari, & tunc sine difficultate aliqua vicini Episcopi excommunicatum facient publicè nunciari, & in Diocæsis suis arctiùs euitari. Si verò Episcopi in hoc fuerint negligentes, vel excommunicatis communicauerint, tamdiu Cathedralium Ecclesiarum Canonici sibi non communicent, quamdiu huic salubri Statuto præsumpserint obuiari.

Statuendum duximus, quòd nullus excommunicatum à domino Papa, aut quocunq; ordinariam aut delegatam iurisdictionem habente, absolueri debeat, nisi fortè in mortis periculo constitutum, quia tunc excommunicatus huiusmodi etiam à simplicibus Sacerdote, & iuxta formam Ecclesiæ potest absolui

test absolui. Forma autem Ecclesiæ hæc est: quòd excommunicatus pro contumacia præstito iuramento, quòd Ecclesiæ, & illius qui eum excommunicauit, parebit mandatis, & quòd expensas taxandas restituet, potest in tali casu absolui. Si verò pro offensa vel re iudicata excommunicatus fuerit, tunc præstito iuramento, vt supra, ante omnia debet rei iudicatæ parere, & iudicis seu boni viri arbitrio satisfacere de offensa. Quodsi ille, vel illi, pro quo, vel pro quibus huiusmodi sententia lata fuerit, aut cui, seu quibus, est satisfactio exhibenda, forsitan absq; infirmi periculo inueniri aut haberi non possint, nihilominus Sacerdotis & bonorum arbitrio pareat sicut potest, & ipsorum arbitrio pecuniam pro satisfactione, illius nomine quem offendit, in AEdē sacra, vel penes honestos viros deponat: quodsi parere vel satisfacere fortè non possit, pignora prædicto modo pro satisfactione deponat. Quodsi facere hoc nō possit, fideiussores idoneos ponat: quodsi fortè horum nihil facere possit, præcipiat sibi absolvens sub debito præstiti iuramenti, quòd infra mensem postquam fuerit restitutus sanitati, præsentiam sui excommunicatoris adibit, & pro causis, pro quibus excommunicatus fuerat siue extitit, Ecclesiæ & iudicis reuerenter parebit mandatis. Si verò aliquis, quem ex causis prædictis excommunicatum, non seruata in suis casibus forma præfata, absoluerē præsumperit, & damna, & interesse excommunicatori & aduersario, vel eius hæredibus rependere teneatur: & aliàs nihilominus per Diœcesanum vel alium Prælatum seu superiorem suum acriter arguendus.

Quia quorundam peruerforum, clauēs Ecclesiæ contemnitium, in tantum excreuit temeritas, vt per eorum obstinātam maliciam Ecclesiæ videatur auctoritas vilipendi, cū excommunicationis sententiam in se pro manifestis, & notoriis causis rationabiliter prolatam, in suarum animarum periculum & plurimorum scandalum, animo sustinent pertinaci,

ci, non attendentes quòd tantò grauiora sunt peccata, quantò diutius animā infœlicem detinent alligatam. Propter quod huic morbo necessariam, quantum possumus, volentes adhibere medelam, statuimus, vt quicumq; excommunicationis sententiam, ex iusta causa, modo prædicto in se latam, infra spacium sex mensium, à die prolata in eum sententiæ computandum, animo sustinuerit indurato, ad arbitrium excommunicatoris, pro huiusmodi pertinacia puniatur. Si verò in ea infra spacium vnus anni obstinatione damnabili præsumpserit perdurare, anno elapso dominus ipsius temporalis siue supremus, siue hæreditarius, bona ipsius mobilia & immobilia teneatur confiscare, ea in vsus proprios conuerrendo. Quodsi dominus ipse in his exequendis negligens inuentus fuerit aut remissus, ad id exequendum, per loci Diœcesani Censuram Ecclesiasticam compellatur.

Quoniam in quibusdam locis, vt accepimus, in tantum excreuit temeritas & præsumptio laicorum, quod si quando auctoritate ordinaria seu delegata, in terram, villam, aut Castrum interdictum generale ponatur, idem laici officium Sacerdotum, imò, quod tunc temporis Sacerdotibus est prohibitum, vsurare conantes, vt Ecclesiasticam per hoc magis Censuram eludant, apud loca taliter interdicta sepelire præsumunt in Cimiterio corpora defunctorum. Licet autem contra præsumptores huiusmodi iuri communi sit prouisum, quia tamen per illos contra quos interdictum ponitur, antequam satisfaciant, frequenter in pactum deducitur, vt exhumationis pœna ab Ordinario suo delegato ante omnia simpliciter remittatur: ne fortè huiusmodi delinquentium temeritas hac occasione impunita remaneat, & per hoc cæteris detur audacia similia præsumendi, sacri approbatione Concilii huius statuimus & mandamus, vt quicumq; inantea intra Cimiterium loci interdicti aliquod corpus seu corpora defunctorū scienter sepelire præsumpserint, excommunicationis

nicationis sententiam incurrant ipso facto, à qua non nisi per solum Metropolitanum vel Dicecesanum, aut cui super hoc suas commiserint authoritates, absoluantur. Metropolitanus verò vel eius Dicecesanus, aut eorum in hac parte Vicarius, nequaquam ad impendendum talibus beneficium absolutionis procedat, nisi prius sepultis taliter corporibus exhumatis, & locis reconciliatis, & Ecclesiæ, ac personis, quibus ex hoc iniuria dignoscitur irrogata, satisfactum fuerit competentem. Et statim cum in Ecclesiis Parochialibus, vel in aliis, prout iura permittunt denunciati fuerint nominati, mox ab omnibus, tam exemptis quàm non exemptis debent euitari, nec extunc aliquis, qui hoc scire tenetur, credat se per ignorantiam excusari, cum talis denunciatio publica, neq; possit neq; debeat singulorum auribus inculcari.

Idem. In Synodo Petricouiesi prima.

Ex nouis.

EXcommunicatos, & aliis Censuris innodatos, non nisi citata parte absoluendos esse decernimus. Censura verò, quæ contra participantes appellatur, nisi contra nominatim expressos, nequaquam est fulminanda.

In eadem quarta.

IVri communi, pro rudium & simplicium informatione in hærentes, statuimus, & declaramus, iniectionem manuum in Clericum, qualicunq; modo sit violenta, & iniuriosa, etiamsi pede non manu fiat, aut sputo, vel liquoris violenta effusione, efficere, vt iniector in excommunicationem Canonis, Si quis suadente, latam incidat ipso facto. Qui tamen euitari non debet, nisi per sententiam Iudicis Ecclesiastici declaretur.

Forma literarum significatoriarum Domini Archiepiscopi ad Capitaneos, contra Nobiles in-
 fordescentes, datæ per Regiam Maie-
 statem ex Decreto Conuentionis
 generalis.

Ioannes Dei gratia sanctæ Ecclesiæ Gnesnensis Archiepi-
 scopus, Primas, Legatusq; natus. Magnifico domino,
 Christofero de Schydlowiec Castellano Sandomiriensi, Re-
 gni Poloniae Vicecancellario, & Capitano Siradiensi, amico
 charissimo: In absentia Vicecapitaneo Siradiensi. Magnifi-
 cæ domine amice charissime. Innotescimus Magnificentiæ
 vestræ, sacram Maiestatem Regiam, & dominum nostrum,
 dominum gratiosissimum nobis commississe, vt locorum Ca-
 pitaneis significarem, deferremusq; excommunicatos, vi-
 gore Statuti puniendos. Itaq; inprimis Maiestatis eiusdem
 Regiæ literas vestræ Magnificentiæ sic perscribimus.

Sigismundus Dei gratia Rex Poloniae, Magnus dux &c.
 Vniuersis & singulis terrarum & districtuum Regni nostri
 Capitaneis, Vicecapitaneisq; eorum, vbilibet constitutis, ad
 quos præsentem peruenerint, syncerè & fidelibus dilectis gra-
 tiam nostram. Magnifici, generosi, & nobiles, syncerè & fi-
 deles dilecti. Quamuis Statutorum vigore, per scælicis me-
 moriæ prædecessores nostros, ad excommunicatos Regnicos
 las, antiquitus recenterq; editorum, locorum Capitanei
 excommunicatos eosdem Regni nostri incolas, qui censuras
 Ecclesiasticas per tinaciter sustinent, nostra, & Capitaneatu
 autoritatibus compellere debeant ad absolutiones obtiuen-
 das: tamen quia intelleximus ex æmo in Christo patre domi-
 no Ioanne Archiepiscopo Gnesnensi, Primate, syncerè no-
 bis dilecto, quòd vos locorum Capitanei consueueritis co-
 gnitionem

gnitionem & examen quoddam præmittere de efficacia excommunicationum ipsarum, & tandem statutum exequi aut differentes non exequi. Propter quod nos effectui statutorum eorundem satisfacere cupientes, mandamus vobis, vt dum per ipsum dominum Archiepiscopum, & successores suos, literis significatorialibus Archiepiscopalibus vobis intimatum fuerit, vt tales cuiuscunq; eminentiæ aut conditionis fuerint, excommunicatos, Censuras Ecclesiasticas contumaciter, pertinaciterq; vltra anni vnus, & sex septimanarum decursum sustinentes, vos & quilibet vestrum, visis eisdem prædictis Archiepiscopalibus literis significatorialibus quemlibet talem excommunicatum, vobis pro excommunicato, pertinaci, contumaci, & scandaloso delatum, non præmissa solennitate, seu examine super censuris, & eorum Processibus, sed visis tantummodò significatorialibus prædictis Archiepiscopalibus literis, partibus tantummodò vocatis vt se procurent absolui, requisitis: & si illud facere distulerint, iuxta statutorum dispositiones compellatis ad absolutionem obtineñ, Statutorum vigorem omnia in eisdem Statutis contenta exequuturi, absq; dilationibus & fauore: aliterq; facere non ausuri pro gratia, ac sub pœnis contra se in Statutorum Capitulis comminatis. Harum quibus sigillum nostrum præsentibus est appensum testimonio literarum. Datum in Radom feria quarta, ante Festum Simonis & Iudæ Apostolorum. Anno Domini, Millesimo quingentesimo vndecimo. Regni nostri anno quinto. Relatio & mi patris domini Mathiæ Episcopi Przemissiensis, & Regni Poloniae Cancellarii: Itaq; nos Ioannes Archiepiscopus, vestræ Magnificentiæ deferimus Nobilem N. &c. terrigenam Capitaneatus Siradiensis. Quia cognouimus ex processibus literarum, contra cum successiuè emanatarum, quòd ipse N. à pluribus annis censuras Ecclesiasticas contumaciter pertinaciterq; sustinet, nullam pro absolutione obtinenda diligentiam faciendo.

Quapro-

CONSTITV: SYNOD.

Quapropter præinsertarum literarū Maiestatis Regiæ vigore Magnificentiam vestram hortamur in Domino, vt eundem N. compellat Statuti & prædictarum literarum vigore, vt se à sententiis excommunicationum absolui procuret, ad gremiumq; & communionem sanctæ matris Ecclesiæ redeat, & alios Christifideles sua contumacia & temeritate non deprauet. Credimus autem vestram Magnificentiam decreto literarum Maiestatis Regiæ atq; Statuti satisfacturam. Quā benè valere cupimus. Datum &c.

Tenor verò Statuti Regni, de quo in præfatis literis fit mentio, est talis.

In nomine Domini Amen. Nos Kazimirus Dei gratia Rex Poloniæ, Magnus Dux Lithuanix &c. Ad perpetuam rei memoriam. Significamus per præsentēs &c. Etsi Regni nostri subditis, Clementiæ nostræ, & Regalis prouisionis in augendis commodis, ac iuribus, immunitatibus, ac libertatibus conseruandis sinum extendimus, quantò magis Ecclesiis; vnde laus, & honor altissimo Iesu Christo omnium creatori, salusq; prouenit animarum: necnon personis & membris Ecclesiasticis id facere & impendere conuenit. Proinde fœlicis memoriæ, Serenissimus Princeps dominus Wladislaus Rex Poloniæ &c. progenitor noster charissimus, & prædecessor, iniquitati hominum occurrendo, & Ecclesiasticæ libertati eiusq; membris & personis Ecclesiasticis, & secularibus, paci & indemnitati sui regiminis, consultius prouidendo, suas certas & patentes literas, Statutumq; fecit & cōdidit, huiusmodi sub tenore.

In nomine Domini Amen. Wladislaus Dei gratia Rex Poloniæ, necnon terrarum Cracouiæ, Sandomiriæ, Siradiæ, Cuiauiæ, Lanciciæ, Lithuanixq; Princeps supremus, Pomeraniæ, Russiæq; dominus & hæres. Ad perpetuam rei memoriam.

moriam. Etsi subditorum nostrorum secularium commodis, de benignitate Regia libertati intendimus, iuraq; & libertates ipsorum, contra detestandam malignorum prauitatem editionis nostræ præsidio conseruamus, multò magis tamen Regis pacifici dominatoris vniuersorum exempro, per quem Reges regnant, & Principes dominantur, Ecclesiam suam sanctam, & personas Spirituales & seculares sibi subiectas, in iuribus, & libertatibus, ac statutis à sanctis Patribus editis conseruare & tueri conuenit, & ipsas ab omni impressio-
nū incurfu præseruare. Noscat igitur tam præsens ætas, quàm posteritas futurorum, quod quanquam sacris Canonibus salubriter sancitum & lege humana vtiliter sit prouisum, quòd quicumq; Princeps seu Capitaneus, Baro, aut Nobilis, miles, aut vasallus, & generaliter quæuis alia persona Spiritualis aut secularis, cuiuscunq; status, dignitatis, gradus, & conditionis existat, decimas, quas sibi Deus in signum vniuersalis dominii, pro alimento seruientium reddi censuit: nec non domos, tributa, castra, villas, munitiones, possessiones, & quæuis bona, ac alias res mobiles, & immobiles, ad Ecclesias & pia opera, ac religiosa loca, personasq; Ecclesiasticas spectantes, ac etiam pauperum hominum, in ipsorum bonis degentium, rapuerit, inuasit, occupauerit, aut illicitè detinuerit, exactionauerit, talias seu collectas imposuerit, seu iniuste impignorauerit, aut occasione pignoris aliquid extorserit, vel quouis quæsito colore grauauerit, vel rapi, inuadi, occupari, detineri, impignorari, seu exactionari mandauerit, ordinauerit, seu ratum habuerit, aut raptorem, inuasorem, occupatorem, & detentorem illicitum, cum re rapta, inuasa, occupata, & detenta conseruauerit, seu in defensionem suscepit, aut in bonis eiusdem notorium damnum, vel manifestam offensam intulerit: nisi omnia & singula, capta, inuasa, occupata, seu pignorata restituerit: nec non de iniuriis, & damnis illatis, ac manifesta offensa, con-

CONSTITV: SYNOD.

dignam emendam & satisfactionem impenderit, cum ipso-
rum complicibus, pœnis & Censuris Ecclesiasticis debent
subiacere.

Tamen quia nonnullarum personarum secularium Regni
nostri adeò irrepsit & inoleuit iniquitas: quòd pœnas & Cen-
suras iu & contra tales, tam à Canone, quàm ab homine pro-
mulgatas in sensum dati reprobum ultra annum animo indu-
rato, in contemptum clauum sanctæ matris Ecclesiæ, ani-
marumq; suarum periculum, statutorumq; prædictorum vi-
lipendium, & scandalum Christifidelium plurimorum susti-
nere non reformidant, propter quorum culpam diuinæ vlti-
onis gladius sæpius perimit innocentes, inde etiam pullulant
hæreses, variâq; insurgunt animarum pericula.

Nos igitur Vladilaus, qui intensis desideriis, prædecesso-
rum nostrorum exemplo, tanquam tutor & conseruator, iu-
rium, libertatum, & Priuilegiõrũ in Ecclesia, personarumq;
sibi subiectarum propagationem libertatis Ecclesiasticæ, ex
debito affectamus, ad exequutionem debitam statutorum hu-
iusmodi procedere cupientes, cùm frustra conderentur leges,
nisi exequutioni debitæ demandarentur.

Ex quo etiam quos timor Dei, & mæro Spiritualis à ma-
lo non reuocat, pœna temporalis debet cœercere, præsentì
nostro Regio decreto, de consilio & vnanimi Prælatorum &
Baronum nostrorum voto, scientia, & assensu, volumus, de-
cernimus, & firmissimè, ac irrefragabiliter perpetuò obser-
uari pollicemur, statuimusq; & ordinamus per præsentès, vt
dum aliquis indigena Regni nostri, cuiuscunq; status, & con-
ditionis existat, propter raptum Decimarum, vel aliarum
rerum Ecclesiasticarum occupationem, aut ratione excessu-
um quorumcunq; siue etiam in contumaciam de non paren-
do iuri, & mandatis sanctæ Ecclesiæ, sententia excommu-
nicationis iustè fuerit innodatus, ipsamq; ultra annum lega-
lem pertinaciter sustinuerit, nec curauerit ad gremium sanctę
matris

matris Ecclesiæ redire, & pro excessu debitam emendam exhibere: Extunc anno huiusmodi elapso, omnia bona eiusdem excommunicati, mobilia, & immobilia, quæ tunc possederit, debent recipi per locorum Capitaneos, quibus subiacent, & apprehendi, tenenda & possidenda, tamdiu per Capitaneos huiusmodi, quousq; per eosdem excommunicatos vel Capitaneos memoratos, de huiusmodi bonis, damna, vel valor rei, ipsis latis, vel iniuriam passis plenariè exoluantur. Quibus solutis, bona prælibata præfatis excommunicatis, non nisi absolutis, decernimus viceversa restituenda, per Capitaneos prænotatos. Mandamus igitur omnibus & singulis Regni nostri Capitaneis, & vicelgerentibus eorundem, quatenus ad compescendū talium excommunicatorum pertinaciam, duriciam, & temeritatem, præmissa nostra saluberrima decreta exequutioni debitæ debeant demandari, perpetuè & in ævum, totiens, quotiens per Prælatos, aliasq; personas, tam Ecclesiasticas quàm seculares; super hoc fuerint requisiti & moniti. Quodsi præfati Capitanei, Tenuitarii; nostri, aut loca teneñ eorundem pro tempore existeñ, in exequutione præmissorum tardi fuerint, vel negligentes: extunc ipsos omnes, pro huiusmodi negligentia per Lociordnarios iaculo anathematis indulgemus feriendos, harū quibus sigillum nostrū est appensum testimonio literarum. Actum Cracouiæ Sabbato proximo ante festū Purificationis Marię virginis. Anno Domini, Millesimo, quadringentesimo, tricesimo tercio. Præsentibus Reuerē in Christo Patribus dominis, Zbigneo Cracouiensi, & Ioanne Chelmeñ Episcopis. Necnon Magnificis & Nobilibus, Nicolao de Michalow, Castellano Cracouiense, Petro de Pieskowa Skala Palatino Cracouiē, Ioanne Glowacz de Olesnica Marschalco Regni Poloniæ, & Ioanne de Koniecpole, ac aliis quamplurimis militibus nostris dilectis. Datum per manus Venerabilis Stanislai de Oporow, Decretorum Doctoris, Deca-

CONSTITV: SYNOD.

ni Cracouiensis, sedis Apostolicæ Protonotarii, Regni nostri prædicti Vicecancellarii, nobis syncerè dilecti. Ad relationem Magnifici Ioannis de Koniecpole.

Nos itaq; vestigia progenitoris, & prædecessoris nostri prælibati charissimi, toto mentis nostræ conatu, insequi & amplecti satageñ, literas huiusmodi statutum laudabile in se continen, cum eorum toto tenore, de consensu & voluntate Prælatorum, Baronum, ac Consiliariorum Regni nostri approbamus, innouamus, ratificamus, & confirmamus, tenore præsentium mediante. Quocirca omnibus & singulis, præsentibus & futuris Regni nostri Capitaneis, tenutariis, & eorum vicesgerentibus mandamus: quatenus prædictas nostri progenitoris statuti literas, in omnibus clausulis, punctis & conditionibus teneant, & ad vnguem perpetuò & inuiolabiliter obseruent: aliosq; in suis Capitaneatibus, tenutis & districtibus ipsis quomodolibet subiectos, & suppositos, cuiuscunq; præminentia, gradus, aut conditionis existant, arceant & compellant, iuxta vim & formam prædictarum progenitoris nostri literarum, quotiens, tam per Prælatos, quàm alias personas Ecclesiasticas & seculares, fuerint super hoc requisiti & postulati. Quodsi ipsi Capitanei & tenutarii, seu ipsorum loca tenentes, pro tempore existentes, in præmissorum exequutione se remissos & negligentes aut aliàs quomodocunq; difficiles reddiderint, extunc ipsos & eorum quemlibet, propter huiusmodi iniuriam, & contemptum mādatorum nostrorū, excommunicationum sententiis, & Censuris Ecclesiasticis, in eos per Locorum ordinarios, eorumq; Vicarios, & Officiales generales fulminandis, & promulgandis, subdimus & subiicimus, ac perpetuo subiacere decernimus, & obligamus tamdiū procedendum: quousq; ad ipsarum exequutionem literarum curauerint procedere cum effectu. Harum quibus sigillum nostrum est appensum testimonio literarum. Actum in Conuentione generali Petricouicē

couieñ pro festo Sancti Adalberti celebrata, feria quarta post
 festum Sancti Georgii proxima, xxvi Mensis Aprilis. An-
 no Domini, Millesimo, quadringentesimo, quinquagesimo
 octauo. Præsentibus ibidem æmo Reuerendisq; in Christo
 patribus dominis, Ioanne sanctæ Gnesnensis Ecclesiæ Archi-
 episcopo & Primate, Thoma Cracouieñ, Ioanne Wladisla-
 uieñ, & Regni Poloniae Cancellario, ac Andrea Posnanieñ,
 Ecclesiarum Episcopis, Venerabilib; Ioanne Luthkonis de
 Brzezic, vtriusq; iuris Doctore Archidiacono Gnesneñ, &
 Regni Poloniae Vicecancellario. Necnon Magnificis Ge-
 nerosis, Nobilibus, & Strenuis, Ioanne de Czyzow Castella-
 no, Ioanne de Thenczyn Palatino Cracouieñ, Luca de Gor-
 ka Posnanieñ, Stanislao de Ostrorog Callisicieñ, Derslao de
 Rytlwiany Sandomirieñ, Petro de Oporow Lancicieñ, Ni-
 colao de Koscielce Brzesteñ Palatinis. Andrea Odrowaz
 de Sprowa Palatino, & Capitaneo Leopolieñ, Ioanne de
 Pilcza, Hincza de Rogow Siradicieñ, & Regni Poloniae Vice-
 thesaurario, Petro de Thurow Sandomirieñ, Petro de Stri-
 kow Wladislauiieñ, Stanislao de Schidlowiec Zarnouieñ, Ca-
 stellanis: Cresslao Woyszyk de Woicza Cracouieñ, Sandiuo-
 gio de Laczenice Sandomirieñ, Ioanne Kuropatwa de La-
 cuchow Lublineñ, Succamerariis: Nicolao de Brzezic Regni
 Polonie Marschalco: Ioanne Kraska de Lubnicza Callisicieñ,
 Ioanne de Szczekoczin Dapifero Sandomirieñ: Nicolao Lu-
 blinieñ, Nicolao Pieniazek de Vithouice Cracouieñ Capita-
 neo: Ioanne de Mielstin, Ioanne de Tharnow, Iacobq; de Da-
 bno Pincerna: Nicolao de Chrzastow Tribuno Cracouieñ:
 ac Venerabilibus Iacobo de Sienna Gnesneñ ac Cracouieñ,
 Iacobo Loth de Dabno Decano Cracouieñ, Ioanne Pniow
 Decretorum Doctore Archidiacono, Ioanne Voiszyk de
 Woicza Custode Cracouieñ, Petro Spinek de Bathkow Gne-
 sneñ & Cracouieñ Canonico, & aliis quàmpluribus fide di-
 gnis circa præmissa. Datum per manus præfatorum, Re-

CONSTITV: SYNOD.

uerendi patris domini Ioannis Episcopi Wladillauienſis, & Cancellarii: ac Venerabilis Ioannis Luthkonis de Brzezic Iuris vtriuſq; Doct̃oris Archidiaconi Gneſneſ & Vicecancellarii Regni Poloniae, ſyncerè nobis dilectorum. Ad relationem præſati Venerabilis Luthkonis de Brzezic, vtriuſq; iuris Doct̃oris Archidiaconi Gneſuenſis Vicecancellarii.

Ioannis Laski. Petricouiae, 1530.

Quanto odio, quantaq; execratione excommunicationes iura diuina atq; Pontificia perſequantur, quantaq; excommunicati deſugiendi ſint, vel nemo eſt ſanæ mentis qui neſciat. Et quoniam pleriq; ea mala contagione non ponderata, cum excommunicatis conuerſari non verentur, quod pleriq; etiam maioribus vſu venit. Quo ſit, vt & excommunicati, nullo eius mali ſtudio perſeſi, eam excommunicationem, quæ alioqui vili facienda non eſt, contemnant abſoluiq; ſe nō procurant, & cæteri hoc exemplo ea non admodum exhorreſcant. Quam conſuetudinem (quæ his Lutheranae inſaniæ temporibus, eo periculoſius inoleuit, quo multorum inſolentes animi ad illam peſtem contingē ſint promptiores) tollere pœnitus cupientes, eius Synodi authoritate decernimus excommunicatos in omnibus actionibus, maximè cibo & potu, arctiùs eſſe ab omnibus Chriſtifiſdelibus, præſertim verò à Prælatiſ, deuitandos.

Petri Gamrati. Petricouiae, 1542. die Martiſ. 17 menſiſ Octobriſ celebraſ.

ET quia ex contemptu Cenſurarum hæreſes, vt plurimùm etiam ſuboriri conſueuerunt. Capitanei verò locorum, licet ægrè & negligenter contra Nobiliſ Cenſuras vltra annum

tra annum legalem sustinentes (iuxta statuta Diuorum, Wladislai & Cazimiri Poloniae Regum) executionem faciunt. Tamen contra Ciues & Plebeios, illam facere minimè volunt, quamuis statutis prædictis indistinctè cautum sit, quòd eandem executionem, contra cuiuscunq; status, & conditionis homines facere teneantur, quod etiam Statutis Prouincialibus ante cautum est, vt contra dominos subditos suos inforDESCENTES ad purgandū Censuras cogere nolentes, secundum eiusdem Statuti Regni, & Statuti Prouincialis dispositionem procedatur. Agendū tamen erit apud sacram Maiestatem Regiā in Comitibus Regni proximè futuris, vt sacra Maiestas Regia, & eius Maiestatis Capitanei, ceteriq; Officiales exequantur, si dominus per excōmunicatorem requisitus subditum suum inforDESCENTEM cogere noluerit ad purgandum Censuras, quod lapso mense post requisitionem Capitaneus loci contra dominum inforDESCENTEM Statutum Regni extendat, tanquam ipse solus inforDESCERET, vt statutum prædictum, quod indistinctè omnes afficit, in omnibus exequatur. Debent tamen & mi domini Archiepiscopus, & Episcopi Officiales suos cōducere, ne quauis facili causa ad fulminationem Censurarum, præsertim interdicti, procedant.

Ex eisdem Statutis.

QVoniā Capitanei locorum, magnam committunt negligentiam, in exequendo Statuto Regni, contra sustinentes Censuras Ecclesiasticas vltra annum, edito. Statuit hæc sancta Synodus, vt & mus dominus Archiepiscopus, & Episcopi, ac eorum in Spiritualibus Vicarii & Officiales, Censuras & pœnas contra tales negligē Capitaneos faciant extendant, & ad faciendam executionem fillos compellant. Quod vbi & mi domini Archiepiscopus & Episcopi facere neglexerint, pœna quingentorum florenorum mul-
tetur.

ſtentur. Roganda præterea eſt per Nuncios Synodales Regia Maieſtas, quòd huiusmodi Statuta contra inſordescentes, manu tenere, atq; etiam illa contra plebeios inſordescentes extendi, mandare dignetur. Et vt in Capitaneos negligentes pœnam ſtatutam vltra præmiſſa extendere non obmittat.

Petri Gamrati. Petricouiæ, Anno 1544.

CV M rem pernicioſam Eccleſiis Dei, & toto ordini Eccleſiaſtico fore conſiderent, æmi domini Archiepiſcopus & Epifcopi, quòd pleriq; nobilium, & aliæ vtriuſq; ſexus perſonæ, Cenſuras Eccleſiaſticas temerè animo indurato ſuſtinent, vnde contemptus, & ex contemptu hæreſes, & alia id genus vitia & ſcandala naſcuntur. Decreuit hæc ſacroſancta Synodus in Domino congregata, vt diligentius contra tales contemptores, & in Cenſuris inſordescentes, contra omnes indifferenter Statutum Regni & Conſtitutiones Synodales exequerentur: & in euentum, in quem officium Capitaneale Statutum huiusmodi, contra Nobilium ſubditos, & alios quoscuq; ordines & ſtatus exequi recuſarent, contra ipſoſmet Statutum Prouinciale extendatur: ac procedatur, prout in eodem Statuto Prouinciali continetur. Etenim Clerus Regni Poloniae vniuerſus queritur de magna grauamine, quo aſſicitur à Capitaneis Regni & eorum Vicecapitaneis, qui non exequuntur dictum Statutum contra excommunicatos editum, ſed & volunt ſe ponere iudices ſuper Cenſurarum validitate, prætextu illius particulæ, iuſtè excommunicatum, aliàs iubent coram ſe controuerſiam fieri: Et quoniam Capitanei locorum habent ſuos articulos quatuor, Statuto Regni præſcriptos, de quibus iudicant, ne quæ à Iudice Eccleſiaſtico ſit ad eos appellatio, atq; conſtituere ſe iudices Eccleſiaſticarum cauſarum non poſſunt. Rogat propterea Clerus vniuerſus, vt ab hac difficultate iniqua ſit

qua sit solutus, Capitaneiq; obmissis his, quæ ad eos non pertineant, executionem statuti, cuius solius causa ad eos cum literis significatorialibus Ordinariorum & Censuris venit, faciant. Et si noluerint, æmi domini Locorumordinarii Censura Ecclesiastica, monitione præmissa, eos afficiant. Rogandaq; est Regia Maiestas, vt iuxta contenta istius articuli literas suas ad Capitaneos dari faciat, seuerèq; eis mandet, vt nulla disputatione, seu cognitione præmissa, de Censurarum validitate, neq; etiam facto Processu Iudiciario, sed mox vis literis significatorialibus Ordinariorum prædictorum, ad executionem statuti, contra excommunicatos procedant, illudq; exequantur. æmiq; Ordinarii literas mandati à Sacra Regia Maiestate, ad instar illarum quas æmus dominus Archiepiscopus modernus Guesneñ expedire curauit, similiter expediant, quæ præsentibus statutis inferantur.

De eadem.

Statuto est cautum Regni, vt excommunicati non habeant loca in Iudiciis secularibus, neq; ad dicenda testimonia sint habiles, id quod Iudicibus quoq; Ecclesiasticis, per hæc Synodū proponitur, & iniungitur diligenter esse obseruandū.

In Synodo Petricouensi. Nicolai Dzierzgouii.

Item, vt Statutum contra inforDESCENTES, per locorum Capitaneos exequatur, apud Maiestatem Regiam, æmi domini Archiepiscopus & Episcopi efficiant, & ne Capitanei ipsi deferant appellationibus, quæ temerè ab executione statuti, per excommunicatos fiunt, prouideant.

De eadem.

Item, vt excommunicati in iudiciis ad agendum non admittantur.

Rr

mittantur.

mittantur, neq; ad mensas & consilia Principum recipiantur,
& maximè Episcoporum.

De eadem. Ioannis Przerembii. Varssouiæ,
1561. Die Martis quarta Martii.

Obiando scandalis, quæ ex crebra & indiscreta fulminatione Interdictorum Ecclesiasticorum, propter leues causas, quæ à Iudicibus Ordinariis & foraneis promulgantur, decreuit hæc sancta Synodus, vt deinceps nemo Officialium, præter solos æmos dominos Lociordarios fulminare Interdictum Ecclesiasticum audeat. Quodsi verò Episcopum aliquem abesse ab Episcopatu suo contigerit specialiter, eam facultatem fulminandorum Interdictorum Vicario suo in Spiritualibus absens dominus Ordinarius committat, æmi verò domini Censuram ac moderationem adhibebunt, in quibus causis illud fulminari, & promulgari fuerit necesse, iuxta iuris cõmunis & statutorum Synodaliũ dispositionem.

De verborum significatione.
Ex Antiquis.

Intelligentia verborum ex causis dicendi assumenda est, vt verba intentioni deferuant: ea tamen quæ sunt in voce earum, quæ in anima passionum notæ fiunt, in omni sermone ad communem verbi intelligentiam recurrendum est.

De regulis Iuris. Ex Antiquis.

Sanctorum patrum regulis & statutis, quilibet Christianus regatur in vita, verbis, & factis, vt sciat & faciat quod acceptum est Deo.

De libertate

De libertate Clericorum contra iniuriantes.

In Synodo Petricouienſi prima.

Ex nouis.

CLerici pro ſuis iniuriis & debitis, iudices quos volunt ſeculares aut Spirituales, pro iuſtitia conſequenda, adire habent liberam optionem & facultatem.

DOCTRINA DE SACRAMENTO Matrimonii, in Tridentino Concilio Seſs: xxiij. ex multis & diuerſis Patrum voluminibus in compendium breue collecta: cura animarum oneratis diligenter obſeruanda.

Matrimonium Sacramentum magnum, tantum inter duos eſſe debet.

Matrimonii perpetuum, indiſſolubilemq; nexum primus humani generis parens diuini Spiritus inſtinctu pronunciauit, cum dixit: Hoc nunc os ex oſſibus meis, & caro de carne mea: quamobrem relinquet homo patrem ſuum, & matrem, & adhærebit vxori ſuæ, & erunt duo in carne vna. Hoc autem vinculo duos tantummodo copulari, & coniungi, Chriſtus Dominus apertiùs docuit, cum poſtrema illa verba, tanquam à Deo prolata, referens dixit: Itaq; iam non ſunt duo, ſed vna caro: ſtatimq; eiufdem nexus firmitatem, ab Adamo tanto ante pronunciatam, hiſ verbis confirmauit: Quod ergo Deus coniunxit, homo non ſeparet.

Matrimonio gratiam Chriſtus promeruit.

Gratiam verò, quæ naturalem illum amorem perficeret, & indiſ-

CONSTITV: SYNOD.

& indissolubilem vnitatem confirmaret, coniugesq; sanctificaret, ipse Christus, venerabilium Sacramentorum institutor, atq; perfector, sua nobis passione promeruit. quod Paulus Apostolus innuit, dicens: Viri diligite vxores vestras, sicut Christus dilexit Ecclesiam, & seipsum tradidit pro ea: mox subiungens: Sacramentum hoc magnum est: ego autem dico in Christo, & in Ecclesia.

Matrimonium legis Euangelicæ præstat gratia veteribus connubiis.

CVM igitur Matrimonium in lege Euangelica veteribus connubiis per Christum gratia præstet, meritò inter nouæ legis Sacramenta annumerandum, sancti Patres nostri, Concilia, & vniuersalis Ecclesiæ traditio semper docuerunt: aduersus quam impii homines huius seculi insanientes, non solum perperam de hoc venerabili Sacramento senserunt, sed de more suo prætextu Euangelii libertatem carnis introducentes, multa ab Ecclesiæ Catholicæ sensu, & ab Apostolorum temporibus probata consuetudine aliena, scripto, & verbo asseruerunt, non sine magna Christifidelium iactura: quorum temeritati sancta, & vniuersalis Synodus cupiens occurrere, insigniores prædictorum schismaticorum hæreses, & errores, ne plures ad se trahat perniciose eorum contagio, exterminandos duxit, hos in ipsos hæreticos, eorumq; errores decernens anathematismos.

Anathematismi, ad exterminandos errores circa Sacramentum Matrimonii.

CANON I.

SI quis dixerit, Matrimonium non esse verè, & propriè vnum ex septem legis Euangelicæ Sacramentis à Christo Domino

sto Domino institutum, sed ab hominibus in Ecclesia inuentum, neq; gratiam conferre, anathema sit.

C A N O N II.

Si quis dixerit, licere Christianis plures simul habere vxores, & hoc nulla lege diuina esse prohibitum, anathema sit.

C A N O N III.

Si quis dixerit, eos tantum consanguinitatis, & affinitatis gradus, qui Leuitico exprimuntur, posse impedire matrimonium contrahendum, & dirimere contractum, nec posse Ecclesiam in nonnullis illorum dispensare, aut constituere, vt plures impediunt, & dirimant, anathema sit.

C A N O N IIII.

Si quis dixerit, Ecclesiam non potuisse constituere impedimenta matrimonium dirimentia, vel in iis constituendis errasse, anathema sit.

C A N O N V.

Si quis dixerit, propter hæresim, aut molestam cohabitationem, aut affectatam absentiam à coniuge, dissolui posse matrimonii vinculum, anathema sit.

C A N O N VI.

Si quis dixerit, matrimonium ratum, non consummatum, per solennem religionis professionem alterius coniugū non dirimi, anathema sit.

C A N O N VII.

Si quis dixerit, Ecclesiam errare, cū docuit, & docet, iuxta Euangelicam, & Apostolicam doctrinam, propter adulterium alterius coniugum matrimonii vinculum non posse dissolui, & vtrumq; vel etiam innocentem, qui causam adul-

CONSTITV: SYNOD.

terio non dedit, non posse, altero coniuge viuente, aliud matrimonium contrahere, mœchariꝑ; eum, qui, dimissa adultera, aliam duxerit, & eam, quæ, dimisso adultero, alii nupsērit, anathema sit.

CANON VIII.

Si quis dixerit, Ecclesiā errare, cū ob multas causas separationem inter coniuges, quo ad thorum, seu quo ad cohabitationem, ad certum, incertumꝛ tempus fieri posse decernit, anathema sit.

CANON IX.

Si quis dixerit, Clericos in sacris Ordinibus constitutos, vel Regulares, castitatem solenniter professos, posse matrimonium contrahere, contractumꝑ; validum esse, non obstante lege Ecclesiastica, vel voto, & oppositū nil aliud esse, quā damnare matrimonium, possēꝑ; omnes contrahere matrimonium, qui non sentiunt se castitatis, etiam si eam nouerint, habere donum, anathema sit: cū Deus id rectē petentibus nō denegēt, nec patiatur nos supra id, quod possumus tentari.

CANON X.

Si quis dixerit, statum coniugalem anteponendum esse statui virginitatis, vel cælibatus, & non esse melius, ac beatius manere in virginitate, aut cælibatu, quā iungi matrimonio, anathema sit.

CANON XI.

Si quis dixerit, prohibitionem solennitatis nuptiarum certis anni temporibus superstitionem esse tyrannicam, ab ethnicorum superstitione profectam, aut benedictiones, & alias cærimonias, quibus Ecclesia in illis vtitur, damnauerit, anathema sit.

CANON XII.

Si quis dixerit, causas matrimoniales non spectare ad Iudices Ecclesiasticos, anathema sit.

DECRE-

DECRETVM DE RE-
formatione Matrimonii.Matrimonia clandestina semper Eccle-
sia detestata.

TAmetsi dubitandum non est, clandestina matrimonia, libero contrahentium consensu facta, rata, & vera esse matrimonia, quamdiu Ecclesia ea irrita non fecit, & proinde iure damnandi sint illi, vt eos sancta Synodus anathemate damnat, qui ea vera, ac rata esse negant, quicq; falso affirmant, matrimonia, à filiis familias sine consensu parentum contracta, irrita esse, & parentes ea rata, vel irrita facere posse: nihilominus sancta Dei Ecclesia ex iustissimis causis illa semper detestata est, atq; prohibuit. verum, cum sancta Synodus animaduertat, prohibitiones illas propter hominum inobedientiam iam non prodesse, & graua peccata perpendat, quæ ex eisdem clandestinis coniugijs ortum habent, præsertim verò eorum, qui in statu damnationis permanent, dum, priore vxore, cum qua clam contraxerant, relicta, cum alia palam contrahunt, & cū ea in perpetuo adulterio viuunt.

Matrimonia ritè & solenniter contra-
hendi modus.

CVI malo cum ab Ecclesia, quæ de occultis non iudicat, succurri non possit, nisi efficacius aliquod remediū adhibeatur: Idcirco sacri Lateranensis Concilii, sub Innocentio iij. celebrati, vestigijs inhærendo præcipit, vt in posterum, antequam matrimonium contrahatur, ter à proprio contrahentium Parocho tribus continuis diebus festiuis in Ecclesia inter Missarum solennia publicè denunciatur, inter quos matrimonium sit contrahendum: quibus denunciationibus factis, si nullum legitimum opponatur impedimentum, ad celebrationem matrimonii in facie Ecclesiæ procedatur, vbi
Parochus

C O N S T I T U T I O : S Y N O D I.

Parochus, viro & muliere interrogatis, & eorum mutuo consensu intellecto, vel dicat, Ego vos in matrimonium coniungo in nomine Patris, & Filii & Spiritus sancti: vel alius utatur verbis, iuxta receptum vniuscuiusque prouinciæ ritum. Quod si aliquando probabilis fuerit suspicio, matrimonium malitiosè impediri posse, si tot præceserint denunciationes, tunc vel vna tantum denuntiatio fiat, vel saltem Parochus, & duobus, vel tribus testibus præsentibus matrimonium celebretur. Deinde ante illius consummationem denunciationes in Ecclesia fiant, ut si aliqua subsunt impedimenta, facilius detegantur: nisi Ordinarius ipse expedire iudicauerit, ut prædictæ denunciationes remittantur: quod illius prudentiæ, & iudicio sancta Synodus relinquit.

Matrimonia irrita cum pœna.

QVI aliter, quàm præsentem Parochum, vel alio Sacerdote, de ipsius Parochi, seu Ordinarii licentia, & duobus, vel tribus testibus matrimonium contrahere attentabunt, eos sancta Synodus ad sic contrahendū omnino inhabiles reddit: & huiusmodi contractus irritos, & nullos esse decernit, prout eos præsentem decreto irritos facit, & annullat. Insuper Parochum, vel alium Sacerdotem, qui cum minore testium numero, & testes, qui sine Parochum, vel Sacerdote huiusmodi contractui interfuerint, necnon ipsos contrahentes grauiter arbitrio Ordinarii puniri præcipit.

Benedictio Coniugum à proprio Parochum fieri debet.

PRÆterea eadem sancta Synodus hortatur, ut Coniuges ante benedictionem Sacerdotalem, in templo suscipiendam, in eadem domo non cohabitent, statuitque benedictionem à proprio Parochum fieri, neque à quoquam, nisi ab ipso Parochum, vel ab Ordinario licentiam ad prædictam benedictionem

nedictionem faciendam alii Sacerdoti concedi posse: quacunq; consuetudine, etiam immemorabili, quæ potius corruptela dicenda est, vel priuilegio, non obstante. Quod si quis Parochus, vel alius Sacerdos, siue Regularis, siue Secularis sit, etiam si id sibi ex Priuilegio, vel immemorabili consuetudine licere contendat, alterius Parochiæ sponso sine illorum Parochi licentia matrimonio coniungere, aut benedicere ausus fuerit, ipso iure tamdiu suspensus maneat, quamdiu ab Ordinario eius Parochi, qui matrimonio interesse debeat, seu à quo benedictio suscipienda erat, absoluator. Habeat Parochus librum, in quo coniugum, & testium nomina, diemq; & locum contracti matrimonii describat, quem diligenter apud se custodiat.

Præparatio ad contrahendum Matrimonium.

Postremo sancta Synodus coniuges hortatur, vt, antequam contrahant, vel saltem triduo ante matrimonii consummationem sua peccata diligenter confiteantur, & ad sanctissimum Eucharistiæ Sacramentum piè accedant. Si quæ Prouinciæ aliis, vltra prædictas laudabilibus consuetudinibus, & cærimoniis hac in re vtuntur, eas omnino retinere sancta Synodus vehementer optat. Ne verò hæc tam salubria præcepta quemquam lateant, Ordinariis omnibus præcipit, vt, cum primùm poterint, curent hoc decretum populo publicari, ac explicari in singulis suarum Diocesum Parochialibus Ecclesiis, idq; in primo anno quàm sepius fieri, deinde verò quoties expedire viderint. Decernit insuper vt huiusmodi decretum in vnaquaq; Parochia suum robur post triginta dies habere incipiat, à die primæ publicationis, in eadem Parochia factæ, numerandos.

De cognatione Spirituali.

DOcet experientia, propter multitudinem prohibitionum, multoties in casibus prohibitis ignoranter contrahi matrimonia: in quibus vel sine magno peccato perseveratur, vel ea non sine magno scandalo dirimuntur. Volens itaq; sancta Synodus huic incommodo providere, & à cognationis Spiritualis impedimento incipiens, statuit ut vnus tantum siue vir, siue mulier, iuxta sacrorum Canonum instituta, vel ad summum vnus, & vna baptizatum de Baptismo suscipiant, inter quos, ac baptizatum ipsum, & illius patrem, & matrem, necnon inter baptizantem, & baptizatum, baptizatiq; patrem, ac matrem tantum Spiritualis cognatio contrahatur. Parochus, antequam ad Baptismum conferendum accedat, diligenter ab iis, ad quos spectabit sci scietur, quem vel quos elegerint, ut baptizatum de Sacro fonte suscipiant: & eum vel eos tantum ad illum suscipiendum admittat, & in libro eorum nomina describat, doceatq; eos quam cognationem contraxerint, ne ignorantia vlla excusari valeant. Quodsi alii, vltra designatos, baptizatum tetigerint, cognationem Spiritualem nullo pacto contrahant: constitutionibus, in contrarium facientibus, non obstantibus. Si Parochi culpa, vel negligentia secus factum fuerit, arbitrio Ordinarii puniatur. Ea quoq; cognatio, quæ ex Confirmatione contrahitur, confirmantem, & confirmatum, illiusq; patrem, & matrem ac tenentem non egrediatur: omnibus inter alias personas huius Spiritualis cognationis impedimentis omnino sublati.

Qui gradus prohibiti Matrimonia dirimunt.

Infirmitas publicæ honestatis impedimentum, vbi sponsalia quacumq; ratione valida non erunt, sancta Synodus prorsus tollit: vbi autem valida fuerint, primum gradum non excedant:

cedant: quoniam in vltioribus gradibus iam non potest huiusmodi prohibitio absq; dispendio obseruari.

Præterea sancta Synodus, eisdem & aliis grauissimis de causis adducta, impedimentum, quod propter affinitatem ex fornicatione contractam inducitur, & matrimonium postea factum dirimit, ad eos tantum, qui in primo & secundo gradu coniunguntur, restringit. In vltioribus verò gradibus statuit, huiusmodi affinitatem matrimonium postea contractum non dirimere.

Intra gradus prohibitos Matrimonia contrahentium pœnæ.

SI quis intra gradus prohibitos scienter matrimonium contrahere præsumpserit, separetur, & spe dispensationis consequendæ careat, idq; in eo multò magis locum habeat, qui non tantum matrimonium contrahere, sed etiam cōsummare ausus fuerit. Quodsi ignoranter id fecerit, siquidem solennitates requisitas in contrahendo matrimonio neglexerit, eisdem subiiciatur pœnis. non enim dignus est, qui Ecclesiæ benignitatem facile experiatur, cuius salubria præcepta temerè contempsit. Si verò, solennitatibus adhibitis, impedimentum aliquod postea subesse cognoscatur, cuius ille probabilem ignorantiam habuit, tunc faciliùs cum eo & gratis dispensari poterit. In contrahendis matrimoniis vel nulla omnino detur dispensatio, vel raro: idq; ex causa, & gratis concedatur. In secundo gradu nunquam dispensetur, nisi inter magnos principes, & ob publicam causam.

Inter raptorem & raptam quando fit Matrimonium.

DEcernit sancta Synodus, inter raptorem, & raptam, quandiu ipsa in potestate raptoris manserit, nullum

ss ij

posse

posse confistere matrimonium. Quod si rapta à raptore separata, & in loco tuto, & libero constituta, illum in virum habere consenserit, eam raptor in vxorem habeat: & nihilominus raptor ipse, ac omnes illi consilium, auxilium & fauorem præbentes, sint ipso iure excommunicati, ac perpetuo infames, omniumq; dignitatum incapaces: & si Clerici fuerint, de proprio gradu decendant. Teneatur præterea raptor, mulierem raptam, siue eam vxorem duxerit, siue non duxerit, decenter arbitrio iudicis dotare.

Homines vagi non facile ad Matrimonium admittantur.

Multi sunt, qui vagantur, & incertas habent sedes, & vt improbi sunt ingenii, prima vxore relicta, aliam & plerumq; plures, illa viuente, diuersis in locis ducunt. cui morbo cupiens sancta Synodus occurrere, omnes, ad quos spectat, paternè monet, ne hoc genus hominum vagantium ad matrimonium facile recipiant: magistratus etiam seculares hortatur, vt eos seuerè còerceant: Parochis autem præcipit, ne illorum matrimoniis interfint, nisi priùs diligentem inquisitionem fecerint, & re ad Ordinarium delata, ab eo licentiam id faciendi obtinuerint.

Contra concubinos pœnæ.

Graue peccatum est, homines solutos concubinas habere: grauissimum verò, & in huius magni Sacramenti singularem contemptum admissum, vxoratos quoq; in hoc damnationis statu viuere, ac audere eas quandoq; domi, etiam cum vxoribus alere, & retinere. quare, vt huic tanto malo sancta Synodus opportunis remediis prouideat, statuit huiusmodi concubinos, tam solutos quàm vxoratos, cuiuscunq; status, dignitatis, & conditionis existant, si, postquàm ab Ordina-

ab Ordinario, etiam ex officio, ter admoniti ea de re fuerint, concubinas non eiecerint, scq; ab earum consuetudine non se iunxerint, excommunicatione feriendos esse: à qua non absoluantur, donec re ipsa admonitioni factæ paruerint. Quod si in concubinato per annum, censuris neglectis, permanserint, contra eos ab Ordinario seuerè pro qualitate criminis procedatur. Mulieres, siue coniugatae, siue solutæ, quæ cū adulteris, seu concubinariis publicè viuunt, si ter admonitæ non paruerint, ab Ordinariis locorum, nullo etiam requirente, ex officio grauiter pro modo culpæ puniantur, & extra Opidum, vel Dioccesim, si id eisdem Ordinariis videbitur, inuocato, si opus fuerit, brachio seculari, eiiciantur: aliiis pœnis, contra adulteros, & concubinarios inflictis, in suo robore permanentibus.

Matrimonia libera esse debent.

ITA plerumq; temporalium Dominorum, ac Magistratum mentis oculos terreni affectus, atq; cupiditates exerceant, vt viros, & mulieres, sub eorum iurisdictione degentes, maximè diuites, vel spem magnæ hæreditatis habentes, minis, & pœnis adigant cum iis matrimonium inuitos contrahere, quos ipsi Domini, vel Magistratus illis præscripserint. Quare cū maximè nefarium sit, matrimonii libertatem violare, & ab eis iniurias nasci, à quibus iura expectantur, præcipit sancta Synodus omnibus, cuiuscunq; gradus, dignitatis, & conditionis existant, sub anathematis pœna, quam ipso facto incurrant, ne quouis modo directè, vel indirectè subditos suos, vel quoscunq; alios cogant, quo minus liberè matrimonia contrahant.

Duobus temporibus solennitas nuptiarum prohibetur.

AB Aduentu Domini nostri Iesu Christi vsq; in diem Epiphaniæ

CONSTITV: SYNOD.

phanix, & à feria quarta Cinerum vsq; in octauam Pascha-
ris inclusiue, antiquas solennium nuptiarum prohibitiones
diligenter ab omnibus obseruari sancta Synodus præcipit: in
aliis verò temporibus nuptias solenniter celebrari permittit:
quas Episcopi, vt ea, qua decet, modestia, & honestate fi-
ant, curabunt: sancta enim res est matrimonium, & sanctè
tractandum.

CONSTITV:

CONSTITVTIONVM
SYNODALIVM PRO-
vinciæ Gnesnensis

LIBER QVINTVS.

COMPLECTENS

ACTA ET CONSTITVTIO-
nes Synodi Prouincialis Gnesnensis Prouin-
ciæ, Anno Dñi, M. D. LXXVII. Die XIX.
mensis Maii, Petricouiæ, habitæ
& celebratæ.



IN Nomine Sanctissimæ & indiuiduæ Tri-
nitatis. Synodus Prouinciæ Gnesnensis,
Anno Domini, Millesimo, quingentesimo,
septuagesimo septimo, Die decimanona
mensis Maii, ritu solenni, inuocata Spir-
tus sancti gratia, & sacrosancto sacrificio
Missæ, in Ecclesia Parochiali Petricouicn, supplicationibus
atq; Litiis deuote peractis, ad laudem & gloriam eiusdem
sanctissimæ Trinitatis, sanctæq; Catholicæ religionis incre-
mentum, est habita. Præsidentibus ei Reuerendis. in Chri-
sto Patribus, & Dominis, D. Vincentio Lauro Episcopo
Montisregalis, Sanctiss. in Christo patris & Domini, D.
Gregorii Diuina prouidentia Papæ xij. sanctæq; sedis Apo-
stolicæ ad Sereniss. Principem & Dominum D. Stepha-
num Regem Poloniæ eiusq; dominia Nuncio: & Iacobo V-
chanski Dei Gratia Archiepiscopo Gnesnensi, Legato nato
& Pri-

CONSTITV: SYNOD.

& Primate Regni Polonia. Idem Archiepiscopus Gnesnensis, de consilio & assensu Reuerendiss: DD. Episcoporum comprouincialium suorum, nempe, D. Stanislai Karnkovvski Wladillauię & Pomeranię: Petri Myszkovvski Plocę, & nominati Cracouię: Lucę Koscielecki Posenię: Martini Bialobrzęski Abbatis clarę Tumbę, uominati Cameneceę: Ac Reuerendiss. Dominorum, Ioanne Iarczevski Decano Vilnensi, Valeriani Vilnę, & Thoma Choięski Vicedecano Luceorię, Victorini Virzbicki Luceorię, Episcoporum, legitimis ex causis absentium, Nunciis admisis. Reuerendiss. verò Dominis, Ioanne Sienięski Archiepiscopo Leopolięsi. Martino Gerstmano Wratillauię, & Melchiaro Gedroitz Mednicięsi, Episcopis, iustis ex causis absentiam suam per literas excusantibus. Necnon pręsentibus Reuerendis DD. Martino Isdbinski de Rusiec, & Ioanne Kokalevski, I. V. Doctoribus, Canonicis Gnesnę. Stanislao Krasinski I. V. Doctore Archidiacono: & Alberto Nininski Canonico Cracouięsi. Ioanne Demętrio Solikovvski Scholastico, & Alberto Gadowski, I. V. Doctore, Pomeranię Archidiacono in Ecclesią Wladillauię. Hieronymo Povodovski, & Iacobo Brzeznięki, I. V. Doctore, Canonicis Posenię. Paulo Glogovvski Decano, & Iacobo Gorski Canonico, Plocę, Iuris vtriusq; Doctoribus. Ioanne Iarczevski Decano Vilnensi. Valentino Vrzędovv Archidiacono Premisłnę. Nicolao Kolaczkovvski Archidiacono Luceorięsi. Bartolomeo Vargocki Canonico Leopolięsi, Capitulorum suorum Nuncius. Et venerabilibus ac religiosis Dominis, Alexandro Milęski Tremesnęsi: Ioanne Guiazdovvski Mogilnensi: Stanislao Faleczki Sulcouięsi: Andrea Dzierzanovvski Vagrouęcęsi: Matthęo Borzevski Landęsi: Stanislao Kiełłuski Vitouięsi: Andrea Karuicki Vachocęsi: Andrea Bialobrzęski Andreouięsi: Paulo Makolin Plocęsi: Andrea Brzechvva Tinecęsi

Tineceñ per nuncium : & Stanisław Faleczki per nunciū Ceruineñ, Abbatibus, suo & aliorum Abbatum legitimis de causis absentium nominibus, statuit & decreuit, vt infra.

PROFESSIO FIDEI. CAPVT I.

AD testificandam vnitatem & constantiam sacrosanctæ Catholicæ Ecclesiæ, quæ à Iesu Christo Domino Deo & Salvatore nostro super beatum Petrum Apostolorū Principem ab initio ædificata, & ad finem vsq; seculi perpetua sumorum Pontificum Romanorum successione duratura est, omnes & singuli, qui ad Synodum conuenerunt, fidem suam, quæ vna eademq; est omnium verè in Christo credentium, ex formula per Pium quartum scēl: re: Pontificem Max. edita: adhibito iureiurando, libenter cupideq; professi sunt, in hanc videlicet formam.

Ego N. firma fide credo & profiteor, omnia & singula quę continentur in Symbolo fidei, quo sancta Romana Ecclesia vtitur, videlicet: Credo in vnum Deum Patrem omnipotentem, factorem cœli & terræ, visibilium omnium & inuisibilium. Et in vnum Dominū Iesum Christum filium Dei Vni-genitum, & ex Patre natum ante omnia secula: Deum de Deo, lumen de lumine: Deum verum de Deo vero: genitum non factum, consubstantialem Patri, per quem omnia facta sunt. Qui propter nos homines, & propter nostram salutem, descendit de cœlis. Et incarnatus est de Spiritu sancto ex Maria virgine, & homo factus est. Crucifixus etiam pro nobis sub Pontio Pilato, passus & sepultus est. Et resurrexit tertia die secundum scripturas. Et ascendit in cœlum, sedet ad dexteram Patris. Et iterum venturus est cum gloria iudicare viuos & mortuos, cuius Regni non erit finis: Et in Spiritum Sanctum Dominum, & viuificantem, qui ex

T t

Patre

Patre Filioq; procedit. Qui cum Patre & Filio simul adoratur & conglorificatur, qui locutus est per Prophetas. Et vnā sanctā, Catholicā, & Apostolicā Ecclesiā. Confiteor vnum Baptisma in remissionem peccatorum, & expecto resurrectionem mortuorum. Et vitam venturi seculi Amen. Apostolicas & Ecclesiasticas traditiones, aliasq; eiusdem Ecclesiæ obseruationes & constitutiones firmissimè admitto & amplector. Item, Sacram scripturam iuxta eum sensum, quem tenuit & tenet sancta mater Ecclesia, cuius est iudicare de vero sensu & interpretatione Sacrarum scripturarum, admitto: nec eam vnquam, nisi iuxta vnanimem consensum Patrum accipiam & interpretabor. Profitetur quoq; septem esse verè & propriè Sacramenta nouæ legis à Iesu Christo Domino nostro instituta, atq; ad salutem humani generis, licet non omnia singulis necessaria, scilicet: Baptismum, Confirmationem, Eucharistiam, Pœnitentiam, Extremam vñtionem, Ordinem, & Matrimonium: illaq; gratiam conferre. Et ex his, Baptismum, Confirmationem, & Ordinem sine sacrilegio reiterari non posse. Receptos quoq; & approbatos Ecclesiæ Catholicæ ritus in supradictorum omnium Sacramentorum sollemni administratione recipio & admitto. Omnia & singula, quæ de peccato originali, & de iustificatione in sacrosancta Tridentina Synodo definita & declarata fuerunt, amplector & recipio. Profitetur pariter in Missa offerri Deo verum, proprium, & propiciatorium sacrificium pro viuis & defunctis: atq; in sanctissimo Eucharistiæ Sacramento esse verè, realiter, & substantialiter corpus & sanguinem vnà cum anima & diuinitate Domini nostri Iesu Christi, fieriq; conuersionem totius substantiæ panis in corpus, & totius substantiæ vini in sanguinem, quam cōuersionem Catholica Ecclesia trasubstantiationem appellat. Fateor etiam, sub altera tantum specie, totum atq; integrum Christum verumq; Sacramentum sumi. Constanter teneo, Purgato-

Purgatorium esse, animasq; ibi detentas fidelium suffragiis iuuari. Similiter & Sanctos vnà cum Christo regnantes venerandos atq; inuocandos esse, eosq; orationes Deo pro nobis offerre, atq; eorum reliquias esse venerandas. Firmissime assero, imagines Christi, ac Deiparæ semper virginis, necnon aliorum Sanctorum habendas & retinendas esse, atq; eis debitum honorem ac reuerentiam impertiendam. Indulgentiarum etiam potestatem à Christo in Ecclesia relictam fuisse, illarumq; vltim Christiano populo maximè salutatem esse affirmo. Sanctam, Catholicam, & Apostolicam Romanam Ecclesiam omnium Ecclesiarum matrem & magistram agnosco, Romanoq; Pontifici beati Petri Apostolorum Principis successori, ac Iesu Christi Vicario veram obedientiam spondeo ac iuro. Cætera item omnia à sacris Canonibus & Oecumenicis Cõciliis, ac præcipuè à sacrosancta Tridentina Synodo tradita, definita, & declarata indubitanter recipio atq; profiteor. Simulq; contraria omnia, atq; Hæreses quasq; ab Ecclesia damnatas, & reiectas, & anathematizatas, ego pariter damno, reiicio, & anathematizo. Hanc veram Catholicam fidem, extra quam nemo saluus esse potest, quam in præsentis spontè profiteor, & veraciter teneo, eandem integram & inuiolatam, vsq; ad extremum vitæ spiritum constantissimè, Deo adiuuante, retinere & confiteri, atq; à meis subditis, vel illis, quorum cura ad me in munere meo spectabit, teneri, doceri, & prædicari, quantum in me erit, curaturum ego idem N. spondeo, voueo ac iuro. Sic me Deus adiuuet & hæc Sancta Dei Euangelia.

De eiusdem Fidei vnitatem tuenda.

ET quia huic professioni fidei, quam modò omnes fecerunt, nihil magis aduersatur, quàm scdus illud tempore interregni ante electionem Sereniss. Regis Henrici in Conuocatione Varssouicn conceptum: propterea ad exoneran-

das conscientias, & puritatem fidei Christianæ conseruandā, apertè sacra Synodus profitetur, fœdus illud, reclamantibus ordine Ecclesiastico & Catholicis: & contra piam ipsius Regis voluntatem, vt postea publicè & priuatim sæpè declarauit, factum: quo permissa est in hoc Regno licentia credendi quid quisq; velit, sine vlla cuiusq; oficii cōdēctione: esse illicitum: cum morte & inferno, vt dicit Isaias, percussum: contra diuinas leges, contra Canones sacros, contra communes leges sanctissimè institutas, cōtra antèrius totius Regni fœdus, & Regni Regumq; Poloniæ sanctissimas & piissimas constitutiones (quæ dum obseruatæ fuerunt, fides sincera & inuiolata permansit, at earum obseruatiā remissa Hæreses pullulârunt) contra rationem ipsius iuramenti, & in confusione Ecclesiæ Christianæ, in pessimum & perniciosum exemplum, in perniciem Ecclesiæ & fidelium, in finem fouendorum atq; augendorum dissidiôrū blasphemiarumq;, & ad scindendam pacem & vnitatem veræ fidei Catholicæ, & inconfutilis tunicæ, hoc est, Ecclesiæ Iesu Christi, quæ vna sola est: quam nisi quis inuiolabiliter seruauerit, saluus esse non poterit: contra ipsam postremò rationem, cum nec ipsa rerum natura ferat duas de eadem re contrarias doctrinas veras esse. Ne tali permissione iurata & vsurpatione, veritas fidei Catholicæ quoquo modo in dubiū vocari videatur, & eorum doctrinæ inter se alioqui pugnantes, quàm nostra sibi perpetuò constās, veriores existimētur. His & aliis causis, vtī antea, nunquam ordo Ecclesiasticus & Catholicus consenserunt, quinimo omni loco & tempore tam in Gallia, quàm postea in coronatione Regis Henrici: itemq; post Sereniss. Regis moderni fœliciter regnantis electionem, & in Andreouienſi Conuentu, & in coronatione repetendo & cōmemorando contradicebant, & solenniter protestabantur: ita & nunc eadem sancta Synodus, approbando omnes eiusmodi superiores protestationes, decernit & statuit, huiusmodi fœdus

di fœdus & pactum esse contra Deum, paciꝫ & vnitati fidel Christiana contrarium & perniciosum: de quo coram Deo & Angelis eius solemniter protestatur, contradicit, & anathematizat. Si quis autem cuiuscunq; tandem status aut conditionis prædictum fœdus approbare, tueri, defendere, aut illi consentire velit: hic auctoritate huius sanctæ Synodi officio & beneficio suspensus & priuatus esse decernitur, anathemaq; declaratur ac pronuntiatur. Eadem quoq; sancta Synodus quibus potest enixis precibus petit & esilagit a Sereniss. Rege, vt Maiestas sua, quemadmodum infœlici coronatione sanctè promisit, ita & re ipsa præstet, ac præsertim pro officio pii, & iusti ac prudentis Principis provideat, ne quid ex ea Confœderatione detrimenti Respub. Regni Poloniae & religio Catholica capiat, sed eam omnino aboleri curet, quandoquidem damna istius confœderationis iam manifestè appareant. Nam & Iudaismi, & Machometismi, & Atheismi impietas iam Regno huic impendere videtur.

Canones & Decreta sacrosancti Concilii Tridentini recepta, & debitæ exequutioni demandari iussa.

CAPVT II.

CVM autem nihil, quod vel ad doctrinæ vtilitatem, vel ad vitæ morumq; reformationem, ipsiusq; religionis Catholicæ propagationem pertineat, sacra Synodus salutaris, vtilius, & ad remedia præsentium malorum accommodatius, magisq; necessarium Canonibus atq; Decretis sacrosancti Concilii Tridentini esse iampridem intelligeret: eaq; recipere & in exequutionem deducere cuperet: neq; tamen propter superiorum temporū iniquitatem, continuatasq; Provinciæ istius perturbationes vsq; adhuc id facere potuisset:

nunc tandem aliquantò tranquillius atq; opportunius tempus nata, eosdem Canones atq; Decreta sine vlla exceptione sanctè & reuerenter recepit& recipit: ac vt primo quoq; tempore per eos, ad quos id ex eorum præscripto pertinet, in tota hac Prouincia debitæ exequutioni demandentur, præcipit & decernit, sub pœnis in eisdem contentis.

Capita certa Concilii Tridentini, ex parte huius Prouinciæ, moderatione indigent. CAP: III.

QVoniam verò in eodem sacrosancto Concilio reperiuntur nonnulla, quæ huic Prouinciæ, partim propter ipsius conditionem à cæteris Prouinciis longè diuersam, partim propter temporum & rerum Ecclesiasticarum statum difficiliorem & iniquiorem, sine Ecclesiæ incommodo & periculo accommodari, & in exequutionem deduci non possunt: exhibitæ sunt nomine totius Cleri istius Prouinciæ Reuerendiss: Domino sanctæ Sedis Apostolicæ Nuncio, certa capita ex decretis eiusdem Concilii desumpta, quæ moderatione & relaxatione aliqua indigeant. Supplicatumq; est præfati Cleri nomine Reuerendiss: etiam Dominis, Archiepiscopo, & Episcopis, qui huic Synodo interfuerunt, petitione sua ipsum Clerum adiuuantibus, quò Reuerendiss: D. Nuncius super ea moderatione apud S. D. N. auctoritatem suam interponeret, deq; statu Prouinciæ istius suæ Sanctitati fidem pleniorẽ faceret. Quod sua Reuerendissima D. libenter se facturam recepit. Quodsi quid etiam deinceps in exequentis ipsius Concilii Decretis difficultatis, obscuritatis, maiorisue incõmodi aut detrimenti Ecclesiæ imminere animaduersum fuerit: sacra Synodus consilia de benignitate atq; indulgentia matris suæ sanctissimæ Sedis Apostolicæ, certissimum sibi in omnibus suis necessitatibus atq; difficultatibus in ea collocat ac pollicetur refugium.

Statu-

Statuta Prouincialia antiqua & recentiora
in pristino suo robore conseruentur, &
in vnum volumen redigantur.

CAPVT IIII.

E Adem sacra Synodus statuta & constitutiones Prouin-
ciales tam antiquas quā nouas, atq; nouissimas, quæ sint
consentaneæ, & nullo modo repugnent sacrosancti Concilii
Tridentini decretis, in pristino suo robore conseruat, ad
easq; in vnū volumen per Reuerendos olim Stanislauum Dam-
brovski, & Franciscum Krasinski, Iuris vtriusq; Doctores
tunc Canonicos Gnesnē ex commissione Synodi Prouin-
cialis Petricouienē iam redactas, diligentius etiā inspicien-
das & recognoscendas, deputauit Reuerendos dominos, Sta-
nislauum Krasinski Archidiaconū, & Martinum Isdbinski de
Rusiecz Scholasticum, Craconienē, I. V. Doctores. Quæ sic
reuisa, à futura Synodo Prouinciali approbari debent.

Supplicationes cum Litaniiis & Processio-
nibus certis temporibus peragantur.

CAPVT V.

POrro cū sacra Synodus intelligat, studia, consilia, labo-
resq; & vigilias nostras, contra tot & tanta mala & peri-
cula, quæ cū vniuersam Ecclesiam Catholicam, tūm præci-
puè Prouinciam hanc premunt & circumdant, si ope & præ-
sidio Diuino destituantur, nihil valere: mandat & præcipit,
vt per totam hanc Prouinciam in omnibus, tam secularium
quā regularium, Ecclesiis Supplicationes cum Litaniiis &
Processionibus, more solito, qualibet secunda, quarta & sex-
ta feria, ex eo tempore ad vnius anni decursum, pro sacro-
sanctæ Ecclesiæ Catholicæ tranquillitate atq; incolumitate,
eorumq;

eorumq; à quibus oppugnatur, resipiscentia & conuerfione, Regisq; & Regni istius incolumitate hāt, deuoteq; peragātur.

Synodi Prouinciales & Diœcesanæ, ac etiam
uifitationes fuis temporibus pera-
gantur. CAP: VI.

Celebratio Synodorum tam Prouincialium quàm Diœ-
cesanarum quantoperè ad occurrendum malis Eccleſiæ
Dei, præſertim tam difficilibus ipſius temporibus, vel ad re-
tinendam Eccleſiaſticam diſciplinam ſit neceſſaria, ex eorum
tam diuturna intermiſſione præſens Synodus facile perſepe-
xit. Itaq; decretum Concilii Tridentini, de iis in exequenti-
onem deducendo, ſtatuit, & decernit, vt quolibet triennio
Synodos prouinciales poſt feſtum S. Bartolomæi Apoſtoli
Reuerendiſs. Dominus Archiepiſcopus Gneſnē per ſe: vel,
ſi legitimè impeditus fuerit, per Episcopum comprouincia-
lem antiquiorem celebret. Quod ſi facere neglexerit, vltra
pœnas ſacris Canonibus ſancitas, ducentorum auréorum
mulctæ Dominus Archiepiſcopus ſuccumbet, qui in uſum
fabricæ Eccleſiæ Metropolitanæ conuerti debent, & nihilo-
minus ab Episcopis ſanctæ ſedi Apoſtolicæ deferatur. Di-
œceſanæ quoq; à Reuerendiſs. D. Episcopis quotannis, quo
tempore illis commodius viſum fuerit, ſub eadem pœna in
proxima Prouinciali Synodo luenda, & in uſu Eccleſiæ ſuæ
Cathedralis conuertenda celebrentur. Viſitationes quoq;
per eos, ad quos de iure pertinent, ſuis temporibus facien-
dæ ſunt, iuxta ſacroſancti Concilii Tridentini decretum.

Reuerenſ D. Ordinarii, Vicarios & Officiales, &
Cancellarios, viros doctos, & in iure verſatos,
ac Theologos habeant. CAP: VII.

AD exercendam iuriſdictionem ſpiritualem Reuerendiſ:
Domini

Domini Ordinarii viros graues & iurisperitos, Vicarios atq; Officiales suos in locis antiquitus consuetis constituent. In Curiis etiam suis Cancellarios viros doctos & in iure versatos, tum etiam Theologos secundum statutorum præscriptum habeant. Si verò in eo negligentes esse perrexerint, arbitrio Synodi Prouincialis puniantur.

Iurisditio Spiritualis suscitetur, & delinquentes còerceantur. CAP: VIII.

Iurisditio Spiritualis hætenus penè intermissa & neglecta suscitetur: delictaq; & crimina, quæ & grauitate & frequentia iram Diuinam prouocant, qualia sunt: vsuræ, adulteria, concubinitus, periuria, simoniæ, & cætera innumera scelera & flagitia, sacrorum Canonum pœnis còerceantur. Quæ propter diuturnam conniuentiam & negligentiam Prælatorum adeò iam in consuetudinem venerunt, vt vix pro peccatis habeantur.

Crapula & ebrietas vitanda. CAP: IX.

A Crapula & ebrietate omnes Clerici diligenter abstineant: vnde vinum sibi temperent, & se vino. Nec ad bibendum quispiam incitetur, cum ebrietas & mentis inducat exitium, & libidinis prouocet incentiuum. Vnde illum abusum penitus decernimus abolendum: quo in quibusdam partibus ad potus æquales suo modo se obligant potatores: & ille iudicio talium plus laudatur, qui plures inebriat, & calices fecundiores exhaurit. Si quis autem super his se culpabilem exhibuerit, nisi à Superiore commonitus satisfecerit, ab officio vel beneficio suspendatur.

Clerici habitum clericalem & tonsuram deferant. CAP: X.

Clerici omnes, præsertim verò beneficia Ecclesiastica ob-
V u
tinentes,

inentes, habitum Clericalem & tonsuram deferant : alioqui Privilegiis Clericalibus minimè gaudcāt, contra quosuis Magistratus tam Spirituales quàm seculares. Et nisi habitum & tonsuram intra annum assumpserint, ipso facto beneficiis sint priuati : aliàs iuxta decretum Concilii Tridentini.

In pœnis infligendis ordo à sacrosancto Concilio Trident: præscriptus obseruetur. CAP: XI.

DEcreta Concilii Tridentini de corrigendis Clericorum excessibus in executionem deducendo, sacra Synodus hortatur Reuerendiss. Dominos Locorum ordinarios, vt in pœnis infligendis ordinem à sacrosancto Concilio præscriptum obseruent : à leuioribusq; remediis gradatim, iuris ordine seruato, ad grauiora & seueriora progrediantur: nec precipitanter & de facto ad extrema percurrant. Si secus fecerint, quocunq; ex Clericis hoc nomine de se conquerente, in proxima Synodo Prouinciali causam dicere necesse habeant.

Subditi Ecclesiæ non grauandi : Oeconomi deputandi : Arces à præfectis quibus tradendæ. CAP: XII.

DElatum est etiam ad Synodum, subditos Spiritualium deteriore iam esse conditione quàm secularium, iamq; magnam partem villarum esse desertam & desolatam, propter graues & intolerabiles exactiones atq; onera, quæ per Prælatos vel eorum factores, & bonorum conductores, per nimiam habendi cupiditatem eis imponuntur. Itaq; Synodus statuit, vt singuli Reuerendiss. Domini Archiepiscopi & Episcopi ad præscriptum Ecclesiæ Metropolitanæ Gnesnensi habeant Oeconomos de medio Capituli assumptos, qui quotannis

quotannis eorum possessiones visitent: damna & detrimenta, quæ bonis & subditis eorum quouis modo inferuntur, diligenter annotent, ipsiq; fideliter referant corrigenda & emendanda. Si autem in eo negligentes fuerint arbitrio Synodi Prouincialis puniantur. Fines etiam seu limites possessionum Ecclesiæ diligenter defendant. Arces & ædificia quælibet facta testæ conferuent: quin etiam eorum conditionem, quantum possunt, meliorem facere debent. Arces & quasuis munitiones non prius in potestatem Præfectorum & Capitaneorum suorum tradant, quàm ij iurauerint Capitulo: post eorum cessum vel decessum easdem non alteri cuiquàm ipsimet Capitulo se, vt primùm requisiti fuerint, tradituros.

Iura, Priuilegia, & immunitates Ecclesiasticæ ab Episcopis defendendæ.

CAP: XIII.

Hortatur etiam sacra Synodus Reuerendissimos Dominos Archiepiscopos & Episcopos, & in eo ipsorum conscientias onerat, vt omnia iura, Priuilegia, & immunitates Ecclesiasticas pro viribus tueantur, & defendant: ad eaq; quæ partim temporum iniquitate, partim negligentia collapsa, vel per vim & potentiam oppressa sunt, in pristinum statum vindicanda sacre Regiæ Maiestatis fidem, iustitiam, atq; auxilium implorent, ordinisq; sui ius atq; dignitatem sedulo & diligenter retineant.

Archiepiscopi & Episcopi Comitibus Regni
& Conuentibus particularibus interesse
debent. CAP: XIII.

Decernitq; & statuit sancta Synodus, vt Reuerendissimi
V u ij Domini

C O N S T I T V : S Y N O D.

Domini Archiepiscopi & Episcopi Comitibus Regni & Conuentibus particularibus terrarum intersint, sub pœna mille marcarum, in quamlibet quadraginta octo grossos computando, per quemlibet eorundem succumbenda. Excepto legitimo impedimento, quod in proxima Synodo iureiurando confirmare debent. Et Rege in Diœcesi alicuius Episcopi degente, illius loci Episcopus ad Sereniss: Regem se conferre, & ibidem manere teneatur, & sit astrictus, sub eadem pœna.

Episcopatus Pomefanieñ & Sambieñ vt in pristinum statum restituatur. CAP: XV.

P Etendum est à sacra Regia Maiestate per Reueren: Dominos suo & totius Cleri nomine, vt Episcopatum Pomefanieñ, & Sambieñ in Prussia contra iura Ecclesiastica occupatos, eorumq; Ecclesias profanatas & spoliatas, in pristinum statum vindicet & restituat: præsertim verò Pomefanieñ, cuius magna pars est in ditione sacrae Regiæ Maiestatis sine vilo Episcopo & pastore legitimo. Supplicandumq; est Sanctissimo D. N. vt de consensu Serenissimi Regis eam portionem Episcopatus Pomefaniensis ditionis Regiæ, si inter Episcopatus restitui non poterit, Episcopo Culmeñ, vti viciniore adiungat.

Electio Abbatum, Præpositorum regularium, tam virorum quàm Monialium iuxta Canonones Concili Tridentini, & Statuta Prouincialia obseruetur.

CAP: XVI.

I V S electionis liberae Abbatum, Præpositorum, cæterorumq; Prælatorum regularium tam virorum quàm monialium.

nialium, secundum sacros Canones, Conciliūq; Tridentinū Decreta, ac Prouincialia Statuta penitus obseruetur, & retineatur: dentq; operam Domini Locorumordinarii eorū regularium superiores, vt ad ea munera homines idonei, vitæ honestate & doctrina clari, qui regularem obseruantiam sint professi, vel profiteri necesse habeant, eligantur: de quorum iuribus & Priuilegiis ac libertatibus Reuerendissimi Domini Archiepiscopi, & Episcopi sacram Regiam Maiestatem benè informant, auctoritateq; sua efficiant, ne ex Cancellaria S. R. M. literæ illis contrariæ cuiquam concedantur. Si verò ad falsam alicuius narrationem importunamq; instantiam aliquando concessæ fuerint, tanquam iuri communi contrariæ nullum robur habere à S. R. M. decernantur. Quod si quis peruersa cupiditate impulsus, cuiusvis potestatis prætextu in Monasteria eorumq; bona se intruserit, is vltra pœnas sacris Canonibus sancitas, pro violatore iuris & libertatis Ecclesiasticæ habeatur, totiusq; Cleri nomine contra eum sacræ R. M. præsidium imploretur.

Monasteria tam virorum quàm mulierum
reformanda. CAP: XVII.

DAbunt autem operam Domini Locorumordinarii & Superiores, secundum formam à sacris Canonibus & Statutis Prouincialibus præscriptam: vt Monasteria tam virorum quàm monialium reformatur, vt quemadmodum ab initio religioni, pietati, vitæ sanctitati, doctrinæ, atq; disciplinæ sunt dedicata, ita etiam hoc tempore in eis hæc eadem vigeant, suscitentur, ac retineantur, & eorum seminaria in ipsis instituantur: scandalaq; omnia & abusus, quicunq; reperi in eis fuerint, procul inde amoueantur, & arceantur.

Bona & possessiones Monasteriorum alienata
recuperanda. CAP: XVIII.

QVoniam verò per negligentiam superiorum temporum
V u iij bona

C O N S T I T U T I O : S Y N O D.

bona & possessiones Monasteriorum, contra omne ius & fas, per Prælatos eorum sunt dissipata, & alienata: sacra Synodus, inhærendo prioribus constitutionibus, statuit & decernit, vt ea quæ sunt alienata per ipsosmet alienatores sine ulla excusatione intra annum recuperentur, & in pristinum statum restituantur. Quod nisi factum fuerit, Locorum ordinarii anno elapso contra eos iuxta Statuta Prouincialia procedant. Ad ea verò, quæ per eorum antecessores sunt alienata, primo quoque tempore pro viribus recuperanda per Ordinarios remediis opportunis compellantur, & quantum in ipsis est, consilio atq; patrocínio illorum adiuuentur.

Regulares extra sua Monasteria ab administratione Sacramentorum & prædicatione verbi Dei abstineant. CAP: XIX.

Decernit & statuit Synodus, inhærendo decreto sacrosancti Concilii Tridentini, vt Regulares, quibus nulla animarum cura incumbit, ab administratione Sacramentorum, & prædicatione verbi Diuini extra sua Monasteria, præsertim verò ab absolutionibus excommunicatorum, quæ plerumq; in præiudiciu Paræcorum, contra sacros Canones & Statuta Prouincialia facere consueuerunt, sine facultate ab Ordinariis concessa abstineant: alioqui per eosdem Ordinarios còerceantur.

Regulares vagantes còercendi, & ad Monasteria sua remittendi. CAP: XX.

Regulares, qui sine licentia superiorum vagari, & de vno in aliud Monasterium commeare solent, per locorum, in quibus sine literis superiorum suorum reperti fuerint, Ordinarios in vincula coniiciantur, & ad Monasteria per eos de-

eos deferta remittantur. Qui verò tales ad sua Monasteria recipere ausi fuerint, pœna suspensionis afficiantur.

Decimæ ex bonis Spiritualium, ad quos pertinent, omnino dandæ. CAP: XXI.

Decimæ ex bonis Spiritualium quorumcunq; liberè sine vlllo impedimento, tam ipsorum quàm suorum Præfectorum, per eos ad quos pertinent, percipiantur, ne laici eorum exemplo deinceps scandalizentur. Quòd si quis ex Spiritualibus per se: vel per procuratores bonorum suorum, earum libertatem impediuerit, Reuerendissimi Domini Archiepiscopus & Episcopi in Synodo Prouinciali de se conquerenti pœnam dupli æstimationis ipsarum luanq. Cæteri verò inferiores ad iudicium ordinarium vocati, in eo legitimè conuicti, in simili pœna condemnentur. Quòd si aliqui prouentus per aliquos ex Spiritualibus sunt adempti, ad eos restituendos in Synodis tam Prouincialibus quàm Diocesanis, ac etiam iudiciis ordinariis compellantur.

Agendorum liber nuper editus in omnibus Ecclesiis habeatur. CAP: XXII.

AD tollendos abusus in administratione Sacramentorum, eorumq; vniformem administrationis formulam in tota Prouincia instituendam, sacra Synodus decreuit, vt ea, quæ vulgo appellantur Agenda, per Reuerendiss: Dominum Episcopum VVladislaueñ recens edita, ab omnibus ad quos Sacramentorum administratio pertinet, habeantur, ex eorumq; præscripto omnia fiant & procurentur.

Missalia, Breuiaria, &c. ad instar Romanorum Missalium & Breuiariorum ordinanda & reformanda. CAP: XXIII.

EAdem sacra Synodus, ad tollendam varietatem in orationibus

CONSTITV: SYNOD.

tionibus & cantu Ecclesiastico, Missalia & Breuiaria Romana ex autoritate sacrosancti Concilii Tridentini conscripta atq; edita, in vsum Prouincię istius recepit, ad eaq; vniuersum cantum Ecclesiasticum conformari præcipit: ac vt in singulis Diocęsibus tam in Cathedralibus quàm in Collegiatis atq; Paroecialibus deputentur homines eius rei periti, qui Indices librorum, quibus cantus Ecclesiasticus continetur, debito ordine conficiant, & ad instar Missaliũ atq; Breuiariorũ Romanorum conscribant. Quodsi quid in antiquis Gradualibus & Antiphonariis ad præsens institutum desideratum fuerit, id sumptu Episcoporum & Capitulorum conscribatur & suppleatur. Quod institutum ante proximam Synodum, Prouincialem perfici, & in vsum deduci Synodus omninò vult & mandat.

Post mortem quorumcunq; Spiritualium bona Ecclesiastica non diripi-
enda. CAP: XXIIII.

Bona Ecclesiastica post mortem quorumuis Prælatorum spoliari & deformari non permittantur, omniaq; , quæ in eis in possessionem venienti Prælato tradita fuerunt, secundum inuentaria iis, ad quos prouisio bonorum vacatium pertinet, integrè reddantur. Ac insuper, quicquid clauo affixum fuerit, loco suo relinquatur. De intestatis verò Reuerendi Dominis Archiepiscopis & Episcopis Canones veteres & Statuta Prouincialia per omnia robur suum obtineant.

Supellex sacra ad Missæ sacrificium pertinens mundissimè seruetur. CAP: XXV.

AD maiorem reuerentiam sacrosancti sacrificii Missæ sancta Synodus decernit, vt corporalia, calices, purificatoria,

ficatoria, & alia ad sacrificium Missæ necessaria in Ecclesiis sint munda, benedicta, & consecrata, ita vt in visitationibus omnia hæc debito ordine reperiantur, sub pœnis suspensionis incurres, arbitrio Ordinarii moderandis.

Confessarii seu Pœnitentarii circa Ecclesias Cathedralales & Collegiatas sint docti & discreti. CAP: XXVI.

CVM tota ratio emendandæ vitæ in examine conscientiæ versetur, ideo sancta Synodus decretum sacrosancti Concilii Tridentini exequutioni demandando statuit, vt non solum circa Ecclesias Cathedralales, sed etiam Collegiatas sint docti Confessarii seu Pœnitentarii, qui confessionem audiant, & eos qui ad Confessionem veniunt diligenter examinent, non contenti generali peccatorum confessione: cum post intimum de peccatis dolorem, qui in pœnitente requiritur, nihil magis necessarium sit, vt ritè peragatur confessio, quàm diligens discussio & inquisitio de specie & numero peccatorum, & eorum circumstantiis peccatum aggrauantibus.

Vt autem in confessionibus audiendis instructiores sint Parochi, decernit sacra Synodus, vt Parochi præ manibus habeant Directorium Ioannis Polanci Theologi societatis Iesu, & summam aliquam, vt potè, Syluestri, Tabianæ, &c.

Hæreticorum libri in Scholis non legantur. CAP: XXVII.

AD maiorem detestationem Hæresum: & vt seruetur decretum sacrosancti Concilii Tridentini, Synodus inhibet, vt nullus Hæreticorum liber, præsertim in Scholis legatur, neq; à quoquam retineatur, iuxta Concilium Tridentinum & Indicem Romanum. Catechismus verò Romanus solus omnibus Scholaribus publicè legatur.

Bibliothecæ reuideantur. CAP: XXVIII.

STatutum antiquum innouando sacra Synodus decernit, ne Bibliopolæ, vel Impressores libros imprimere, vel vndecunq; aduectos vendere audeant, priusquã examinati probatiq; fuerint ab Ordinario, iuxta decretum Concilii Tridentini. Contra quos petendum est à sacra Regia Maiestate, vt vltra ipsorum librorum amissionem grauior aliqua pœna statuatur, præter alia sancita ab eodem Concilio Tridentino, & ab Indice Romano.

Examinatores deputandi ex præscripto Concilii. CAP: XXIX.

VT forma & modus in prouidendis Ecclesiis Parochialibus iuxta sacrosancti Concilii Tridentini decretum seruetur, monentur omnes Episcopi, vt in suis primis Synodis Diocesanas deputent examinatores ex præscripto dicti Concilii, & inter dictos deputatos non comprehendant suos Vicarios generales: cùm Concilium dicat, quòd examen fiat ab Episcopo, siue, eo impedito, ab eius Vicario generali, atq; ab aliis examinadoribus.

Bulla Cœnæ Domini sæpiùs promulganda. CAP: XXX.

Decernit & statuit sacra synodus, vt Bulla Cœnæ Domini singulis annis primo quoquo tempore promulgetur, & deinde Dominica prima Aduentus & Quadragesimæ declaretur populo in sacris Concionibus, vt Confessarii sci-
ant omnes casus summo Pontifici reseruatos. Cuius quidem Bullæ tenor sequitur & est talis.

LITERAE

LITERAE PROCESSVS S. D. N. GREGORII PP. XIII. LECTAE die Cœnæ Domini, Anni M. D. LXXVIII.

In nomine sanctæ & indiuiduæ Trinitatis, Patris, & Filii, & Spiritus sancti. Amen.

NOuerint vniuersi hoc præsens publicum transumptum inspecturi, quòd nos Hieronymus Matthæius Protonotarius Apostolicus, vtriusq; signaturæ S. D. N. Papæ Referendarius, Curiaë Caesarum Cameræ Apostolicæ generalis Auditor, Romanæq; Curiaë Iudex ordinarius, Sententiarumq; & Censurarum latorum, ac quarumcunq; literarum Apostolicarum vniuersalis executor ab eodem S. D. N. Papa deputatus, vidimus, & diligenter inspeximus literas Apostolicas S. D. N. GREGORII diuina prouidentia Papæ xij. hodie, qui fuit dies Iouis sancti, & Cœnæ Domini, & solènter more solito lectas & publicatas, eiusq; vera Bulla plumbea cū cordula rubei croceiq; colorum more Ro. Cu. pendente Bullatas, & omni suspicione carentes subsequentis tenoris.

Initium Transumpti literarum.

GREGORIVS EPISCOPVS, SERVVS
seruorum Dei: Ad futuram rei memoriam.

CONSueuerunt Romani Pontifices prædecessores nostri, ad retinendam puritatem religionis Christianæ, & ipsius vnitatem, quæ in conjunctione membrorum ad vnum caput, Christum videlicet, eiusq; Vicarium, principaliter consistit, & sanctam fidelium societatem ab offensione seruandam, ar-
ma iustitiæ per ministerium Apostolatus in præsentem celebritate exercere.

Proœmium literarum.

Excommunicatio, & anathematizatio.

I. Nos igitur vetustum & solennem hunc morem sequentes, excommunicamus, & anathematizamus ex parte Dei omnipotentis, Patris, & Filii, & Spiritus sancti, auctoritate quoq; beatorum Apostolorum Petri & Pauli, ac nostra, quoscunq; ab obediētia Ro-

In Hæreticos, eorum fautores, libros legētes & schismaticos, qui ab obediētia Ro-

CONSTITV: SYNO D.

ma : Pont : recedunt.

Hufitas, Vicleuitas, Lutheranos, Zvinglianos, Caluinistas, Vgonotos, Anabaptistas, Trinitarios, ac omnes & singulos alios Hæreticos, quocunq; nomine nuncupentur, & cuiuscunq; sectæ existant, & eorum credentes, ipsorumq; receptatores, & fautores, & generaliter quoslibet defensores, ac eorundem libros hæresim continentes, vel de religione tractantes, sine auctoritate nostra & sedis Apostolicæ, scienter legentes, aut tenentes, imprimentes, seu quomodolibet defendentes, ex quauis causa, publicè vel occultè, quouis ingenio, vel colore: necnon schismaticos, & eos, qui se à nostra, & Rom: Pont: pro tempore existentis obedientia, pertinaciter subtrahunt, vel recedunt.

2 In appellantes
3 Papa ad futurū
Concilium.

2. Item excommunicamus, & anathematizamus omnes & singulos cuiuscunq; status, gradus seu conditionis fuerint, & interdicimus Vniuersitates, Collegia, & Capitula, quocunq; nomine nuncupentur, ab ordinationibus, sententiis, seu mandatis nostris, ac Rom: Pont: pro tempore existentium, ad vniuersale futurum Concilium appellantes, necnon eos quorum auxilio, vel fauore appellatum fuerit.

3 In Piratas, eorum receptatores, & fautores.

3. Item excommunicamus, & anathematizamus omnes Piratas, Latrunculos maritimos, & illos præcipuè, qui mare nostrum à Monte argentario vsq; ad Terracinam discurrentes, eos qui in illo nauigant deprædantur, mutilant, interficiunt, rebusuè, & bonis suis spoliant, omnesq; receptatores eorundem, & eis auxilium scienter dantes, vel fauorem.

4 In rapientes naufragorū bona, aut scienter ab aliis rapta accipientes.

4. Item excommunicamus, & anathematizamus omnes & singulos, qui Christianorum quoruncunq; nauibus tempestate in transversum (vt dici solet) iactatis, naufragium passis, aut etiam submersis, siue in ipsis nauibus, siue ex eis dillapsa, & in mari, vel littore inuenta, cuiuscunq; generis bona, tam in nostris Thyrræni, & Adriatici, quàm in quibuscunq; aliis cuiuscunq; maris regionibus, & littoribus rapuerint, aut scienter ipsi sibi acceperint, aut ab aliis rapta, seu accepta scienter receperint :

perint: ita vt nec etiam ob quodcunq; Priuilegium, consuetudinem, aut longissimi etiam immemorabilis temporis possessionem, seu alium quemcunq; prætextum excusari possint.

5. Item excommunicamus, & anathematizamus omnes qui in terris suis noua pedagia seu gabellas ad id potestatem non habentes imponunt, vel augent, aut imponi vel augeri prohibita exigunt.

5 In imponentes noua pedagia & gabellas, vel eas augentes.

6. Item excommunicamus, & anathematizamus omnes falsarios Literarum Apostolicarum, & in forma Breuis, ac supplicationum gratiam, vel iustitiam concernentium, per Romanū Pontifi: S. R. E. Vicecancellarium, seu gerentes vices eorum, aut de mandato eiusdem Rom: Pont: signatariū, aut sub nomine eiusdem Rom: Pont: seu Vicecancellarii, aut gerentium vices prædictorum signantes supplicationes easdem: Extendentes constitutionem scilicet: re: Innocentii Papæ tertij, quæ incipit, Ad falsariorum. cum omnibus pœnis in ea contentis, ad falsificantes, seu mutantes supplicationes per nos, seu de mandato nostro signatas & datas, sine nostra, aut Datarii nostri licentia.

6 In falsificantes literas Apostolicas aut supplicationes, à quocunq; auctoritate habente signatas.

7. Item excommunicamus, & anathematizamus omnes illos, qui equos, arma, ferrum, filum ferri, stannum, chalybem, omniaq; alia metallorum genera, atq; bellica instrumenta, lignamina, canapem, funes tam ex ipso canape, quàm ex quacunq; alia materia, & ipsam materiam aliaq; huiusmodi, quibus Christianos impugnant, deferunt Saracenis, Turcis & aliis Christi nominis inimicis: Necnon illos qui per se vel alium seu alios de rebus Christianæ Reip: statum concernentibus, in Christianorum perniciem, & damnum ipsos Turcas, & Christianæ religionis inimicos certiores faciūt, illisq; ad id auxiliū, consiliū, vel fauorem quomodolibet præstant: Non obstantibus quibuscunq; Priuilegiis, & concessionibus quibuscunq; Principibus & Dominiis, siue priuatis personis per nos & sedem prædictam hætenus concessis, quæ illis nolumus in aliquo suffragari.

7 In deferentes arma, & alia bellico vsui apta ad Turcas, & Reip. statum concernentia prædictis enūciantes.

CONSTITV: SYNO D.

- 8 In impediētes eos, qui vi-ctualia, & alia necessaria Romā conuolunt.
8. Item excommunicamus, & anathematizamus omnes impediētes, siue inuadentes eos qui victualia, seu alia ad vsum Romanæ Curiaē necessaria adducunt, ac etiam eos qui ne ad Romanam Curiam adducantur, vel deferantur, impediunt, seu perturbant, vel qui talia fieri faciunt, vel facientes defendunt, cuiuscunq; fuerint ordinis, præminentis, conditionis & status, etiam si Pontificali, vel Regali, aut alia quauis Ecclesiastica, vel mundana præfulgeant dignitate.
- 9 In eos, qui ex proposito Romipetas offendunt.
9. Item excommunicamus, & anathematizamus omnes ex proposito interficientes, mutilantes, vulnerantes, detinentes, capientes seu deprædantes Romipetas seu peregrinos, ad Urbem causa deuotionis, seu peregrinationis, & prorsus omnes alios ad sedem Apostolicam accedentes, vel apud eam morantes, aut recedentes ab ipsa, & illis dantes auxilium, consilium, vel fauorem.
- 10 In eos qui sine iurisdictione in Curia cōmorantes vexant.
10. Item excommunicamus, & anathematizamus omnes illos, qui non habentes in eadem Curia iurisdictionem ordinariam vel delegatam, eius prætextu capiunt, spoliunt, detinent morantes in eadem, vel qui talia fieri mandant.
- 11 In Offendentes S. R. E. Cardinales, & alios Prælatos.
11. Item excommunicamus, & anathematizamus omnes interficientes, mutilantes, vulnerantes, verberantes, percutientes, capientes, carcerantes, detinentes vel hostiliter insequentes S. R. E. Cardinales, ac Patriarchas, Archiepiscopos, Episcopos, sedisq; Apostolicæ Legatos, vel Nuncios, aut eosdem eiicientes à suis Diœcesibus, territoriis, terris, seu dominiis, eaq; mandantes, vel rata habentes, seu præstantes eis auxilium, consilium vel fauorem.
- 12 In eos, qui ad Romanam Cur. recurrentes offendunt, aut executionem litterarum Apostolicarū impediunt, & ad
12. Item excommunicamus, & anathematizamus omnes illos, qui per se vel alium seu alios, quascunq; personas Ecclesiasticas vel seculares, ad dictam Curiam super eorum causis & negociis recurrentes, illasq; in eadem Curia prosequentes, aut procurantes, negociorumq; gestores, Aduocatos, Procuratores ipsorum, seu etiam Auditores, vel Iudices, super dictis

per dictis causis, vel negociis deputatos, occasione causarum, gratias impetra-
 vel negotiorum huiusmodi verberant, mutilant, vel occi- das accedentes &
 dunt, seu bonis spoliant, vel qui per se vel alium seu alios di- hibent,
 rectè vel indirectè prædicta exequi vel procurare, aut in eis-
 dem consilium, auxilium, vel fauorem præstare non veren-
 tur, cuiuscunq; præminentiae & dignitatis fuerint: Ac il-
 los qui Literas Apostolicas, & in forma Breuis, tam gratiam
 quàm iustitiam concernentes, ac etiam citationes, inhibiti-
 ones, sequestra, monitoria, processus, executoriales, aliq; de-
 creta quæcunq; à nobis, & sede Apostolica, seu Legatis, Nū-
 ciis, Præsidentibus, Camera Apostolicæ Auditoribus, & Cō-
 missariis, aliisq; iudicibus, & delegatis Apostolicis emanata,
 & quæ pro tempore emanauerint, simpliciter vel sine eorum
 beneplacito consensu, vel examine, executioni demandari, aut
 ne Tabelliones, & Notarii super huiusmodi literarum, &
 processuum executione instrumenta, vel acta conficere, aut
 confecta parti cuius interest, tradere debeant, impediunt,
 vel prohibent, aut impediri vel prohiberi procurant: Ac
 Notarios, Executores, & Subexecutores literarum, citatio-
 num, monitoriorum, & aliorum prædictorum capiunt, car-
 cerant & detinent, vel capi, carcerari, & detineri faciunt:
 Quiq; etiam quibuscunq; personis in genere vel in specie, ne
 pro quibuscumq; eorum negociis prosequendis, seu gratiis vel
 literis impetrandis ad Romanam Curiam accedant, aut re-
 cursum habeant, seu gratias ipsas vel literas à dicta sede im-
 petrent, seu impetratis vtantur, directè vel indirectè prohi-
 bere, statuere, seu mandare, vel eas apud se, aut Notarium,
 seu Tabellionem, vel aliàs quomodolibet retinere præsumūt.

23. Item excommunicamus, & anathematizamus omnes & singulos Cancellarios, Vicecancellarios, & Consiliarios ordi-
 narios, & extraordinarios quorumcunq; Regum, & Prin-
 cipum, ac Præsidentes Cancelliarum, Consiliorū, & Par-
 lamentorum: necnon procuratores generales eorundem, vel
 aliorum

13 In Officiales
 Principum secu-
 larium, & Præla-
 tos, qui causas
 ecclesiasticas à iu-
 dicibus Apostoli-

CONSTITV: SYNO D.

ej; auocant, & a-
ctores ad reuocā
dā impetrata cō-
pellunt.

aliorum Principum secularium, etiam si Imperiali, Regali, Ducali, vel alia quacunq; præfulgeant dignitate, quocunq; nomine nuncupentur: aliosq; iudices tam ordinarios quā delegatos, necnon Archiepiscopos, Episcopos, Abbates, Commendatarios, Vicarios, & Officiales, qui per se, vel alium, seu alios auctoritate propria & de facto quarumcunq; exemptionum, vel aliarum gratiarum, & Literarum Apostolicarum prætextu beneficiales, & decimarum, ac alias Spirituales, & Spiritualibus annexas causas ab Auditoribus, & Commissariis nostris, aliisq; iudicibus Ecclesiasticis auocant, illarum cursum, & audientiam, ac personas, Capitula, Conuentus, Collegia, causas ipsas prosequi volentes impediunt, ac se de illarum cognitione tanquam iudices interponunt, ac partes actrices, quæ illas committi fecerunt, & faciunt, ad reuocandum, & reuocari faciendum citationes, vel inhibitiones, aut alias literas in eis decretas, & ad faciendum, vel cōsentiendum eos, contra quos tales inhibitiones emanarunt, à censuris, & pœnis illis contentis absolui statuunt, & compellunt, vel aliās executionem literarum Apostolicarum, vel executorialium, processuum, ac decretorum prædictorum, etiam sub prætextu violentiæ prohibendæ, vel quod ad nos informandos, vt ipsi dicunt, supplicauerint, aut supplicari fecerint, nisi ipse supplicationes huiusmodi corā nobis, & se de Apostolica, legitimè prosequantur, quomodolibet impediunt, vel suum ad id fauorem, consilium, aut assensū præsent.

14 In iudices se-
culares, qui Ec-
clesiasticas perso-
nas ad sua Tribu-
nalia trahunt:
quique Ecclesi-
asticam libertatē
tollunt, vel in a-
liquo lædunt.

14. Quiue ex eorum prætenso officio, vel ad instantiam quorumcunq; personas Ecclesiasticas, Capitula, Conuentus, & Collegia Ecclesiarum quarumcunq; coram se ad eorum tribunal, audientiam, Cancellariam, Consilium vel Parliamentum, præter iuris Canonici dispositionem trahunt, vel trahi faciunt, vel procurant directè vel indirectè, quouis quæ- sito colore: Necnon qui statuta, ordinationes, constitutiones, pragmaticas, seu quæuis alia decreta in genere, vel in specie, ex

cie, ex quauis causa, & quouis quæsito colore, ac etiam prætextu Literarum Apostolicarum vsu non receptarum, seu reuocatarum, vel cuiusuis consuetudinis, aut Priuilegii, vel aliàs quomodolibet fecerint, ordinauerint, & publicauerint, vel factis, & ordinatis vsi fuerint, vnde libertas Ecclesiastica tollitur, seu in aliquo læditur, vel deprimitur, aut aliàs quouismodo restringitur, seu nostris, & dictæ sedis, ac quarumcunq; Ecclesiarum iuribus quomodolibet directè vel indirectè, tacitè vel expressè præiudicatur.

15. Necnon qui Archiepiscopos, Episcopos, aliosq; superiores vel inferiores Prælatos, & omnes alios quoscunq; Iudices Ecclesiasticos ordinarios quomodolibet impediunt, quo minus sua iurisdictione Ecclesiastica contra quoscunq; vtantur, secundum quod Canones & sacre Constitutiones Ecclesiasticæ, & decreta Conciliorum generalium, & præsertim Tridentini, statuunt.

15 In impediētes Prælatos, ne sua iurisdictione vtantur.

16. Quiuè iurisdictiones, seu fructus, redditus, & prouentus, ad nos & sedem Apostolicam, & quascunq; Ecclesiasticas personas ratione Ecclesiarum, Monasteriorum, & aliorum beneficiorum Ecclesiasticorum pertinentes vsurpant, vel etiam quauis occasione, vel causa, sine Rom: Pont: vel eorum ad quos iure pertinent expressa licentia sequestrant.

16 In vsurpantes sedis Apostolicæ, & quarumcunq; Ecclesiarum iurisdictiones vel fructus, aut eos sequestrantes.

17. Quiuè collectas, decimas, taleas, præstâtias, & alia onera Clericis, Prælati, & aliis personis Ecclesiasticis, ac eorum & Ecclesiarum, Monasteriorum, & aliorum beneficiorum Ecclesiasticorum bonis, illorumq; fructibus, redditibus, & prouentibus huiusmodi absq; simili Rom: Pont: speciali, & expressa licentia imponunt, & diuersis etiam exquisitis modis exigunt aut sic imposita etiam à sponte dantibus, & concedentibus recipiunt: necnon qui per se, vel alium, seu alios directè vel indirectè prædicta facere, exequi, vel procurare, aut in eisdem auxilium, consilium, vel fauorem, aut votum, seu suffragium palàm, vel occultè præstare non verentur, cuius-

17 In imponētes decimas, & onera personis Ecclesiasticis, Ecclesiis, Monasteriis, aut eorum fructibus.

CONSTITV: SYNO D.

cunq; sint præeinentiæ, dignitatis, ordinis, conditionis, aut status, etiam si Imperiali, aut Regali præfulgeant dignitate, seu Principes, Duces, Comites, Barones, Respublicæ, & alii potentatus quicunq;, etiam Regnis, Prouinciis, Ciuitatibus, & terris quoquo modo præsidentes, aut quauis etiã Pontificali dignitate insigniti: Innouantes decreta super his per sacros Canones tam in Lateraneñ nouissimè celebrato, quàm aliis Conciliis generalibus edita, etiam cum censuris, & pœnis in eis contentis.

18 Contra Iudices seculares in causis capitalibus seu criminalibus contra Ecclesiasticas personas se interponentes.

18. Item excommunicamus, & anathematizamus omnes & quoscunq; Magistratus, Senatores, Præsidentes, Auditores, & alios Iudices quocunq; nomine vocentur, ac Cancellarios, Vicecancellarios, Notarios, scribas, ac executores, & subexecutores, & alios quoquo modo se interponentes in causis capitalibus, seu criminalibus contra personas Ecclesiasticas, illas banniendo, capiendo, processando, seu sententias contra illas proferendo, vel exequendo, etiam prætextu quorumcunq; Priuilegiorum à sede Apostolica ex quibusuis causis, ac sub quibuscunq; tenoribus, & formis, in genere & specie concessorum, quibuscunq; Regibus, Ducibus, Principibus, Rebusp: Monarchis, Ciuitatibus, & aliis quibuscunq; potentatibus quocunq; nomine censeantur, quæ nolumus illis in aliquo suffragari, illa omnia exnunc in irritum reuocando.

19 In occupantes loca, & terras Ecclesiæ Ro. & in illis suprãm iurisdictionem usurpantes.

19. Item excommunicamus, & anathematizamus omnes illos, qui per se, vel alium, seu alios, directè vel indirectè, sub quocunq; titulo, vel colore de facto occupant vel detinent, vel hostiliter destruunt, vel inuadunt, aut occupare, detinere, vel destruere, aut inuadere hostiliter præsumpserint in totum vel in partem Almam Urbem, Regnum Sicilia, Insulas Sardinia, & Corsica, Terras citra Pharum, Patrimonium B. Petri in Tuscia, Ducatum Spoletanum, Comitatum Vchasinum, Sabinensem, Marchiæ Anconitanæ, Massæ, Trebariæ, Romandiola, Campaniæ, & maritimas Prouincias, illarumq;

terras.

terras, & loca, ac terras specialis commissiōis Arnulphorum, Ciuitatesq; nostras Bononiam, Cesenam, Ariminum, Beneuentum, Perusium, Auinionem, Ciuitatem Castelli, Tuderum, & alias Ciuitates, terras, & loca, vel iura ad ipsam Romanam Ecclesiam pertinentia, dictaq; Romanæ Ecclesiæ mediatè, vel immediatè subiecta: quicq; supremam iurisdictionem in illis nobis, & eidem Romanæ Ecclesiæ competentem de facto vsurpare, perturbare, retinere, & vexare variis modis præsumunt: Necnon adhærentes, fautores, & defensores eorum, seu illis auxilium, consilium, vel fauorem quomolibet præstantes.

20. Necnon omnes, & singulos supellectilium, librorum, scripturarum, & bonorum Cameræ, & Palatii Apostolici ex eodem Palatio, infirmitatis Rom: Pont: ac sedis Apostolicæ vacationis tempore, ablatores, raptores, & illorum detentores, ac quoscunq; alios, ad quorum manus bona prædicta quocunq; titulo, ex quauis causa scienter peruenerint.

20 In raptores supellectilium, & scripturarum Cameræ, & Palatii Apostolici.

21. Volentes præsentis nostros processus, ac omnia & quæcunq; his literis contenta, quousq; alii huiusmodi processus à nobis, aut Rom: Pont: pro tempore existente fiant, aut publicentur, durare, suosq; effectus omnino sortiri.

21 Quandiu præsentis processus durat.

22. Cæterum à prædictis sententiis nullus per alium, quàm per Romanum Pontificem, nisi in mortis articulo constitutus, nec etiam tunc, nisi de stando Ecclesiæ mandatis, & satisfaciendo cautione præstita, absolui possit, etiam prætextu quarumuis facultatum & indultorum, quibuscunq; personis Ecclesiasticis, secularibus & quorumuis ordinum etiam mendicantium, & Militiarum regularibus, etiam Episcopali vel alia maiori dignitate præditis, & ipsisq; ordinibus & eorum Monasteriis, Conuentibus, & Domibus, ac Capitulis, Collegiis, Confraternitatibus, Congregationibus, Hospitalibus, & locis piis, necnon laicis, etiam Imperiali, Regali, & alia mundana excellentia fulgentibus per nos & dictam sedem, ac

22 Reservatio ab solutionis Rom: Pontifici.

cuiusvis Concilii decreta, verbo, literis, aut alia quacumque scriptura in genere & in specie concessorum, & innouatorum, ac concedendorum & innouandorum.

23 Contra absol-
uentes in supra
dictis casibus.

23. Quod si forte aliqui contra tenorem presentium talibus excommunicatione & anathemate laqueatis, vel eorum alicui absolutionis beneficium impendere de facto præsumpserint, eos excommunicationis sententia innodamus, grauius contra eos spiritualiter, & temporaliter, prout expedire nouerimus, processuri.

24 Absolutio Ro:
Pontificis etiam
solennis quos non
comprehendat.

24. Declarantes, ac protestantes quancumque absolutionem etiam solenniter per nos faciendam, prædictos excommunicatos sub præsentibus comprehensos, nisi prius à præmissis cum verò proposito vltèrius similia non committendi, destiterint: Ac quo ad eos, qui contra libertatem, vt præmittitur, statuta fecerint, nisi prius statuta, ordinationes, constitutiones, pragmaticas, & decreta huiusmodi publicè reuocauerint, & ex Archiuiis, seu Capitularibus locis, aut libris in quibus annotata reperiuntur, deleri, & cassari, ac nos de reuocatione huiusmodi certiores fecerint eos non comprehendere, nec eis aliter suffragari. Quin etiam per huiusmodi absolutionem aut quoscumque alios actus contrarios, tacitos, vel expressos, ac etiam per patientiam, & tolerantiam nostram, vel successorum nostrorum quancumque tempore continuata, in præmissis omnibus & singulis, ac quibuscumque iuribus sedis Apostolicæ, ac S. R. E. vndecumque & quomodo-cumque quæsitis, vel quærendis nullatenus præiudicari posse, seu debere.

25 Quod non ob-
stant priuilegia,
aut quævis Apo-
stolica indulta,
quo minus quis
in hoc processu
includatur.

25. Non obstantibus Priuilegiis, indulgentiis, & literis Apostolicis, generalibus vel specialibus, supradictis vel eorum alicui, seu aliquibus, & aliis cuiuscumque ordinis, status, vel conditionis, dignitatis, & præminentiae fuerint, etiam si, vt præmittitur, Pontificali, Imperiali, Regali, seu quauis Ecclesiastica, & mundana præfulgeant dignitate, vel eorum Re-
gnis, Pro-

gnis, Prouinciis, Ciuitatibus, seu locis à prædicta sede ex quauis causa, etiam per viam contractus, aut remuneratio- nis, & sub quauis alia forma, & tenore, ac cū quibusuis clau- sulis etiam derogatoriis derogatoriis concessis, etiam continentibus quod excommunicari, anathematizari, vel in- terdici non possint, per literas Apost: non facientes plenam & expressam, ac de verbo ad verbum de indulto huiusmodi, ac de ordinibus, locis, nominibus propriis, cognominibus, & dignitatibus eorum mentionem: Necnon consuetudinibus etiam immemorabilibus, ac præscriptionibus quantum- cunq; longissimis, & aliis quibuscumque obseruantis scriptis, vel non scriptis, per quæ contra hos nostros processus ac senten- tias, quo minus includantur in eis, se iuuare valeant, vel tueri, quæ omnia quod ad hoc, eorum omnium tenores, ac si ad ver- bū nihil penitus omisso infererentur præsentibus pro expres- sis habentes, penitus tollimus, & omino reuocamus, cæte- risq; contrariis quibuscunq;.

26. Vt verò præsentis nostri processus ad communem om- nium notitiam facilius deducantur, chartas, seu membranas processus ipsos continentes valuis Ecclesiæ S. Ioannis Late- ran. & Basilicæ Principis Apostolorū de Vrbe appendi facie- mus, quæ processus ipsos quasi sonoro præconio, & patulo indicio publicabunt, vt ii, quos processus huiusmodi contin- gunt, quod ad ipsos non perueuerint, aut quod ipsos ignora- uerint, nullā possint excusationem prætere, aut ignoran- tiam allegare, cū non sit verisimile id remanere incognitum, quod tam patenter omnibus publicatur.

27. Insuper, vt processus ipsi ac præsentis literæ, ac omnia & singula in eis contenta eo fiant notiora, quo in plerisq; ciui- tatibus, & locis fuerint publicata, vniuersis & singulis Patri- archis, Primatibus, Archiepiscopis, Episcopis, & Locorū ordinariis, Prælati & Rectoribus vbilibet constitutis per hæc scripta committimus, & in virtute sanctæ obedientiæ

26 Quod appe-
lio processus in
valuis Ecclesiæ
sancti Ioannis La-
teranensis, & ba-
silicæ principis A-
postolorum, signa-
rantur, aut ex-
cusationi alicu-
ius locum non re-
linquat.

27 Quod Ord-
nariis eorū quo-
tannis præsentem
processum in suis
Ecclesiis frequen-
ter populo publicari
curent.

CONSTITVT: SYNOD.

districtè præcipiendo mandamus, vt per se vel alium seu alios præsentès literas, postquàm eas receperint, seu earum haberint notitiàm, semel in anno, aut si expedire viderint, etiam pluries in Ecclesiis suis, dum in eis maior populi multitudo ad diuina conuenerit, solenniter publicent, & ad Christi-fidelium mentes reducant, nuncient, & declarent.

28 Quòd confes-
sarii harum lite-
rarum transum-
ptum habeant.

28. Cæterum hortamur eosdem vniuersos, & singulos Pa-triarchas, Archiepiscopos, Episcopos, aliosq; Locorum or-dinarios, & Ecclesiarum Prælatos, necnon Rectores, cæte-rosq; curam animarum exercentes, ac Presbyteros secula-res, & quorumuis ordinum regulares ad audiendum confes-siones quauis autoritate deputatos, vt transumptum harum literarum penes se habere, legere, & diligenter examinare procurent.

29 Quòd tran-
sumptis subscri-
ptis fides adhibe-
atur.

29. Volentes earundem præsentium transumptis, etiam impressis, Notarii publici manu subscriptis, & sigillo Iudicis ordinarii Romanæ curiæ, vel alterius personæ in dignitate Ecclesiastica constitutę munitis, eandem prorsus fidem in iu-dicio, & extra illud vbiq; locorum adhibendam fore, quæ ipsis præsentibus adhiberetur, si essent exhibitæ, vel ostensæ.

30 Vene quis li-
tèras violet, sub
pennis &c.

30. Nulli ergo omnino hominū liceat hāc paginā nostræ ex-cōmunicationis, anathematizationis, interdicti, declaratio-nis, protestationis, sublationis, reuocationis, cōmissionis, in-nodationis, mandati, hortationis & voluntatis infringere, vel ei ausu temerario contraire. Si quis autem hoc attentare præsumperit, indignationem omnipotentis Dei, ac beato-rum Petri, & Pauli Apostolorum eius se nouerit incurfurū. Datum Romæ, apud Sanctum Petrum. Anno Incarnatio-nis Dominicæ, Millesimo quingentesimo septuagesimo septi-mo, Decimo Calendas Aprilis. Pontificatus nostri anno sexto.

Cæsar Glorierius.

M. Datarius.

A. de Alexiis.

Registrata apud Cæsarem Secretarium.

Anno à Natiuitate Domini. Millesimo quingentesimo septuagesimo octauo. Indictione sexta, die verò Iouis vigesima septima Mensis Martii, Pontific: sanctissimi in CHRISTO Patris & D. N. D. Gregorii Diuina prouidentia Papæ xij. anno sexto, retrospectæ literæ Apostolicæ affixæ, & publicatæ fuerunt ad valuas Ecclesiæ S. Ioannis Lateranens, & Basilicæ Principis Apostolorum de Vrbe, necnon Cancel: Apost: & in acie campi Floræ, per nos Marcum Ant: Brutum, & Petrum Guerram sanctis: D. N. Papæ Curs. Iulius Fontana Mag: Curs.

Publicatio literarum.

Decretum.

Quibus quidem literis diligenter inspectis, illas ad requisitionem, & instantiam Magnifici domini Ioan: Felicis Saluatorii S. D. N. Papæ, & Cameræ Apostolicæ Procuratoris Fiscalis, Per Ouidium Erasmum nostrum & dictæ Curia Notarium publicum infrascriptum transumi, & exemplari, ac in hanc publicam transumpti formam redigi mandauimus. Decernentes, & volentes, vt huic præsentis transumpti, iuxta earundem literarum, & decreti in eis apppositi formam, cōtinentiam, & tenorem, de cætero plena & indubia fides adhibeatur vbiq; locorum, ac si ipse literæ originales exhibitæ vel ostense forent. Quibus omnibus & singulis auctoritatem nostram ordinariam, ac decretum interposuimus, & interponimus per præsentem. In quorum fidem præsentem literas, atq; præsens publicum transumpti instrumentum exinde fieri, & per Impressores Camerales imprimi, ac per dictum Notarium nostrum, & Curia nostræ coram nobis Scribam infrascriptum subscribi, & publicari mandauimus, nostriq; soliti sigilli impressione muniri iussimus, & fecimus. Datum Romæ in ædibus nostræ solitæ residentia, sub anno à Natiuitate Domini. Millesimo quingentesimo septuagesimo octauo, Indictione sexta, die verò vigesima septima Mensis Martii,

Data.

CONSTITV: SYNOD.

Testes.

Martii. Pontificatus Sanctis: in Christo patris & domini
N. D. Gregorii Diuina prouidentia Papæ xij. anno sexto.
Præsentibus ibidem DD. Pompeo Antonino, & Antonio
Guidotto dictæ Curia nostræ Notariis, & coram nobis Scri-
bis testibus ad præmissa omnia & singula vocatis, & rogatis.

CAP: XXXI.

Formula examinis eorum, qui ad Episcopatus nominantur,
à Synodo constituta suæ sanctitati offeratur.

De clandestinis Matrimoniis.

CAP: XXXII.

Decretum sacrosancti Concilii Tridentini aduersus ma-
trimonia clandestina inuiolabiliter iubet sacra Synodus
obseruandum. Propterea curent Ordinarii hoc ipsum de-
cretum populo publicari, & explicari in singulis parœchiis
suarum Diœcesum, idq; primo anno quàm sæpius, dein-
de verò quoties expedire viderint.

Sacerdotibus Matrimonia prohibita. CAP:
XXXIII.

Quoniam nonnulli ex Sacerdotibus, qui in cæteris Ca-
tholicos se esse profitentur, eo audaciæ atq; dementiæ
progrediuntur, vt sibi vxores ducere licere existiment, & de
facto nuptias celebrant: Sacra Synodus, inhærendo Canonis
sacrosancti Concilii Tridentini, declarat talium copulatio-
nes esse illegitimas & incestas, & tam eos qui talia audent, quàm
illos, à quibus tolerantur, sententia anathematis ferit, eamq;
ipso facto illos incidisse declarat. Ac si qui ex dominis Epi-
scopis tales deinceps ausu temerario tolerauerint, ad sum-
mum Pontificem sunt deferendi.

Seminaria

Seminaria apud Cathedrales Ecclesias instituantur. CAP: XXXIII.

Seminaria apud Cathedrales Ecclesias ex decreto Concilii Tridentini, statutorumq; Prouincialium præscripto, quatenus tamen ea nõ aduersentur decreto Concilii Tridentini, primo quoquo tempore instituatur: & quæ iam antea instituta fuerunt, diligenter retineantur. Scholæ verò veteres apud Collegiatas & Parœchiales Ecclesias, vt præceptores idoneos, & subsidia ad vitam necessaria habeant, ii, ad quos pro locorum varietate pertinet, prouideant.

Academiæ Cracouiẽ stipendium soluent Episcopi. CAP: XXXV.

Schola verò Cracouiẽ, cùm cæterarũ Regni istius Scholarum sit mater & magistra, in omnesq; partes Regni doctrina atq; eruditio ipsius diffundatur, Reuerendiss: domini Archiepiscopus & Episcopi, rogatu totius Cleri, ad augendum Professoribus illius stipendium, deducendo in effectum id, quod iam antea in Synodo Petricouiẽ Anno Domini M. D. XLII. erat constitutum, vtrò susceperunt, ac etiam in alios non ad præsens solum, sed etiam in posterum omne tempus constituerunt: vt quotannis, pro festo S. Martini, initio sumpto à proximo illius festo, dent & conferant ændissimi domini Archiepiscopus Gnesnẽ, & Episcopus Cracouiẽ centenos aureos Hungaricos singuli. Cuiaviensis verò, Vilnẽ, Posnaniẽ, atq; Ploceẽ centenos florenos singuli, per triginta grossos computandos. Culmensis octoginta florenos, Premisliensis totidem, Luceoricensis & Chelmenensis singuli quadraginta florenos.

Vt autem isthac extraordinaria stipendiorum accessio iustè & cum fructu studiorum distribuatur, sacra Synodus Re-

C O N S T I T V: S Y N O D.

nerendis : domino Episcopo Cracouiensi, ad quem tanquam Cancellarium Vniuersitatis loci illius cura potissimum pertinet, adiunxit quatuor alios Reformatores, viros prudentes & graues, &ndos dominos, Stanislaum Krasinski Archidiaconum, Martinum Isdbinski de Rusiec Scholasticum, Cracouiensem. Cristinum Drozdovvski Archidiaconum, & Iacobum Gorski Canonicum Ploceensem, Iuris Canonici in eadem Schola professorem. Quorum munus erit, sapius ac diligentius Scholam ipsam visitare, Professorumque ingenia, eruditionem, diligentiam, & fructum in docendo attentius considerare, ac inter eos pro cuiusque merito atque dignitate eam ipsam pecuniam quotannis iuste distribuere: ignauis & inertibus, & qui paruum vel nullum docendo faciunt fructum, si qui tales reperti fuerint, ab ea penitus exclusis. Eisdem etiam Dominis Reformatoribus sacra Synodus dedit potestatem reformandi, & quantum fieri potest in meliorem statum redigendi, tam in docendo, lectionibusque atque earum ordine instituendo atque mutando, quam in vita atque moribus Scholarium ac Professorum corrigendis: præcipue vero prouidendo, ut in dicta Schola Sacrae scripturae lectio ad Catholicæ fidei defensionem & incrementum, sacræque doctrinae conseruationem & propagationem habeatur: illudque cauendo, ut nemo suæ prudentiæ innixus, in rebus fidei, & morum ad ædificationem doctrinae Christianæ pertinentium Sacram scripturam ad suos sensus contorquens, contra eum sensum quem tenuit & tenet sancta mater Ecclesia, cuius est iudicare de vero sensu & interpretatione scripturarum Sacrarum, aut etiam contra vniuersum consensum Patrum, ipsam S. scripturam interpretari audeat, etiam si huiusmodi interpretationes nullo vnquam tempore in lucem edendæ forent: Ac, qui contrauenerint, pœnis à iure statutis puniantur, quemadmodum & decretis Concilii Tridentini est sancitum.

DE DOCTORIBVS BVL-

latis, & ordinariè in Vniuersitatibus
promouendis.

PReterea ne promotiones in qualibet facultate cuiuspiam cõferantur, atq; munus publicè legendi & docendi concedatur, priusquàm professionem fidei ex præscripto Bullæ, sanctę memorię Pii iij. emittat. Cuius tenor sequitur & est talis.

BVLLA S. D. N. D. PII, DIVI-
NA PROVIDENTIA PAPAE QVAR-
ti, super ordinatione & promotione Doctorum, &
aliorum cuiuscunq; artis & facultatis profes-
sorum de cætero obseruanda.

PIVS Episcopus seruus seruorum **DEI**
ad perpetuam rei memoriã.

IN sacrosancta beati Petri Principis Apostolorum Cathedra, meritis licet imparibus, hisce procellosis militantis Ecclesię tempestatibus constitutos, plurimùm nos oportet esse sollicitos, vt Domini gregem curę nostrę commissum non solùm ab apertis rapacium luporum vndequaq; caulis obstrepentium insultibus, sed etiam à magis formidolosis pestiferarum vulpecularum domi latitantium insidiis, per prouidum Pastoralis officii ministerium, ipso Domino cooperante præseruemus, ac illis omnes nocendi occasiones, quantum cum Deo possumus, vbilibet auferamus. Cum itaq; iuxta notum sanctissimæ Vatis oraculum, timor Domini, sine quo vera Religio, & Catholicę fidei puritas nullibi reperitur, sapientię sit initium, & qui, vel in scientiis proficere, vel eas alios docere parat, supremum illum sapientię Parentem, benignumq; largitorem deuoto sanè fidei obsequio demereri,

CONSTITV: SYNOD.

veraq; sinceræ Religionis pietate sibi conciliare debeant. Idcirco hanc fidei puritatem scientiis, doctrinisq; quibuscumq; tum tradendis, tum addiscendis, tanquam necessariam basim, constituere: & ne simplicia nonnullorum adolescentium, res nouas audiendi cupidorum, ingenia in naufragos blandientium heresum scopulos imprudenter impingant, occurrere cupientes: motu proprio, & ex certa scientia nostra, ac de Apostolicæ potestatis plenitudine, quòd deinceps nullus Doctor, Magister, Regens, vel alius cuiuscumq; artis, & facultatis professor, siue Clericus, siue laicus, ac secularis, vel cuiusvis ordinis regularis sit, in quibuscumq; studiorum generalium Vniuersitatibus, aut Gymnasiis publicis, aut alibi ordinariam, vel extraordinariam lectoris Cathedram assequi, vel iam obtentam retinere, seu alias, Theologiam, Canonicam, vel ciuilem censuram, medicinam, Philosophiam, Grammaticam, vel alias liberales artes, in quibuscumq; Ciuitatibus, Terris, Oppidis, ac locis, etiam in Ecclesiis, Monasteriis, aut Conuentibus Regularium quorumcumq; publicè, vel priuatim quoquomodo profiteri, seu lectiones aliquas in facultatibus huiusmodi habere, vel exercere: neq; Doctores ipsi, aut Vniuersitatum, seu Gymnasiorum eorundem Rectores, Cancellarii, vel alii superiores, sed nec etiam Palatini, Comites, aut alii particulares facultatem eruditos viros ad eosdem gradus promouendi, etiam à nobis, & Apostolica sede, vel alias vndecumq; habentes, Scholares, tam laicos quàm Clericos, & cuiusvis ordinis regulares, vel alios quoscumq; quantalibet eruditione præditos, ad vllum gradum in eisdem facultatibus suscipiendum recipere, & admittere: Neq; Doctores, Magistri, & Scholares ad electionem alicuius in Rectorem, vel Cancellarium Vniuersitatis, aut Gymnasii procedere: Nec ipsi Scholares, vel alii quantumlibet docti, & alioqui habiles, gradus huiusmodi, vel eorum aliquem palam, vel priuatim recipere valeant, nisi Doctores videlicet, ac Regentes, Magistri, & alii

& alii professores iam ad Cathedras, & lecturas recepti, in Italia infra tres, extra verò illam infra sex menses à die publicationis præsentium computandos, reliqui verò ad Cathedras & alias lecturas ibidem in posterum assumendi ante illorum receptionem in Rectoris, vel aliorum superiorum: Eligendi autem in Rectores, vel Cancellarios ante illorum electionem, vel saltem admissionem in Ordinariiloci, vel eius in Spiritualibus Vicarii: Ac promouendi Scholares: & alii præfati ante illorum promotionem in eiusdem Ordinarii, seu eius Vicarii, aut Doctorum, aliorumque promouentium manibus, præuio etiam processu, vel debita informatione, quantum eis sufficere videbitur, super Religione, fideque Catholica, Rectorum, Cancellariorum, Doctorum, lectorum, & promouendorum eorundem per ipsos Locorum ordinarios, vel eorum Vicarios ritè facta præcedente, eandem Catholicam fidem verbis, iuxta formam infra scriptam tenorem, conceptis palam, & solemniter profiteri teneantur: Et desuper instrumentum publicum confici, ac de processu, seu informatione, & fidei professione in Priuilegio Doctoratus, vel alterius gradus huiusmodi specialis, ac de verbo ad verbum mentio, & relatio fieri debeat, auctoritate Apostolica tenore præsentium perpetuo statuimus, & ordinamus: Ac omnibus & singulis earundem Vniuersitatum, & Gymnasiorum Rectoribus, Doctoribus, & aliis superioribus, ac aliis facultatem doctorandi habentibus, cuiuscunque status, gradus, ordinis, conditionis, & præeminentiæ fuerint, etiam si Episcopali, Archiepiscopali, Patriarchali, vel maiori dignitate, etiam Cardinalatus honore, ac Ducali, vel alia etiam Regia, & Imperiali auctoritate præfulgeant, ne quem in Vniuersitatibus, Ciuitatibus, Oppidis, vel aliis locis sibi in Spiritualibus vel temporalibus subiectis, aliter Cathedras, aut alias lectiones retinere, consequi, vel ad gradus promoueri respectiuè patiantur, in virtute sanctæ obedientiæ, & sub interdicto ab ingressu Ecclesiæ,

quo ad antistites, quo verò ad inferiores, sub excommunicationis latæ sententiæ, necnon priuationis omnium & singulorum dignitatum, beneficiorum, officiorum, & feudorū Ecclesiasticorum per eos quomodolibet obtentorum, & inhabilitatis ad illa, & alia in posterum obtinenda, eo ipso per contrafacientes incurrendis pœnis, districtiùs inhibemus: Ac quasquę receptiones, promotiones, electiones, & admissiones absq; processu, certaꝝ de Religione, & fide Catholica notitia, ac dicta fidei professione sic, vt præfertur, præcedente pro tempore factas, nullas, inualidas, nulliusq; roboris, vel momenti esse, neq; cuiquam in iudicio, vel extra suffragari posse, sicq; per quoscunq; Iudices, & Commissarios quauis auctoritate fungentes, sublata eis & eorum cuilibet quauis aliter iudicandi & interpretandi facultate, & auctoritate iudicari, & diffiniri debere, ac quicquid secus à quoquam quauis auctoritate scienter, vel ignoranter attentari contigerit, irritum & inane decernimus. Non obstantibus constitutionibus, & ordinationibus Apostolicis, ac Vniuersitatum, & Gymnasiorum, ordinum, & locorum quorumcunq; etiam iuramento confirmatione Apostolica, vel quauis firmitate alia roboratis statutis, & consuetudinibus, Priuilegiis quoq; indultis, facultatibus, & literis Apostolicis eisdem Vniuersitatibus, & Gymnasiis, ac ordinibus & locis, eorūq; Rectoribus, Doctoribus, Superioribus, etiam in temporalibus Dominis, Comitibus, Palatinis, & aliis etiam regularibus personis præfatis sub quibuscunq; tenoribus, & formis, ac cum quibusuis etiam derogatoriis derogatoriis, aliisq; efficacioribus, etiam vim contractus inducentibus clausulis, irritantibusq; & aliis decretis in genere, vel in specie, etiam per nos, ac sedem præfatam, etiam motu, scientia, & potestatis plenitudine similibus, seu ad quorumuis, etiam Imperatorū, Regum, Rerumpublicarum, Ducum, & aliorum Principum instantiam, & aliàs quomodolibet concessis, ac etiam pluries

pluries approbatis, & innouatis. Quibus omnibus, etiam si pro illorum sufficienti derogatione de illis, eorumq; totius tenoribus, specialis, specifica, expressa, & indiuidua, non autem per clausulas generales idem importantes mentio, seu quauis alia expressio habenda, aut aliqua alia exquisita forma ad hoc seruanda foret, illorum veriores tenores, ac si de verbo ad verbum infererentur, presentibus pro sufficienter expressis, & insertis habentes, specialiter, & expresse motu simili derogamus, contrariis quibuscunq; Aut si aliquibus communitur, vel diuissim ab eadem sit fede indultum, quod interdici, suspendi, vel excommunicari non possint per literas Apostolicas non facientes plenam & expressam, ac de verbo ad verbum de indulto huiusmodi mentionem. Ne autem quispiam presentium ignorantiam prætendere, vel excusationem allegare possit: sed ipsæ ad omnium notitiam deducantur: Volumus, & mandamus, quod eadem præsentis in Basilicæ Principis Apostolorum de Vrbe, & Cancellariæ nostræ valuis, ac acie Campi Floræ per aliquem ex Cursoribus nostris affixæ, copia illarum ibi dimissa, omnes in Italia intra tres, extra verò illam existentes intra sex Menses proximos ab ea die affixionis computandos perinde arceant, ac si illis personaliter intimatæ fuissent. Forma autem dictæ professionis fidei hæc est.

Ego N. firma fide credo, & profiteor omnia, & singula quæ continetur in Symbolo fidei quo Sancta Romana Ecclesia utitur, videlicet. Credo in vnum Deum, patrem omnipotentem, factorem cœli, & terræ, visibilibus omnium, & inuisibilibus. Et in vnum Dominum Iesum Christum filium Dei vnigenitum. Et ex patre natum, ante omnia secula. Deum de Deo, lumen de lumine, Deum verū
de Deo

Professio
fidei.

de Deo vero. Genitum non factum, consubstanti-
 alem patri: per quem omnia facta sunt. Qui pro-
 pter nos homines, & propter nostram salutem de-
 scendit de cœlis. Et incarnatus est de Spiritu san-
 cto ex Maria virgine, & homo factus est. Crucifi-
 xus etiam pro nobis sub Pontio Pilato, passus & se-
 pulchus est. Et resurrexit tertia die secundum scri-
 pturas. Et ascendit in Cœlum, sedet ad dexteram
 Patris. Et iterum venturus est cum gloria iudicare
 viuos & mortuos, cuius regni non erit finis. Et in
 Spiritū sanctum Dñm, & viuificantē, qui ex Patre
 Filioq̃ procedit: qui cū Patre & Filio simul ado-
 ratur & conglorificatur: qui locutus est per Pro-
 phetas. Et vnam, Sanctam, Catholicam, & Apo-
 stolicam Ecclesiam. Confiteor vnum Baptisma in
 remissionem peccatorum. Et expecto resurrecti-
 onem mortuorum: & vitam venturi seculi, Amen.

Apostolicas & Ecclesiasticas traditiones, reli-
 quasq̃ eiusdem Ecclesiæ obseruationes & consti-
 tutiones firmissimè admitto, & amplector. Item,
 Sacram Scripturam, iuxta eum sensum, quem te-
 nuit & tenet sancta mater Ecclesia, cuius est iudi-
 care de vero sensu & interpretatione Sacrarū scri-
 pturarum, admitto: nec eam vnquam, nisi iuxta
 vnam consensus Patrum, accipiam & inter-
 pretabor. Profiteor quoq̃, septem esse verè &
 propriè

proprie Sacramenta nouę legis à Iesu Christo Domino nostro instituta, atq; ad salutem humani generis, licet non omnia singulis necessaria, scilicet: Baptismum, Confirmationem, Eucharistiam, Pœnitentiam, Extremam vnctionem, Ordinem, & Matrimonium: illaq; gratiam conferre. Et ex his Baptismum, Confirmationem, & Ordinem sine sacrilegio reiterari nō posse. Receptos quoq; & approbatos Ecclesię Catholicę ritus in supradictorum omnium Sacramentorum solenni administratione recipio, & admitto. Omnia & singula, quę de Peccato originali, & de Iustificatione in sancta Tridentina Synodo definita & declarata fuerunt, amplector, & recipio. Profiteor pariter in Missa offerri Deo verum, proprium, & propiciatorium sacrificium pro viuis & defunctis: atq; in sanctissimo Eucharistię sacramento esse verē, realiter & substantialiter corpus, & sanguinem, vnā cum anima & diuinitate Domini nostri Iesu Christi: fieriq; conuersionem totius substantię panis in corpus, & totius substantię vini in sanguinem: quā conuersionem Catholica Ecclesia transubstantiationem appellat. Fateor etiam sub altera tantum specie totum atq; integrum Christum, verumq; sacramentum sumi. Constanter teneo Purgatorium esse, animasq; ibi detentas fidelium suffragiis iuari.

ri. Similiter & Sanctos, vnà cum Christo regnātes, venerandos, atq; inuocandos esse: eosq; orationes Deo pro nobis offerre: atq; eorum Reliquias esse venerandas. Firmiter assero imagines Christi, ac Deiparæ semper virginis, necnon aliorum Sanctorum habendas, & retinendas esse: atq; eis debitum honorem, ac venerationem impartendam. Indulgentiarū etiam potestatem à Christo in Ecclesia relictā fuisse, illarumq; vsum Christiano populo maximè salutarē esse affirmo. Sanctam Catholicam, & Apostolicam Romanā Ecclesiam omnium Ecclesiarum matrem & magistrā agnosco. Romanoq; Pontifici beati Petri Apostolorum Principis successori, ac Iesu Christi Vicario, veram obedientiam spondeo, ac iuro. Cætera item omnia à sacris Canonibus, & Oecumenicis Conciliis, ac præcipuè à sacrosancta Tridēntina Synodo tradita, definita & declarata indubitanter recipio, atq; profiteor: simulq; contraria omnia, atq; hæreses quascunq; ab Ecclesia damnatas, & reiectas, & anathematizatas, ego pariter damno, reiicio, & anathematizo. Hanc veram Catholicam fidem, extra quam nemo saluus esse potest, quam in præsentī spontè profiteor, & veraciter teneo, eandem integram, & immaculatam vsq; ad extremum vitæ spiritum constātissimè Deo adiuuante retinere & confiteri, atq; à meis subditis,

seu illis, quorum cura ad me in munere meo spectabit, teneri, doceri, & prædicari, quantum in me erit, curaturū. Ego idem N. spondeo, voueo, ac iuro: sic me Deus adiuuet, & hæc S. Euangelia.

Nulli ergo omnino hominum liceat hanc paginam nostræ ordinationis, inhibitionis, derogationis, voluntatis, statuti, decreti, & mandati infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei, ac beatorum Petri & Pauli Apostolorum eius se noverit incursurum. Datum Romæ apud S. Petrum. Anno Incarnationis Dominicæ, Millesimo quingentesimo sexagesimo quarto, Idibus Nouembris. Pontificatus nostri anno quinto.

Fæd. Card. Cæsius.

Cæ: Glorierius.

H. Cumyn.

ANNO à Natiuitate Dñi, Millesimo quingentesimo sexagesimo quarto. Indictione septima: die verò quarta mensis Decembr. Pontific. S. S. in Christo patris, & Dñi N. D. Pii Diuina prouidentia Papæ quarti, Anno quinto. Retroscriptæ literæ Apostolicæ affixæ & publicatæ fuerunt ad valuas Basilicæ Principis Apostolorum de Vrbe, ad valuas Cancell. Apostol. & in acie Campi Floræ, dimissis in præfatis locis præsentium retroscriptarum literarū copiis affixis, vt est moris, per nos Iulium Parinum, & Bernardinum Andreutium, prælibati S. D. N. Papæ Cursores.

Ant. Clerici, Magister Curforū.

IN illo tempore. Extollens vocem quædam mulier de turba, dixit ad Iesum: Beatus venter, qui te portauit & vbera quæ suxisti. At ille dixit: Quinimò: Beati qui audiunt verbum DEI & custodiunt illud.

Luc: xij

Aaa ij

Iudices

Iudices, ad cognoscendas causas Commis-
sariales Sedis Apostolicæ per Diœce-
ses deputati. CAP: XXXVI.

SAcra Synodus Prouincialis decretum sacrosancti Con-
cilii Tridentini, de deputandis & afsignandis in singulis
Diœcesibus Iudicibus, quibus postea præter Lociordarios
debent causæ à sancta sede Apostolica, vel eius Legatis, vel
Nunciis committi, in exequutionem deducendo, personas
infra scriptas in huiusmodi Iudices deputauit, & afsignauit.
Primo in Diœcesi Gnesnensibus ac venerabiles dominos,
Clementem Rudnicki Custodem, Ioannem Kokalevski, Io-
annem Rembielinski, Ioannem Sikorski, Iuris vtriusq; Do-
ctores, Ioannem Piotrovski, Canonicos Gnesnensium: Thomam
à Drobnin Canonicum & Officialem Ecclesiæ Collegiatæ
Louiciei. In Diœcesi Cracouiensi: Stanislaum Krasinski
Archidiaconum, Martinum Isdbinski de Rusiec Scholasti-
cum, Sigismundum de Stezicza, Iuris vtriusq; Doctores, &
Albertum Pruskovski Archidiaconum Zauichosteni, in Ec-
clesia Cracouiensi. In Wladislauensi, Matthiam Wielicki,
Decanum, Iosephum Konarzewski Archidiaconum, Iuris
vtriusq; Doctores: Sebastianum Koskovski, & Lucam ab
Vniciov Canonicos Wladislauenses. In Diœcesi Posna-
nensi Ioannem Povodovski Præpositum, Ioannem Pio-
trovski Iuris vtriusq; Doctorem, Custodem, Iacobum Brze-
znicki, & Michælem Slavvinski, Canonicos Posnaniensium. In
Diœcesi Ploceensi: Paulum Glogovski Decanum: Stanisla-
um Slonski Theologiæ Doctorem, Paulum Makolin Abba-
tem Vicariumq; in Spiritualibus ac Officialem generalem,
necnon Nicolaum Konarski, Canonicos Plocenses.

In Epi-

In Episcopatu VVladislauiē alienatores bonorū
Ecclesiæ ad eadem recuperanda, ad contribu-
tionemq̃ pro Seminario soluendam com-
pellendi. CAP: XXXVII.

Reuerendissimus D. Episcopus VVladislauiensis, ex de-
creto sacrosancti Concilii Tridentini, & præsentis Sy-
nodi, contra Venerabilem Georgium ab Eden Præpositum
Zukouieñ, cui terminus comparendi autoritate Synodi
VVladislauiē proximè præteritæ in hac Synodo Prouinci-
ali ea causa præfixus erat, quòd villam Conuentus sui N.
quatuor millibus florenorum vendiderit, & alienauerit, tan-
quam Legatus Apostolicus procedere debet. Similiter con-
tra Abbates Oliuensem, Peplinensem, Coronouensem, ac
Præpositum Zarnonensem, qui ad Seminarium Anno Do-
mini M. D. LXVIII. in Synodo VVladislauiensi per Re-
uerendiss: Dominum Episcopum institutum, vigore obliga-
tionis suæ, nihil contulerunt.

Nuncii ad S. Sedem Apostolicam, & S. Ma-
iestatem Regiam mittendi.

Nuncii ex hac Synodo designati, ad sanctiss. D. N. Gre-
gorium PP. xij. & D. Iacobus Brzeznickei Cano-
nicus Pofnaniensis. Ad Sereniss: verò Principem & Do-
minum. D. Stephanum Dei gratia Regem Poloniae, &c. Re-
uerendi domini, Ioannes Demetrius Solikovsky Scholasti-
cus VVladislauiē & Lancicieñ, & Hieronymus Povodov-
ski Canonicus Pofnaniensis.

Constitutiones Synodales quando
publicandæ.

Decretum est communi consensu totius Synodi, ne Con-
stitutiones præsentis publicentur, priusquam sanctissi-

CONSTITVT: SYNOD.

mæ Sedis Apostolicæ literis specialibus fuerint emendatæ ,
correctæ , & confirmatæ.

Breue Apostolicum Constitutiones Pro-
vinciales confirmans.

IACOBVS VCHANSKI DEI ET APO-
stolicæ sedis gratia Archiepiscopus Gnesnē , Legatus
natus & Regni Polonię Primas. Reuerendiss. in Christo Pa-
tribus Dominis Leopoliē Archiepiscopo , aliisq; Episcopis
Prouinciæ nostræ , fratribus in Christo charissimis. Necnō
vniuersis & singulis, quibus interest, intererit, aut in futurum
quomodolibet interesse poterit, Salutem in Domino.

Literas confirmationis suprascriptarum Constitutionum
Synodi Prouincialis nostræ nuper celebratæ, mandatiq; san-
ctissimi in Christo Patris Domini nostri, Domini Gregorii
Diuina prouidentia Papæ Tredecimi in pargameno sub for-
ma Breuis scriptas, & Sigillo sub annulo piscatoris more Ro-
Cu. obsignatas, sanas, saluas, integras, non viciatas, nec in
aliqua parte suspectas noueritis nos cum ea, qua decuit, reue-
uerentia receperisse, huiusmodi verborum sub tenore.

Venerabili fratri Iacobo Archiepiscopo Gnesnē. Grego-
rius PP. XIII. Venerabilis frater Salutem & Apostolicā
benedictionem. Ex literis fraternitatis tuæ communi cæ-
terorum Episcoporum Clericorumq; omniū nomine conscri-
ptis atq; ex Actis Synodi isthic confectæ apertissimē cogno-
uimus, quanta cum laude, & status Ecclesiastici dignitate, ac
Dei gloria, versati sitis in re grauissima, atq; à nobis bonisq;
omnibus optatissima, in quo etiam certō scimus fuisse tuam
operam præstantissimam. Legimus igitur, diligentissimeq;
considerauimus eius Synodi Acta & Decreta, eaq; etiā à ve-
nerabilibus fratribus nostris Cardinalibus sacri Concilii Tri-
dentini interpretibus considerari voluimus: Fuerunt reperta
omnia sapienter pieq; constituta, & tūm Clero tūm Regno
vniuerso

vniuerso conducibilia ac salutaria. Ea igitur remittimus paucis aliquot tùm mutatis, tùm, vt aptissimè conuenire videbatur appositis. Hortamur igitur, atq; Apostolica auctoritate, quàm à Dei benignitate accepimus, iubemus, vt eius Synodi decreta omnia quàm diligentissimè atq; inuiolatè seruentur. Illud etiam eadem auctoritate prohibemus, ne quis Episcoporum Clericorumuè vtatur Scriba, Consiliario, Secretario, aut alio Officiali hæretico. Docent enim sancti Patres, Hæreticorum hominum non modò conuictum & consuetudinem, sed etiam sermonem vitandum esse: neq; decere illos nimis honorificis verbis appellare: tam exitiosam verò pestem, tamq; Catholicis omnibus insensam nutrire atq; in honore habere, peruersissimum atq; ab omni ratione alienissimum est. Faciet igitur Fraternitas tua, vt hoc nostrum mandatum ad cæteros quoq; fratres Episcopos, quorum cōmuni nomine literas ad nos dedisti, perueniat: quibus autem non poteris has nostras literas coram legere, ad eos exemplū mittes, hortaberisq; vt Clericos suos moneant, nostręq; huius voluntatis certiores faciant. Nihil enim est, quod tā cupiamus, quàm Dei gloriam, atq; animarum salutem, vtriq; rei insidiari nunquam desistunt Hæretici. Cætera ex Nuncio nostro cognosces, eiq; fidem tribues. Datum Romæ apud sanctum Petrum sub annulo piscatoris, Die xxix. Decemb. M. D. LXXVII. Pontificatus nostri anno sexto. Ant. Buccapadulius.

Quæ omnia & singula præmissa vobis Reuerendis. Dominis, cæterisq; suprascripis significamus, intimamus, & ad notitiam deducimus. Hortantes easdem, vt omnia & singula tam in prædictis Constitutionibus Synodi, quàm etiam literis Apostolicis contenta & descripta, per Diœceses vestras publicari, & ab omnibus Clericis obseruari curent. Et vt huiusmodi literis Apostolicis fides adhibeatur, ad notitiāmq; omnium & singulorum perueniant, exemplum illarum fideliter de verbo

C O N S T I T V : S Y N O D.

de verbo ad verbum descriptum, manu nostra propria subscriptum & Sigillo communitum, ad calcem huiusmodi Synodi Prouincialis Constitutionum adscribere & apponere iussimus & mandauimus. Datum in Arce nostra Louiciensi, Die decimanona Mensis Februarii. Anno Domini, Millesimo Quingentesimo Septuagesimo octauo. Indictione sexta. Pontificatus prælibati sanctissimi Domini nostri Papæ Anno sexto. Præsentibus ibidem Reuerendis ac venerabilibus Dominis Sebastiano Magnuszewski Archidiacono, Ioanne Piotrovski Custode Louiciensi: Francisco Lipski Archidiacono Lanciciensi, Ioanne Sikorski, Ioanne Rembielinski I. V. Doctoribus, & Felice Rembielinski, Gnesnensibus, Stanislao Grochowski Vnieiouiensi, Ioanne Makowski Lanciciensi, Ecclesiarum Canonicis, testibus.

Idem Iacobus Vchanski

Archiepiscopus qui supra fzt.

Locus Sigilli.

Statuta Prouincialia debitæ exequutioni demandanda. In quarta Synodo Petricouieni.

Quoniam frustra est sententias ferre, & Statuta condere, nisi debitæ exequutioni demandentur: Idcirco omnibus Locordinariis, aliisque Iudicibus Prouinciæ Gnesnensis, districtè præcipimus, vt omnia & singula Statuta Prouincialia, noua & vetera, in hoc volumine Statutorum contenta, tam sub felici præsentia æmi Domini Ioannis de Lasko moderni, quàm aliorum antecessorum & successorum suorum edita, maturè debitèq; exequutioni demandare procurent: ne ridiculum sit ea statuere, quorum nullus fructus exitusue futurus esset.

Finis Libri Quinti.

REDVCTIO LITERARVM ET CONSTITVTIONVM

ſœl: rec: Pii PP. V. pro Mendicantibus, &
aliis regularibus, contra Locorum or-
dinarios, ad terminos Iuris com-
munis & Decretorum Con-
cilii Tridentini.

GREGORIVS EPISCOPVS, Seruus
ſeruorum Dei: Ad perpetuam rei memoriam.

IN tanta rerum & negociorum mole, qua Romanus Pontifex, ex omnibus mundi partibus aliſiduè premittur, vix euitari poteſt, ne aliqua interdum exiliant, quibus poſtea recognitis, neceſſe eſt moderationis remedium adhibere. Cum itaq; alias ſœl: recor: Pius Papa v. prædeceſſor noſter, auditis grauaminibus, quæ fratribus ordinum Mendicantium, ab Ordinariis locorum, & Parochialium Eccleſiarum Reſtoribus, multis inferri dicebantur, ſuper ſacris Canonibus, & leſtionibus habendis, confeſſionibus audiendis, pœnitentiis iungendis, fratribus ad ordines promouendis, celebratione Miſſarum, cura animarum, Sacramentorum miniſtratione, ſepulturis, quarta funeralium, legatis, donationibus, eleęmoſynis, collectionibus, aliſq; huiusmodi iuribus, necnon Decimis, & diuerſis oneribus, ac etiam ſuper ſtatu & regimine Sac. ſtimenialium, iſtis fratribus ſubieſtarum, formatione proceſſuum, cenſurarum publicatione, proceſſionibus, præcedentiâ, locorum acquisitione, cæteriſq; aliis rebus tunc expreſſis, multa per quaſdam ſuas literas, pro diſtis fratribus, non modo ſtatuerit, ſed & quæ iam Concilio Tridentino De-

REDVCTIO

ereta fuerant, ad hæc pertinencia declarauerit, multaq; præterea Priuilegia eisdem xvii. Cal. Iunij, Pontificatus sui anno secundo: & deinde ea omnia diuersis aliis ordinibus, & congregationibus regularium non Mendicantium, etiam per modum cōmunicationis concesserit. Postea per quandam suam constitutionem de Vicariis perpetuis in Parochialibus Ecclesiis, unitis per Ordinarios locorum instituendis, & portione illarum Vicariis assignanda, editam, alia super constitutione fratrum eorundem, ad exercitum curæ animarum, in eis Parochialibus Ecclesiis, quæ domibus & locis suis unita sunt, decreuerit. Demum animaduerso, quòd ea omnia multis dubitationibus inuoluta, magnisq; difficultatibus obstructa, multas magnasq; dissensiones, altercationes, & lites, inter prædictos Locorum ordinarios, & fratrum ipsorum ordines, non sine graui diuini cultus, & animarum detrimento, ac populorum scandalo concitauerant, contra ac ipse sperabat, & præter suam expectationem, vt qui interdum conquereretur, multa aliter alioq; sensu, à se prolata fuisse, quàm literis expressa essent. Cupiens his mederi incommodis, primùm illa omnia, quæ regularibus aliorum ordinum, quàm Mendicantium communicauerat, & secundum præmissa concesserat, motu proprio restrinxerit. Deinde plenius prouidere volens prioribus literis, à se, quod ad ipsos Mendicantes, magna in parte moderatis, omnes & quascunq; alias literas, quæ de aliis ordinibus, & congregationibus, extra Mendicantium ordines, de obseruantia nuncupatos, emanauerant, omnino aboluerit, causas omnes iam de his etiam in Romana Curia pendens, ad se aduocari, lites extinguendo, ac formatos super illis processus, latasq; sententias annullando, quemadmodum aliis suis literis in Registro proximè compertis, nunquam tamen publicatis, plenius
contine-

continetur. Postremò circa confessoriorum regularium, etiam Mendicantium approbationem, iuxta Concilii prædicti decretum faciendam, etiam lectores in Theologia graduatos, & certos alios tunc expressos comprehendi debere declarauerit. Nos hac tanta varietate cognita, quæ etiam ex multiplici literarum & constitutionum editione procedit, præsentibus & futuris discriminibus occurrere volentes, de nobis attributæ potestatis plenitudine statuimus & ordinamus, de prædictis & aliis omnibus literis & constitutionibus, quæ ab eodem prædecesore eisdem de rebus, pro quoruncunq; Regularium, etiam Mendicantium ordinibus, & congregationibus, quomodolibet emanarunt, ac omnibus, & quibuscunq; in eis contentis, eam deinceps dispositionem, atq; decisionem, pro subiecta materia futuram esse, quæ siue ex iure veteri, siue ex sacris dicti Concilii decretis, siue aliàs legitimè, ante dictarum literarum, & constitutionum editionem, erat, ac si ipsæ non emanassent, futura fuisset: ad quam dispositionem & decisionem, suūq; pristinum & integrum statum ac terminum, illa omnia reducimus. Quinetiam tollimus, & abrogamus omnia irritantia, & alia decreta, necnon prohibitiones, declarationes, mandata, & quæcunq; alia ipsis literis & constitutionibus apposita, & aliàs eorum occasione, vel causa facta, his nostris, statuto, ordinationi, & reductioni aduersantia, quibuscunq; illa sint concepta formulis, ac præseruationibus, declarationibus modificantibus, restitutionibus, mentis attestationibus, derogatoriis derogatoriis, aliisq; fortissimis, efficacissimis, & inuiolabilibus clausulis, etiam motu & potestatis plenitudine similibus, & ex certa scientia, etiam pro conseruatione status regularis, & ex quibuscunq; aliis vrgentissimis causis, quotiescunq; roborata. Decernentes illa omnia pro nullis, & infectis haberi, om-

REDVCTIO

nesq; supradictos illarum vsu, commodo & effectu carere, ac omnes lites & controuersias, quæ coram quibusuis Iudicibus, siue Ordinariis, siue Commissariis, etiam causarum Palatii Apostolici auditoribus, & S. R. Ecclesiæ Cardinalibus, etiam de Latere legatis, prædictarum literarum & constitutionum occasione super præmissis iam motæ sunt, necdum decisæ aut finitæ, vel etiam quæ iam decisæ sunt, si modo tractum habeant successuum, easq; rursus, & inter quoscunq; excitari in posterum contingat, secundum prædictam dispositionem, nec aliter decidendas. Futura verò dubia, & difficultates, quandocunq; & vbiq; orientur, ad nos & Sedem Apostolicam, vbi & cætera, quæ ad decreta dicti Concilii pertinent, quotidie declarantur, omnino referenda esse, necnon irritum & inane, quicquid secus super his, per quoscunq; scienter, vel ignoranter cõtingerit attentari. Mandamus itaq; in virtute sanctæ obedientiæ, præsentibus ab omnibus vbiq; Episcopis, & Locorum ordinariis: necnon Ecclesiarum Prælatibus, Rectoribus, fratribusq; prædictis, ac cæteris ad quos pertinet, semper inuiolata obseruari, non obstantibus præmissis, ac constitutionibus, & ordinationibus Apostolicis: necnon Ecclesiarum, Monasteriorum, Conuentuum, domorum, locorum, & ordinum quorumcunq; iuramento, confirmatione Apostolica, vel quauis firmitate alia roboratis, statutis & consuetudinibus, Priuilegiisq; indultis & literis Apostolicis, etiam Mare magnum, & Bulla aurea nuncupatis, dictis Ecclesiis, ordinibus, & congregationibus, quomodolibet concessis, & confirmatis. Quibus omnibus etiam si de illis, eorumq; totis tenoribus, specialis, expressa, indiuidua, & ad verbum, non autem per clausulas generales idem importantes, mentio, seu quæuis alia expressio habenda, aut aliqua alia exquisita forma ad hoc seruanda foret, tenores huiusmodi,

huiusmodi, ac si de verbo ad verbum infererentur præsentibus, pro sufficienter expressis habentes, illis alias in suo robore permansuris, hac vice dūtaxat specialiter & expresse derogamus: cæterisq; contrariis quibuscunq;. Vt autem præsentibus omnibus plenius innotescant, volumus eorum exempla fieri, & etiam imprimi, illisq; Notarii publici manu, & Curie Ecclesiasticæ, vel Prælati, aut personæ in dignitate Ecclesiastica constitutæ, sigillo obsignatis, eandem illam prorsus fidem in iudicio & extra illud ubiq; locorum adhiberi, quæ adhiberetur eisdem præsentibus, si essent exhibitæ vel ostensæ. Nulli ergo omnino hominum liceat hanc paginam nostræ ordinationis, statuti, reductionis, ablationis, abrogationis, decreti, mandati, derogationis, & voluntatis infringere, vel ei ausu temerario contraire. Si quis autem hoc attentare præsumperit, indignationem omnipotentis Dei, ac beatorum Petri & Pauli Apostolorum eius, se noverit incursum. Datum Romæ apud sanctum Petrum. Anno Incarnationis Dominicæ, M. D. LXX secundo. Cal. Martii. Pontificatus nostri anno primo.

Cæ: Glorierius.

L I T E R Æ N V N C I I A P O S T O L I -
ci ad Abbates & Præpositos ordinis Ci-
sterciensis, in eadem Congregati-
one productæ.

IOannes Andreas Calligarius, Sanctissimi in Christo patris, & Domini nostri, Domini Gregorii, diuina providentia PP. xiii. in vtraq; signatura Referendarius, ac Prælatus domesticus, eiusq;, ac S. Sedis Apostolicæ ad
Bbb ij Serenissi-

LITERAE NVNCII

Serenissimum Principem Stephanum Regem Poloniae :
 omniaq; alia dominia , & loca eidem Regi quomodolibet
 subiecta, cum potestate Legati de Latere Nuncius : Vni-
 uersis & singulis Abbatibus & Præpositis ordinis Cisterci-
 ensis, in Regno Poloniae vbilibet existentibus : Salutem in
 Domino , cum indubitata notitia subscriptorum. Noueritis quod præfatus Sanctissimus in Christo pater, & Do-
 minus noster, Dominus Gregorius, Diuina prouidentia
 PP. xiii. in discessu nostro à Romana Curia ad hoc no-
 bilissimum Poloniae Regnum, inter cætera expressè man-
 dauit, vt literas suas in forma Breuis, vobis omnibus, &
 cuilibet vestrum directas, personaliter intimaremus & præ-
 sentaremus, seu præsentari, & intimari faceremus, huius-
 modi sub tenore. GREGORIUS PP. XIII. Dilecti filii :
 Salutem & Apostolicam benedictionem. Quod vos pro
 vestro officio, proq; ea cura & diligentia, qua debet vnus-
 quisq; vestrum versari in munere sibi à Domino Iesu Chri-
 sto commisso, conari atq; efficere debetis, vt Ecclesiastica,
 & regularis disciplina, iis in locis, in quibus incorrupta est,
 retineatur : Vbi verò deprauata aut collapsa, restituatur.
 Hoc nobis quidem vt faciatis monere, vobis verò omni
 studio curare atq; agere, est pernecessarium. Nostis enim
 quantopere hoc studium pertineat ad Dei gloriam, atq;
 animarum salutem, hoc est ad eum finem, quem vnum o-
 portet esse omnibus Catholicis Pastoribus propositum.
 Hortamur igitur, vt in hanc causam toto pectore incum-
 batis. Qua etiam de re vobiscū ager nostris verbis dilectus
 filius Ioannes Andreas Calligarius, vtriusq; nostræ signa-
 turæ Referendarius, vir in multis, grauissimisq; negociis,
 prudentia, integritate, pietate spectatissimus, quem feci-
 mus in isto Regno nostrum, & Apostolicæ Sedis Nunci-
 um ordinarium: Ei omnibus in rebus fidem tribuatis.

Datum

Datum Romæ apud S. Petrum, sub annulo Piscatoris,
 die ix. Aprilis. 1578 Pontificatus nostri anno sexto.
 Nos igitur volentes mandata Apostolica, quantum in no-
 bis est, studiosè exequi, præfatas literas, in forma Brevis,
 de verbo ad verbum fideliter, per Notarium nostrum in-
 frascriptum exemplatas, vobis omnibus, & cuilibet ve-
 strum, præsentium tenore intimamus, & notificamus: ro-
 gantes vos, & quemlibet vestrum per viscera misericor-
 diæ Domini nostri Iesu Christi, quatenus velit, & quili-
 bet vestrum, eas diligenter & attentè legere, & postquàm
 perlectæ fuerint, sedulò ad executionem deducere. Ita
 enim fiet, vt & officii vestri memores, & mandatorum A-
 postolicorum inprimis obedientes, omnipotentis Dei gra-
 tiam promerceamini, ad salutem animarum, & ad sanctæ
 Ecclesiæ Catholicæ decus, & honorem. Valete. Craco-
 viæ die xxx. Mensis Augusti. Anno ab Incarnatione
 Domini nostri Iesu Christi, Millesimo, quingente-
 simo, septuagesimo octauo. Prælibati San-
 ctissimi D. N. PP. Pontificatus,
 anno septimo.

Io : Andreas Calligarius Referenda-
 rius & Nuncius Apostolicus sive.



INDEX

INDEX OMNIUM IN Constitutionibus Synodalibus con- tentorum locupletissimus.

A

	Seculares eligi non debent, nec à Locordinario benedici, nisi Re- gulares & Professi	13. 14. 50.
	Ad Synodos Prouinciales venire debent, si non per se, saltem per Nuncios	20.
	Exempti, in Synodis possunt vti mitris aurifrigiatis.	20.
	Non exempti, planis duntaxat mitris & albis vtantur	20.
	In Gymnasijs Monachos aptos ad studia foueant	25.
	Aur in studijs foueant Scholares, aut ad seminaria pecuniam con- ferant	55. 88.
Abbatcs.	Cæteriq; Prælati, infra terminum vnus anni, omnia bona alienata recuperent, sub pœna depositionis	69.
	Et quicunq; tandem alij, nullas venditiones, donationes, concessio- nes, locationes, permutationes, emphitheoses, sine consensu Lo- ciordinarij, attentare præsumant	69.
	Et Prælati religiosi, fratres ordinis sui in studijs foueant, Cracouie præsertim	88.
	Et Præpositi Capellas Monasteriorum diligenter curent	50.
	Sua Monasteria reforment	137.
	Præmoniti, ad Synodum leui de causa non venientes, quomodo pu- niendi	144.
	Abbatia vel Præpositura vacante, Episcopus de medio Capituli aliquem mittat, qui electioni interfuit	89.
	Abrogatio Statuti, de solis Nobilibus in Abbates eligendis	13.
	Abbas Trzemesnensis, superior loco Abbate Mogilnensi in Synodis	37.
	Adulteria irremissibiliter punienda	131.
	Agendorum Liber, cum exhortationibus Polonicis diligenter edatur	35.
	Agendorum Liber nuper edicus, in omnibus Ecclesijs habeatur	172.
	Alienatio bonorum Ecclesiasticorum seuerè prohibetur	65. 91.
	Annus gratiæ	73.
	Appellatio in causis criminatibus Clericis à sententia lata appellatibus suffraga- ri non debet, quinimo appellatione non obstante puniantur	48.
	Appellatio in causis Matrimonij, iuxta commune ius obseruari debet	45.
	Appellatio	

I N D E X.

Appellatio quomodo ad Iudicem deferri debeat	93.
Apostata ad Ecclesias regendas, vel earum vicarias nullatenus admittantur	131.
Aquam, pasqua, & id genus alia Spiritualibus prohibentes, ipso facto excommunicantur	104.
Abutium per fratres religiosos induci solitorum correctio	145.

Causas per appellationem ad se deuolutas delegare potest, subditis Suffraganeorum suorum	2.
Et Episcopi, ad Archidiaconatu vacante proponere debent Capitulo duos qualificados, ex quibus eligat digniorem	10.
Contra Episcopos negligentes, ex officio iure mediante procedat, & eorum defectus suppleat	15. 19.
In corrigendis Episcopis negligens, per Capitula maiori Sedi Apostolicæ deferatur	15.
Teneatur Synodū Prouincialem infra trienniu conuocare	20.
Viciniores Cœpiscopos, & Capitula de loco Synodi Prouincialis celebrandæ consulat	21.
Synodum Prouincialem celebraturus, Episcopos & Capitula auiser, & simul causas Synodi celebrandæ explicet	21.
Fungatur officio legationis natæ	22.
Causas extra Diocesim non committat, excepto periculo, quod sibi imminere probauerit actor	22.
Et Episcopi inquisitores hæreticæ prauitatis instituant	23.
Et Episcopi Regiæ Maiestati in suis Diocesibus existenti de Concionatore optimo provideant	24.
Absentes à Synodo non corrigens, Iudicio Synodi Prouincialis subiaceat	32.

Archiepiscopus	
Negligens, nolens subiaccere iudicio Synodi Prouincialis, ad Sedem Apostolicam deferatur.	32.
Et Episcopi in suis bonis hospitalitatem exerceant, maxime verò erga Capitularcs suos	33.
Et Episcopi Procuratores causarum, pro defensione pauperum, in Curijs suis seruent	33.
Et Episcopi officio suo intendant, vltæq; integritati alijs præluceant	34.
Et Episcopi, luxum & fastum fugiant	34.
Et Episcopi, Prælati & Canonicis Ecclesiarum suarū debitum honorē deferant, & eos vt fratres suo fauore prosequantur	48.
Et Episcopi in Abbatibus & Præpositis electis confirmandis, non se difficiles præbent	58.

I N D E X.

	Et Episcopi ad ferendum defensionis subsidium nomine Cleri, non consentiant, donec Priuilegia Ecclesiastica, in exequutionem restituantur	94.
	Et Episcopi Vniuersitatē Cracouiensem reformare debēt	110.
Archiepiscopus	Et Episcopi pecuniariam summam Academiae Cracouiensi, per Synodum decretam, quotannis numerent	111.
	Episcopiq; Archidiaconis, vices suas, quo ad correctionem, morum non committant	144.
	Et Episcopi contra insordescentes vltra annum quomodo procedent	156.
	Archiepiscopi negligentis Synodū Prouincialem pœna, & per quem exigēda	20.
	Archiepiscopi non modò iuas Dioeceses, verumctiam Prouinciales visitent	21.
	Archiepiscopi & Episcopi curias suas honestè instituant, Prædicatores, Confessores, & Iurisperitos foucant	
	Archiepiscopo liberum est, ex quacunq; Dioecesi trahere ad se partes reas	22.
	Archiepiscoporum & Episcoporum familia qualis esse debeat	34.
	Quales esse debcant	10.
	Assumi non debent, nisi per electionem	10.
	Residere tenentur, alioqui per subtractionem fructuum puniendi	11.
Archidiaconi	Per triennium visitent Parochos	15.
	Visitantes, nihil extorqueant	15.
	Penes Ecclesias resident, & eas per se visitent	16.
	Legitimè electi, non tamen promoti, infra sex Menses promoueri curent, sub priuatione	19.
	Nominatio, & electio, carere debet omni collusionē	19.
	Archidiaconatus vigore gratiarum, expectatiuarum, & alia quauis authoritate, nulli conferri possunt	11.
	Archidiacono Clericos examinanti, qui sunt adiungendi	17.
	Archidiaconalis visitationis modus	18.
	Archidiaconatus, sine electione legitima adepti infra sex Menses resignari cogantur.	19.
	Archidiaconatus, qualificatis personis conferantur	58.
	Arendationes bonorum Ecclesiasticorum prohibita	30. 70.
	Articuli Ioannis Vicleff, & Ioannis Hus, anathematizantur	96.

B.

Baccalauri, in minoribus Ciuitatibus præficiantur Scholæ	110.
Banna seu denunciations ante Matrimonia obseruentur	56.
Baptismi	

I N D E X.

Baptismi requisita	100.
Beneficia Ecclesiastica, non conferantur ijs, qui ad minus biennium in Gimnasio aliquo vniuersali non studuerint.	58.
Beneficia qualibus conferenda	55.
Beneficia noua non erigantur, super censibus redemptionis in bonis ad bellicam expeditionem obligatis	91.
Bibliothecæ visitentur, & Libri venales reuideantur	26.
Bona Monasteriorum, & alia Ecclesiastica, nobilitas grauare, & angariare non debet	105.
Cœnz Domini sæpius promulganda	173.
Cœnz Domini	174.
Apostolica super electione Archidiaconorum	11.
Apostolica Legationis Natæ	22.
Apostolica de non recipiendis plebeis ad Cathedrales Ecclesias ultra numerum quatuor	58.
Bulla Apostolica de Nouatibus	61.
Exequutorialis super Nouatibus	83.
Apostolica, contra errores Martini Lutheri & sequacium	17.
Prouincialis in Concilio Lateranensi obrenta, à Synodo Prouinciali recepta	138.
Super ordinatione & promotione Doctorum, & aliorum cuiuscunque artis & facultatis professorum	162.

C.

Canonici absentes ad electiones Prælatorum, alienationes, seu obligationes bonorum, & quauis ardua negotia sunt vocandi	3.
Canonicatus qualificatis personis assignari, nullis alijs personis conferri possunt	12
Canonici steriles & ociosi, ad officium compellendi	33.
Canonici Regulares quomodo se gerere debeant	86. 87.
Campanatores & Sanctuarum in Ecclesijs superpilicari incedant	51.
Capitula Ecclesiarum Cathedralium ad Synodum Prouincialem vocentur	21.
Capitula quales recipere debeant	30.
Capitula suos Episcopos officij diligenter admonere debent	36.
Capitula semel in triennio bona Episcopalia visitent	37. 69.
Capitula, in Collegiatis Ecclesijs saltem in anno semel celebrentur	55.
Capitanei arcium Episcopaliū iurare teneantur Capitulis	46.
Commissarii & Visitatores Monasteria sumptibus non grauent	50.
Censuras Ecclesiasticas tolerantes quomodo ad solutionem cogendi.	137.
Collectorum circa exigendas Contributiones informatio	55.

C c c . n

Concessio.

I N D E X.

Conceſſiones etiam Apoſtolice, beneficiorum Scholæ Gracouiſi aſſignatorum, nemini ſuffragantur, niſi conſenſu medicatis Doctorum accedente	12.
Concionatores circa Eccleſias Ordinarij ſeruent	24.
Concionatores, quos libros neceſſario legere debeant	24. 32.
Confefſarij qualitas, locus, & diſcretio	145.
Confefſor idoneus eligendus, ſed in caſibus Epiſcopi non poteſt diſpenſare	148.
Confirmatio.	
{ Statuti de iucundo ingreſſu	12.
{ De mercede Notariorum pro Inuſtituris	12.
{ De Oeconomo per Epiſcopos eligendo	13.
Conſuetudines bonæ & rationabiles ab omnibus obſeruentur	1.
Cuſuetudo madidandi homines in feſto Paſchatis penitus abroganda	2.
De cenſibus & exactionibus	91.
Cauſe & actiones ad forum Spirituale ſpectantes	42.
Cauſe mixti fori	43.
De Confefſione fidei facienda	128. 165. 184.
Confefſionem fidei, vide	165 184.
Conſuetudines, quæ grauamen Eccleſiæ inducunt, inualide	2.
Conſuetudo iurandi contra publicâ veritatem reprobatur & penitus aboletur	2.
Conſpiraciones in negotijs Eccleſiaſticis facientes excommunicantur	3.
Conſpiraciones, & conſiuraciones illicitæ inter perſonas Eccleſiaſticas exortæ, per priuationem beneficij puniuntur	45.
Contra Colones ſeu Cmetones, yltra annum cenſuras Eccleſiaſticas ſuſtinentes, quomodo procedendum	137.
Chriſtiani cum Iudeis nullum commercium habeant, neq; cum eis conuinari præſumant	113. & ſequentiâ.
Cenſus redemptionis liciti modus & leges	70.
Concubinis & filijs ſuis Sacerdotes nil legare poſſunt	71.
Claueſtra Monialium, quomodo cuſtodiri debeant	50.
Clericus extra ſuam Diœceſim peregrinari non præſumat, abſq; ſcèntia Diœceſani	17.
Clericus peregrinans, in locum ſuum, alium Sacerdotem ſufficiat	ibidem.
Clericus excommunicatus non miniſtret	136.
Clericus, alterius Decimam rapiens, quomodo puniendus	144.
Clericus ſine legitima cauſa ſe abſtrens, à curato beneficio ipſo facto priuetur	18
{ Apti & diligenter examinari ad Sacerdotium promoueantur	17.
{ Plura beneficia curata occupare non permittantur, exceptis hijs, cum quibus eſt diſpenſatum	25.
Clerici.	
{ Per Procuratores ſuas cauſas agere poſſunt	38.
{ In Iudicijs ſecularibus non procurent niſi in cauſis ſuis & Eccleſiaſticarum ſuarum, miſerabiliumq; ac conſanguineorum iuorum	38. Taber.

I N D E X.

Tabernæ frequentantes pœna arbitraria per Ordinariũ puniatur	49.
Meras ordinis sui excedentes & incorrinentes, ab Ordinarijs puniatur	53.
Decimare recusantes, vt pro voto valorem Decimæ extorqueant, puniantur	79.
Quo cultu & habitu vti, & quo abstinere debeant	51.
Nouiter ordinati ad nouas Missas non mendicent, & in conuiujs primitiarum non plus vna die se occupent	98.
Aliarum Diœcesium, sine literis commendatitijs ministrare non permittantur	99.
Clerici Et Monachi non se immisceant secularibus negocijs, neq; negotiationes exerceant	107.
Tam seculares, quàm regulares vltra annum Ecclesiasticas Censuras sustinentes deponantur	136.
Habitu suo abutentes, quomodo puniendi	144.
Contentiosi, potatores, percussores, sacrilegi, concubinarij, adulteri pro modo culpæ puniantur	144.
Iniurijs affecti ad Iudices tam seculares, quàm Spirituales pro consequenda iustitia adibunt	158.
Cum subditis Ecclesiarum, non à factoribus, vel Capitaneis Ordinariorum, sed à Vicarijs in Spiritualibus iudicentur	41.
Consultationes in conuentionibus generalibus diebus festis fieri non debent	24.
Clerus Priuilegia libertatum suarum non temerè demonstret	107.
Crapula & ebrietas vitanda	169. 51.
Cridæ ante institutionem præmittantur	56.
Christianus homo sanctorum Patrum regulis & statutis vitam suam regat	157.
Contributionis soluendæ & ab absentibus exigendæ modus	93.
Contributio sine consensu Capituli & Cleri non instituenda	94.

D.

Decani ruralis officium	36.
Decimarum raptores ipso facto excommunicantur	77.
Decimas manipulares Clerici in pecuniariam pensionem non permutent	78.
Decimarum solutio, ex molendinis, mineris & fodinis, secundum veterem consuetudinem pendatur	80.
Decimæ à dominis fundi, ante festiui Sancti Iacobi emantur	80.
Decretum Concilij Constantiensis de communione sub vna specie	96.
Denarius S. Petri, quomodo exigendus	91.
Diaconi infra annum, ad Presbyteratus gradum promoueri debent	98.
Differentiæ nobilium de locis prioribus in Ecclesijs, in foro Ecclesiastico decidentur	91.
C c c in Dispensa-	

I N D E X.

Dispensationes moderandæ	149.
Dispensatores circa Ecclesias duo eligendi, qui singulis annis rationem faciãt	68.
Doctores in Cathedralibus Ecclesiis instituti, in suis professionibus legant, si vero negligentes fuerint, ab Ordinarijs puniantur	113.
Dominus Coloni sui profugi agrum excolens, Decimas & prouentus Ecclesiasticos de more pendat	79.

E.

Ecclesiæ	Desolatæ visitentur	35.
	Vacanti, ex certis causis Oeconomus detur	45.
	Prophanatæ sepulturis Hæreticorum, quomodo reconcilientur	75.
Ecclesia	Exstructæ, qualiter dos assignanda	102.
	Polluta, Cimiterium etiam polluitur	95.
	Quibus excessibus polluitur	96.
	Aedificari nõ potest, nisi prius lapis primarius per Epum ponatur	102.
Ecclesiarum & Cimiteriorum violatio		106.
Ecclesiarum violatoribus qualibuscunq; Episcopi non parcant		106.
Ecclesijs vacanribus, quor modis prouidetur		3.
Electio Episcopi quomodo fiat per Scrutinium		4.
Electio Episcopi per Compromissum qualis esse debeat		7.
Edictum Sigismundi Regis contra Hæreticos		126.
Ecclesiastica bona hæresi infectis non committantur		129.
Edictum Sigismundi Augusti Regis in negotio religionis		130.
Electio per inspirationem		9.
Electoris liberum arbitrium conseruandum		10.
Electiõem quoquo modo impediẽtes, aut se intrudẽtes, excommunicantur		
ipso facto		10.
Electores, contra Canones electionem celebrantes, quomodo puniendi		10.
Electus ante Confirmationem in administrationem bonorum se intromittens		
ius quæsitum amittit		10.
Emptor rei prædatæ tenetur ad restitutionem		69.
Episcopus.	Quilibet Officialem suum habeat	19.
	Vnus semper in Curia Regis maneat	30.
	Varmienfis & Culmenfis ad Synodum venire sint obstricti	27.
Episcopi	Cum illegitimis in quibus dispensare possint	17.
	Negligentiã in consueuendo Officiali Metropolitanus supplebit	19.
	Diebus solennioribus Missas celebrent, verbum Dei prædicent, populum benedicant	21.
	Carceres pro corrigendis excessiuis circa Ecclesias Cathedralas habeant	21.
	A scriptis reformationem incipere debent & quomodo	24. 53.

	Per se visitent suas Dioceses, & Curias suas refovent	25.
	Circa Ecclesias suas resideant	27.
	Synodis intersint	27.
	Quomodo se gerere debeant	30. 49.
	Castra & Curias, & quaecunque ædificia collapsa restaurent	27.
	Sacerdotum oppressorum causas sumptu suo agere debent	27.
	Hæreticos in Curijs suis non ferant, nec libros hæreticorū legant	28.
	Disputationes de fide, cum secularibus, ad mensas suas fieri non permittant	28.
Epi-	Quomodo se circa mensam gerere debeant	28.
scopi	Servitores honestos habeant, & eos ad Sacramentum in templis terga vertere prohibeant	28.
	Theologos foucant	28.
	Religiosi à Rochetis abstineant	29.
	Et Prælati, tam per se, quam per factores suos, subditos Ecclesiasticos grauare non debent	29.
	Decimas in bonis suis quibus competunt liberas esse mandent	29.
	In Comitibus contra libertatem Ecclesiasticam nihil statui permittant, altoqui dilationem ad sua Capitula petant	29.
	Studiosos literarum suis sumptibus alant, qui postea in vinca Domini laborent	29.
	In singulis Collegiatis Ecclesijs duas Præbendas & Canonicatus, vnam pro Theologo, alteram p Jurisperito, perpetuis temporibus assignent	29.
	Parochialibus Ecclesijs desolatis provideant	30.
	Domibus suis irreprehensibiliter prælint	30.
	Hæreticorum consuetudinem fugiant	30.
	Sæpe Ecclesias suas Cathedrales, & Collegiatas visitent	Ibidem. 35.
	Mutua opera, & communi consilio hæreses extirpare studeant	Ibidem.
	Non arendent Ecclesiastica bona	Ibidem.
Epi-	Circa vsum professionum suarum quomodo sese gerere debeant	31.
scopi	Prouentus Ecclesiarum, quoad fieri poterit, recuperent, & ex manibus Hæreticorum vindicent	34.
	Plebem suis templis spoliata, vicinioribus Parochijs Catholicis commendent	Ibidem.
	Ecclesiarum prophanatarum prouentus diligenter conscriptos in Ecclesijs Cathedralibus conscruent	Ibidem.
	Sacerdotes spoliatos suis prouentibus ad se recipiant	35.
	In vita & moribus Clerum refovent	35.
	Clericos non residentes ad residentiam compellant	35.
	Duas Præbendas & Canonicatus in Collegiatis Ecclesijs, vnam pro Cōcionatore, alteram pro Pœnitentiario perpetuo designent	35.

I N D E X.

	Lithuaniz & Russiz possunt per Nuncios in Synodis Prouinciatis	
	negocia Ecclesiastica peragere	35.
	Ex religiosis creati, habitum ordinis sui deferant	49.
	Deprouata consuetudine bibendi, pro salute alicuius, vitare debent	15. 169.
	Seculares, mensis suis in publico assideant	54.
	Sine consensu Capituli, etiam ad pias causas bona Ecclesie alienare non possunt	69.
Epi-	Pro defuncto Episcopo, semel iusta obeant	75.
scopi	Lithuanici diligenter apud Regem curent, ut quamplures Ecclesie Parochiales in Lithuania extrui possint	76.
	Decimas soluant sub pena tripli	80.
	Debita onera, circa sumptus Ecclesiarum expleant	103.
	In suborta alicui illorum difficultate mutua sibi operam prestent	104.
	Suas iurisdictiones locare non debent	120.
	Episcoporum negligentia, circa Synodos Diocesanas, pena, & per que exigenda	20.
	Episcoporum Curie, virtutum domicilia haberi debent	34.
	Episcopis iniurie itate a Principibus, quomodo expiande.	147.
	Excommunicantur omnes, statuta aliqua in derogationem Ecclesiasticorum libertatum promulgantes	105.
	Excommunicati infordefcentes, confiscatione puniantur	150.
	Excommunicati, & alijs censuris innodati, non nisi citata parte absoluedi	151.
	De sententia excommunicationis, Vide	149.
	Excommunicati, ab omni consuetudine deuiandi	155.
	Excommunicationes leui de causa non sunt faciende	157.
	Excommunicati in Iudicijs locum non habeant, neq; ad testimonia admittantur	157.

F.

	Fabricam Ecclesie Episcopus cum Capitulo soluat semper	102.
	Falsarii Clerici & laici quomodo puniendi	136.
	Falsitatis Clericorum, quomodo obuiandum	Ibidem.
	Ferculorum modus Clericis prescribitur	52.
	Festorum celebrium enumeratio	44.
	Forma literarum contra nobiles infordefcentes	151.
	Fora annalia vel nundine diebus Festis prohibentur	44. 106.
	Forum competens	40.
	Fides non subiacet rationi	1.
	Fratrum mendicantium, ut sit certus numerus, Episcopus Diocesis curet	137.
	Fratres Conuenticuales monendi per Episcopum, ut in suis Ecclesijs habeant Prædicatores	

I N D E X.

Prædicatores & Penitentiarios viros doctos, quos Locofordinario singulis annis præsentent	149.
Fructus & proventus non residentis Archidiaconi, in distributionem residentium conuertatur	12.
Funus Spiritualium quomodo fit obeundum	74.
Funera Ordinariorum intra quindecim dies sepeliantur	75.

G.

Guardiani & Priores, Prædicatores & Confessores suos, Locofordinario singulis annis præsentent	58.
--	-----

H.

Habitus religiosorum qualis	86.
Hæretici omnes, & fautores, receptoresq; eorum, excommunicantur	116.
Homiliarum liber, cum Cathechismo, lingua Iolonica diligenter edatur	35.
Horæ Canonice in Cathedralibus & Collegiatis Ecclesiis per Vicarios decantentur	98.
Horas Canonicas quislibet beneficium habens orare tenetur	100.
Hospitalia diligenter provideantur	33.

I.

Ieiunia & Vigiliæ non violentur	102.
Illegitimus dispensatus à Papa ad curatum beneficium, duo simul beneficia non potest obtinere	17.
Immunitas Ecclesiarum, circa malefactores deprehenfos, non violetur	104.
Impressores nihil ònino imprimere audeât priusq; à Locofordinariis reuideat	36.
Indulgentiæ assignatæ his, q; circa Missâ Synodi puincialis deuoti interfuerint	21.
Indulgentiæ concessæ iis, qui venerabile Sacramentum, quum ad infirmos deferretur, secuti fuerint	21.
Indulgentiarum concedendarum modus	145.
Infantes expositi, in Xenodochium deferri debent	76.
Inhibitiones Metris Regiæ in causis Spûalib. ad Officiales valere nō debent	41.
Instituendorum ad curata beneficia requisita	16.
Institui ad beneficium nemo potest, nisi prius suo superiori obedientiam & reuerentiam iuret	57.
Institui nemo debet, nisi confessione fidei facta	57.
Institui ad Præbendas & Canonicatus quales debent	58.
Inquisitores duo iurati, visitationū Archidiaconaliū, p Ep̃m designandi	18.
Interdictum Ecclesiasticū soli Locofordinarii fulminare debent	157.
Interstarorum bona, Ordinarii ad pia opera conuertant	74.
Incolæ Regni filios contra edictum publicum in Germaniam ad Vniuersitates hæresi infectas non mittant	112.
Cum Iudeis nullum commercium habendum	D d d 113.

I N D E X.

Judei circum panni rubei pro signo ante pectus gerant	114.
Judei inter Christianos permixti non habitent	<i>Ibidem.</i>
Vnicam tantum habeant Sinagogam	114.
Judeis Christiani non seruiant	115.
Judices Ecclesiastici in causarum decisionibus quid sequi debeant	2.
Judices Seculares ad sua iudicia Clericos, & homines in bonis Ecclesie degentes, non euocent	40. & sequent.
Iudicia Ecclesiastica securitate provideantur	27.
Iuramentum ab Ordinario in receptione ad Ecclesiam quomodo præstandum	45.
Iuramenta Sacerdotibus vitanda	45.
De Iureiurando	45.
Iuramentum etiam iudicialiter delatum Clericus in manibus Iudicis Secularis non præstet	47.
De Iurepatronatus	90.
Iurepatronatus amittit, qui spoliat Ecclesiam & domum Prebati	90.

L

Laici de fide disputare non debent	1.
Leges condere salutare, ridiculum est, si non exequantur	2.
Liber harum Constitutionum in omnibus Ecclesiis Cathedralibus & Collegiatis in Choro habendus	1.
Libri {	
Cuiuslibet Parocho necessario habendi	24.
Heresicos suspecti in Scholis non legantur	111.
Hæretici inuehi, vendi, multi etiam magis legi prohibentur	25.
Limitum differentias inter Ecclesiasticas personas Ordinarii component	43.
Litigantes in foro Spiritualis, à sui iuris prosecutione nemo impediat	104.
Lociordinarii super Abbates animaduerrant diligenter	14.
Lociordinarii in exequendis statutis Prouincialibus negligentes, per Capitula Archiepiscopo deferantur	15.
Lociordinariorum negligentia per Capitula quomodo suppleri debeat	15.
In suis Dioccesibus Bibliothecas visitent, saltem semel in anno	26.
Viros doctos seruent	28.
Quales Cancellarios habere debeant	28. 34.
Ad mensam lectiones sacras audiant	34.
Lociordinarii {	
Circa menas, cantilenas prophanas decantari non permittant	34.
Circa suas Ecclesias resideant	35.
Clerum ab iniurijs & oppressionibus defendant	36.
Hospitalia procurent, hisq; de bonis Ecclesiasticis largi possideant	37.
Prælati & Canonici Ecclesiarum suarum debitum honorem exhibeant, nec asperis verbis eos afficiant	37.
Loca Synodis Prouincialibus celebrandis designata	25.

M.

Magistri in maioribus Ciuitatibus Scholis præficiantur	110. 112.
--	-----------

I N D E X.

Mandatum Regis ad Capirancos de auxilio ferendo Lociordinariis in persequendis libris Hæreticorum	16.
De Sacramento Matrimonij Decretū Cōcilij Tridentini, vide	158. & sequenti.
Medicorum corporis officium	145.
Missalia ex agrorum cultura solui debent	78.
Missas plures vna die, excepta solennitate natalis Domini, Sacerdoti celebrare non licet	97.
Missas in loco ventoso seu periculoso, vel inhonesto, celebrare non licet	97.
Missas frequenter celebrare omnes Presbyteri & Sacerdotes sunt adstricti	98.
Missæ duæ simul canari non possunt in eodem templo	97.
Missæ in altari summo Ecclesiæ Cathedralis, non nisi à Canonico celebretur	98.
Missæ legi debet ut ah astantibus audiat	99.
Monachus non nisi dudum professus in Abbatem assumatur	81.
Monachi nihil accipiant infcio superiore eiusdem Monasterij	86.
{ Nouitij adulri post annum professionem facere recusantes, Monasterio pellantur	86.
{ Et Moniales nihil proprij habeant	86.
{ Septa Monasterij nō egrediātur, sine pmissione sui superioris	87.
{ Parochialibus Ecclesiis præesse non possunt	87.
Monachi { Apostatas inuentos puniant	86.
{ Non se immisceant in administrationem Pichanorum	88.
{ Et religiosi certis horis se in lectionibus sacris exerceant	89.
{ Non mendicantes vagi, ad celebrationem non admittantur	59.
{ Non se immisceant secularibus negotijs	107.
Moniales nihil accipiant infcia Abbatissa	86.
Monialium claustra nullus ingredi audeat	50.
Moniales in suis Monasterijs se conrincant	50.
Moniales claustra sua habeant clausa: reformationem verò ad minus semel in anno habeant	137.
Monasteriorum Priuilegia Ordinarij reuideant, & eorum intermissum resum restitui curent	89.
Munera ab examinandis, etiam vltro offerentibus, non accipienda sub qua pœna.	

N.

Negotiationes Sacerdotibus omnino interdicitur	107.
Notarij publici { Creationis suæ testimonia Lociordinario, vel eius Officiali ostendere debent	47.
{ Salaria non exigant vltra taxam debitam	47.
Notarij Suffragancorū, quantum à literis Ordinariorū accipere debeant	95. 08.
Notariis Curiarum à literis institutionum præscribitur salarium	108.
Notarij exactiones iniustas extorquentes pœna dupli pœniantur	Ibidem.
Notariorum excessus Episcopus puniat	Ibidem.
Nundinæ & fora annalia, diebus festis non celebrentur	44 106. Ddd ij

I N D E X.

O.

Obligaciones secularium personarum, in Actis Ecclesiasticis factæ, firmæ & legitime sunt	41.
Officialis sigillum Curie Domini sui habeat, pro citationibus, & alijs actis	19.
Onera Ecclesiis non sunt imponenda sub excommunicatione	104.
Ordinandorum requisiti	16.
Ordinandi prius confiteri debent confessori ad hoc deputato, qui etiam casus reseruatos habebit potestatem dispensandi	16.
Statuta Prouincialia, & ipsi obseruent, & ab alijs obseruari faciant	2.
Deputent viros doctos, ad examinandos eos qui sunt ordinandi	16.
In ipso initio ordinationis excommunicationem proferant, contra futuræ ad ordines accedentes	16.
Instituendos ad curata beneficia examinent	Ibidem.
Ordinarij Doctos Concionatores in suis Ecclesijs habeant, idemq; per Parochos fieri curent	25.
Canonicos per subtractionem prouentuum ad ordines compellant	33.
Contributionem, extra Synodum Prouincialem generalem, non nisi cum consensu Capitulorum instituant	94.
Quoties necessitate urgente contributionem in Clerum statuunt prius ipsi pendant.	94.
Ordinari nemo potest, nisi habeat literas dimissoriales & sufficiens sue conuersionis testimonium	16.
Ordinari non debent, qui apud Hæreticos studuerunt	17.
Ordinarij Prælatorum vel Canonicum exorbitantem Capitulo deferat	48.
Officiales foranei, in locis suis personaliter residant	40.

P.

Paſta de ſepulturis faciendis, Clericis prohibentur	74.
De Parochijs	76.
Vicarijs suis, eam quam ipsi habent facultatem absoluedi consentientes concedere possunt	19.
Quos libros sibi necessario comparare debeant	24.
Parochi In seruijs Principum occupati ad minus per duas septimanas per se residant	56.
Et omnes curata possidentes ad residendum ab Ordinarijs compellantur	56.
Parochiales Ecclesie in Lithuania constituendæ	76.
Parochus non nisi suis Parochianis Sacramenta administret	76.
Pædagia & reſonia à personis Ecclesiasticis, ratione earum rerum, quas in vias suos comparauerunt, exigentes excommunicantur	104.
Pædagogi Nobilium & Ciuium per Archidiaconos examinentur de libris suspectis hæreticos	111.

I N D E X.

Pœna ad Synodum non venientium	51.
Permutationes bonorum Ecclesiæ, sine consensu Capituli non debent fieri	71.
Patroni Ecclesiarum	<div style="display: flex; align-items: center;"> <div style="font-size: 3em; margin-right: 10px;">{</div> <div> <p>Post decessum Ecclesiæ rectorū bona Ecclesiastica diripientes, & iure præsentandi iuipendantur 50.</p> <p>Tam Spirituales quàm seculares, non nisi idoneos, Ecclesiis suis præficiant 50.</p> </div> </div>
De Pignoribus, vide	71.
Plebani in anno bis Scholas reuideant	111.
Podvodæ in villis Ecclesiarum, quibus & quando conceduntur	106.
Præbendæ & Canonicatus idoneis conferendi	58.
Prædicatores verbi Dei, non nisi per Locordinarium missi prædicent	31.
Prædicatores diligenter examinandi, priusquàm ad prædicationē mittantur	31.
Pœnitentiarij per Episcopos instituendi	147.
De remittendis ad Pœnitentiarjos	Ibidem.
	<div style="display: flex; align-items: center;"> <div style="font-size: 3em; margin-right: 10px;">{</div> <div> <p>Horas Canonicas non orantes puniendi 25.</p> <p>Ordinarijs suis debitum honorem & reuerentiam exhibeant 48.</p> <p>Cuiuslibet status & conditionis ad mensas suas, sacras lectiones audiant 52.</p> </div> </div>
Prælati & Canonici	<div style="display: flex; align-items: center;"> <div style="font-size: 3em; margin-right: 10px;">{</div> <div> <p>Ecclesiarum Cathedralium barbas nutriendas, ab ingressu Capituli & perceptione refectionum arceantur 57.</p> <p>Ecclesiarum Collegiarum Prouinciæ Gnesnens, ad minus semel in anno Capitula celebrent 56.</p> <p>Se iniuria tã verbo, quàm facto afficientes quomodo puniendi 142.</p> <p>Pro anima suorum Locordinariorum, & confratrum, certas Missas celebrare debent 74.</p> </div> </div>
Presbyteri	<div style="display: flex; align-items: center;"> <div style="font-size: 3em; margin-right: 10px;">{</div> <div> <p>A suscepto ordine infra sex Menses vt sacrum Missæ officium peragant 98.</p> <p>Vagi & peregrini ad celebrationē Missæ non admittantur 99.</p> </div> </div>
Presbyter nullus ad sacrificandum vel prædicandum admittatur, sine licentia Prælati illius Ecclesiæ	100.
Prouerbs vniuscuiusque beneficii diligenter descripti circa suā Ecclesiam asseruentur	68.
Pascua bonorum Ecclesiæ inter Clericos sint communia	133.
De Priuilegijs & priuilegiatorum excessibus	137.
Priuilegium Ducis Masouie in fauorem Episcopatus Poseniensis, de libera locatione & perceptione Decimarum	83.

R.

Rationale Diuinorum, & alios libros necessarios Sacerdotes habeant	59.
Rapens bona alicuius defuncti beneficiati, ipso facto excommunicatur	67.
Raptoribus proscriptis & profugis Clerici non fauant	132.
Raptores & inuasores bonorum Ecclesiæ excommunicantur	Ibidem.
Raptus seu vis coniuicta in bonis Ecclesiasticis ad iudicium Ecclesiasticum pertinet	133.

I N D E X.

Raptus seu Vis illata subdito Ecclesiastico extra bona Ecclesiastica, ad forum se- culare pertineat	Ibidem.
Raptus fornicarum seuerè puniatur	137.
Reformatio Academiæ Cracouiens. Archiepiscopo, Episcopo Cracouiens. & Prae- misiis committitur	110.
{ Cuiuscunq. nationis homines idoneos ad professionem regulæ su- scipere debent	86.
Religiosi { Ad Pontificalem dignitatem assumpti habitû suû propriû deserant	49.
{ Minus decenti vestitu vrentes, ab Ordinarijs puniantur	86.
{ Priuilegiati, fines suorum Priuilegiorum ne excedant	137.
Religiosis { Tempora designata, quibus à carnibus abstinere debeant	87.
{ Quamdiu Parochialibus Ecclesijs deseruire liceat	90.
Resignatio beneficii sine auctoritate superioris non valet	14.
Resignatio qualis esse debet	Ibidem.
Remedia contra Hæreticos	116.
Ritus & vestes Ecclesiasticæ non debent à quoquam in scenis & ludis in contu- meliam repræsentari	52.
Rochera quid significant	28.
Rochera Episcopi deserant	28. 54.

S.

{ Incarnationis & Trinitatis mysteriû populo diligenter explicent	1.
{ Suspensi ab officijs, ministrantes, quomodo puniendi	136.
{ Ante Quædragessimam plebem ad penitentiam exhortentur	145.
{ In confessionibus caus Episcopales ad Episcopos relegent	147.
{ In dubijs Episcopum vel eius vicesgerentem consulant, & sic peni- tentem absoluant	Ibidem.
Sacer- { Officia secularia non exerceant, &c.	49 & sequentia.
otes { Exceptis Prælati, &c. annulos non deserant	50.
{ Suis superioribus debitum honorem exhibeant	37.
{ Missas sonora & eleuata voce legant, nec faciem sacco in quo calix asseruatur, abstergant	59.
{ Conferentes Sacramenta, à populo nihil exigant	109.
{ In Ecclesia quomodo se gerere debeant, &c.	50.
{ Confessionem recitans, in Monasterium detrusus, perpetuis tem- poribus penitentiam agat	145.
Sacerdos { In obscuris locis confessionem non audiat	Ibidem.
{ Propter incontinentiam suspensus, si præsumpserit celebrare Diui- na, deponatur, & beneficijs priuetur	49.
Sacerdotum nullus audeat duas Missas vna die celebrare	57.
Sacerdoti circa confessionem obseruanda	145.
Sacramenta in templis diligenter & honorifice seruentur	101.
	Salaria

I N D E X.

Salaria Vicarijs à Rectoribus Ecclesiæ, x antiqua consuetudine pendantur	94.	
Seculares personæ in Abbatis titulo coadiutoris non permittantur intrudi	89.	
Secularis si à conuentu libere electus fuerit, ante omnia professionem in manibus Ordinarij faciat, suscepto regulari habitu & tonsura	Ibidem.	
Seminaria Ordinarij instituant	113.	
De sepulturis	74.	
Sepulturis Episcoporum certus dierum numerus præscriptus	75.	
Sepelire aliquem in aliena Parochia sine legitima causa non licet	74.	
Scholares apud Hæreticos studia prosequentes, beneficijs priucentur	27.	
Scholarium ac studiosorum, maxime verò Academia Cracouiensis, Regijs Maieſtati, summa est habenda ratio	112.	
Scholares vagi ex Ciuitatibus, & Oppidis propellendi	116.	
Securitas Cirationum conseruetur	59.	
Sede vacante, quomodo Capitula circa administrationem bonorum se gerere debeant	61.	
Sculptorum pluralitate bona Ecclesiæ desertantur	70.	
Sculptus villæ sit vnicus	70.	
Sculpti in solutione Decimarum, villanis æquales sint	78.	
Silentium in claustris obseruandum	86.	
Simonia grauiter punienda	108. & sequenſ.	
Sorilegi excommunicantur	136.	
Statuta	{ Quæ mandantur nuncianda, populo sæpius publicentur	8.
	{ Sinodalia, tam noua, quàm vetera, per Dominum Aloisium Lippomanum auctoritate Sedis Apostolicæ in Synodo Louiciën approbata in publicum edantur	32.
	{ Conciliorum contra vsurarios	134.
	{ Omnia Prouinciália debere executioni demandari	188.
Stationes in bonis Spiritualium protubentur	104.	
Studiosi quo habitu vri debeant	53.	
Subdiaconi infra annum Diaconatus gradum suscipiant	95.	
Suffraganei	{ Ab ordinatione nihil accipiant	95.
	{ A Rocheris abstineant, sub pena centum marcarum	54.
	{ Aedes & vasa sacra gratis coniecicare debent	109.
Suffraganeis à suis Episcopis honestè provideatur	{ Lapidem primarium in ædificatione Ecclesiæ ponere non debent sine licentia sui Diocesani	102.
	{ Ecclesiastica, in singulis annis diligenter reuideatur	109.
Supellex	{ Ecclesiastica nemini priuato ad obligandum concedatur	Ibidem.
	{ Domestica non debet in Ecclesijs asseruari	101.
Supplicio ultimo damnatis, Sacramentum penitentiae non denegandum	145.	
Superni-		

I N D E X.

Superflua Clericis prohibentur	50.
Synodus inchoari debet, cum decantatione Missæ solennis	20.
T.	
Trixa Processuum iuris Consistorij Spiritualis	92.
Tempora Synodis celebrandis deputata	21.
Testamenta Ordinariorum valent in relictis prouentibus, secundum tempora obitus	64.
Testamenta & vltimæ voluntates	71. & sequenti.
V.	
Vigilantia Pastoris, grex conseruatur	25.
Vestitus indecens Clericis prohibetur	49. 51. 53.
Vfuræ prohibentur	71. 134. & sequenti.
Vsurarij per confessores ad restitutionem compellantur	134.
Vsurarij peccatam vfuræ defendentes, Heretici reputantur	134.
Verborum significatio attendenda	157.
Vestes & vasa sacra mundissimè seruentur	101.
Vicarij Vladislauici, à solutione Contributionum sint immunes & liberi	95.
Visitationes Diocesium semel in anno fiant	34.
Vigilia Sancti Matthiæ Apostoli, etiam diebus Carnispruij seclunetur	102.
Vitrici { Singulis annis per Plebanum & patronum Ecclesiæ eligantur	103.
{ Singulis annis rationem facere tenentur	103.
Vitricorum officium	102. 103.

F I N I S I N D I C I S.

Sit nomen Domini benedictum in secula. Amen.





